

T. MACCI PLAVTI
COMOEDIAE.

EX RECOGNITIONE
ALFREDI FLECKEISENI.

TOMVS I.
AMPHITRVONEM CAPTIVOS MILITEM GLORIOSVM
RVDENTEM TRINVMVM COMPLECTENS.

PRAEMISSA EST
EPISTVLA CRITICA AD FRIDERICVM RITSCHELIVM.



LIPSIAE
SVMPTRIBVS ET TYPIS B. G. TEVBNERI.

MDCCCLVI.

157 ÷ 9

T. MACCI PLAVTI
C O M O E D I A E.


EX RECOGNITIONE
ALFREDI FLECKEISENI.

TOMVS I.
AMPHITRVONEM CAPTIVOS MILITEM GLORIOSVM
RVDENTEM TRINVMVM COMPLECTENS.

PRAEMISSA EST
EPISTVLA CRITICA AD FRIDERICVM RITSCHELIVM.



L I P S I A E
SVMP TIBVS ET TYPIS B. G. TEVBNERI.
MDCCCLVI.



ALFREDVS FLECKEISENVS FRIDERICO RITSCHLIO S. Quod **TIBI** potissimum, vir summe idemque animo meo carissime, hanc comoediarum Plautinarum recognitionem sive ex parte recensio-
 dicere mavis inscripsi neminem puto fore qui miretur, quoniam diu inter eruditos constat **TE** opera **TVA** iam per plus tria lustra Plauto emendando atque inlustrando impensa hunc poetam ita quasi **TVVM TIBI** vindicasse ut quidquid a sanioris quidem doctrinae rationibus profectum ad instauranda poetae verba excogitatum sit ad **TE** potissimum auctorem referendum iure videatur. illud contra cum quibusdam aliis tum **TIBI** mirum videri possit quod ego, dum **TV** Plautum **TVVM** pridem enixissime hominum doctorum votis ceffitatum nuper in lucem edere coepisti et in absolvendo isto ingenii **TVI** ac nominis sempiterno monumento naviter elaboras, eiusdem poetae fabulas ad artis normam correctas in publicum emitte re institui. itaque ne temeritatis a prudentibus vel inhonestae lucri cupiditatis a malevolis arguar, nar-
 randum mihi esse intellego qui factum sit ut hanc ego editionem nunc parare animum inducerem. detulit enim librarius honestissimus ultro mihi munus recognoscendi Plautinas comoedias quas in bibliotheca sua scriptorum Graecorum et Latinorum desiderari nefas esset: dubius primo haerebam nec dubitationes meas dissimulabam: sed cum edoctus essem viri honestissimi firmum ac stabile consilium esse ut hae comoediae in illa quam dixi bibliotheca foras emitterentur antequam **TVA** recensio ad finem esset perducta, quo in negotio nisi ego operam pollicerer alteri cuilibet homini docto eandem conditionem oblatum iri, tum omnibus remotis scrupulis et mihi et huic poetae debere visus sum ut provinciam illam ne recusarem: pro sua enim cuique parte acriter enitendum esse arbitrabar ut exempla harum fabularum eaque parvo parabilia in communem usum venirent quae ita essent comparata ut homines literarum Latinarum amantes tandem aliquando falsissimam illam sed plurimorum etiam mentibus insitam de infinitis licentiis metricis ac prosodiacis quibus numeri Plautini repleti essent opinionem abicere et summam eorum elegantiam perspicere atque admirari possent. ratio autem qua munere suscepto in hoc quidem primo tomo (quem ut secundus paucorum mensium intervallo excipiat curabo) perfungi studui necessario diversa fuit in eis fabulis quarum **TVAS** in manibus habebam recensioni, quae sunt Miles gloriosus et Trinummus, atque in eis in quibus meo periculo res erat gerenda, quae sunt tres relicae. atque in illis quidem me tantum non in omnibus rebus a **TVO**

exemplari pendere ipse non mirabere, cum bene scias eas rationes emendationis Plautinae quas **TV** in Prolegomenis Trinummi eximia arte exposuisti adeo mihi probatas esse ut exceptis singulis quibusdam locis plane **TIBI** adsentiar. hos autem locos de quibus mihi aliter sentiendum videtur uberius aut tractavi aut propediem tractabo partim in censura Plauti **TVI** quam me Anna-libus philologicis a **REINH. KLOTZIO** et **RVD. DIETSCHIO** editis inserturum esse promisi, partim in Analectis Plautinis quorum aliquot nova capita in **FRID. GVIL.** nostri **SCHNEIDEWINI** Philologo brevi ut spero tempore foras dabo: ex quibus locis qui omnino pauci sunt si mihi fortasse contigerit ut de uno et altero **TIBI** meam qualemcumque sententiam persuadeam vehementer laetabor. praeterea autem in Trinummo recognoscenda non mediocriter adiutus sum eis quae post **TVAM** operam **THEOD. BERGKIVS** et **FRANC. V. FRITZSCHIVS** in commentationibus quas indicibus scholarum Marburgensium et Rostochiensium proximi semestris hiberni praemisissent, ille etiam in Diurnis antiquariis a se et **IVL. CAESARE** editis anni **MDCCCXXXVIII** p. 1124 sqq. de multis versibus eius fabulae praeclare disputarunt.

Longe igitur alia ratione mihi in expoliendis Amphitruone Captivis Rudente utendum fuit: haec enim comoediae, quamquam priores editores multa in eis scripturae tralaticiae vitia feliciter sustulerant et aut **TV** aut **GOD. HERMANNVS** aut **RIC. BENTLIVS** aut alii haud paucis versibus veterem nitorem reddideratis, tamen sordibus depravationis quas per saeculorum decursum verba poetae traxerant nondum ita erant perpurgatae quin mihi satis larga emendationum messis peragenda restaret: qua mea opella num effectum sit ut eas comoedias ita instaurarem ut sine graviore saltem offensione legi possent, penes **TE**, **FRIDERICE RITSCHLI**, ceterosque paucos harum rerum peritos existimatores iudicium esto. supellex autem critica ex libris scriptis petita mihi praeter eam cuius aditus omnibus patet, h. e. discrepantes scripturas librorum Palatinorum a **PHIL. PARO** in editione sua altera enotatas et adparatum a **FRID. LINDEMANNO** ad Amphitruonem et Captivos, a **C. E. CHR. SCHNEIDERO** ad Rudentem congestum nulla erat praesto tum quidem cum in negotio verba poetae corrigendi versabar. editionum veterum praeter **LAMBINIANAM** nullam ad manus habui neque ex recentioribus quasdam quas aegre desideravi, velut **GVYBTI** et primam **BOTHII**, ullis machinis nancisci potui: Captivorum editiones ab **AVELLINO** et a **BOSSCHA** curatas mihi benigne commodavit **FRID. OSANNI** liberalitas. illis igitur quae habebam subsidiis criticis ea qua par erat diligentia in usum vocatis id potissimum egi ut perpetuo respectu habito earum quatuor rerum quarum observationi **TV** in praefatione Militis gloriosi p. **XXI** summo iure plurimum in crisi Plautina tribuisti, quae sunt 'integritas linguae Latinae concinnitas numerorum sententiae sanitas

consuetudo Plantina', aut manum Plautinam aut certe Plauto non indignam restituerem. ubi vero librorum scripturae adeo erant depravatae ut quid a poeta profectum esset neque priores editores invenisse viderentur neque ego extricare possem, ibi signo corruptelae addito monstra optimi libri servare satius putavi quam verbis poetae aliquid immiscere quod ipsum scripsisse omni probabilitatis specie careret: has igitur maculas cum ceteris quae meos oculos fugerunt **TVO** eluendas ingenii acumini reliqui, quod quam ingentes ac prope inexplicabiles visas difficultates expedire sciret cum alibi tum maxime nuper in Milite glorioso fabula incredibiliter corrupta luculenter declarasti.

Absolveram autem quinque harum comoediarum emendationem et Amphitruo cum Captivis literarum formis iam erant descriptae, cum novum instrumentum criticum idque maximi momenti ex insperato dono accepi. **CAROLVS** enim **HALMIVS** noster, cuius quod ego quoque in amorem amicitiamque perveni semper inter prosperrimos vitae meae casus duxi, cum fato acerbo (mihi scilicet acerbo, illi quidem hercle exoptatissimo ac paene invadendo) ex hac terra itemque vicinia mea avectus in itinere **Mönachino** forte fortuna **ANTONIO SCHWARZMANNO** veteri amico occurrisset, quem olim de edendo Plauto cogitasse et libros eius scriptos contulisse sciebat, simul atque illum hoc consilium dudum abiecissem comperit, ilico meorum studiorum memor precibus ab amico impetravit ut is quidquid adparatus critici conlegisset sese mihi concessurum esse promitteret. quod quidem promissum vir praestantissimus nuper exolvit: dono enim mihi **Vratislavia** ubi nunc degit tramisit exemplum suum editionis **Amstelredamensis** anni **MDCCXXI**, cuius margini non solum in omnibus fabulis Veteris Codicis **CAMBRARIANI** sed etiam in **Trinummo** **Pseudulo** **Mostellaria** libri **Ambrosiani** discrepantes scripturas admirabili diligentia anno **MDCCCXXXV** a se **Romae** et **Mediolani** excerptas nitidissime ascripserat: pro qua singulari benevolentia viro optimo tantas quantas maximas animus meus capere potest gratias ago eoque lubentius quo hodie rariora eius modi testimonia propensae in aliorum studia voluntatis esse solent. hunc igitur adparatum, ut supra dixi, tum demum accepi cum duae illae fabulae iam literarum formis descriptae erant, quo factum est ut in his paucas tantum emendationes quas nova illa optimi libri conlatio suppeditaret, quantum sine maiore operarum molestia fieri posset, postea inserendas curare mihi liceret (velut egregium illud *conflat* **Amph. v. 234** pro eo quod relicui libri exhibent *constat*) alias infra addituro. in **Rudente** autem (nam ad **Miletem** et ad **Trinumnum** **TVA** iam editio scripturas Veteris Codicis accuratissime excerptas exhibebat) ut plene illum adparatum et iuste ad exponenda verba poetae adhibere possem eo effectum est quod singularae huius editionis plagulae **Lipsia** corrigendae huc mihi tra-

missae sunt. haec eadem res in causa fuit cur et CAR. FRID. HERMANNI correcturas versuum Trinummi 191 sqq. et 679 TVAMQUE versus 425 quas in praefatione Stichii p. XIX nuperrime prodidisti et MAVR. HAVPTII emendationes eiusdem fabulae quas, dum nuper iucundissimo TVO hospitio Bonnensi utor, manu eius scriptas inspicere licuit, in eorum versuum quos recte correxisse videretur perpetuitatem recipiendi copia esset. doleo quod idem fieri non potuit emendationibus TVIS Militis gloriosi quas in eadem praefatione p. XVII sq. palam fecisti, quarum me aliquot occupasse non sine magna laetitia intellexi, paucas fabulae literis iam descriptae postea inserendas curavi, reliquas quas quidem veras esse mihi persuasisti infra adieci.

Duae autem potissimum res sunt quibus verba poetae ut in hac editione leguntur ab eo habitu quo a TE aut induta sunt aut ex proposito TVO olim induentur differunt: quarum una haec est quod omnia ea vocabula quae in libris scriptis non extant uncis inclusi *), altera quod orthographicum genus ad certam quandam normam dirigere studui. et illud quidem faciendum putavi non quo eos qui hac editione uterentur quasi admonerem ut eis quae sive ego sive alii supplevimus probabiliora substituerent (quamquam si hoc factum videro magno opere laetabor): nam qui artem criticam in his fabulis rite exercere volet plena supellectile critica carere non poterit: sed ut uno quasi oculorum obtutu conspici posset quam multae in libris casu elapsae essent voces ac voculae quae sine maximo aut sententiae aut sermonis aut exploratarum atque indubitatarum legum metricarum damno desiderari non possent, et hinc simul intellexeretur quam rationi convenienter ei facerent qui etiam ob subtiliores leges metricas sed eas artificiose indagatas singulas voces supplere non vererentur: quae quidem artis criticae pars eo minus dubitationis habet quo certius illud est quod TV ex excussis membranarum Ambrosianis effecisti 'omnium uberrimum in Plantinis fabulis cor-

*) venia mihi petenda est quod hanc legem mea sponte mihi impositam per Amphitruonem non constanter servatim: illic quae praetermissi infra addenda curavi, nam haec voculae uncis includendae erant: arg. I v. 9 *illa*, ipsius fabulae v. 54 *ego*, 59 *haec*, 69 *Nam*, 81 *ille*, 89 *id*, 105 *et*, 114 *cum*, 125 *una*, 143 *hic*, 149 *huc*, 161 *huc*, 162 *ego*, 164 *med*, 166 *magis*, 170 *te*, 171 *ei*, 172 *id*, 180 *nam*, 193 *Qui*, 230 *tum*, 231 *prius et*, 242 *meus*, 245 *ruont*, 253 *ui*, 269 *his*, 284 *tu*, 321 *mihi*, 344 *tu*, 347 *mei*, 374 *At*, 384 *illut*, 404 *huc*, 408 *mi*, 420 *Est*, 520 *pol*, 523 *ego*, 524 *prius ut*, 533 *est*, 535 *tu*, 575 *Tu ea*, 577 *Et*, 578 *ego*, 584 *ex*, 588 *ea*, 593 *prius et*, 623 *te*, 651 *Et*, 675 *me*, 729 *tu*, 770 *i*, 838 *Ain?*, 841 *prius et*, 876 *ut*, 924 *Te*, 948 *ut*, 965 *At*, 968 *is*, 976 *mi*, 1003 *id*, 1015 *mea*, 1032 *in*, 1034 *nunc*, 1040 *ago*, 1075 *alterum est*, 1131 *ego*. item in Captivis aliquotiens in hac re erratum est: nam v. 449 non solum *tu*, sed *Iam tu* includere debebam (quod tamen supplementum inconsiderate a me additum esse infra monui), v. 469 *in*, 489 *de*, 547 *in*, 896 *ego*, 985 *iam*.

ruptelarum fontem non fuisse alium nisi quod, cum in familiari sermone plurimae voces vel abesse vel accedere vel vario sese ordine excipere nullo sententiae atque adeo elegantiae detrimento possent, horum nihil non librariorum quoque levitate imprudenter admitteretur saepissime. quod autem versuum quibus uncis circumdedit alios ut reliquos omnes apicibus insignivi alios non insignivi, hoc ea de causa factum esse scito ut illos me antiquae dittographiae reliquias, hos aut pannos a sciolis explicandi causa consutos aut versus Plautinos quidem sed aliunde petitos et in margine primum adpositos post autem in versuum genuinorum continuitatem casu inlapsos iudicare significarem. et in hoc genere sero vidi me Rud. 56 (cll. v. 541) non recte apicibus insignivisse quos deletos velim ut recte eos delevi Capt. 324 (cll. Aul. II 1 44) et Rud. 594 (cll. Merc. II 1 2 et in universum eis quae TV in Philologi tom. I p. 306 sqq. exposuisti): item apices Capt. 48 deletos velim. praeterea ne alii in errorem impellantur hic indicandum arbitror Militis versum 1181 uncis inclusum ad nullum horum generum pertinere sed supplementum esse a TE confictum (cf. Mus. philol. VII p. 317 sq.) quod, cum alibi totos versus a TE ad explendas lacunas factos, quamvis ingeniose et Plautinae consuetudini convenienter procusi essent, nusquam recipere fas habuissem, illo tamen loco temperare mihi non potui quin inter versus Plautinos asciscerem.

In genere orthographico ad certam constantiam revocando ultro easdem fere rationes secutus eram quas TV in praefatione Stichii p. XVI eis qui post TE Plautum edituri essent commendavisti. debere autem visus sum eis qui hac opera usuri essent ut potiores eas res quibus orthographia in hac editione ex optimis libris et grammaticorum veterum testimoniis revocata a vulgari recederet hic summam complecterer, quo in negotio ea quae TV Prolegomenon Trinummi capite nono egregie exposuisti stamina esse volui quibus quae et TV ipse in reliquis fabulis post Trinummi instauratis ad hoc genus spectantia nova protulisti et quae alii probabiliter investigarunt et quae ipse observavi ita subtexerem ut nihil reconditius quidem praetermissum putem quod non in hoc conspectu explanatum reperiatur. praeterea subiunxi quae dum plagulas harum fabularum retracto me invito non recte scripta animadverti et correcta velim. ut a vocalibus ordiar, pro a suasu BREKII scripsi e in anteperta Trin. 643 quod ab antepariendo dictum est ut anteceptus ab antecapiendo, eandemque antistoechiam amplexus sum in dispenno et dispassus Mil. 1407 et 360 pro dispando et dispassus et in aequipero et defetigo verbis quorum vicarias scripturas aequiparo et defatigo vix usquam boni libri sine discrepantia agnoscunt: o autem pro a posui in uociuos Trin. 11 pro uacuos de qua forma post eundem BREKIVM plura alibi dixi: i pro e in opstitrix Capt. 629 et Mil. 695 pro

obstetrix suadente illo versu V. C. auctoritate et analogia *restitrix* et *institor* nominum, et in *dilectus* Rud. 1279 pro *delectus* (cf. Fest. Pauli p. 73 cum Mvlleri adnotatione): *o* pro *e* praecedente *u* consonante in *uorro uorto uoster uoto* cum sua subole ut *euorro conuorro auorto reuortor aduersum peruorse uniorsus* et quae sunt similia, quo in genere sero animadverti levem inconstantiam quam **TE** praeeunte admisi: nam Trin. 707 **uorsus** pro *uersus* etiam sine libris scribendum fuisse mihi concedes si relegeris Quintil. I 7 25 *): praeterea **controuorsias** mihi reponendum erat Rud. 826, Amph. 326 **interuolli**: *oe* scripsi pro *e* in *oboe-dio*: contra *faenus* pro *senus* vel *foenus*: at iniuria *praelium* scripsi pro **proelium** quod restitutum velim Amph. 225 255 415 744 Capt. 60 Rud. 1154: *u* pro *e* constanter servavi in omnibus gerundiis et gerundivis tertiae quam vocant et quartae coniugationis ut *agundae edundi dicundum quaerundum fugiundi conueniundus* (minime autem gentium in *uidundi* quam formam ab oscitanti librario Amph. 638 fictam fuit qui non aspernaretur: ceterum Mil. 34 **perhauriundumst** scribendum erat et Trin. 867 **sistundae**: contra non ausim Mil. 1276 *metuendus* restituere): *e* pro *i* in *intellego* et *neglego* quae formae non tantum apud Plautum sed apud omnes Latinos scriptores solae fidem habent, in *Aleus* pro *Alius* (quod ex *Ἀλεῖος* fictum est ut *Philippeus* ex *Φιλίππειος*, *platea* ex *πλατεῖα*, *gynaeceum* ex *γυναικεῖον*, *balineum* ex *βαλανεῖον*, *chorea* ex *χορεία*), in *semul* pro *simul* (notanda etiam scriptura V. C. *adsemulabo* Stich. 84), denique in *labeae* pro *labiae* Stich. 721 (cf. Non. p. 210, unde fortasse Mil. 93 *labeis* restituendum est, praesertim cum Charisius I p. 79 *labris* in hoc versu legerit quod metro respuitur): *u* pro *i* in superlativis et numeralibus ut *decumus uicensumus centensumus* et similibus ut *legitumus maritumus lacruma victuma aestumo existumo* omnibus (at non in *exumius* quam formam Stich. 381 errori librariorum tribuendam puto), praeterea in *lubet* cum *conlubitum* et *lubido* et relicua progenie, in *clupeus cluens* et *cluenta* (unde etiam **cluentelam** scribendum erat Rud. arg. 4) *mancupium* (me invito Rud. 930 *mancipia* relictum est) *carnufex* cum *carnuficina* *manifestus sacrufico magnuficus* (unde *pontufex* Rud. 1377, *fumuficem* Mil. 412, *opuficina* Mil. 880, *spurcuficum* Trin. 826, *munufica* Amph. 842, *signuficem* Rud. 896, *pacuficari* Stich. 517 et quod sescentiens legitur *luduficare* reponenda videntur) *subrupio* vel *surrupio occupio insulio prosulio desulio* (quas scripturas ra-

*) eadem scriptura *uorsus* num etiam Amph. 55 et Capt. 56 reponenda sit dubitare licet propter tempus quo hos prologos compositos esse TV edocuisti Parergon vol. I p. 232 sq.: sed ego illic quoque praetulerim.

ne non carere alibi probavi et suspicatus sum hoc genus etiam ius patere), item in *surpiculis* Capt. 816 pro *sirpiculis* (cf. *scil. ap. Non. p. 490*): *u* pro *o* in *adulescens* et *epistula* (quae rmae itidem apud ceteros scriptores illa sola haec praeter viariam fidem habent), in *triobulum glaucuma Acheruns: au* pro in *ausculum* et *ausculari* (cf. *Fest. Pauli p. 28 et Priscian. I. 562*): *o* pro *u* semper post alteram *u* sive consonantem sive vocalem, ut scripserim non solum *uolt uoltis uoltus uolgos uolpes Volcanus seruos nouom uiuont sed etiam mortuos mutuom miluom nguom praecipuos triduom fluctuom ruont abnuont* et quae sunt similia exceptis *tuus tuum suus suum*, item praecedente *qu* ut in *quolus quoi quor quom* (ubi coniunctio est) *quaequomque utquomque* (non *quomplures* sed *conplures* quoniam in hoc vocabulo praepositio est) *aequom et iniquom*, nisi *cu* posui ut in *mendacilocus falsilocus uanilocus conlocuntur pedisequs execuntur*: antiquitus videlicet utrumque genus eodem modo scriptum esse videtur *qvivs qvm abqvm pediseqvs* sicut *peqvnia qvra* et quae sunt similia: denique *oe* pro *u* in *moenia inmoenis moenio admoenio conmoenio* (sed non ausus sum *conmoenis* scribere pro *conmunis*) *circummoenio* (quare etiam *Mil. 223 moeni* scribendum erat): sero intellexi *Rud. 998 et 1000 poeniceo et poeniceum* restituendum fuisse *cll. Pseud. I 2 92. de Graeca vocali y ex* Plautinis fabulis prorsus expellenda in eiusque locum ubique *u* reponenda *tv* in *Proleg. Trin. p. xcvi* nimis caute iudicasse videre, confidentius *ibid. p. cccxxv*: ego in quattuor primis comoediis hoc tomo comprehensis nisi in *Amphitruo* et *sucophanta* et *magudaris* *Rud. 633 et trugonus* *Capt. 851* (qui Graece dicitur *τεργών* quo de paraschematismo cf. *Loebckii Paralip. gramm. Gr. p. 138*) submovere non eram ausus, sed in *Trinummo* hac in re constans esse coepi, scripsi igitur *Lusiteles muropola Olumpichus Surus Iluricus* (*v. 852* scripturam Ambrosiani *Hilurica* intactam debebamus relinquere *cll. Men. II 1 10*), neque in reliquis fabulis literam illam tolerabo quam ne Ennium quidem et Attium adhibuisse Ciceronem et Marium Victorinum testes habemus. *cena* et *paenitet* et *ne* adfirmandi particulam me sic semper scripsisse pro *coena* et *poenitet* et *nae* silentio praeterirem nisi multos homines doctos viderem novicias illas ne dicam barbaras formas etiamnunc amplecti. simplici i duce Ambrosiano (*Trin. 17*) scriptus est nominativus ille pronominis pro *ii*: 'geminatum enim *i*' ut *tvā* verba faciam mea in pronomine non maiorem fidem habet quam in *dii* *diis* pro quibus aut *di* *dis* ut *i* *is* aut *dei* *deis* ut *ei* *eis* veteres probarunt: item semper scripsi *obicio inicio conicio deicio adicio* cum similibus in quibus geminum *i* in nullo bono libro reperitur, contra *Trin. 644* non *obex* quod *tv* coniectura alioqui praeclara adsecutus es sed *obiex* de qua scriptura alio loco accuratius dis-

serui. extritas vocales invenies in *conquistor* Amph. 65 et 82 pro *conquisitor*, in *fenstra* Mil. 379 et Rud. 88 pro *fenestra*, in *uitor* Rud. 990 pro *uietor*, in *sorsus* Rud. 1314 et *sorsum* Capt. 710 pro *seorsus* et *seorsum* (unde nescio an Amph. 1108 et Rud. 179 *dorsum* pro *deorsum* restituendum sit). aspiratio aut interaspiratio addita est *holus* et *holitor* et *harundo* (Bacch. 51 non dubito quin **TE** ipsum paeniteat spretae V. C. auctoritatis, cf. Stich. 289 347 Rud. 122 294) et *cantherius* vocibus, dempta *erus* et *elleborus* et *aruspex* et *ario-lus* et *tus* nominibus et pro exclamationi (demenda ni fallor etiam *ah* et *oh* et *uah* exclamationibus): non iusto loco interaspirationem insertam esse Amph. 868 et Trin. 132 in *inchoatam* vocabulo sero intellexi quod **incohatam** scribendum esse post WAGNERI disputationem in Orthogr. Vergil. p. 440 et OSANNI adnotationem ad Cic. de re p. p. 111 sq. certum videtur, praesertim cum in Amph. versu V. C. *incoatam* exhibeat. ut ad consonantes progrediar, ante *s* et *t* nusquam toleravi *b* sed ubique *p* reduxi velut in *aps* *apsum* *apsoluo* *apscedo* *apstuli* *apstineo* *opserco* *opseruo* *opseruo* *opsigno* *opsisto* *opsonium* *opstrictus* *supsequeor* *supsulso* *urps*, *optempero* *optestor* *optineo* *optigit* *optusus* *optrunco* *supterduco* *supterfugio*, et semper scripsi *puplicus* et *puplicitus*, item *set* *aput* *illut* *istut* *aliut*: contra molliorem cum duriore sono mutare quod librorum auctoritas fere exigebat non ausus sum in *ad id quid quod* quas scripturas propter usum cui haec editio destinata est 'populo concessi, scientiam mihi reservavi': *haut* dedi ante vocales et *h* literam et consonantes gutturales, ante labiales et dentales ubique *hau* (itaque etiam *hauscio* et hoc quidem *ῥῥ'* *ῥῥ* ut *nescio*), de quo discrimine artificiose investigato alibi dixi: pro *quatruiduo* Asin. IIII 1 19 ex V. C. scripsi *quadruiduo* quae scriptura rationi sola conveniens ubique revocanda est (cf. TREGDERI praef. Cic. Tusc. p. xxii): illud autem me nunc paenitet quod Trin. 1016 **TE** praeunte cum libris *gurgulio*st scripsi pro **curculio**st, illa enim recentior est forma apud Vergilium quoque Georg. I 186 in multis libris extans sed neque in Romano neque in Mediceo, haec Varronis auctoritate stabilita apud Servium in versum illum Vergilianum, quo accedit quod Rud. 1325 uterque liber Palatinus tuetur *curculiunculos*, ut taceam nomen *Curculionis* in fabula cognomine. geminatas consonantes **TE** duce probavi in *muccidus* (at *sucidus*) *futtilis mustella*, item in *essum* et *comessum* et *essurio* cum similibus (me invito Capt. 912 *esuriens*, ibid. 468 *esurialis* relictum est *): praeterea semper

*) huc pertinet etiam quod nunc intellexi scriptura librorum *nisse* Mil. 302 pro *nise* et Ambrosiani *ussurae* Trin. 181, eodem scripturae *cassus* et *diuissiones* apud Quinctil. I 7 20, in quibus omnibus sicut in *essum* aut *t* aut *d* litera est quae ut extrita compensaretur videtur *s* geminatum esse.

scripsi *redduco* (at *redux*, cf. SCHNEIDERVS de elem. ling. Lat. p. 587 sqq. cuius de duobus versibus Capt. 923 et Rud. 909 iudicio non sum obsecutus) *repperi rettuli*: Mil. 26 27 30 1180 sero intellexi non fuisse sollicitandam scripturam optimorum librorum **bracchium** (cf. WAGNERI Orthogr. Verg. p. 419), item Rud. 547 et 1313 **marsuppium** sive **marsippium** quod in libris Plantinis eadem inconstantia scriptum reperitur qua in libris Graecis *μαρσίπιον μαρσύπιον μαρσίπιον*: contra improbandum arbitror *nollo* quod **TV** nuper in Sticho ubi libri praebebant in continuitatem verborum recepisti et in praefatione p. xv sq. ita defendisti ut quam scripturam antiquos auctores habere ex Diomede grammatico disceremus eam ab editore Plauti obscurari par non esse contenderes: cui sententiae lubenter subscriberem si rationem istius antiquorum doctrinae perspicerem: **TV** quidem 'satis *ἀναλόγως* nonuolo transire in *nollo* potuisse' profiteris, sed antequam quae fuerit ista analogia argumentis eviceris non possum non doctrinam illam pravam iudicare ortam fortasse ut SCHNEIDERVS l. s. s. p. 418 scite suspicatur inde quod *malo* a *μᾶλλον* descendere opinabantur: itaque me ipse reprehendo quod praepostero usus iudicio et **TV** ipsius sprete admonitione per totam Trinumnum vitiosas scripturas *nollo* et *mallo* induxi: restitutum igitur velim v. 634 685 688 945 979 1060 1157 1170 *nolo*, 762 *malim*: ceterum idem SCHNEIDERVS docet cum Diomede etiam Cornutum apud Cassiod. p. 2283 sq. Papirianum apud eundem p. 2290 Bedam p. 2339 in damnandis scripturis *mallo* et *nollo* conspirare. dixi de geminatis consonantibus. in compluribus vocabulis suadentibus libris eae consonantes quas posterior aetas extriverat restitutae sunt, velut in *quinctus* pro *quintus*, *nactus* pro *nactus* (non autem *percunctor* vel *perconctor* scripsi sed *percontor*), *corruptus* et *corruptor* pro *corruptus* et *corruptor*, *tempto* *pedetemptim* *contempno* pro *tento* *pedetentim* *contemno*: item *deciens* *centiens* *totiens* *quotiens* cum similibus et *centensumus* *uicensusumus* et *thensaurus* quod etiam neutro genere *thesaurum*. a Plauto dictum est (velut per totam Trinumnum) pro *thesaurus*, *gnatus* pro *natus* ut tamen hanc scripturam non omnino repudiarem sed id discrimen servarem quod NAEKIVS in Opusc. philol. vol. I p. 187 sqq. 'sine libris ipsorum locorum inter se comparatione' effecit, constanter autem *ignatus* pro *innatus* scriberem. simplices consonantes **TV** restituisti in his vocabulis quae vulgo geminatis scribi solent: *hice* *huice* *hicine* *hucine* *sicine* cum similibus, *ilico* 'pro reiectaneo *illico*', *ocultus* ubi numeri primam syllabam brevem flagitant pro *occultus*, *sario* pro *surrio*: addidi *litera* quam scripturam altera potiore esse alibi demonstravi, *pelex* Rud. 1047 pro *pelle*, *pinula* Amph. 143, ut priore manu in V. C. exaratum est, hoc enim ad *pinnam* eandem

rationem habet quam *anulus* ad *annum*, *uileus* ad *uillam*, *mīlia* ad *mille*, quod genus etiam latius patere arbitror: *rusum* *susum* *prosum* quas formas **TV** Plautino sermoni evidenter vindicasti constanter reduxi, nisi quod *Amph.* 1112 *rursum* reliqui propter iuxta positum *uorsum*, qua de causa etiam *Capt.* 656 *sursum* *uorsum* intactum debebam relinquere. *ti* pro *ci* servavi in *indutiae infitior* et *infittias nuntius contio conditio suspitio conuitium* vocabulis quorum de plurimis alio loco accuratius disserui, item in *setius* cuius vicariam formam *sectius* Varronis testimonio firmatam **TV** palmari emendatione *Trin.* 130 restituisti. pro *qu* scriptum est *c* in *cotidie* et *cotidianus* et *relicuos* de quibus scripturis in vulgus constat, et in *casso* pro *quasso*. *s* pro *x* reposui in *sescenti*, reponendum fuisse sero vidi in *pausillum* et *perpausillum* *Capt.* 176 et 177, in *pausillulam* et *pausilluli* *Rud.* 729 et 997, in *pausillatim* *Rud.* 929: pro *c* scriptum est in *suscenseo*. pronominum formas *quicque* et *quicquam* scripsi per *c*, *quidquid* per *d*, sed constanter *nequiquam* postulante ratione et consentientibus libris tantum non omnibus. *dispenno* formae *Mil.* 1407 pro *dispando* iam supra mentio facta est: eodem versu *distennite* scriptum est pro *distendite*. formae pleniores quam quas politior aetas probavit sunt *iuenix* *Mil.* 304 pro *iunix* et *praehibeo* pro *praebeo*: semel (*Trin.* 426) libri testantur *dehibeo* pro *debeo*, sed quia constantem scribendi rationem exequi volebam, hoc autem ubique reponere mihi nimiae audaciae videbatur (qua in re nunc **TE** adsentientem habeo in praefatione *Stichi* p. xvii), illo versu vulgarem formam restitui: quod fortasse facere non debui sed potius ubique *dehibeo* ponere, ut nunc me fere paenitet quod non ubique *duellum duellator Duellona duelligero* restitui pro *bellum bellator Bellona belligero*. sed diligentius toto hoc loco peruestigato multa etiam vitia et inelegantiae aperientur quas aequi lectores facile excusabunt, praesertim cum, ut verissime **TV** nuper docuisti, 'suate natura non tam certis finibus hic locus universus circumscriptus sit quin semper quaedam vagatura sint liberius quae unius normae severitate exaequari ant ratio vetet ant dissuadeat commoditas'. sed non mitto hunc locum antequam de altera litera Graeca *z* quam septimo demum a. u. c. saeculo eoque exeunte reliquis denuo adiectam esse scimus sententiam meam **TIBI** proposuero, cum aliquot in hoc genere peccata admisisse videar quae correctione indigeant. illam igitur literam ab ipso Plauto non esse adhibitam certum est: extat autem in nostris libris in *zona* cum *zonarius zamia Zeuxis Zacynthus badizo trapezita* vocabulis quae quidem, cum *Priscianus* I p. 561 referat 'veteres pro *ξ s* vel *d* posuisse *Sagunthum* [an *Sacanthus*, ut grammaticus ipsos versus Mercatoris *Plautinae* III 4 62 V 2 99 102 in mente habuerit?] *massa* pro *Ζάκυνθος*

μᾶζα, odor quoque ἀπὸ τοῦ ὀζειν, *Sethus* pro Ζῆθος [spectat hoc ni fallor ad Pacuvii Antiopam] dicentes et *Medentius* pro *Mezentius*, non dubito quin ita scribenda sint ut omnia exceptis duobus quae ultimo loco posui ab *s* litera incipiant, quae mea sententia eo non mediocriter confirmatur quod Merc. V 2 84 uterque liber Palatinus *sonam* exhibet pro *zonam* (corrigendum igitur Trin. 862 *sonarius*): *badizas* autem Asin. III 3 116 mutandum est in *badissas* ad similitudinem verborum Plautinorum *malacisso Atticisso comissor cuathisso* aliorum: *trapezita* denique nomini utrum *trapedita* an *trapessita* (nam *Mezentium* antiquitus etiam *Messentium* dictum esse tradunt Diomedes et Velius Longus aliorumque nubem exemplorum geminati *s* pro *ξ* positi congestit SCHNEIDERVS l. s. s. p. 384 sq.) substituendum sit ex prosodia huius nominis recte definita pendet: atque hac in re *TR*, vir doctissime, opinio graviter fefellisse videtur qui Proleg. Trin. p. cxxxvii confusus integritate scripturae librorum in versu Trin. 425 adseveraris ‘*z* literam in *trapezita* vi positionis exutam esse’, quo ego dicto bona fide usus de duobus versibus Captivorum prave iudicavi. evolve enim quaeso hos versus Plautinos quorum vulgata scriptura recte se habet: Asin. II 4 32 Curc. III 50 III 4 3 V 2 20 Pseud. II 4 67 et adde Capt. 449 qui versus restincto meo supplemento (illud ‘*mea interpolatione*’ volui dicere) ita restituendus est Séquere me viaticum ut dem á trapessitá tibi et eiusdem fabulae v. 193 qui in hunc modum apicibus consignandus est Quantillum argenti mi áput trapessitám siet et Curc. V 3 43 cui ope V. C. haec forma reddenda est Tú me sequere: Quó sequar te? Ád trapessitám meum et eiusdem fabulae II 3 66 cuius correcturam in Proleg. Trin. p. cxxvi propositam *TV* mihi probasti praeter apices sic potius dispertiendos [Íbi] ‘*dedistin tu árgentum?*’ inquam: ‘*immo áput trapessitám situmst*’ (nisi fortasse sic instaurandus est ‘*Dēdistin tu árgentum?*’ inquam: ‘*immo*’ [inquit] ‘*áput trapessitám situmst*’): illos inquam versus si consideraveris, ne *TV* opinor mihi astipulabere non solum Trin. 425 in quo versu me *TVAM* correcturam nuper propositam recepissem supra professus sum nunc sic corrigenti *Trapéssitae drachumárum mille Olúmpicho* vel *Olúmpico* sed etiam hos versus Curc. II 3 62 III 36 V 3 34 Epid. I 2 40 lenibus transpositionibus in hunc modum redintegranti

Écquem in Epidauró trapessitám Luconem nóuerim.

Trapéssitam [hic] Lucónem quaero: Díc mihi.

Me ípso praesente ét trapessitá Lucone: Nón taces?

**Díc modo, unde auferre uis me? a quó trapessitá
petam?**

toto enim caelo a vero aberrat KAMPMANNVS qui de praep. in usu Plaut. p. 11 sq. primam huius vocabuli syllabam produci posse opinatur. sed redeo unde abripi me passus sum longius et verbo dico de adsimilatione praepositionum cum verbis et nominibus compositarum. in quo quidem genere idem ego institutum tenui (certe tenere volui) quod PHIL. WAGNERVS in Vergilio suo ad pristinam orthographiam revocato se tenuisse professus est Orthogr. Vergil. p. 406 sq.: libros igitur bonos, Ambrosianum potissimum et Veterem Codicem, duces ita secutus sum ut in eis verbis in quibus constanter inflexa esset praepositio retinuerim adsimilationem, respuerim eandem in eis in quibus praepositiones integras a Plauto servatas esse vel pluribus exemplis vel etiam uno satis probabili declaratum videretur. non opus est ut omnia nomina ac verba cum praepositionibus composita hic enumerem, nam si totus hic locus ad liquidum perducí omnino umquam potest, hoc tum demum fieri poterit cum omnes comoediae a TE supellectile critica instructae in publicum prodierint: sed pauca quaedam quae huc pertinent promiscue attingo. ad praepositio semper mutata est ante *t* et *r* literas velut in *attineo attondeo arrideo arrigo arripio* (Rud. tamen 1332 ducibus libris scripsi *adroget*), item in *accedo accipio accuso appello*: non debebam autem *appareo* servare Amph. 793 794 Capt. 457, quia Trin. 218 in Ambrosiano teste SCHWARZMANNO scriptum extat *ADPAREAT*, neque *accumbo* vel *accubo* Amph. 802 804 Mil. 653 753 Trin. 473, quia idem liber antiquissimus Stich. 488 *ADCUMBERE* tuetur: eandem voculam constanter truncavi ante *s* literam ubi hanc una vel duae consonantes excipiunt, ut in *asto ascendo aspicio et aspecto aspernor astringo*: con praepositionem semper integram servavi praeter *commodus* et *corrumpo* et *conecto conitor coniveo* cum similibus de quibus TV nuper disseruisti in Mus. philol. VII p. 318 sq.: *ex* ante *f* ubique mutavi in *ec*: eadem praepositio ubi cum verbo ab *s* litera incipienti composita est, hanc extrivi velut in *exequor exigno exoluo exurgo exupero excribo expecto*: in semper integra relicta est praeter *impero imperium impetro* (sed in his quoque, ut sero vidi, integra servanda erat): *ab* et *ob* et *sub* praepositiones ut ante *f* consonantem constanter inflecterem sedulo curavi propter rationem Philologi tom. III p. 322 a me significatam: scripsi igitur Amph. 322 *afuit* (ubi V. C. *affuit* habet), 646 *offirmato*, 893 *offuit*, 1002 *sufferet*, Capt. 755 *offrenatum* (V. C. *oferenatum*), Mil. 209 *suffigit*, Rud. 588 *suffudit*, 1013 *oflectam*, 1059 *suffringi* (V. C. *subfringi* raro exemplo), Trin. 1092 *offusam* et sic quidem semper nisi contrarium ascripsi conspirantibus optimis libris. absolvero hunc orthographiae in hac editione

receptae conspectum, si pauca addidero de eis verbis quae contra usum vulgarem divisim scribenda duxi: sunt potissimum haec *intro eo, intro mitto, intro specto, intro rumpo, in vicem, dum modo, ad modum et quem ad modum, quo modo, huius modi cum similibus, res puplica, ius iurandum* (hinc corrigendus versus Rud. 46), *si quidem* (sic restituendum Mil. 520) et *quando quidem, iam dudum et quam dudum, prius quam, ubi ubi, ne utiquam, tam etsi*: quorum tantum de hoc quod postremo loco posui habeo quod dicam. recte TV in Proleg. Trin. p. cXLIII docuisti *tametsi* compositum esse ex *tam* vicaria forma *tamen* particulae, cuius cum TV adfirmasses praeter illud compositum nulla in Plautinis libris exempla superesse, nuper ipse TB correxisti in annotatione ad Stich. 44 in quo versu liber Ambrosianus illam ipsam formam *tam* pro *tamen* testatur. nunc vero quid tandem obstat quo minus non solum *tamen* particulae hanc breviam formam substituamus ubi numeri illam monosyllabam flagitant (quod feci Mil. 530 1355 Rud. 384 1347 1350, factum vellem Capt. 297 Mil. 585), sed etiam *tam etsi* sic divisim scribamus ubi disyllabum est (quod itidem Trin. 679 feci, neglexi Amph. 21 977 Capt. 321 Mil. 744)? ubi autem *tametsi* bacchium efficit ut Pseud. I 3 16 *ὅφ' ἔν* scribendum est ut *quamobrem* scripsi Amph. 552 Mil. 360, *quemadmodum* fortasse cum libris scribere debebam Trin. 236 pro *quemnam ad modum* quod de coniectura dedi. contra atque in illis factum est *ὅφ' ἔν* scripsi *nunquid nequis siquis* (peccatum est hoc in genere Mil. 190) cum similibus et *enunquam*.

De numerorum notatione qualem TVO exemplo institui TVIS ipsius verbis utens hoc addo 'singulari nota velut in *tūo mālum* significari binarum syllabarum pronuntiationem monosyllabam, sive ea sit duarum vocalium sese excipientium synizesi sive unius vocalis ecthlipsi'.

Restat ut duobus perfungar muneribus quorum alterum aequitas exigit, alterum mea sponte mihi iniunxit: primum ut profitear quas emendationes in versuum seriem a me receptas quibus viris doctis privatim acceptas referam (nam quas publice ab aliis proditas recepi non est hic locus ut enumerentur), deinde ut quae curis secundis intellexerim in singulis fabulis corrigenda esse quam brevissime potuerim persequar. acceperam autem ab RVD. KREBSIO collega meo doctissimo eas coniecturas quas FRID. VOLG. REIZIVS margini exempli sui editionis GRONOVIANAE in Captivis Milite glorioso Trinummo ascripserat, ab se anno MDCCCXXXIII dum Berolini in studia humanitatis incumbit ex exemplo illo quod tunc FRID. AVG. WOLFIVS possidebat diligentissime transcriptas. de quibus coniecturis REIZIANIS nosti quae GOD. HERMANNVS in praefatione Trinummi p. VIII sq. narravit, REIZIVM eas 'dum legeret Plautum ascripsisse' ut aliquandō retractaret, quare qui eas

PLAUTVS I.

b

omnes in lucem edere vellet iniuriam facturum esse manibus viri modestissimi: huius ego admonitionis memor (velim eiusdem memorem esse FRID. OSANNVM cum praestabit quod in commutatione sua de pron. *IS BA ID* formis p. 29 pollicitus est) infra fere eas tantum commemoravi quas ipse recepi exclusis etiam quas iam HERMANNVS aut in praefatione Trinummi aut alibi publici iuris fecerat, fas tamen esse putavi me eas non reticere (exceptis rebus minutissimis) quas ante alios ille occupaverat. praeterhac aliquot emendationes quas infra suis locis memoravi debeo amicitiae FRIDERICI mei OTTONIS, disciplinae TVAE alumni, quas dum proxima hieme has comoedias una legimus mecum communicavit aliquando ut spero uberiores fructus studiorum suorum Plautinorum editurus.

Amphitruonis igitur primum me paenitet versus 46 ita ut in hac editione legitur instaurati, quoniam ars Plautina, quod TV in Proleg. Trin. p. CCX verissime observasti, in fine senariorum iambicorum numquam tria sese iambica vocabula excipere passa est: in libris autem sic scriptus extat *Sed mos numquam illi fuit patri meo* (in libris LANGIANIS *meo patri*) in qua scriptura quam mancam esse adparet tantum abest ut mihi cum LINDEMANNO (qui cum aliis *illie* scripsit) dativus *illi* frigere videatur ut nunc nihil aptius iudicem: nam sicut *ille Iuppiter* saepe *δεῖντινῶς* et a Plauto (velut Amph. 26 461 Cure. I 1 27 Most. II 1 51 Pseud. III 1 16) et ab aliis scriptoribus (velut Cic. in Catil. III 12 29 Corn. Nep. epist. Corn. §. 4) dicitur (add. *ille Diespiter* apud Liv. I 24 8, *illum solem* Plauti Bacch. 699), sic hoc versu dativus *illi* coniunctus cum *meo patri* qui ipse Iuppiter est optime se habet, quem dativum etiam si alius quis ac deorum summus significaretur non mutassem, si mihi opportune in mentem venisset versus huius fabulae 858 sq. his de causis hunc versum sic restituendum esse censeo **Set [is] mos illi nūquam fuit mēo patri**, ut *fuit* mensuram spondei exaequet. — V. 69 constructionis ratio (cf. v. 74 *ambiuerit*) postulat ut scribatur **ambissit**, quem eundem singularem v. 71 TV in Proleg. Trin. p. LXXXV ex vestigiis V. C. *ipse ambissent* verissime restituisti: ceterum v. 74 initium nunc malim sic transpositum **Magistratum quasi**. — V. 111 revocanda est librorum scriptura **et ex uiro et ex summó Ioue** (quod arti prosodiacae Plautinae non repugnare alibi probabo): item v. 130 **Haut quisquam quaeret qui siem aut quid uenerim** (ccl. Bacch. 762 Mil. 685): v. 333 **Hinc enim mihi dextra uox auris**: v. 339 **Verum certumst confidenter hominem contra conloqui** (quem versum deceptus falso PAREI de V. C. testimonio mutaveram):

v. 374 **Quí ego sum?** SO. **Perí:** ME. **Parum etiam:** v. 506 **quí quidem meus sít pater:** v. 950 **quí in mea nauí fuit:** v. 1054 **Neque úllast confidéntia iam in córde.** — V. 269 additamento *his* facile careas verbis sic transpositis **Átque telo sùo sibi hunc malítia a foribus péllere.** — V. 293 pro librorum scriptura *quom* (aut *quem*) *in mentem uenit* quod ineptum glossema esse mihi concedes reposui *quom recogito:* aptius fortasse **quom consídero** (cll. Trin. 404), nisi reconditius quid a poeta scriptum fuit quod posteaquam glossemati illi originem dedit expulsum est. — V. 332 rectius puto quam *certo* scribatur **cérte.** — V. 384 vides eam correctionem quam olim Philologi tom. II p. 94 proposueram me abiecissem et aliam temptasse quam nescio **an** ipsam itidem reicere et hanc CAR. LACHMANNI amplecti debeam quam **tv** quoque nuper adsensu **tvo** comprobasti **Nam 'Ámphitruonis Sósiai' me ésse.** — V. 395 non recte fecisse videor quod OTTONIS mei coniecturam **foédus ici** repudiavi. — V. 402 transponendum est **Mihi quod,** v. 446 scribendum **cicátricosumst.** — V. 462 recepi LINGII coniecturam in Quaest. Plaut. p. 52 propositam qua hiatum in *ut éga* admisi: sed nunc intellexi **tr** in Proleg. Trin. p. ccm sq. hoc hiatuum genus iure condemnasse itaque hunc versum sic correctum malim **Út ego raso cápíte caluos hódie capíam píleum,** cui correcturae certe non adversatur testimonium Servii in Verg. Aen. VIII 564 qui ex memoria ut adparet haec laudat *quod utinam ille faxit Iuppiter ut raso capite portem pileum,* unde tamen non dubitavi v. 461 *faxit* asciscere pro librorum Plautinorum *faciat.* eadem de causa Rud. 752 initium corruptum esse censeo, ubi aut transponendum videtur **Túae sunt istae?** aut cum CAMERARIO scribendum **'Túacne istae sunt?** quamquam etiam BOTHIANVM *Túa sunt istacc.* habet quo se commendet. — De v. 487 non inuidebo ceteris qui hanc epistolam legent **tvam** sententiam comiter mecum a **te** communicatam. consultus enim de *fieret* vocabulo quo quid facerem nesciebam posteaquam sententia flagitante *curabit* restitui pro eo quod in libris est *curauit,* **tv** mihi rescripsisti **te** quoque ipsum iam diu *curabit* correxisse, sed verba *uno ut fetu fieret tibi* videri ab interprete addita (cll. v. 878) Plautinum hemistichium expulisse quod hoc fere fuisse posset *Iuppiter summus meus.* tum vero cum me monuisses ne versus quidem 489 et 490 ita ut in libris scripti essent a Plauto posse profectos esse unaque plura ad eos perpoliendos a **tr** temptata mecum ita communicasses ut certum iudicium non proloquerere, denuo pensatis rationibus ego ne hodie quidem BOTHII sententiae accedere possum qui totum v. 489 eiecit: nam

quamquam eadem fere utroque versu exprimitur sententia, tamen id non satis causae esse arbitror ut alterum ex interpolatione irrepsisse statuamus praesertim in hac fabulae parte quae una est ex istis scenis de quibus **tv** Parergon vol. I p. 237 breviter egisti, quae aut prologi vice funguntur (ut Mil. II 1 Cist. I 3) aut ut haec (v. 463 ad 498) ea quae prologo enarrata sunt suppleant. in his autem scenis ut in ipsis prologis poeta sive Plautus fuit sive alius quis Plautinae quidem artis scientissimus proluxa quadam orationis verbositate utitur quae hoc quidem ambitu a relicuo sermone Plautino aliena est. sed illud **TIBI** quidem facile largior vitia tralaticiae horum versuum scripturae manifesta esse. ac versum quidem 490 qui in libris Plautinis sic scriptus est *Et clandestina ut celetur suspicio* corruptum esse ipsius antiquitatis testimonio docemur: a Donato enim in Ter. Adelph. III 5 32 sic scriptus in editione principe adfertur *Vt clandestine et celetur consuetudo*, unde iam **SCIOPIVS** arcessitis his verbis Pauli brevioris Festi p. 61 'consuetudinem Plautus pro consuetudine dixit' eum ita restituit ut in hac editione dedi: sed artius etiam premendi erant ductus literarum in Donati editione principe extantium, unde hunc versum non dubito sic corrigere *Vt clandestina haec (an ea?) celetur consuetio*. tum vero v. 490, quod **tv** quoque proposuisti, et **tv**o suasu paulo immutatus illi postponendus est. en igitur versus 487 ad 490 ut nunc scriptos velim

Patér curabit [Iúppiter summús meus]

Vno út labore apsóluat aerumnás duas,

Vt clándestina haec céletur consuetío,

Ne [illa] in suspitióne ponatúr stupri.

V. 507 ex coniunctis testimoniis librorum Plautinorum qui habent *Obseruatote quam blande mulieri palpabitur* et Donati in Ter. Adelph. prol. 2 *Obseruat orare ut blande palpetur mulieri* et Servii in Aen. XI 725 *Obseruato quam blande suppalpatur mulieri* sic reconcinnandus est **Ópseruatote éum quam blande súppal-patur múlieri**. — V. 514 secundum ea quae **tv** nuper ad Stich. 516 de prosodia et scriptura *heri* adverbii docuisti verba sic esse transponenda videntur **Média nocte heri uenisti, nunc abis**. — V. 520 non persuasisti mihi correcturam **tvam** in Proleg. Trin. p. clxxii propositam sed praetuli quod **CAMBRARIVS** posuerat: aegre enim *pol* particulam desiderarim quam non solum depravata scriptura V. C. *Quo lego* sed etiam consuetudo Plautina (cf. modo Amph. 1030 1043 Mil. 371: hinc etiam Men. V 5 5 sic redintegrandus videtur *Quém [pol] ego hominem*..) commendat: tamen nunc etiam propius optimi libri memoriae malim **Quoí [pol] ego hoc iam scípione**.. (scil. *magnum malum dabo*

cll. Pers. V 2 35). — V. 582 pro tertio bacchio palimbacchium (*sum saluos*) posui quem propter interpunctionem excusari posse putaveram: nunc vero vide num hic versus non incommode sic perpoliatur **Equidém ualeo récie atque sáluos sum, Amphítruo.** — V. 642 sq. cum ita ut p. 31 leguntur instauravi nondum investigaveram eam legem prosodiae Plautinae ex qua tertia singularis persona perfecti activi syllabam ultimam producit, ut *uicit* eodem iure spondeum efficiat quo *fuat* et *uelit* iambos, *audiet* creticum, *adflicat* molossum et quae sunt similia, quam quidem rem adhuc occultam **tv** primus in Proleg. Trin. p. cLxxxii sqq. aperuisti: sed ut de istius observationis veritate nemo sanus dubitabit, sic hoc quod ego observasse videor quodque in censura Plauti **tv** de qua supra dixi rationibus stabilivi idem certum est atque exploratum. propter hanc autem legem in eis quos dixi versibus librorum scriptura quam **HERMANNVS** quoque in Elém. doctr. metr. p. 298 sq. (sed dubitanter ille et ex interpunctione quae nulla est excusatione haud probabili petita) retinuit revocanda est

Set hóc me beát saltem, quóniam perduëllis

Vicít et domúm laudis cónpos reuénit.

V. 678 nunc non dubito quin quod Nonius p. 167 servavit **rumiferánt** praefendum sit scripturae librorum Plautinorum *rumificant.* — V. 714 id quod priore manu in V. C. exaratum est *quidem* recepi pro *equidem* quod altera manus correxit, ut intentionem syllabae ultimae vocis palimbacchiacae *ecastor* refugerem, quam arti Plautinae repugnare **tv** in Proleg. Trin. p. ccxxix evicisti: sed erravi quod *ecastor* vocem palimbacchiacam esse opinatus sum, est enim molossica, ut ex Mil. 1041 adparet (cf. Varro de ling. Lat. X 70 cum Proleg. Trin. p. cLxxiv sq.): cum vero sermoni Plautino (cf. v. 698 et 730) **Écastor equidém** magis conveniat, sine mora illud restituendum est. — V. 736 sero intellexi revocandum fuisse ordinem verborum quem libri exhibent **Véra dico. AM. Nón de hac quidem hercle ré: de aliis néscio.** alibi autem demonstrabo in hiatu *dē aliis* non esse offendendum. — V. 755 optimorum librorum scriptura **Quí nunc, mulier?** retinenda erat: cf. Pseud. I 2 22 Bacch. 563 Mil. 472 (ubi relicui libri praeter V. C. tuentur **Quí iam?** quod etiam eiusdem fabulae v. 834 et 1203 sententia flagitare videtur: praeterea Mil. 545 Palatinorum librorum scriptura *quis nunc* magis *qui* particulae favere videtur quam pronomini *quid*, sicut Mil. 431 ex librorum scriptura *quispiam* non *quidpiam* sed quod **tv** in adnotatione proposuisti *quippiam* confidenter recepi cll. Capt. 127). — V. 804 me invito scriptura aliquot librorum pessimorum *conce-*

nasti relicta est pro ea quae sola fidem habet **cénauisti**. — V. 917 immerito id quod in libris est **uél hunc rogato** mutavi, nam quamquam *Sosia* in proscenio non adest tamen *hic Sosia* dici potest quia in aedibus est, qua significatione pronomen demonstrativum sescentiens a Plauto positum est: de prosodia autem vide quae supra ad v. 111 professus sum. — V. 924 nunc sic malim correctum **Hanc mihi da ueniam**: v. 926 autem sententia flagitare videtur ut scribatur **factis [fui] impudicis ápstinens**, nam quod libri habent *factis me impudicis abstines* non minus nihili est quam quae editores nugati sunt. — V. 930 ex emendatione **HERMANNI** dedi: cum vero in V. C. sic scriptus extet *Ibo egomet comitem mihi pudicitiam duxero*, nunc illud *ibo* ut glossema delere et relicua sic transponere malim **Pudicitiam egomet dúxero comitem mihi**, nisi praestat **Pudicitiam egomet mécum comitem dúxero**: quamquam ne sic quidem hunc locum persanatum esse mihi persuadeo, sed totum versum ante v. 930 excidisse puto. — V. 939 aegre fero quod relicta est accusativi forma *uoluptates* pro ea quam sermo Plautinus postulat **uoluptatis**: item Capt. 769 *opimitates* pro **opímitatis**, sic Mil. 12 32 655 1027 **TE** praeunte *uirtutis* scripsi, itidem Mil. 93 non spernendam putavi *meretricis* quod libri exhibent et ad huius analogiam Mil. 722 *ceruicis* vel sine libris restitui: contra repudiavi librorum *imbricis* Mil. 504 et *inopis* Rud. 257 quae non magis rationem habent quam v. c. *legionis* Mil. 17 et 224 aut *moris* ibid. 40 aut *hominis* ibid. 660 aut *piscatoris* ibid. 1183 aut *melioris* Trin. 707 et qui sunt similes librariorum errores. — V. 953 **HERMANNI** suasu scripsi. *Dum ego*, sed defensione non caret quod libri habent **Quom ego**. — V. 960 cum V. C. *item ipse* habeat, forsitan haec sit vera scriptura **Pröinde eri ut sint, itidem ipsus sit**. — V. 1020 et Capt. 830 (item Bacch. 582) corrigendum est **écqui hoc aperit óstium?** — V. 1128 et 1144 quam V. C. praebet forma **Teresiam** pro *Tiresiam* non videtur spernenda esse.

Captivorum versus 11 quem ex **TVA** emendatione (Parerg. I p. 222) dedi nescio an lenius sic instauretur **Negát hercle illic últumus**. — V. 28 *possit* pro librorum *posset* ab **RRIZIO** sumpsi, ab eodem v. 34 *de praeda hosce* pro *hosce de praeda*. nec quod v. 31 dedi *equitem ex Alide* pro librorum hianti scriptura *equitem alium* (V. C. rectius *aleum* ut solet) meum est sed debetur **OTTO**NI qui apte contulit huius fabulae v. 511. — V. 51 me graviter ipse reprehendo quod non significavi ex interpolatione foedissima irrepsisse: primum enim quid languidius ac

frigidius excogitari potest illa sententia et illo quidem loco? deinde numeri clamitant hunc versum non esse Plautina arte compositum: nam 'spondiacam' ut **TVA** verba (Proleg. Trin. p. **ccxviii**) mea faciam 'pro iambica voce tertius pes (senarii iambici) non admisi': consutus autem est hic misellus versiculus ex eis verbis quae Rud. 155 aptissime leguntur et locutione in his fabulis usitatissima. — V. 71 transponendum est dictum **apsurde**. — V. 208 sq. **HERMANNVM** (Elem. doctr. metr. p. 210) secutus nisi quod pauca quaedam mutavi duos trochaicos octonarios dedi: sed nescio an **REIZIO** potius obtemperandum fuerit (cf. idem **HERMANNVS** de metris poet. Gr. et Rom. p. 127) qui in quattuor versus anapaesticos eos diviserat, nisi quod primo versu, ut lex illa teneatur de variatione accentus eiusdem iterum positi vocabuli quam **LACHMANNVS** in Propertio suo p. 111 sqq. et **HERMANNVS** Opusc. II p. 283 sqq. explanaverunt, quam quidem legem in omnibus vocabulis hyperdisyllabis exceptis unis amphimacris cisque longioribus quorum una omnino voculatio est religiosissime a poetis scenicis observatam esse contenderim, huius igitur legis gratia *Fugiamus nos?* conlocandum est pro librorum *Nos fugiamus?* et quod ultimo versu utique vocula addenda est, quia *occasio* ante *haut* hiare non potest, sed synizesin in hoc quidem genere metrorum admittit ut molossi mensuram exaequet, *dehortor* autem non disyllabum esse non potest, quibus de rebus adeantur **TVA** Proleg. Trin. p. **clx** sq.:

CA. Fugiámus nos? quo fúgiamus?

LO. In pátriam. **CA.** Apage, hau nos id deceat

Fugitíuos imitari. **LO.** Ímmo edepol,

Sí erit óccasío, haut [id] dēhortor.

aut siquis ultimum horum versuum pro paroemiaco acatalectum malit

Sí erit óccasío, haut [istúe] dehortor.

V. 246 transponendum est [**mihi**] quod. — V. 256 sero intellexi et ex analogia formae *favor* quae Amph. 67 78 79 ex bonis libris pridem restituta est quamque Nonius p. 110 ex Lucilii saturis adfert, et propter adliterationem vocabuli iuxta positi *captus* vel sine libris pro *captor* scribendum fuisse **cautor**, praesertim cum Paulus breviator Festi p. 61 haec habeat 'cautionem dicebant quod modo dicimus cautionem', unde nescio an etiam v. 253 et Trin. 416 *cautum* pro *cautum* reponendum sit. — V. 316 transposita velim verba **me méus pater**, v. 318 **fáteor** esse. — V. 359 ex scriptura librorum *dice demonstra* duce **DISSALDEO** potius **dóce demonstra** eruendum erat quam quod cum **CAMERARIO** posui *dice monstra*: vide infra ad Mil. 256. — V. 398 quod

posui poterit: in rem pro librorum poteris istuc in rem praeve-
rat REIZIVS. — V. 413 hoc loco ubi in libris extat mirifice lan-
guet et tamquam claudicat, qua de causa vide num non incom-
mode inter v. 407 et 408 conlocetur, ut personatus Philocrates
ludat in locutionibus *emisisti e uinculis et manu emittat*. ceterum
v. 408 verba sic conlocare debebam **quin manú te emittat**
grátiis. — V. 418 adquiescere debebam in BOTHIANO **Ópse-**
quiosus mihi fuisti sémper, ut REIZIVS quoque correxerat. —
V. 594 corrigendum est **fune opus**, Hégio, 'st: v. 672 **De-**
lácerauisti (pro qua verissima librorum scriptura nescio quo
errore *dilacerauisti* in hanc editionem irrepserit): v. 698 **Quid**
sit hoc negoti (quod est in libris: cf. supra ad Amph. 111):
v. 700 **Nec quisquamst mi [alius] aéque melius quof**
uelim. — V. 729 sq. quotiens legi offendi in neglecta figura
chiasmi, non tamen ausus sum corrigere: hic tamen non diffite-
bor (cf. Rud. 6 sq.) poetam sic mihi videri scripsisse

Nam nóctu neruo uinctus custodíbitur,

Sub térra lapides éximet intérdius.

V. 777 *ipsus* pro librorum *ipse* sumpsit a REIZIO, item v. 783
mi hodie pro *hodie mihi*. — V. 798 mirum ni poeta scripserit
omnis mortalis fáciam ut quemque, sicut *omnes (mulieres)*
ut quaeque Mil. 1264, *omnia ut quicque* Bacch. 1097 et Pseud. V
2 15 libri testantur, hoc Rud. 1359 REIZIVS restituit et Amph. 599
ego de coniectura dedi pro librorum *omne ut quicque*: quamquam
Rud. 1139 sq. dictum est *omnia quidquid insit* (nisi ibi quoque
ut quicque reponendum est): sed totus hic locus de pronominum
quisque et *quisquis* usu Plantino accuratiore indiget perscruta-
tione. — V. 823 in scriptura V. C. quam PAREVS false testatus
est ne litera quidem mutanda erat **Eúgepae: edíctiones aé-**
dilicias híc quidem habet. nam hiatus exclamationis nullus
est. — V. 831 sic malim transponi **Híc homo recipit se ad**
me ad cenam: versu autem sequenti nollem Nonii scripturam
exitium dabo in orationis ordinem recepissem, praestat enim li-
brorum Plautinorum **exitium ádfero**. — V. 885, si vere **tv**
in Proleg. Trin. p. CLXXXIX monosyllabas exclamationes umquam
elisas esse negasti, *uae aetati tuae* a poeta scriptum esse non
potest: corrigendum igitur videtur **Vae uitae tuae**, quam lo-
cutionem **tv** in adnotatione ad Stich. 594 quem versum palmari
emendatione eodem mendo aliam etiam ob causam perpurgasti,
huius ipsius fortasse versus memor *ὥς ἐν παρόδῳ* commemo-
rasti. — V. 891 et 897 propter adliterationem praestat scribere
uídeor, uera si **aútumas** et **uictum**, uera si **aútumas**,

ut illo versu in V. C. altera manu correctum est. — V. 975 restituenda est genetivi forma **Philocrati**, qua sola Plautus usus est: cf. v. 528, Rud. 86 *Euripidi*, 822 *Herculi*, Bacch. 938 *Achilli*: eadem de causa Trin. 744 correxi *Charmidi* (Bacch. autem 284 nominativus *Archidemides* restituendus est). — V. 988 me dispudet ita ut in hac editione legitur non instaurati sed foede corrupti, quoniam omni caesura destitutus est: quem ilico sic corrigas velim **Quí mihimet pecúliaris dátus est? ST. Huius filius.**

In Militis gloriosi prima parte ut plura habeam quae corrigenda esse senserim eo inprimis factum est quod et TVAE emendationes huius fabulae quarum supra mentionem feci et FRITZSCHII praefatio indicis scholarum Rostochiensium huius ipsius semestris aestivi in qua de aliquot locis eius fabulae disseruit serius in manus meas pervenerunt quam ut in usum meum convertere possem. V. 34 vellem GYRRI emendationem quam TV quoque in adnotatione commendavisti **Perháuriunda [haec] súnť ne dentes déntiant** recepissem: FRITZSCHIO autem hunc versum temptanti parum feliciter meo iudicio res cessit. — V. 39 ex Ambrosiano **ánimum tuum** pro *tuum animum* scribere debebam. — V. 58 non fuisse sollicitandum ordinem verborum qui in omnibus obtinet libris **Amánt ted omnes míliares neque iniúria** alibi probabo. — V. 69 non dubito quin FRITZSCHIVS vere emendaverit **órant ambae et ópsecrant** idemque v. 84 recte praefendam esse iudicaverit PYLADIS correcturam **quám nos acturí sumus.** — V. 87 TV verissime vidisti interpolationi deberi eiusque loco duos olim lectos esse ipsum nomen Latinae fabulae prodentes, velut tali exemplo *Ei Militi esse glórioso fdbulae || Nomén poeta uóluít uorsae bárbare*. — V. 117 cum FRITZSCHIO nunc sic scribere malim **in áltum, fit quod dí uolunt:** nec possum non eidem astipulari v. 169 praeclare sic redintegranti **Ádgrediar hominem. PE. Éstne aduorsum hic qui áduenit [Palaéstrio]? nisi quod quí uenit praestare arbitror ut Plautinae consuetudini accommodatus.** — Vberius idem disseruit de eis quae v. 185 excipiunt et ita quidem ut contra TVAM de hoc loco disputationem in praefatione Militis p. XXIV sqq. editam librorum memoriam in rebus tantum non omnibus sustentare conatus sit. mihi quidem vir doctissimus nec vindicias nec coniecturas suas probavit et ex his quidem unam omnium minime eam qua versui 191 sententiam obscenam supposuit de qua poeta hoc quidem loco ne in somnis quidem cogitavit: sed iterum iterumque pensitatis rationibus a TE et ab illo prolatis praeter duas res ad disputationis TVAE summam redii. quarum

duarum rerum altera haec est quod me non paenitet v. 187 ex Ambrosiani scriptura **NEISTE** et relicuorum librorum *ne esse effecisse ne is se* quod **FRITZSCHIVS** quoque perdidit quodque verum esse ne **TV** quidem hodie opinor negabis: altera quod nunc mihi non recte fecisse videor quod eum versum qui in Ambrosiano inter v. 185 et 186 legitur **TE** praeceunte delevi. est autem hic **PROFECTOUTNEQUOQUAMDEINGENIODEGRBDIATURMULIEBRI** quem is qui nunc 186 est excipit in libris sic fere scriptus *Earumque artem et disciplinam optineat colerem* (aut *colorem*) *et quemadmodum.* de quibus duobus versibus **TV** ita sensisti 'pinguissimum interpretamentum in verba poetae irrepsisse idque tale *profecto ut ne quoquam de ingenio mulierum degrediat* *earumque...* una constructione conglutinata scriptoris et interpretis oratione', a poeta autem hunc unum versum profectum esse *Ne hercle usquam artem et disciplinam apstineat colere.* **PE.** *Quemadmodum?* at quamvis lubentissime **TIBI** largiar altera ex his duabus sententiis *ne de ingenio degrediat* *muliebri* et *ut mulierum artem et disciplinam obtineat colere* facile careri posse, tamen versus illius in solo Ambrosiano servati (modo recte emendatus sit) numeri tam boni sunt ut eum interpolatori quavis vetusto tribuendum esse *vix* adducar ut credam. tum vero aliquid inter utramque sententiam intercedere discriminis ipse non negabis. accedit quod in isto versu quem **TV** posuisti *artem et disciplinam* verba nimis nude posita videntur: servus enim nī fallor addere debebat cuius vel qualis ars et disciplina Philocomasio colenda esset, qua de causa illud *earum* i. e. *mulierum* initio huius versus necessarium puto. quaeritur igitur hoc solum quo modo versus ille ex Ambrosiano erutus aptissime et lenissime corrigatur. atqui bene nosti quam saepe in libris Plantinis adfirmandi particulae inter se permutatae sint (cf. Mil. 1270 Bacch. 595 Stich. 243): hinc nescio an huic versui idem adhibendum sit remedium quo huius fabulae versum 290 aliter ac **TV** et paulo propius puto a librorum scriptura instauravi, ut pro *profecto* scribatur *hercle*: quod si feceris nihil profecto desiderabis. altero autem versu nihil mutandum censeo nisi ut alterum *et*, quod iam pridem editores viderunt, deleatur et quod **TV** repperisti pro *colerem* aut *colorem* reponatur *colere*, quod utrumque fragminibus huius versus in Ambrosiano superstitibus confirmatur. at 'ita' inquis 'optinere verbum constructionis ratio respuit'. non habeo quidem exemplum quo *optinere* infinitivo iunctum probetur, sed cum poeta Curc. I 3 24 non veritus sit dicere *mi apstineant invidere*, me non intellegere fateor cur eadem constructione non potuerit uti in *optinendi* verbo. illud autem *ut artem optineat colere* nihil aliud est quam *ut perseueret in colenda arte.* versus igitur 186 loco hos duos vellem in orationis continuitate dedissem.

[Hércle] ut ne quoquám de ingenio dégređiatur mǔ-
liebri

Ēarumque artem et dísciplinam optíneat colere.

PE. Quem ád modum?

unum est quod in his versibus iure offendere possit, dico eam syntaxin ex qua *earum* dictum est quasi non *muliebri* sed *mulierum* praecesserit, quod siquis revocare volet, ut FRITZSCHIVS fecit, non obstinate adversabor, quamquam necessarium esse mihi nondum persuadeo. — V. 255 sq. TV nunc ita scribi mavis — *íntro abi ergo: ét sist isti, mǔlierem || Iúbe cito domum transire ac bēne ei haec monstra et praécipe* et si recte verba TVA intellexi ea potissimum de causa ut evitetur cito voculae correptio. at in hac re nimis mihi fuisse videris severus, de quo alibi ita disputabo ut totum hoc genus complectar, nec propter istam correptionem ab ea ratione qua hi versus in libris descripti sunt recedere ausim. est autem alia causa cur hos versus hic retractandos duxerim: non enim iam probo eam correcturam quam motus gemello ut mihi videbatur versu Capt. 359 receperam *dice monstra* quod non solum illo versu ut iam supra dixi sed etiam hoc reiciendum est. verum ne TVAS quidem horum verborum emendationes probare possum, nec priorem *atque haec bēne ei monstra et praécipe* nec nuperam quam supra transcripsi, et hac quidem de causa quia *bene monstrare* in Plautino sermone longe aliam vim habet atque quae hic desideratur, vide modo Bacch. 133 Curc. I 3 43 et *recte monstrare* Stich. 146 Pseud. I 3 55 Curc. II 3 20. equidem hic idem desidero verbum quod illo Captivorum versu ex libris restitui iussi *demonstrare* et cum Ambrosianus habeat *HAECBENEMONSTRA*, relicui libri fere *haec ei monstra*, hanc genuinam huius versus formam fuisse conicio

Cito domum transíre: atque haec ei bēne demonstra,
praécipe

Ūt teneat consília nostra...

ceterum RBIZIVS hunc versum sic correxerat *Cito domum nostrám transire, atque haec ei monstra, praécipe*, sed hoc non magis ad Plautinam consuetudinem quam quod TV v. 484 scripseras *nostrae domi*, quem versum TV nunc ipse aliter perpoliivisti. eidem RBIZIO debetur quod v. 279 intexui *hic* quod cum et in antecedenti et in sequenti versu in libris abunde additum sit huc pertinuisse videtur: idem v. 429 ante BOTHIVM invenerat *ne nos nosmet*, v. 472 *qui hanc* quod iam Philol. II p. 88 indicavi. — Sequitur series emendationum TVARVM quam quod ex TVA praefatione Stichi transcripsi non feres moleste: v. 263 *sese uidísse*: v. 367 *Ac cum álieno*: v. 370 *uíderim*. PH. Ego móra moror mǔltum (ab DANZIO): v. 406 *planumst íd quidem*:

v. 410 *fóris uicini próximi concrépuit*: v. 425 *quid negótist*: v. 426 *Mén rogas homo qui sim* (ab ACIDALIO): v. 484 *cubantem tám modo offendí domi'*. — V. 441 ego nunc malim *Quíd hic in Epheso tibi negotist?* (nisi in scriptura librorum ne literula quidem mutanda est, vide supra ad Amph. 111). — V. 473 nescio an sic sit corrigendus *Mágis pol metuo [míhi]: set numquam* (ell. v. 526 Bacch. 595), quamquam non sum immemor versuum a TB in Proleg. Trin. p. ccxxv congestorum. — V. 481 scribendum est *néque pro nec*. — V. 485 TV propter caesurae defectum ordinem verborum quem libri prodiderunt *Certúmst nunc opseruátióni operám dare* ita mutasti ut ego edidi: at Rud. 525 habes versum plane eodem modo confictum, unde hos duos in vicem se tueri crediderim: nam hunc quoque ob eandem causam sic mutare *Ad uélitatiónem me equidem exérceo* profecto audentius sit. — V. 502 verissime TV intellexisti insititium esse eiusque in locum substituendum v. 511, item v. 600 et 601 (quo versu non abs re videtur referre RBIZVM prope afuisse a vera emendatione: correxit enim *aut caute locus*) a Plauto abiudicandos esse, servandum autem proximi initio *Nám pro Et*, denique v. 666 ad 668 transponendos esse post v. 653. — V. 508 vellem pro *Quín* quod TV de conjectura dedisti scripturam Decurtati *Quod* servassem. — V. 552 vide num Ambrosiani scriptura *Aqua aéque sumi* defendi possit talibus exemplis iunctae comparativo *aeque* vel *adaeque* vocis qualia sunt Capt. 700 828 Merc. II 3 1 (nam Bacch. 621 ubi HERMANNVS pereleganter *aeque* invexerat TV et ut videtur iure TVO libris obsecutus es). — V. 613 sq. REIZIVS sic conformavit *Si gerimus rem. PE. Mágis ad rem quam hoc útile esse nón potest. || Quid tibi, Pleusidés? PL. Quod vobis pláceat, displiceát miki?* v. 649 *Néque ego autem umquam aliénum scortum* —: v. 752 initio nam particulam ante TB delevit: v. 865 ante BOTHIVM transposuit *partem infortuni meam*: v. 913 ante TE inseruit *porro* inter *Quem* et *ego*. — V. 627 vellem recepissem quod ex Nonii librorum corruptela LINDEMANNVS eruit (praeiverat tamen MERCERVS) *Quíd ais tu? tam tibi ego*. — V. 629 me male habet *praeter* praepositionis usus: quid si ea deleta ordinem verborum quem libri exhibent in hunc modum restituamus *Nám equidem hau sum nátus annos quínquaginta* —? — V. 774 puto corrigendum esse *Quem institui* scil. *dohum*, ut *instituere astutiam* legitur v. 237 et Epid. III 2 27: nam *instituere rationem doli* dubito num Plautus dixerit. — V. 800 verior ne incuria librariorum infinitivus *esse* omissus sit (cf. v. 932

et Proleg. Trin. p. cxiii et cccxxv): malim igitur **Ad eum ibo:] a tua mihi [esse] uxore.** — V. 807 paenitet me V. C. scripturam **Quem nómínem?** sprevisse, item v. 1322 id quod ab uno Nonio servatum est **quemuis:** Plautus enim constanter *quis* forma et de maribus et de feminis usus esse videtur, cf. Mil. 925 967 Stich. 237 et alibi *quis* (unde non dubito quin Bacch. 473 pro *quae uocatur?* corrigendum sit *quis uocatur?* ell. Mil. 436), Rud. 1146 Cist. II 3 66 *quisquis*, Cist. I 1 68 *quisquam*, Mil. 1060 Rud. 406 *quemquam*, Rud. 813 *quempiam*, Pseud. I 2 52 *quemque* (ubi verba sic esse transponenda censeo ut suo *quemque* appellem nomine): add. Non. p. 197 sq. et RVHNKENIVM ad Rufinian. p. 268. — V. 985 nescio quo errore factum sit ut emendationem *aperitur foris* **tecum** olim tamquam meum inventum communicarem (cf. praef. Bacch. p. xiii), quam non solum **BOTHIVS** occupavit sed ante hunc etiam **REIZIVS:** idem v. 998 nescio an vere sic emendavit *Quae amat hunc hominem nimis lepidum* —: tum ab eodem sumpsit quod v. 1005 scripsi *uidisti*. hoc enim non solum a librorum corrupta scriptura *tuis* propius abest sed etiam sententiae magis convenit quam quod **tv** posuisti *uideas:* v. 1008 priorem partem **REIZIVS** eodem modo transposuerat ac **tv:** v. 1088 idem ante **BOTHIVM** scripserat *audin?* pro *audin tu?* v. 1124 *foras* pro *foris*, v. 1127 *ornamenta quae illi pro ornamentaque quae illi*, v. 1217 *sentiát uidere pro uidere sentiát*, v. 1252 *ignoscet animo pro animo ignoscet.* — V. 1176 transpositum velim **erit hoc:** eodem versu **REIZIVM** correxisse ut *intro* quod recepi (nisi quod ille *intro ut* posuerat) pro librorum *ubi intro* **tv** iam in praefatione Stichi p. xix retulisti. — V. 1203 idem transposuit *fecit uerba, ut lenta:* v. 1221 sic constituit **Placide ipsa, dum lubitúmst mihi, otíose, meo arbitrátu** quod vellem ipse recepissem, cum verba *ut uolui* ab interprete ascripta esse veri sit simillimum. — V. 1222 nunc intellexi scribendum esse **quia te ádiit** et v. 1356 **Ét si ita senténtia esset,** qui hiatus eidem sunt atque ille quem supra ad Amph. 736 me alibi defensurum esse professus sum. — Denique v. 1389 concinnitas numerorum quam **tv** in Proleg. Trin. p. ccx et cccxxviii duce BENTLEIO commendavisti suadet ut transponatur **senex stat in statu.**

Rudentis versu 194 quod posui *insigne* pro librorum *monstro sibi igni* debeo OTTONI meo, quam coniecturam reicere poterit qui meliorem substituerit, ab eodemque sumpsit quod v. 456 dedi *scelus huc* pro librorum *huc scelestus*, cui praeclarae emendationi facile hanc cedere iussi quam ipse paulo audentius excogitaveram ut *cónfugiamus antequam* || *Scelestus leno huc uéniat* —.

ac nequid celem quod in hac opera mea aliis privatim acceptum referam scito me huius fabulae v. 315 coniecturam praeceptoris mei pie colendi CHR. GVIL. MITSCHERLICHII quae numquam in publicum edita est in orationis continuitatem recepisse: cum enim ante hos novem vel decem annos in alma matre GEORGIA AVGVSTA sodalis seminarii philologici de versibus compluribus Rudentis in eis-
que de v. 312 sqq. disputarem, senex ille venerabilis comiter me docuit v. 315 in scriptura 'nonnullorum ex libris veteribus' LAMBINI *qui treis semihomines duceret* nihil aliud latere quam *secum homines*, quod nunc non dubitavi recipere, cum in hac potissimum fabula libros illos LAMBINIANOS vel potius unum librum perbonum ex quo TVRNEBVS et LAMBINVS hic illic scripturas discrepantes excerpterunt (de quo .TV data opera egisti in Mus. Rhen. philol. tomo III (a. 1836) p. 529 sqq.) haud raro Palatinis praestare intellexissem. ceterum num totum hunc locum unum ex difficillimis aliqua cum probabilitate instauraverim TVVM exspecto iudicium. quae autem ipse curis secundis in hac fabula corrigenda repperi haec sunt. V. 528 scribendum est **aps te** pro *a ted*: v. 608 **me** pro *med* (vide supra ad Amph. 736): v. 613 servare debebam librorum **hic** pro *hoc* (vide supra ad Amph. 111): v. 724 velim sic transponi **Nón licet: ita léx est aput nos**: v. 741 fortasse excidit *sum* post *natus*: v. 1019 non erat quod cum RBIZIO *Ast* scriberem pro **At** forma quam libri tuentur (post *mari*? enim hiatus est): v. 1143 vellem sic scripsissem **Hóc habet: solútust. perii**: v. 1173 peccavi quod vocis dactylicae *filia* ultimam syllabam intendi passus sum, quod cum arti repugnet lenissime (praecedit enim *queo*) corrigendum arbitror **[Ó] mea filia, sálue**: v. 1357 sic personis distribuendus videtur **GR. Séquere hac. DÆ. Vbi istic lénost? GR. Heus tu: nisi integer versus excidit**, nam aegre desidero responsum servi ad eri sui interrogatum, velut ad hoc exemplum

GR. Séquere hac. DÆ. Vbi istic lénost? GR. [Hic ante óstium reliqueram:

Sét eccillum, prope ástat:] heus tu, én tibi, habet hic uídulum.

De Trinummo hic primum eos indicandos duxi versus quos aliter ac TV instauravi ex eo exemplo harum fabularum cuius margini SCHWARZMANNVS, ut supra narravi, scripturas discrepantes libri Ambrosiani ascripserat. qui vir doctissimus quod in aliquot paginis illius libri aliquanto plura legit quam TV non mirabuntur qui reputaverint eum duobis annis ante TB membranas illas excussisse, quarum hodierna conditio quam TV accuratissime

in epistula **TV** Mediolanensi ad **HERMANNVM** data descripsisti ea est ut facile partes quaedam membranarum aliquot annorum intervallo adeo situ corruptae esse potuerint ut quod anno huius saeculi **XXXV** legi potuerat idem anno **XXXVII** interisset: in ceteris autem rebus fere omnibus illius excerpta cum **TVIS** conspirant. V. 186 initio de quo **TV** 'non satis liquere' profiteris ille in Ambrosiano extare adnotavit **HASCINMIPROPTER** quod si cum scriptura relicuorum librorum *Hascine me propter* comparaveris non negabis verissimum esse. — V. 351 idem haec excerpfit **ETILLUCQUODNONHABES-HABRAS** || **URLIMMALUM** et ita quidem ut ab **URLIMMALUM** nova pagina (7) incipiat, unde non dubitavi illud *velim* asciscere, cum adpareat *malum* vetus glossema esse quod in relicuis libris omnibus genuinam vocem *velim* expulit (cf. v. 361 ubi in Ambros. simili interpretandi genere **MALAMULTA** pro *multa* legitur, quo glossemate libri relicui manserunt liberi): ceterum quod in hoc versu *et nunc quod non habes* scripsi (quod ex Palatinorum scriptura *et illud quod nunc non habes* sumpsit) nunc nollem factum, postquam **illuc** multo aptius esse intellexi, quia id ipsum *quod non habes* quid sit non distinctius nominatur. — V. 442 **SCHWARZ-MANNVS** legit **INTERTEATQ'NOS** quod itidem verissimum esse concedes cum relicui libri omnes habeant *inter se atque nos*, quod cum sensu careret **MERVLA** correxit *inter se atque vos*, quem omnes editores secuti sunt: sed illud longe urbanius est in ore Philtonis contra Lesbonicum. — V. 508 eadem auctoritate nixus deleui *hic* quod in relicuis libris post *sub urbe* scriptum extat. — Ad v. 860 et duos qui hunc excipiunt **TV** nihil ex Ambros. adnotasti, **SCHWARZMANNVS** haec: 860 **IPSUMPLANEESSE** pro *esse ipsum plane*, 861 **QUOMAGIS** pro *Quam magis* et **MIHIEAHOMINIS** pro *mihi haec hominis* (at V. C. *mihi hominis*: cf. v. 852), 862 **HOMOESSET** pro *homost*, quas libri Ambrosiani scripturas praeter ultimam qui merus est librarii error recipiendas duxi omnes (debebam fortasse v. 861 **specto** [eo] minus restituere). — Denique v. 1052 ille non id quod **TV** **TIBI** legere visus es **COAPIASDUARUM** excerpfit sed totidem literis id quod **BERGKIVS** l. s. s. p. 1146 coniectura adsecutus est **OCCUPIASDUARUM**: sed utrumcumque reapse in libro illo scriptum extat ego non dubito quin verum sit quod scripsi *occupias duarum* quocum depravata scriptura Palatinorum *cupias duarum* unice convenit. ceterum quid de hoc versu sentiam explicatius alibi exposui. — Deinde infra eas emendationes **REIZIANAS** exprompsi quas praeter eas quae ab **HERMANNO** in praefatione Trinummi p. ix sq. editae sunt a **KREBSIO** transcriptas repperi: ipse quidem vir summus se alia multa praeterire professus est in quibus **REIZIVS** veterum librorum lectionem coniectura adseculus esset, sed multa etiam praeteriit quae ut plerumque certissima sunt ita in nullo veteri libro reperta sunt. sunt autem, nisi quae oculos meos fugerunt, haec emendationes

quibus **tv** in commentario **tvo** critico **HERMANNI** nomen ascripsisti, aliquando cum Trinummum iterum edes **REIZII** ascribere debebis: v. 120 *posses* pro *possis*: 230 *sit* pro *siet*: 231 *sit uoluptatis* pro *uoluptatis sit*: 308 *seruit* pro *seruabit*: 367 *apiscitur* pro *adipiscitur*: 388 *tuum erit* pro *erit tuum*: 470 *coena sit* pro *sit coena*: 492 *animai* pro *animae*: 557 *ab se* pro *ab sese*: 606 *tu nullus edepol* pro *tu edepol nullus*: 677 *Atque si eris* pro *Atque erit si*: (v. 730 *Pote* pro *Potest* idem correxit ante **BOTHIVM**: v. 742 *Ex ea largiri te illi* quam emendationem Ambrosianus confirmavit: v. 848 *trium nummum* pro *trium nummorum* ante **TE**;) 885 *Ante lucem si* pro *Si ante lucem*: 922 *Char. CH. Chares?* pro *Char. CH. An Chares?* (v. 952 *Norisne* pro *Nouerisne* ut **GVYETVS**;) 955 *Philippum* pro *Philippeum*: 956 *aibat* pro *aiebat*: 969 *te a me* pro *a me te*: 974 *mi obrepsisti* pro *obrepsisti*: 1115 *hominum omnium* pro *omnium hominum*: 1131 *repetundi id* pro *id repetundi*. — Postremo ipse haec in Trinummo emendari posse iam nunc intellexi: v. 429 vellem sic dedissem ut **tv** in Proleg. p. cxi commendavisti **LE. Factumst. ST. Vt quidem illut pérrierit**: v. 652 **relinqui ób eam rem enixe éxpeto** cum libris praeter V. C. in cuius mendosa scriptura **tv** nimium quaesivisse videre (cfl. Proleg. p. cxciii sq.): v. 707 **Ágit hic magis** cum **REIZIO**: v. 718 vellem cum **GVYETO** delevissem *hinc*: v. 766 ascivissem quod **tv** in adnotatione proposuisti **quae [hic] non uisitáta sit** quod plane necessarium esse videtur: v. 792 vellem ita dedissem ut **REIZIVS** eum perpolivit **Illúm quem habuit pérdidit, fecit nouom**: quia *perdidit*, ut alibi probavi, in senario ne potest quidem dactyli mensuram exaequare sed per se creticum efficit (de hiatu autem *quém habuit* non est quod vereare: vide quae supra ad Amph. 736 dixi): tum vero sero intellexi post hunc versum lacunam unius versus significandam fuisse, cum credibile non sit poetam qui sescentas causas conligi posse adfirmasset illam unam adferre satis habuisse, vide modo Mil. 250 sqq.

Haec fere sunt quae **TE**, **RITSCHELI** carissime, et ceteros qui hac mea opella utentur nescire nolui. **tv** vero valeas inique ut facis mutuo diligas. Scribebam mense Iunio anni **MDCCCL** Weilburgi ad Loganam.

T. MACCI PLAVTI
A M P H I T R V O.

GRAECA [ARCHIPPV].

ARGVMENTVM I.

Amóre captus Álcumenas Iúppiter
Mutáuit sese in éius formam cóniugis,
Pro pátria Amphitruo dúm decernit cum hóstibus:
Habitú Mercurius èi supseruit Sósiae:
Is áduenientis séruom ac dominum frústra habet. 5
Turbás uxori ciet Amphitruo: atque ín uicem
Raptánt pro moechis. Blépharo captus árbiter
Vtér sit non quit Ámphitruo decérnere.
Omném rem noscunt: géminos illa enítitur.

ARGVMENTVM II.

In fáciem uorsus Ámphitruonis Iúppiter,
Quom béllum gereret cúm Telebois hóstibus,
Alcménam uxorem cépit usurárium.
Mercúrius formam Sósiae seruí gerit
Apséntis: his Alcména decipitúr dolis. 5
Postquám rediere uéri Amphitruo et Sósia,
Vtérque deludúntur in mirúm modum.
Hinc iúrgium, tumúltus uxori ét uiro,
Donéc cum tonitru uóce missa ex aéthere
Adúlterum se Iúppiter conféssus est. 10

P E R S O N A E.

MERCVRIVS DEVS
SOSIA SERVOS
IVPPITER DEVS
ALCVMENA VXOR
AMPHITRVO DVX
THESSALA ANCILLA
BLEPHARO GVBERNATOR
BROMIA ANCILLA
CANTOR.

P R O L O G V S.

M E R C U R I V S.

Vt uós in uostris uóltis mercimóniis
Emúndis uendundísque me laetúm lucris
Adficere atque adiuuáre in rebus ómnibus,
Et út res rationésque uostrorum ómnium
Bene éxpedire uóltis peregrique ét domi, 5
Bonóque atque amplo auctáre perpetuó lucro
Quasque íncipistis rés quasque ínceptábitis,
Et utí bonis uos uóstrosque omnis núnitiis
Me adficere uoltis, ea ádferam, ea uti núnziem,
Quae máxume in rem uóstram comuném sient 10
(Nam uós quidem id iam scítis concessum ét datum
Mi esse áb dis aliis, núnitiis praesim ét lucro):
Haec út me uoltis ádprobare, adnítier,
Lucrum út perenne uóbis semper súppetat:
Ita huíc facietis fábulae siléntium 15
Itaque aéqui et iusti hic éritis omnes árbitri.
Nunc quóius iussu uénio et quam ob rem uénerim,
Dicám semulque ipse éloquar nomén meum.
Iouis iússu uenio: nómen Mercurióst mihi.
Pater húc me misit ád uos oratúm meus, 20
Tametsí pro imperio uóbis quod dictúm foret
Scibát facturos, quíppe qui intelléxerat
Veréri uos se et métuere, ita ut acquómst Iouem:
Verúm profecto hoc pétere me precáριο

A uóbis iussit léniter dictís bonis. 25
 Etenim ille, quoius huc iússu uenio, Iúppiter
 Non mínus quam uostrum quíuis formidát malum:
 Humána matre nátus, humanó patre,
 Mirári non est aéquom, sibi si praétimet.
 Atque égo quoque etiam, quí Iouis sum filius, 30
 Contágione mèi patris metuó malum.
 Proptérea pacem aduénio et ad uos ádfero.
 Iustám rem et facilem esse óratam a uobis uolo:
 Nam iústa ab iustis iústus sum oratór datus:
 Nam iniústa ab iustis ímpetrari nón decet, 35
 Iusta autem ab iniustís petere insipiéntiast:
 Quippe illi iniqui iús ignorant néque tenent.
 Nunc húc animum omnes quae loquar aduórtite.
 Debétis uelle quae uelimus: méruimus
 Et ego ét pater de uóbis et re púplica. 40
 Nam quíd ego memorem, ut álios in tragoédiis
 Vidí, Neptunum, Vírtutem, Victóriam,
 Martém, Bellonam, cónmemorare quae bona
 Vobís fecissent? quís benefactis méus pater,
 Deorúm regnator, árchitectust ómnibus. 45
 Set ille numquam mós fuit patrí meo,
 Vt éxprobraret quód bonis facerét boni:
 Gratum árbitratur ésse id a uobís sibi
 Meritóque uobis bóna se facere quae facit.
 Nunc quám rem oratum huc uéni, primum próloquar: 50
 Post árgumentum huius éloquar tragoédie.
 Quid cóntraxistis fróntem? quia tragoédiam
 Dixí futuram hanc? déus sum, conmutáuero.
 Eandem hánc, si uoltis, fáciam ego ex tragoédia
 Comoédia ut sit ómnibus isdem uérsibus. 55
 Vtrúm sit an non uóltis? set ego stúltior,

Quasi nesciam uos uelle, qui diuos siem:
Teneo quid animi uostri super hac re siet.
Faciam ut conmixta sit haec tragicomoedia:
Nam me perpetuo facere ut sit comoedia, 60
Reges quo ueniant et di, non par arbitror.
Quid igitur? quoniam hic seruos quoque partis habet,
Faciam sit, proinde ut dixi, tragicomoedia.
Nunc hoc me orare a uobis iussit Iuppiter,
Vt conquistores singula in supsellia 65
Eant per totam caueam spectatoribus:
Siquoi fautores delegatos uiderint,
Vt is in cauea pignus capiatur togae.
Nam siqui palmam ambissent histriónibus: —
Si quoquam artifice seu per scriptas literas 70
Seu qui ipse ambisset seu per internuntium:
Siue adeo aediles perfidiose quod dunt: —
Sirémipse legem iussit esse Iuppiter,
Quasi magistratum sibi alteriue ambuerit.
Virtute dixit uos uictores uiuere, 75
Non ambitione neque perfidia: qui minus
Eadem histrióni sit lex quae summó uiro?
Virtute ambire oportet, non fautoribus.
Sat habet fautorum semper qui recte facit,
Si illis fides est, quibus est ea res in manu. 80
Hoc quoque etiam mihi ille in mandatis dedit,
Vt conquistores fierent histriónibus:
Qui sibi mandasset delegati ut plauderent
Quiue alter quo placeret fecisset minus,
Eius ornamenta et corium uti conciderent. 85
Mirari nolim uos, quapropter Iuppiter
Nunc histriones curet. ne miremini:
Ipse hanc acturust Iuppiter comoediam.

Quid id éstis admiráti? quasi ueró nouom
 Nunc próferatur, Iouem facere hístrióniam. 90
 Etiam hístriones áno quom in proscénio hic
 Iouem ínuocarunt, uénit: auxilio ís fuit.
 Praetérea certo pródit in tragoédia.
 Hanc fábulam inquam Iúppiter hic hodie ípse aget
 Et égo cum illo una. núnc uos animum aduórtite, 95
 Dum argúmentum huius éloquar comoédiae.

Haec úrps est Thebae: in íllisce habitat aédibus
 Amphítruo, natus Árgis ex Argó patre,
 Quicum Álcumenast núpta, Electri fília.
 Is núnc Amphitruo praéfectust legiónibus: 100
 Nam cúm Telebois béllumst Thebanó poplo.
 Is prius quam hinc abiit ípsemet in exércitum,
 Grauidam Álcumenam fécit uxorém suam.
 Nam ego uós nouisse crédo iam ut sit méus pater,
 Quam líber harum rérum et multarúm siet 105
 Quantúsque amator, si èi quid complacitúnst semel.
 Is amáre ocepit Álcumenam clám uírum
 Vsúramque eius córporis cepít sibi
 Et gráuidam fecit ítidem compressú suo.
 Nunc de Álcumena ut rém teneatis réctius, 110
 Vtrímquest grauida, et éx uiro et summo éx Ioue.
 Et méus pater nunc íntus hic cum illá cubat
 Et haéc ob eam rem nóx est facta lóngior,
 Dum cum illa quacum uólt uoluptatém capít.
 Set ita ádsimulauit sé quasi Amphitruó siet. 115
 Nunc ne hunc ornatum uós meum admirémini,
 Quod ego húc processí síc cum seruillí schema:
 Veterem átque antiquam rem nouam ad uos próferam;
 Proptérea ornatus ín nouom incessí modum.
 Nam méus pater nunc íntus ecúm Iúppiter 120

In Ámphitruonis uórtit sese imáginem,
 Òmnésque cum esse cénset serui quí uident:
 Ita uórsipellem scé facit, quandó lubet.
 Ego sérui sumpsi Sósiae mi imáginem,
 Qui cum Ámphitruone una ábiit hinc in exércitum, 125
 Vt praéservire amánti meo possém patri
 Atque út ne qui essem fámiliares quaérent,
 Vorsári crebro hic quóm uiderent mé domi.
 Nunc quom ésse credent séruom et conseruóm suum,
 Haut quísqum qui sim quaéret aut quid uénerim. 130
 Patér nunc intus súo animo morém gerit:
 Cubát complexus, quóius cupiens máxumest.
 Quae illi ad legionem fácta sunt, memorát pater
 Meus Álcumenae: cénset illa illúm uirum
 Suum ésse, quae cum moéchost. ibi nunc méus pater 135
 Memorát, legiones hóstium ut fugáuerit,
 Quo pácto donis sít donatus plúrumis.
 Ea dóna, quae illic Ámphitruoni súnt data,
 Apstúlimus: facile méus pater quod uólt facit.
 Nunc hódie Amphitruo uéniet huc ab exércitu 140
 Et séruos, quoius égo fero hanc imáginem.
 Nunc ínternosse ut nós possitis fácilius,
 Ego hás habebo usque híc in petaso pínulas:
 Tum mēo patri autem tórulus inerit aúreus
 Sub pétaso: id Ámphitruóni signum nón erit. 145
 Ea sígna nemo horúnce familiárium
 Vidére poterit, uérum uos uidébitis.
 Set Ámphitruonis illic est seruos Sósia:
 A pórtu illic nunc cúm laterna huc áduenit.
 Abigám iam ego illunc áduenientem ab aédibus. 150
 Adéste: erit operae [uóbis] inspectántibus
 Iouem ét Mercurium fáce hic histrióniam.

ACTVS I.

SOSIA. MERCVRIVS.

SO. Qui me áltér est audácior homo aut qui confi-
déntior,

Iuuentútis mores quí sciam, qui hoc nóctis solus ám-
bulem?

Quid fáciam, si nunc trésuiri me in cárcerem conpé-
gerint? 155

Inde crás e promptuária cellá depromar ad flagrum,
Nec caúsam liceat dícere mihi néque in ero quicquam
aúxili

Siét nec quisquam sít quin me omnes ésse dignum dé-
putent.

Ita quási incudem me míserum homines
Octó ualidi 160

Caedánt: ita peregre huc ádueniens

Puplícitus ego hospitio áccipiar.

Eri haéc inmodéstia me còegit, qui hoc nóctis

A pórtu med ingratiis excitáuit:

Idém nonne mé/mittere hóc luci pótuit? 165

Opulénto homíni dúra hoc magís seruítus est,

[Hoc magis miser est diuitis seruos]

Quoi nóctis díesque adsiduó satis supérquest:

Facto aut dicto adést opus, quiétatus né/sis.

Dominús diues óperis te et éxpers labóris 170

Quodquómque ei lubére accidít posse rétur:

Aequom ésse id putát, non reputát quid labórist:

Nec aequom anne iniquom imperét cogitábit.

Ergo in seruitúte expetúnt multa iníqua:

Habéndum et ferúndum hoc onúst cum labóre. 175

ME. Satiúst me queri illo modó seruitútem:

Qui hodié fuerim líber,

Eúm nunc potúit patér seruitútis:

Hic qui uerna nátust conquéritur.

SO. Sum uéro uere uérbero: nam número mi in men-
tém fuit, 180

Dis áduenientem grátias pro méritis agere atque ádloqui.

Ne illi édepol, si meritó meo reférre studeant grátias,

Aliquem hóminem adlegent, qui mihi adueniénti os
occillét probe,

Quoniám bene quae in me fécerunt ingrátas ea habui
atque ínrita.

ME. Facit ille quod uolgo háu solent, ut quíd se sit
dignúm sciat. 185

SO. Quod núnquam opinatús fui neque álius quis-
quam cúium

Sibi éuenturum, id cóntigit, ut sálui poteremúr domi:

Victóres uictis hóstibus legiónes reueniúnt domum

Extíncto duello máximo atque intérnecatis hóstibus.

Quod múlta Thebanó poplo acérba obiecit fúnera, 190

Id ui ét uirtute militum uictum átque expugnatum óp-
pidumst,

Império atque auspició mei eri Ámphitruonis máxime,

Qui praéda agroque adóreaque adfécit popularís suos

Regíque Thebanó Creoni régnum stabiliúit suum. 194

Me a pórtu praemisít domum, haec ut núntiem uxóri suae:

Vt gésserit rem púplicam ductu, império, auspició suo.

Ea núnc meditabor quó modo illi dícam, quom illo
aduénero.

Si díxero mendácium, soléns meo more féccero:

Nam quóm pugnabant máxume, ego túm fugiebam
máxume.

Verúm quasi adfuerím tamen simulábo atque audita
éloquar. 200

Set quó modo et uerbís quibus me déceat fabulárier,
Prius ípse mecum etiám uolo hic meditári: sic haec
próloquar.

Príncípío ut illo aduénimus, ubi prímum terram tétí-
gimus.

Contínuo Amphitruo délegit uirós primorum príncipes.

Eos légat: Teleboís iubet senténtiam ut dicánt suam: 205

Si síne ui et sine belló uelint rapta ét raptores trádere,
Si quae ásportassint réddere: se exércitum extempló
domum

Redúcturum, abiturós agro Argíuos, pacem atque ótium
Dare íllis: sin alitér sient animáti neque dent quac petat,
Sese igitur summa uí uirisque eorum óppidum oppu-
gnássere. 210

Haec úbi Telebois órđine iterárunt quos praeféccerat

Amphítruo, magnanimí uiri fretí uirtute et uíribus

Supérbi nimis feróciter legátos nostros íncrepant,

Respóndent bello se ét suos tutári posse, pròinde uti

Properé de finibús suis exércitus dedúcerent. 215

Haec úbi legati pértulere, Amphítruo e castris ílico

Prodúcit omnem exércitum: contrá Teleboae ex óppido

Legiónes educúnt suas nimis púlcris armis praéditas.

Póstquam utrimque éxitumst máxuma cópia,

Díspertití uiri, díspertití órđines: 220

[Nos nostras more nostro et modo instruximus le-
giones:

Item hostes contra legiones suas instruunt]

Dèinde uterque imperatôr in medium éxeunt,
 Éxtra turbam ôrdinum cónlocuntúr semul.
 Cónuenit, uicti utri sint eo praélio, 225
 Ýrbem, agrum, arás, focos séque uti déderent.
 Póstrquam id actúmst, tubae utrímque contrá canunt:
 Cónsonat térra: clamórem utrímque écferunt.
 Ímperatôr uterque hínc et illínc loui
 Vóta suscípere, tum exércitum hortárier. 230
 Pró se quisque íd quod quisque ét potest ét ualet
 Édit, ferró ferit: téla frangúnt: boat
 Caélum fremitú uirum: ex spírítu atque anhélitu
 Nébula conflát: cadunt uólnere uirí uirum.
 Dénique ut uóluimus, nóstra superát manus: 235
 Hóstes crebrí cadunt: nóstri contra ingruont:
 † Vicimus ui feroces.
 Ín fugam sét tamen némo conuórtitur
 Néc recedít loco quín statim rém gerat:
 Ánimam omittúnt prius quám loco démigrent: 240
 Quisque, ut steterát, iacet óptinetque órdinem.
 Hóc ubi Amphítruo erus cónspicatúst meus,
 Ílico equités iubet délixtera inuádere.
 Équites parént citi, ab délixtera máxumo
 Cúm clamore ínulant, ínpetu alacrí ruont: 245
 Foédant et próterunt hóstium cópias
 † Iuré iniustas.

ME. Numquam étiam quicquam adhúc uerborumst
 prólocutus pérperam.

Namque égo fui illi in ré praesenti et méus quom pu-
 gnatúmst pater.

SO. Perdúelles penetrant se ín fugam: ibi nóstris
 animus ádditust. 250

Vorténtibus Telébois telis cónplebantur córpora,

Ipsúsque Amphitruo régem Pterelam sùapte opruncauit
manu.

Haec illi ui pugnata pugnast úsque a mane ad uésperum:
Hoc ádeo hoc conmeminí magis, quia illo die inpran-
sús fui.

Set praélium id tandém diremit nóx interuentú suo. 255
Postrídie in castra éx urbe ad nos uéniant flentes prín-
cipes,

Velátis manibus órant, ignoscámus peccatúm suum:
Dedúntque se, diuina humanaque ómnia, urbem et
líberos 258

In dítionem atque in ábitratum cúncti Thebanó poplo.
Post ób uirtutem ero Ámphitruoni pátera donata aúreast,
Qui Ptérela potitáre rex est sólitus. haec sic dícam erae.
Nunc pérgam eri imperium éxequi et mé domum capés-
sere.

ME. Áttat, illic húc iturust: íbo ego illic óbuiam:
Néque ego hunc hominem hasce hódie ad aedis [hínc]
sinam umquam accédere. 264

Quándo imagost húius in me, cértumst hominem elúdere.
Ét eniuero quóniam formam húius cepi in me ét statum,
Décet et facta móresque huius habére me similís item.
Ítaque me malum ésse oportet, cállidum, astutum ad
modum

Átque hunc telo sùo sibi, malitia, hís a foribus péllere.
Sét quid illuc est? caélum aspectat. ópseruabo quám
rem agat. 270

SO. Cérte edepol, si quícquamst aliut quód credam
aut certó sciam, .

Crédo ego hac noctú Nocturnum óbdomiuisse ébrium.
Nám neque se septéntriones quóquam in caelo cón-
mouent,

Néque se luna quóquam mutat átque uti exortást semel,
 Néc iugulae neque uesperugo néque uergiliae óccidunt.
 Ita statim stant sígna neque nox quóquam concedít die. 276
 ME. Pérge, nox, ut ócepesti: gére patri morém meo:
 Óptumo optume óptumam operam dás, datam pulcré
 locas.

SO. Néque ego hac nocte lóngiorem mé uidisse cénseo
 Nísi itidem unam, uérberatus quám pependi pérpetem:
 Ėam quoque edepol étiam multo haec uícit longitúdine.
 Crédo edepol equidém dormire Sólem, atque adpotúm
 probe: 282

Mífra sunt nisi inuitauit sése in cena plúsculum.

ME. Áin tu uero, uérhero? deos ésse tui similís
 putas?

Égo pol te istis tuis pro dictis ét malefactis, fúrcifer, 285
 Áccipiam: modo sís ueni huc, inuénies infortúnium.

SO. Vbi sunt isti scórtatores, quí soli inuití cubant?
 Haéc nox scitast éxercendo scórto conductó male.

ME. Méus pater nunc pro huius uerbis récte et sa-
 pientér facit,

Quí complexus cum Álcumena cúbat amans, animo óp-
 sequens. 290

SO. Íbo ut erus quod íperauit Álcumenae núntiem.
 Sét quis hic est homó, quem ante aedis uídeo hoc no-
 ctis? nón placet.

ME. Núllust hoc metículosus acúe. SO. Quom
 [recógito,]

Íllic homo hoc [meum] dénuo uolt pállium detéxere.

ME. Tímet homo: delúdam ego illum. SO. Péríi,
 dentes prúriunt: 295

Cérte aduenientem híc me hospitio púgneo acce-
 ptúrus est.

Crédo misericórs est: nunc proptérea quod me méus
erus

Fécit ut uigilárem, hic pugnis faciet hodie ut dórmiam.
Óppido interii: ópsecro hercle quántus et quam uáli-
dus est.

ME. Cláre aduersum fábulabor, hic auscultet quae
loquar: 300

Ígitur demum mágis maiorem in sése concipiét metum.

Ágite pugni: iám diust quom uéntri uictum nón datis.

Iám pridem uidétur factum, herí quod homines quáttuor
In soporem cónlocastis núdos. SO. Formidó male

Né ego hic nomen mēum conmutem et Quíctus fiam e
Sósia. 305

Quáttuor uirós sopori sé dedisse hic aútmatur:

Métuo ne numerum aúgeam illum. ME. Hem, núnc
iám ergo: sic uolo.

SO. Cíngitur: certe éxpedit se. ME. Nón feret quin
uápulet.

SO. Quís homo? ME. Quisquis homo húc profecto
uénerit, pugnos edet.

SO. Ápage, non placét me hoc noctis ésse: cenant
modo: 310

Pròin tu istam cenám largire, sí sapis, essuriéntibus.

ME. Haú malum huic est pónus pugno. SO. Péríi,
pugnos pónderat.

ME. Quíd, si ego illum tráctim tangam, ut dórmíat?
SO. Seruáueris:

Nám continuas háas tris noctis péruigilauí péssume.

ME. † Facimus nequit ferire malam male diseit manus.
Ália forma opórtet esse quém tu pugnis íceris. 316

SO. Íllic homo me intéropolabit mēumque os finget
dénuo.

ME. Éxossatum os ésse oportet, quém probe percússeris.

SO. Mírum nī hīc me quási muraenam éxossare cógitat. 319

Últro istunc qui exóssat homīnes. pérīi, si me aspéxerit.

ME. Ólet homo quidám malo suo. SO. Heí mihi, numnam ego óbolui?

ME. Átque hau longe abéssē oportet, uérum longe hīnc áfuit.

SO. Íllic homo supérstitiosust. ME. Géstiunt pugní mihi.

SO. Si ín me exercitúru's, quaeso in párietem ut primúm domes.

ME. Vóx mī ad auris áduolauit. SO. Né ego homo infelíx fui, 325

Quí non alas ínteruellī: uólucrem uocem géstito.

ME. Íllic homo a me sibi malam rem arcéssit iumentó suo.

SO. Nón equidem ullum habeó iumentum. ME. Óne-randust pugnis probe.

SO. Lássus sum hercle e náui, ut uectus hūc sum: etiam nunc náuseo.

Vix incedo inánis, ne ire pósse cum onere exístumes. 330

ME. Cérte enim hīc nescio quis loquitur. SO. Sáluos sum, non mé uidet:

'Nescio quem' loqui áutumat: mihi cérto nomen Sósiaest.

ME. Hīnc enim dextra mīhi uox auris, út uidetur, uérberat.

SO. Mé tuo uocis né uicem hodie hīc uápulem, quae hunc uérberat.

ME. Óptume eccum incédit ad me. SO. Tímeo, totus tórpeo. 335

Nón edepol nunc úbi terrarum sím scio, siquís roget,
Néque miser me cónmouere póssum prae formíidine.
Ílicet: mandáta eri perícrunt una et Sósia.

Vérum certumst cónfidenter [húnc] hominem contra ád-
loqui, 339

Quí possim uidéri huic fortis, á me ut apstineát manum.

ME. Quo ámbulas tu, quí Volcanum in córnu con-
clusúm geris?

SO. Quid id exquiris tú, quí pugnis ós exossas hómi-
nibus?

ME. Séruosne es an líber? SO. Vtquomque ánimo
conlubitúmst meo.

ME. Áin tu uero? SO. Áio enimuero. ME. Vérbero.
SO. Mentíre nunc.

ME. Át iam faciam ut uérum dicas dícere. SO. Quid
eóst opus? 345

ME. Póssum scire, quó profectus, quòius sis aut quid
uénieris?

SO. Húc eo, mei erí sum seruus. núnquid nunc es
cértior?

ME. Égo tibi istam hodié scelestam cónprimam lin-
guam. SO. Haú potes:

Béne pudiceque ádseruatur. ME. Périgin argutárier?

Quíd aput hasce aedís [nunc] tibi negótist? SO. Immo
quíd tibist? 350

ME. Réx Creo uigilés nocturnos síngulos sempér locat.

SO. Béne facit: quia nós eramus péregri, tutatúst
domi.

Át nunc abi sane, áduenisse fámiliaris dícito.

ME. Néscio quam tu fámiliaris sís: nisi actutum hínc
abis,

Fámiliaris áccipiere fáxo hau fámiliáriter. 355

SO. Híc inquam habito ego átque horunc sum séruos.

ME. At scin quó modo?

Fáciar ego hodie té superbum, ni hínc abis. SO. Quonám modo?

ME. Aúferere, nón abibis, sí ego fustem sumpsero.

SO. Quín me esse huius fámiliei fámiarem praédico.

ME. Vide sis, quam mox uápulare uís, nisi actutum hínc abis. 360

SO. Tún domo prohibére peregre me áduenientem póstulas?

ME. Haécine tua domúst? SO. Ita inquam. ME. Quíserus est igitúr tibi?

SO. Ámphitruo, qui núnc Thebanis praéfectust legiónibus,

Quícum nuptast Álcumena. ME. Quid ais? quid nomén tibist? 364

SO. Sósiam uocánt Thebani, Dáuo prognatúm patre.

ME. Né tu istic hodié malo tuo cónpositis mendáciis Áduenisti, audáciai cólumen, consutís dolis.

SO. Ímmo equidem tunicís consutis húc aduenio, nón dolis.

ME. Át mentiris étiam: certo pédibus, non tunicís uenis.

SO. Íta profecto. ME. Núnc profecto uápula ob mendácium. 370

SO. Nón edepol uoló profecto. ME. At pól profecto ingrátis:

Hóc quidem profecto certumst, nón est arbitrárium.

SO. Túam fidem opsecró. ME. Tun te audes Sósiam esse dícere,

Qui égo sum? SO. Perii. ME. Át parum etiam, praëut futurumst, praédicas. 374

Quóius nunc es? SO. Túus: nam pugnis úsu fecistí tuum.
 Pró fidem, Thebáni ciues. ME. Étiam clamas, cárnufex?
 Lóquere, quid uenísti? SO. Vt esset, quém tu pugnis
 caéderes.

ME. Quóius es? SO. Amphitruónis inquam Sósia.
 ME. Ergo istóc magis,

Quía uanilocu's, uápulabis: égo sum, non tu, Sósia.

SO. Íta di faciant, út tu potíus síis atque ego te ut
 uérberem. 380

ME. Étiam muttis? SO. Íám tacebo. ME. Quís tibi
 erust? SO. Quem tú uoles.

ME. Quíd igitur? qui núnc uocare? SO. Némó nísi
 quem iússeris.

ME. Ámphitruonis te ésse aiebas Sósiam. SO. Pec-
 cáueram:

Nám illut 'Amphitruónis socium' me ésse uolui dícere.

ME. Scíbam equidem nullum ésse nobis nísi me seruom
 Sósiam. 385

Fúgit ratio té. SO. Vtinam ístuc púgni fecissént tui.

ME. Égo sum Sosia ílle, quem tu dúdum esse aiebás
 mihi.

SO. Ópsecro ut per pácem liceat te ádloqui, ut ne
 uápulem.

ME. Ímmo indutiaé parumper fíant, síquid uís loqui.

SO. Nón loquar nísi páce facta, quádo pugnis plús
 uales. 390

ME. Díc síquid uis: nón nocebo. SO. Túae fide
 credó? ME. Meae.

SO. Quíd, si falles? ME. Túm Mercurius Sósiae
 iratús siet.

SO. Ánimum aduerte: núnc licet mi líbere quiduís
 loqui.

Ámphitruonis égo sum seruos Sósia. ME. Etiam dénuo?

SO. Pácem feci, foédus feci, uéra dico. ME. Vápula.

SO. Vt lubet, quod tibi lubet fac, quóniam pugnis
plús uales. 396

Vérum utut factúru's, hoc quidem hércle haut reticebó
tamen.

ME. Tú me uiuos hódie numquam fácies quin sim
Sósia.

SO. Cérte edepol tu me álienabis núnquam quin
nostér siem:

Néc nobis praetér me quisquamst álius seruos Sósia. 400

[Qui cum Ámphitruone hinc una íeram in exercitum.]

ME. Híc homo sanus nón est. SO. Quod mihi praé-
dicas uitium, íd tibist.

Quíd, malum, non súm ego seruos Ámphitruonis Sósia?

Nónne hac noctu nóstra nauis húc ex portu Pérsico

Vénit, quae me aduéxit? nonne me húc erus misít meus?

Nónne ego nunc sto ante aédís nostras? nón mist láterna
ín manu? 406

Nón loquor? non uígilo? non hic hómo me pugnis cón-
tudit?

Fécit hercle: nám mi misero étiam nunc malaé dolent.

Quíd igitur ego dúbito? aut quor non íntro eo in nostrám
domum?

ME. Quíd, domum uostram? SO. Íta enimuero.

ME. Quín quae dixistí modo

Ómnia ementítu's: equidem sum Ámphitruonis Sósia. 411

Nám noctu hac solúta'st nauis nóstra e portu Pérsico,

Ét ubi Pterela réx regnauit óppidum expugnáuimus,

Ét legiones Téleboarum uí pugnando cépimus,

Ét ipsus Ámphitruo óptruncauit régem Pterelam in
praélío. 415

SO. Égomét mihi non crédo, quom illac aútumare
illum aúdio :

Híc quidem certe quae illi sunt res géstae memorat
mémoriter.

Sét quid ais? quid Ámphitruoni [dóno] a Teleboís
datumst?

ME. Ptérela rex qui pótitare sólitus est patera aúrea.

SO. Élocutust. ubi [ea] patera núnc est? ME. Est in
cístula, 420

Ámphitruonis ópsignata sígno. SO. Signi díe quid est?

ME. Cúm quadrigis Sól exoriens. quíd me captas,
cárnufex?

SO. Árgumentis uícit. aliut nómen quaerundúmst
mihi.

Néscio unde haec híe spectauit. iám ego hunc decipiám
probe :

Nám quod egomet sólus feci néc quisquam alius ádfuit 425
Ín tabernaclo, íd quidem hodie númquam poterit dícere.

Sí tu Sosiás, legiones quóm pugnabant máxume,
Quíd in tabernacló fecisti? uíctus sum, si díxeris.

ME. Cádus erat uini: índe inpleui hírneam. SO. In-
gressúist uiam.

ME. Éam ego uini, ut mátre natum fúerat, eduxí meri. 430

SO. Míra sunt nisi látuit intus illic in illac hírneam.

Fáctumst illut, út ego illic uini hírneam ebiberím meri.

ME. Quíd? nunc uinconé árgumentis, té non esse
Sósiam?

SO. Tún negas med ésse? ME. Quid ego ní negem,
qui egomét siem?

SO. Pér Iouem iuró med ésse néque me falsum dícere.

ME. Át ego per Mercúrium iuro, tíbi Iouem non
crédere: 436

Nam iniurato scío plus credet mīhi quam iurató tibi.

SO. Quis ego sum saltém, si non sum Sósia? te intérrigo.

ME. Vbi ego Sosia ésse nolim, tu ésto sane Sósia:

Núnc quando ego sum, uápulabis, ni hínc abis, ignóbilis.

SO. Cérte edepol, quom illúm contemplo et fórmam
cognoscó meam, 441

Quem ád modum ego sum (saépe in speculum inspéxi):
nimis similíst mei.

Ítidem habet petasum ác uestitum: tám consimilíst
átque ego.

Súra, pes, statúra, tonsus, óculi, nasum, uél labra,

Málae, mentum, bárba, collus: tótus. quid uerbís
opust? 445

Sí tergum cicátricosum, níhil hoc similíst símilius.

Sét quom cogito, équidem certo idém sum qui sempér
fui.

Nóui erum, noui aédís nostras: sáne sapio et séntio.

Nón ego illi optémpero quod lóquitur: pultabó foris.

ME. Quó agis te? SO. Domúm. ME. Quadrigas sí
nunc inscendás Iouis 450

Átque hinc fugias, íta uix poteris écfugere infortúnium.

SO. Nón erae meae núntiare, quód erus meus iussít,
licet?

ME. Túac siquid uis núntiare: hanc nóstram adire
nón sinam.

Nám si me inritássis, hodie lumbifragium hinc aúferes.

SO. Ábeo potius. di ínmortales, ópsecro uostrám
fidem, 455

Vbi ego perii? ubi ínmutatus sum? úbi ego formam
pérdidi?

Án egomet me illíc reliqui, sí forte oblitús fui?

Nam híc quidem omnem imáginem meam, quae ántehac
fuerat, póssidet.

Víuo fit, quod núnquam quisquam mórtuo faciét mihi.
Íbo ad portum atque haéc uti sunt fácta, ero dicám meo :
Nísi etiam is quoque me ígnorabit, quód ille faxit
Iúppiter, 461

Vti ego hodie ráso capite cáluos capiam píleum.

ME. Bene próspereque hoc óperis processít mihi :
Amóui a foribus máxumam moléstiam,
Patri út liceret túto illam amplexárier. 465

Iam ille ílluc ad erum quom Ámphitruonem aduénerit,
Narrábit seruom hinc sése a foribus Sósiam
Amóuisse : ille adeo íllum mentirí sibi
Credét neque credet húc profectum, ut iússerat.

Erróris ambo ego íllos et deméntiae 470

Conplébq atque Amphitruónis omnem fámiliam,
Adeo úsque satietátem dum capiét pater
Íllus quam amat : igitur demum omnes scient,
Quae fácta. denique Álcumenam Iúppiter
Redigét antiquam in cóniugis concórdiam. 475

Nam Amphitruo actutum uxóri turbas cónciet,
Atque ínsimulabit ěam probri : tum méus pater
Eam séditionem illi ín tranquillum cónferet.

Nunc de Álcumena dúdum quod dixí minus,
Hodie ílla pariet fílios gemínos duos : 480

Altér decumo post mēse nascetúr puer
Quam séminatust, álter mense séptumo.

Eorum Ámphitruonis álter est, altér Iouis.

Verúm minori púero maior ést pater,
Minór maiori. íámne hoc scitis quíd siet ? 485

Set Álcumēnae honóris huius grátia
Patér curabit úno ut fetu † fieret,

Vno út labore apsóluat aerumnás duas,
 Et ne in suspitióne ponatúr stupri,
 Et clándestina ut céletur consuétio. 490
 Quamquam, út iam dudum díxi, resciscét tamen
 Amphítruo rem omnem. quíd igitur? nemo íd probro
 Profécto ducet Álcumenae: nám deum
 Non pár uidetur fácere, delictúm suum
 Suámque ut culpam expétere in mortalem sinat. 495
 Orátionem cónprimam: crepuít foris.
 Amphítruo subditúos eccum exít foras
 [Atque] Álcumena [una] úxor usurária.

I V P P I T E R. A L C U M E N A. M E R C U R I V S.

IV. Béne uale, Alcuména, cura rém communem,
 quód facis, 499
 Átque inperce quaéso: mensis íam tibi esse actós uides.
 Míhi necessest íre hinc: uerum quód erit natum tollito.
 AL. Quíd istuc est, mí uír, negoti, quód tu tam subitó
 domo
 Ábeas? IV. Edepol haút quod tui me néque domi
 distaédeat:
 Sét ubi summus ímperator nón adest ad exércitum, 504
 Cítius quod non fáctost usus fit quam quod factóst opus.
 ME. Nímis hic scitust súcophanta, quí quidem sit
 méus pater.
 Ópseruatote ěum, quam blande múlteri palpábitur.
 AL. Écastor te expérior quanti fácias uxorem tuam.
 IV. Sátin habes, si fémínarum núllast quam aequé
 díligam? 509
 ME. Édepol ne illa si ístis rebus té sciat operám dare,
 Égo faxim ted Ámphitruonem mális esse quám Iouem.

AL. Éxperiri istúc mauellem mé quam memorarí mihi.
Príus abis quam lécti ubi cubuísti concaluít locus.

Hére uenisti média nocte, núnc abis. hocín placet?

ME. Áccedam atque hanc áppellabo et súpparasitabór
patri. 515

Númquam edepol quemquám mortalem crédo ego uxorém
suam

Síc ecflíctim amáre, proinde ut híc te ecflíctim déperit.

IV. Cárnufex, non égo te noui? ábin e conspectú meo?

Quíd tibi hanc curátíost rem, uérbero, aut muttítio?

Quém pol ego hoc iam scípione . . . AL. Ah nóli.

IV. Muttitó modo. 520

ME. Néquiter paene éxpediuit prima parasitátio.

IV. Vérum quod tu dícis, mea uxor, nón te mi irascí
debet.

Clánculum abii ego á legione: hanc óperam subrupuí tibi,

Éx me primo ut prima scires, rem út gessissem púplicam.

Éa tibi omnia énarraui. nési te amarem plúrumum, 525

Nón facerem. ME. Facítne ut dixi? tímídam palpo

pércutit.

IV. Núnc ne legio pésentiscat, clám illuc redeun-
dúmst mihi,

Né me uxorem praéuortisse dícant prae re púplica.

AL. Lácrumantem ex abítu concinnas tú tuam uxorém.

IV. Tace:

Né corrumpe oculós: redíbo actútum. AL. Id actutúm
diust. 530

IV. Nón ego te hic lubéns relinquo néque abeo aps te.

AL. Séntio:

Nám qua nocte ad mé uenisti, eádem abis. IV. Quor
mé tenes?

Témpus est: exíre ex urbe príus quam lucescát uolo.

Núnc tibi hanc paterám, quae dono mi illi ob uirtutém
datast,

Ptérela rex qui pótitauit, quem égo mea occidí manu, 535
Álcumena, tibi condono. AL. Fácis ut alias rés soles:
Écastor condígnum donum, quálist qui donúm dedit.

ME. Ímmo sic condígnum donum, quálist quoi donó
datumst.

IV. Pérgin autem? nóne ego possum, fúrcifer, te
pérdere?

AL. Nóli amabo, Amphítruo, irasci Sósiae causá
mea. 540

IV. Fáciam ita ut uis. ME. Éx amore hic ád modum
quam saeuos est.

IV. Númquid uis? AL. Vt quom ápsim me ames, mé
tuam apsentém tamen.

ME. Ėamus, Amphitruó: lucescit hóc iam. IV. Abi
prae, Sósia.

Iam égo sequar. numquíd uis? AL. Etiam: ut áctutum
adueniás. IV. Licet:

Príus[enim] tua opínione hic ádero: [eo] bonum ánimum
habe. 545

Núnc te, nox, quae mé mansisti, mító ut concedás die,
Vt mortalis ínlucescas lúce clara et cándida.

Átque quanto, nóx, fuisti lóngior hac próxuma,

Tánto breuior díes ut fiat fáciam, dispar út dies

Aéque noctem accédát. ibo ét Mercurium súpsequar. 550

ACTVS II.

AMPHITRVO. SOSIA.

AM. Age í tu secúndum. SO. Sequór, supsequór te.

AM. Sceléstissumúm te arbitrór. SO. Nam quam-
óbrem?

AM. Quia íd quod neque ést neque fúit neque fu-
túrumst

Mihí praedicás. SO. Ecceré, iam tuátim

Facís tu, ut tuís nulla apút te fidés sit. 555

AM. Quid ést? quo modó? iam quidem hércle ego
tibi ístam

Sceléstam, scelús, linguam apscídam. SO. Tuís sum:
Proinde út commodúmst et lubét, quicque fácias.

Tamén quin loquár haec utí facta súnť hic,
Numquam úllo modó me potés deterrére. 560

AM. Sceléstissime, aúdes mihí praedicáre íd,
Domí te esse núnc, qui hic adés. SO. Vera díco.

AM. Malúm quod tíbí dí dabúnť atque ego hódie
Dabo. SO. Ístuc tíbíst in manú: nam tuís sum.

AM. Tun mé, uerbero, aúdes erúm ludificári? 565
Tunc íd dicere aúdes, quod némo umquam homo
ánte hac

Vidít nec potést fierí, tempore úno

Homo ídem duóbus locís ut semúl sit?

SO. Profécto, ut loquór, res ítást. AM. Iuppítér te
Perdát. SO. Quid malí sum, ere, tua éx re proméritus?

AM. Rogásne, inprobe, étiam qui lúdos facís me? 571

SO. Meritó maledicás mi, si [nón] id ita fáctumst.

Verum haú mentiór resque utí factast díco.

AM. Homo híc ebriúst, ut [ego] opíno. SO. Egone?

AM. Tu ístic.

SO. Vtinam ésssem ita. AM. Tu ea óptas quae fácta:

ubi bibísti? 575

SO. Nusquam équidem. AM. Quid hoc hóminist?

SO. Equidém deciens díxi:

Et dõmi [nunc]sum ego, ínquam, ecquid aúdis? et
ãput te

Adsúm Sosia ídem. satín plane ego hóc nunc,

Satín diserte ésse, ere, uideór tibi locútus? 579

AM. Vahá, apage te á me. SO. Quid [istúc] est negóti?

AM. Pestís te tenét. SO. Nam quor ístuc [mi] dicis?

Equidém ualeo récte et sum sáluos, Amphítruo.

AM. Át ego faciam te hódie, proinde ut méritu's, ut
ualeás minus

Ét miser siés ex saluo iám, domum si rédiero.

Séquere, erum qui síc ludificas díctis delirántibus: 585

Quí quoniam erus quod ímperavit néglexisti pérsequi,

Núnc uenis etiam últro ínrisum dóminum: quae neque
fieri

Póssunt neque fando úmquam accepit quísquam, ea
profers, cárnufex:

Quõius ego hodie in térgum faxo ista éxpetant mendácia.

SO. Ámphítruo, misérruma istaec míseriast seruó bono,

Áput erum qui uéra loquitur, si id ui uerum uíncitur. 591

AM. Quo íd, malum, pactó potest nam (mécum ar-
gumentís puta)

Fíeri, nunc utí tu et híc sis ét domi, id díci uolo.

SO. Súm profecto et híc et illi: hoc quoíuis mirarí licet,

Néque tibi, [Amphitruo,] istuc mirum mágis uidetur
quám mihi. 595

AM. Quó modo? SO. Nihilo, inquam, mirumst mágis
tibi istuc quám mihi:

Néque, ita di me amént, credebam primo mihimet
Sósiae,

Dónec Sosia égomet ille fécit sibi uti créderem.

Órdine omnia, út quicque actumst, quóm aput hostis
sédimus,

Édissertauit: tum formam una ápstulit cum nómine. 600

Néque lac lacti mágis est simile quam ille ego similis
ést mei.

Nam út dudum ante lúcem a portu mé praemisistí domum,

AM. Quid igitur? SO. Prius múlto ante aedis stábam
quam illo aduéneram.

AM. Quás, malum, nugás? satin tu sánus es? SO. Sic
sum út uides.

AM. Huíc homini nescío quid est malí mala obiectúm
manu, 605

Póstquam a me abiit. SO. Fáteor: nam sum optúsus
pugnis péssume.

AM. Quís te uerberáuit? SO. Egomet mémet, qui
nunc súm domi.

AM. Cáue quicquam, nisi quód rogabo té, [iam] mihi
respónderis.

Ómnium primum iste qui sit Sósia, hoc dicí uolo.

SO. Túus est seruus. AM. Míhi quidem uno té plus
etiamst quám uolo, 610

Néque, postquam sum nátus, habui nísi te seruom Sósiam.

SO. Át ego nunc, Amphítroo, dico: Sósiam seruóm tuum

Praéter me alterum, inquam, adueniens fáciam ut of-
fendás domi,

Dáuo prognatúm patre eodem quo égo sum, forma, aetáte
item,

Qua égo sum. quid opust uérbis? geminus Sósia hic
factúst tibi. 615

AM. Nímia memoras míra. set uidístine uxorém meam?

SO. Quín intro ire in aédis numquam licitumst.

AM. Quis te próhibuit?

SO. Sósia ille, quém iam dudum díco, is qui me
cóntudit.

AM. Quís istic Sosiást? SO. Ego, inquam. quótiens
dicundúmst tibi?

AM. Sét quid ais? num obdórmuiisti dúdum?

SO. Nusquam géntium. 620

AM. Íbi forte istum sí uidisses quéndam in somnis
Sósiam.

SO. Nón soleo ego somniculose erí [mei] imperia pér-
sequi.

Vigilans uidi, uígilans nunc te uídeo, uígilans fábulor,
Vígilantem ille mé iam dudum uígilans pugnís cóntudit.

AM. Quís homo? SO. Sosia, inquam, ego ille.
quaéso, non intéllegis? 625

AM. Quí, malum, intéllégere quisquam pótis est?
ita nugás blatis.

SO. Vérum actutum nósces. AM. Quem? SO. Illum
nósces seruom Sósiam.

AM. Séquere hac me igitur: nám mihi istuc prímum
exquisitóst opus.

Sét uide ex naui écferantur quae ímperaui iam ómnia.

SO. Ét memor sum et díligens, ut quae imperes con-
páreant: 630

Nón ego cum uinó simitu ébibi imperiúm tuum.

AM. Vtinam di faxínt, infecta dicta re eueniánt tua.

ALCVMENA. (THESSALA.) AMPHITRVO. SOSIA.

AL. Satín parua rés est uolúptatum in uíta atque in
aétate agúnda,

Praequám quod moléstumst? ita quoíquest in aétate
hominúm conparátum:

Ita díś est conplácitum, uolúptatem ut maéror comés
consequátur: 635

Quín incommodi plus malíque ilico ádsit, boní si optigít
quid.

Nam ego id nunc expérior domo átque ipsa dé me sció,
quói uolúptas

Parúmper datást, dum uirí mei fuít mi potéstas uidéndi
Noctem únám modo: átque is repénte abiit á me [nunc]
hínc ante lúcem.

Sola híc mi nunc uídeor, quia ille hínc abést, quem ego
amó praeter ómnis. 640

Plus aégri ex abítu [mei] uirí quam ex aduéntu uolúptatis
cépi.

Set hóc me beát saltem, quóniam [ille] uicit

Perdüellis et dómum laudis cónpos reuénit.

Apsít, dum modó laude pártá domúm se

Recípiat. feram ét perferam úsque abítum eius
ánimo 645

Forti átque offirmáto: id modó si mercédis

Datúr mī, ut meús uictor uír belli clúeat,

Satís mī esse dúcam. optumúmst praemium uirtus:

Virtús omnibús rebus ánteit profécto:

Libértas, salús, uíta, rés et paréntes 650

Et pátria et prognáti tutántur, seruántur:

Virtús omnia ín sese habét: omnia ádsunt

Bona, quém penes est uirtus.

AM. Édepol me uxori éxoptatum crédo aduenturúm
domum,

Quaé me amat, quam cótra amo: praesértim re gestá
bene, 655

Víctis hostibús, quos nemo pósse superarí ratust:

Éos auspicio meo átque ductu primo coetu ulcimus.

Cérte enim me illi éxpectatum optáto uenturúm scio.

SO. Quid? me non rere éxpectatum amícae uenturúm
meae?

AL. Méus uir hic quidemst. AM. Séquere hac tu me.

AL. Nám quid ille reuórtitur,

Quí dudum properáre se aibat? án ille me temptát
sciens 661

Átque id se uolt éxperiri, súum abitum ut desíderem?

Écastor med haút inuita sé domum recipít suam.

SO. Ámphitruo, redíre ad nauem méliust nos.

AM. Qua grátia?

SO. Quía domi datúrus nemost prándium adueniént-
tibus. 665

AM. Quí tibi nunc istúc in mentemst? SO. Quía
enim sero aduénimus.

AM. Quí? SO. Quia Alcuménam ante aedis stáre
saturam intéllego.

AM. Gráuidam ego illanc híc reliqui, quom ábeo.

SO. Hei, períí miser.

AM. Quid tibist? SO. Ad aquám praehibendam cóm-
modum aduení domum,

Décumo post mense, út rationem té ductare intéllego. 670

AM. Bóno animo es. SO. Scin quám bono animo sím?
si situlam cépero,

Númquam edepol tu mñhi diuini créduis post hunc diem,
Ní ego illi puteó, si occepso, ánimam omnem intertráxero.

AM. Séquere hac me modo. álium ego isti rei ádlegabo: né time.

AL. Mágis nunc me meum offícium facere, si huíc eam aduorsum, árbítror. 675

AM. Ámphi-truo uxórém salutat laétus speratám suam,
Quam ómnium Thebís uir unam esse óptumam díiúdicat,
Quámque adeo ciués Thebani uéro rumificánt probam.

Váluistine usque? éxpectatun áduenio? SO. Hau uidi magis:

[Nam haéc marítum súum] salutat mágis haut quíquam quám canem. 680

AM. Ét quom grauidam et quóm te pulcre plénam aspicio, gaúdeo.

AL. Ópsecro ecastór, quid tu me dérídículi grátia
Síc salutas átque appellas, quási dudum non uíderis,
Quási qui nunc primúm recipias té domum huc ex hóstibus?

[Atque me nunc proinde appellas, quasi multo post uideris.] 685

AM. Ímmo equidem te nísi nunc hodie núsquam uidi géntium.

AL. Quór negas? AM. Quia uéra didici dícere.
AL. Haut aequóm facit,

Quí quod didicit íd dediscit. án periclitámini
Quíd animi habeam? sét quid huc uos cónuortimini tám cito?

Án te auspícium cónmoratumst án tempestas cóntinet, 690
Quí non abiisti ád legiones, íta uti dudum díxeras?

AM. Dúdum? quam dudum ístuc factumst? AL. Témpas: iam dudúm, modo.

AM. Quí istuc potis est fieri, quaeso, ut dícis: iam dudúm, modo?

AL. Quid enim censes? te ut deludam contra, lusorem
meum,

Qui nunc primum te aduenisse dicas, modo qui hinc
abieris? 695

AM. Haec quidem deliramenta loquitur. SO. Pau-
lisper mane,

Dum edormiscat unum somnum. AM. Quae ne uigilans
somnia? 700

AL. Equidem ecaster uigilo et uigilans id quod fa-
ctumst fabulor:

Nam dudum ante lucem et istunc et te uidi. AM. Quo
in loco?

AL. Hic in aedibus, ubi tute habitas. AM. Numquam
factumst. SO. Non taces? 700

Quid, si e portu nauis huc nos dormientis detulit?

AM. Etiam tu quoque adsentaris huic? SO. Quid uis
feri?

Non tu scis, Bacchaë bacchanti si uis aduersarius,

Ex insana insaniorum facies, feriet saepius:

Si opsequare, una resoluas plaga? AM. At pol qui
certa res 705

Hanc est obiurgare, quae me hodie aduenientem domum

Noluerit salutare. SO. Inritabis crabrones. AM. Tace.

Alcumena, unum rogare te uolo. AL. Quid uis roga.

AM. Num tibi aut stultitia accessit aut superat super-
bia?

AL. Qui istuc in mentemst tibi ex me, mi uir, percon-
tarius? 710

AM. Quia salutare aduenientem me solebas antediac,

Appellare itidem ut pudicae suos uiros, quae sunt,
solent.

Eo more expertem te factam adueniens offendit domi.

AL. Écastor quidém te certo áduenientem heri íllico
Ét salutaui ét ualuissesne úsque exquisiui semul, 715
Mí uir, et manúm prehendi et aúsculum tetulí tibi.

SO. Túne heri hunc salútauisti? AL. Et té quoque
etiam, Sósia.

SO. Ámphitruo, speráui ego istam tibi parturam fi-
lium:

Vérum non est púero grauida. AM. Quid igitur?
SO. Insánia.

AL. Équidem sana sum ét deos quaeso, ut sálua pariam
fílium: 720

Vérum tu malum mágnum habebis, si híc suum officiúm
facit:

Ób istuc omen, óminator, cápies quod te cóndecet.

SO. Ěnimuero praegnáti oportet [múlieri] malúm dari,
Út quod obrodát sit, animo sí male esse occéperit.

AM. Tún me heri híc uidísti? AL. Ego, inquam, sí uis
deciens dícier. 725

AM. Ín somnis fortássis? AL. Immo uígilans uígilan-
tem. AM. Heí mihi.

SO. Quid tibist? AM. Delírat uxor. SO. Átra bili
pércitast:

Núlla res tam délirantis hómines concinnát cito.

AM. Vbi tu primum tibi sensisti, múlier, ímplicíscier?

AL. Équidem ecastor sána et salua súm. AM. Quor
igitur praédicas, 730

Té heri me uidísse, qui hac noctu ín portum aduectí
sumus?

Íbi cenauí atque íbi quieui in náui noctem pérpetem

Néque pedem meum huc íntulí etiam in aédís, ut cum
exércitu

Hínc profectus sum ád Teleboas hóstis eosque ut uícimus.

AL. Immo mecum cénauisti et mécum cubuisti.

AM. Quid est? 735

AL. Véra dico. AM. Nón quidem hercle de hác re:
de aliis néscio.

AL. Prímulo dilúculo abiisti ad legiones. AM. Quó
modo?

SO. Récte dicit, út conmeminit: sómnum narrát
tibi.

Sét, mulier, postquam éxperrecta's, té prodigialí Ioui
Aút mola salsa hódie aut ture cónprecata opóruit. 740

AL. Vaé capiti tuó. SO. Tua istuc réfert, si curá-
ueris.

AL. Íterum iam hic in me inclementer dicit, atque id
sine malo.

AM. Táce tu. tu dic: égone aps te abii hinc hódie cum
dilúculo?

AL. Quis igitur nisi uós narrauit mi illi ut fuerit praé-
lium?

AM. Án etiam id tu scís? AL. Quippe ex te audíui, ut
urbem máxumam 745

Éxpugnaissés regemque Ptérelam tute occíderis.

AM. Égone istuc dixí? AL. Tute istic, étiam astante
hoc Sósia.

AM. Aúdiuistin tú me narrare hódie haec? SO. Vbi
ego audíuerim?

AM. Hanc roga. SO. Me quídem praesente númquam
factumst quód sciam.

AL. Mírum quin te aduórsus dicat. AM. Sósia, age me
huc áspice. 750

SO. Spécto. AM. Vera uólo loqui te, nólo adsentari
mihi.

Aúdiuistin tu hódie me illi dícere ea quae illa aúumat?

SO. Quaéso edepol, num tú quoque etiam insánis,
 quom id me intérrogas,
 Qui ípsus equidem núnc primum istanc técum conspició
 semul?

AM. Quíd nunc, mulier? aúdin illum? AL. Ego
 uéro, ac falsum dicere. 755

AM. Néque tu illi neque míhi uiro ipsi crédis?
 AL. Eo fit, quía mihi

Plúrumum credo ét scio istaec fácta proinde ut próloquor.

AM. Tún me heri aduenísse dicis? AL. Tún te
 abisse hodie hínc negas?

AM. Négo enim uero et me áduenire núnc primum aio
 ad té domum.

AL. Ópsecro, etiamne hóc nêgabis, te aúream pate-
 rám mihi 760

Dèdisse dono hodié, qua te illi dónatum esse díxeras?

AM. Néque edepol dedí neque dixi: uérum ita anima-
 tús fui

Ítaque nunc sum, ut èa te patera dónem. set quis istúe
 tibi

Díxit? AL. Equidem ego éx te audiui et éx tua accepí
 manu

Páteram. AM. Mane, mane, ópsecro te. nímis de-
 miror, Sósia, 765

Quí illaec illi mé donatum esse aúrea paterá sciat,

Nísi tu dudum hanc cónuenisti et nárrauisti haec ómnia.

SO. Néque edepol ego díxi neque istam uídí nisi tecúm
 semul.

AM. Quíd hoc est hominis? AL. Vín proferri páte-
 ram? AM. Proferri uolo.

AL. Fíat. i tu, Théssala, intus páteram profertó fo-
 ras, 770

Qua hódie meus uir mé donauit. AM. Sécede huc tu,
Sósia.

Ēnimuero illut praéter alia míra miror máxume,
Si haéc habet pateram íllam. SO. An etiam id crédis,
quae in hac cístula

Tuo signo opsignáta fertur? AM. Sáluom signumst?
SO. Ínspice.

AM. Récte: itast ut ópsignauí. SO. Quaéso, quin tu
istánc iubes 775

Pró cerrita circumferri? AM. Édepol qui factóst opus:
Nam haéc quidem edepol láruarum plénast. AL. Quid
uerbís opust?

Ēn pateram tibi: éccam. AM. Cedo mi. AL. Age
áspice huc sis núnc iam

Tú, qui quae facta ínfitiare, quem égo iam hic conuin-
cám palam.

Éstne haec patera, quá donatu's ílli? AM. Summe
Iúppiter, 780

Quíd ego uideo? haec ěast profecto pátera. perii, Sósia.
SO. Aút pol haec praestígiatrix múlto mulier má-
xumast

Aút hic pateram inesse oportet. AM. Ágedum, eam
solue cístulam.

SO. Quíd ego istam exoluam? ópsignatast récte. res
gestást bene:

Tu [álium] peperisti Ámphitruonem, ego álium peperí
Sósiam: 785

Núnc si pateram pátera peperit, ómnes congemináuimus.
AM. Cértumst aperire átque inspicere. SO. Víde sis
signi quíd siet,

Né posterius ín me culpam cónferas. AM. Aperí modo.
Nam haéc quidem nos délirantis fácere dictis póstulat.

AL. Vnde haec igitur est nisi aps te, quae mihi ist. donó
data? 790

AM. Ópus mist istuc exquisito. SO. Iúppiter, pro
Iúppiter.

AM. Quid tibist? SO. Hic pátera nulla in cístulast.
AM. Quid ego aúdio?

SO. Íd quod uerumst. AM. Át cruciatu iám, nisi
apparét, tuo.

AL. Haec quidem apparét. AM. Quis igitur tibi de-
dit? AL. Qui mé rogat.

SO. Mé captas, quia túte ab naui clánculum huc aliá
uia 795

Praécucurristi átque hinc pateram túte exemisti átque
eam

Huic dedisti, pósthac rusum opsígnauisti clánculum.

AM. Hei mihi, etiam tú quoque huius ádiuuas insá-
niam?

Áin heri nos áduenisse huc? AL. Áio, adueniensque
flico

Mé salutauísti et ego te et aúsculum tetulí tibi. 800

SO. Iám illuc non placét principium de aúsculo.
AM. Perge éxequi.

AL. Láuisti. AM. Quid, póstquam laui? AL. Áccu-
buisti. SO. Euge, óptume.

Núnc exquire. AM. Ne ínterpella. pérge porro
dicere.

AL. Céna adpositast: cóncenasti mécum: ego accubuí
semul.

AM. Ín eodemne lécto? AL. In eodem. SO. Hei, nón
placet conuiuium. 805

AM. Síne modo arguménta dicat. quíd, postquam
cenáuimus?

AL. Té dormitare aibas: mensa ablatast: cubitum hinc
abiimus.

AM. Vbi tu cubuisti? AL. In eodem tecum una lecto
in cubiculo.

AM. Perdidisti. SO. Quid tibist? AM. Haec me
modo ad mortem dedit.

AL. Quid iam, amabo? AM. Ne me appella. SO. Quid
tibist? AM. Perii miser, 810

Quia pudicitiae huius uitium me hinc apsentest additum.

AL. Opsecro ecastor, quor istuc, mi uir, ex ted
audio?

AM. Vir ego tuus sim? ne me appella, falsa, falso
nomine.

SO. Haeret haec res, si quidem haec iam mulier fa-
ctast ex uiro.

AL. Quid ego feci, qua istaec propter dicta dicantur
mihi? 815

AM. Tute edictas facta tua: ex me quaeris, quid de-
liqueris?

AL. Quid ego tibi deliqui, si quoi nupta sum tecum
fui?

AM. Tunc mecum fueris? quid illac impudenti auda-
ciust?

Saltem, tuipte si pudoris egeas, sumas mutuom.

AL. Istuc facinus, quod tu insimulas, nostro generi
non decet. 820

Tu si me impudicitiae captas, capere non potes.

AM. Di immortales: cognoscisne tu me saltem, Sosia?

SO. Propemodum. AM. Cenauiue ego heri in nauis in
portu Persico?

AL. Mihi quoque adsunt testes, qui illud quod ego di-
cam adsentiant.

SO. Nescio quid istuc negoti dicam, nisi si quis-
piamst 825

Ámphitruo alius, [qui forte te hic absente tamen
Tuam rem curet] té qui apsente hic múnus fungatúr tuum.
Námque de illo súbdituo Sósia mirúmst nimis.

Cérte de istoc Ámphitruone iam álterum mirúmst magis.

AM. Nescio quis praestígiator hánc frustratur mú-
lierem. 830

AL. Pér supremi régis regnum iúro et matrem fámilias
lúnonem, quam mé úereri et métuerest par máxume,
Út mi extra unum té mortalis némo corpus córpore
Cóntigit, quo me ínpudicam fáceret. AM. Vera istaéc
uelim.

AL. Véra dico, sét nequiquam, quóniam non uis cré-
dere. 835

AM. Múlier es, audácter iuras. AL. Quaé non de-
liquít, decet

Aúdacem esse, cónfidenter pró se et proterué loqui.

AM. Sátis audacter. AL. Út decet pudícam. AM. Ain?
tu uerbís probas.

AL. Nón ego illam míhi dotem esse dúco, quae dos
dícitur,

Sét pudicitiam ét pudorem et sédatum cupídinem, 840
Dèum metum et paréntum amorem et cógnatum con-
córdiam,

Tíbi morigera atque út munifica sím bonis, prosím probis.

SO. Ne ísta edepol, si uéra haec loquitur, éxamussimst
óptuma.

AM. Délenitus súm profecto íta, út me qui sim né-
sciam.

SO. Ámphitruo's profecto: caue sis né tu te usu
pérduis: 845

Íta nunc homines ínmutantur, póstquam peregre ad-
uénimus.

AM. Múlier, istanc rem ínquisitam cértumst non amít-
tere.

AL. Édepol me lubénte facies. AM. Quid ais? re-
spondé mihi:

Quíd, si adduco túum cognatum húc ab nauí Naúcratem,
Quí mecum una uéctust una náui: atque is si dénecat 850
Fácta, quae tu fácta dicis, quíd tibi aequomst fieri?

Númquid causam dícis, quin te hoc múltem matrimónio?

AL. Sí deliqui, núllo causast. AM. Cónuenit. tu,
Sósia,

Dúc hos intro. ego húc ab nauí mécum adducam Naú-
cratem.

SO. Núnc quidem praetér nos nemost: díc mihi uerum
sério, 855

Écquis alius Sósia intust, quí mei similís siet?

AL. Ábin hinc a me, dígnus domino séruos? SO. Abeo,
sí iubes.

AL. Nímis ecastor fácinus mirumst, quí illi conlubitúm
siet

Mèo uiro, sic me ínsimulare fálso facinus tám malum. 859

Quídquid est, iam ex Naúcrate id cognáto cognoscám meo.

A C T V S III.

I V P P I T E R .

Ego sum ille Amphitruo, quòius est seruos Sósia,
Idém Mercurius quí fit quando cómmodumst,
In súperiore quí habito cenáculo,
Qui intérdum fio Iúppiter, quandó lubet. 864
Huc aútem quom extemplo áduentum adporto, ílico
Amphítruo fio et uéstitum inmutó meum.
Nunc húc honoris uóstri uenio grátia,
Ne hanc ínchoatam tránsigam comoédiam.
Semul Álcumenae, quám uir insontém probri
Amphítruo accusat, uéni ut auxiliúm feram: 870
Nam méa sit culpa, quód egomet contráxerim,
Si id ínnocenti [inmérito damnosum] éxpetat.
Nunc mémet Amphitruónem, ut occepí semel,
[Iterum] ésse adsimulabo átque in horunc fámiliam
Hodié frustratiónem iníciam máxumam. 875
Post ígitur demum fáciam ut res fiát palam
Atque Álcumenae in témpore auxiliúm feram
Faciámque ut uno fétu et quod grauidást uiro
Et mé quod grauidast páriat sine dolóribus.
Mercúrium iussi mé continuo cónsequi,
Siquíd uellem imperáre. nunc hanc ádloquar.

ALCV MENA. I V P P I T E R.

- AL. Duráre nequeo in aédibus. ita mé probri,
 Stuprí, dedecoris á uiro argutám meo:
 Ea quae sunt facta infécta re esse occlámitat: 884
 Quae néque sunt facta néque ego in me admisi, árguit
 Atque íd me susque déque esse habiturám putat.
 Non édepol faciam néque me perpetiár probri
 Falso ínsimulatam, quín ego illum aut déseram
 Aut fáciat satis ille átque adiuret ínsuper,
 Nolle ésse dicta quae ín me insontem prótulit. 890
- IV. Faciúndumst mí illut, fieri quod illaęc póstulat,
 Si me illam amantem ad sése studeam récipere:
 Quando égo quod feci id fáctum Amphitruoni óffuit
 Atque illi dudum méus amor negótium
 Insónti exhibuit: núnc autem insontí mihi 895
 Illíus ira in hánc et maledicta éxpetent.
- AL. Et éccum uideo, [módo] me miseram qui árguit
 Stuprí, dedecoris. IV. Té uolo, uxor, cónloqui.
 Quor téd auortisti? AL. Ést ita ingeniúm meum:
 Inimicos semper ósa sum optuérier. 900
- IV. Heia aútem inimicos? AL. Síc est, uera praé-
 dico:
 Nisi étiam hoc falso díci insimulatúrus es.
- IV. Nimis íracunda's. AL. Pótin ut apstineás ma-
 num?
- Nam céрто si sis sánus aut sapiás satis,
 Quam tu ínpudicam esse árbitrere et praédices, 905
 Cum ea tú sermonem néc ioco nec sério
 Tibi hábeas, nisi sis stúltior stultíssumo.
- IV. Si díxi, nihilo mágis es neque ego esse árbitror,
 Et id húc reuorti utí me purgarém tibi.

Nam núnquam quicquam méo animo fuit aégrius 910

Quam póstquam audiui, téd esse iratám mihi.

Quor díxisti? inquier. ego expediám tibi.

Non édepol quo te esse ínpudicam créderem:

Verúm periclitátus sum animúm tuum,

Quid fáceres et quo pácto id ferre indúceres. 915

Equidém ioco illa díxeram dudúm tibi,

Ridículi causa. uél hoc rogato Sósiam.

AL. Quin húc adducis mèum cognatum Naúcratem,

Testém quem dudum te ádducturum díxeras, 919

Te huc nó n uenisse? IV. Siquid dictumst pér iocum,

Non aéquomst id te sério praeuórtier.

AL. Ego illum scio quam dóluerit cordí meo.

IV. Per dexteram tuam te, Álcumena, oro, ópsecro

Te, dá mi hanc ueniam, ignósce, irata né sies.

AL. Ego ístaec feci uérba uirtute ínrita. 925

Nunc quándo factis sum ínpudicis ápstinens,

Ab ínpudicis díctis auorti uolo.

Valeás, tibi habeas rés tuas, reddás meas.

Iubén mihi comites? IV. Sánan' es? AL. Si nó n
iubes,

Sinitó: Pudicitiam égomet comitem dúxero. 930

IV. Mane, árbitratu túo ius iurandúm dabo,

Me mèam pudicam esse úxorem arbitrárier.

Id égo si fallo, túm te, summe Iúppiter,

Quaeso Ámphitruoni ut sémper iratús sies.

AL. Ah, própítius sit pótius. IV. Confidó fore: 935

Nam iús iurandum uérum te aduorsúm dedi.

Iam núnc irata nó n es? AL. Non sum. IV. Béne
facis.

Nam in hóminum aetate múlta eueniunt huius modi:

Capiúnt uoluptates, cápiunt rusum míserias:

Irae interueniunt, rédeunt rusum in grátiam. 940

Verum irae siquae fórte eueniunt huius modi

Intér eos: rusum sí reuentum in grátiamst,

Bis tánto amici súnť inter se quám prius.

AL. Primúm cauisse opórtuit ne díceres: 944

Verum éadem si idem míhi purgas, patiúnda sunt.

IV. Iube uéro uasa púra adornarí mihi,

Vt quae áput legionem uóta uoui, sí domum

Redíssem saluos, éa ego ut exoluam ómnia.

AL. Ego istúc curabo. IV. Éuocate huc Sósiam:

Gubérnatorem, quí mea in nauí fuit, 950

Blepharónem arcessat, quí nobiscum prándeat.

Is ádeo inpransus [hódie] ludificábitur,

Dum ego Ámphitruonem cóllo hinc opstrictó traham.

AL. Mirúm quid solus sécum secreto ille agat.

Atque áperiuntur aédes: exit Sósia. 955

SOSIA. IUPPITER. ALCMENA.

SO. Ámphitruo, adsum: síquid opus est ímpera, ímpérium éxequar.

IV. Óptume aduenís. SO. Iam pax est [fácta] uos intérduos?

Nám quia uos tranqúillos uideo, gaúdeo et uolup ést mihi.

Átque ita seruom pár uidetur frúgi sese instítuere:

Próinde eri ut sint, ípse ítem sit: uóltum e uoltu cómparet: 960

Trístis sit, si erí sint tristes: hílarus sit, si gaúdeant.

Sét age respondé: iam uos redístis in concórdiam?

IV. Dérides, qui scís haec dudum mé dixisse pér iocum.

SO. Án illut ioculo díxisti? equidem sério ac ueró
ratus.

IV. Át habui expurgátionem: fácta pax est. SO.
Óptumest. 965

IV. Égo rem diuinam íntus faciam, uóta quae sunt.
SO. Cénseo.

IV. Tú gubernatórem ab naui huc éuoca uerbís meis
Blépharonem, is uti ré diuina fácta mecum prándeat.

SO. Iam híc ero, quom illí censebis ésse me. IV.
Actutum húc redi.

AL. Númquid uis, quin ábeam iam intro, ut ádparen-
tur quíbus opust? 970

IV. Í sane et quantúm potest paráta fac sint ómnia.

AL. Quín uenis quandó uis intro: fáxo haut quicquam
sít morae.

IV. Récte loquere et próinde diligéntem ut uxorém de-
cet.

Iam hisce ámbo, et seruos ét era, frustra súnt duo, 974

Qui me Ámphitruonem réntur esse: erránt probe.

Nunc tú diuine mi húc fac adsis Sósia.

Audís quae dico, támetsi praesens nón ades.

Fac Ámphitruonem iam áduenientem ab aédibus

Vt ábigas quouis pácto conmentús sies.

Volo déludi illum, dúm cum hac usurária 980

Vxóre mihi nunc mórigero. haec curáta sint

Fac sís, proinde adeo ut uélle med intéllegis,

Atque út ministres míhi, quom sacrificém mihi.

M E R C V R I V S.

Concedite atque apscédite omnes, dé uia decédite.

Nec quisquam [nunc] tam audáx fuat homo qui óbuiam
opsistát mihi. 985

Nam míhi quidem hercle qui minus liceát deo minitárier
Populó, ni decedát mihi, quam séruolo in comoédiis?

Ille náuem saluam núntiat aut fráti aduentúm senis:

Ego súm Ioui dicto aúdiens, eius iússu nunc huc me
ádféro.

Quam ob rém mihi magis par ést uia decédere et con-
cédere. 990

Patér uocat me, eúm sequor, eius dícto imperio sum
aúdiens.

Vt fílium bonúm patri esse opórtet, item ego súm patri:

Amánti supparasítor, hortor, ásto, admoneo, gaúdeo.

Siquid patri uolup ést, uoluptas éa mi multo máxumast.

Amát? sapit: recté facit, animó quando opsequitúr
suo: 995

Quod ómnis homines fácere oportet, dúm modo id fiát
bono.

Nunc Ámphitruonem uólt deludi méus pater: faxó probe

Iam hic déludetur, spéctatores, uóbis inspectántibus.

Capiám coronam mi ín caput, adsímulabo me esse
ébrium.

Atque illuc susum escéndero: inde óptume aspellám
uirum 1000

De súpero, quom huc accésserit: faciam út sit madidus
sóbrius.

Deinde illi actutum súfferet suus séruos poenas Sósia:

Eum fécissee ille hodie árguet, quae ego féceró hic: quid
íd mea?

Meo me aéquomst morigerúm patri [esse]: eius stúdio
servire áddecet.

Set éccum Amphitruonem: áduenit. iam ille híc delu-
detúr probe, 1005

Si quídem uos uoltis aúscultando operám dare.

Ibo íntro, ornatum cápiam qui potís decet:

Dein súsum escendam in téctum, ut illum hinc pró-
hibeam.

A M P H I T R V O.

Naúeratem quem cónuenire uólui in naui nón erat,
Néque domi neque in úrbe inuenio quémquam qui illum
uiderit: 1010

Nam ómnis plateas pérreptauí, gýmnasia et myropólia,
Áput emporium atque in macello, in palaestra atque in
foro,

Ín medicinis, in tonstrinis, áput omnis aedís sacras.

Súm defessus quaéritando, núsquam inuenio Naúcratem.

Núnc domum ibo atque éx uxore mea hánc rem pergam
exquírere; 1015

Quís fuerit, quem própter corpus súum stupri con-
pléuerit.

Nám me quam illam quaéstionem inquísitam hodie
amíttre

Mórtuom satiúst. set aedis óccluserunt. eúgepae:

Páriter hoc fit átque ut alia fácta sunt: feriám foris.

Áperite hoc: heus, écquis hic est? écquis hoc aperit
óstium? 1020

MERCURIUS. AMPHITRVO.

ME. Quíst ad foris? AM. Ego súm. ME. Quis 'ego sum'?

AM. Íta loquor. ME. Tibi Iúppiter

Díque omnes iráti certo súnt, qui sic frangás foris.

AM. Quó modo? ME. Eo modo, út profecto uíuas aetatem miser.

AM. Sósia. ME. Ita: sum Sósia, nisi [mei] mé esse oblitum exístumas.

Quíd nunc uis? AM. Sceléste, at etiam quíd uelim, id tu mé rogas? 1025

ME. Íta rogo: paene écfregisti, fátue, foribus cárdines.

Án foris censébas nobis púplicitus praehibérier?

Quíd me aspectas, stólide? quid nunc uís tibi aut quis tú's homo?

AM. Vérbero, etiam quis ego sim me rógitas, ulmorum Ácheruns?

Quém pol ego hodie ob ístaec dicta fáciam feruentém flagris. 1030

ME. Pródigum te fuisse oportet ólim in adulescéntia.

AM. Quídum? ME. Quia senécta in aetate á me mendicás malum.

AM. Cúm cruciatu tuo ístaec hodie, uérna, uerba fúnditas.

ME. Sácrufico ego nunc tibi. AM. Qui? ME. Quia enim té macto infortúnio.

.
* * * * *
* * * * *
* * * * *

A C T V S III.

* * * * *

BLEPHARO. AMPHITRVO. IVPITER.

BL. Vós [ista] inter uós partite: ego ábeo, mihi negótiumst: 1035

Néque ego umquam usquam tánta mira mé uidisse cénseo.

AM. Blépharo, quaeso ut áduocatus mi ádsis neue abeás. BL. Vale.

Quíd opus est med áduocato, quí me utri sim néscio?

IV. Íntro ego hinc eo: Álcumena párturit. AM. Perí miser:

Nám quid ego ago, quem áduocati iam átque amici déserunt? 1040

Númquam edepol me inúltus istic lúdicabit, quisquis est.

Iám me ad regem récta ducam résque ut factast éloquar.

Égo pol illum ulcíscaz hodie Théssalum uenéficum,

Quí peruorse pérturbauit fámiliae mentém meae.

Sét ubi illest? intro édepol abiit, crédo ad uxorém meam. 1045

Quí me Thebis álter uiuit míserior? quid núnc agam?

Quem ómnes mortalés ignorant ét ludificant út lubet.

Cértumst, intro rúmpam in aedis: úbi quemque homi-
nem aspéxero,

Síue ancillam, síue seruom, si ũxorem, si adúlterum,

Sí patrem, si auóm uidebo, [eum] óp truncabo in
aédibus: 1050

Néque me Iuppitér neque di omnes íd prohibebunt, sí
uolent,

Quín sic faciam utí constitui: pérgam in aedis núnc iam.

A C T V S V.

BROMIA. AMPHITRVO.

BR. Spes átque opes uitaé meae iacént sepultae in
péctore

Neque úllast confidéntia in meo córde, quin amiserim.
Ita míhi uidentur ómnia, mare, térra, caelum cónsequi,
Iam ut ópprimar, ut énicer. me míseram: quíd agam
nescio. 1056

Ita tánta míra in aédibus sunt fácta: uae miseraé mihi.
Anímó malest, aquám uelim: corrúpta sum atque ap-
súpta sum.

Capút dolet neque aúdio neque óculis prospició satis.
Nec mé miserior féminast neque úlla uideatúr magis.

Ita eraé meae hodie cóntigit: nam ubi pártuis deos sibi
ínuocat, 1061

Strepitús, crepitus, sonitús, tonitrus: subito út pro-
pere, ut ualidé tonuit.

Vbi quisque institerat, cóncidit crepitu: ibi nescio quis
máxima

Vóce exclamat: 'Álcumena, adést auxilium, né
time:

Ét tibi et tuis propitius caéli cultor áduenit. 1065
Exúrgite' inquit 'quí terrore meo óccidistis praé
metu'.

Vt iácuí, exurgo: ardére censui aédis: ita tum cón-
fulgebant.

Íbi me inclamat Álcumena: iam éa res me horrore
addicit.

Erilis praeuortit metus: adcurró ut sciscam quid uelit:
Atque illam geminos filios puerós peperisse conspícor:
Neque nóstrum quisquam sensimus, quom péperit, neque
prouídimus. 1071

Sét quid hoc? quis hic ést senex,
Qui ante aedis nostras sic iacet? numnam hunc percus-
sit Iúppiter?
Credo édepol: nam pro Iúppiter, sepúltust quasi sit
mórtuos.

Ibo út cognoscam, quisquis est. est Ámphitruo hic
quidem érus meus. 1075

Ámphitruo. AM. Perii. BR. Súrge. AM. Interii.
BR. Cédo manum. AM. Quis mé tenet?
BR. Tua Brómia ancilla. AM. Tímeo totus, ita me
increpuit Iúppiter.

Nec sécus est quasi si ab Ácherunte uéniam. set quid
tú foras

Egréssa's? BR. Eadem nós formido tímidas terrore
inpulit: 1079

In aedibus, ubi tute hábitas, nimia míra uidi. uae mihi,
Ámphitruo: ita animus [méus] mihi etiam núnc abest.

AM. Agedum expedi:

Scin mé tuum esse erum Ámphitruonem? BR. Scío.

AM. Vide etiam núnc. BR. Scío.

AM. Haec sóla sanam méntem gestat meórum familiá-
rium.

BR. Immo ómnes sani súnť profecto. AM. At me
úxor insanúm facit

Suis foédis factis. BR. Át ego faciam tu ídem ut aliter
praédices, 1085

Ámphitruo : *píam ét pudícam túam esse uxorem utí
scias,*

De *èa re signa atque árgumenta paúcis uerbis
éloquar.*

Ómnium primum Álcumena géminos peperit fílios.

AM. Áin tu, geminos? BR. Géminos. AM. Di
me séruant. BR. Sine me dícere,

Út scias tibi túaeque uxori dèos esse omnis pró-
pitios. 1090

AM. Lóquere. BR. Postquam párturire hodie
úxor occepít tua,

Úbi utero exortí dolores, út solent puérperae :

Ínuocat deos ímmortalis, út sibi auxiliúm ferant,

Mánibus puris, cápíte operto. íbi continuo cón-
tonat 1094

Sónitu maxumo. aédís primo rúere rebamúr tuas :

Aédes totae cónfulgebant túae, quasi essent
aúreae.

AM. Quaéso, apsoluito hínc me extemplo, quándo
satis delúseris.

Quíd fit deinde? BR. Dum haéc aguntur, ínterea
uxorém tuam

Néque gementem néque plorantem nóstrum quis-
quam audíuimus :

Íta profecto síne dolore péperit. AM. Iam istuc
gaúdeo, 1100

Útut erga me méritast. BR. Mitte ista átque haec
quae dicam áccipe.

Póstquam peperit, púeros lauere iússit nos. oc-
cépimus.

Sét puer ille quém ego laui, ut mágnust, ut multúm
ualet.

Néque eum quisquam cónligare quíuit incunábulis.

AM. Nímia mira mémoras: si istaec uéra sunt,
diuínitus 1105

Nón metuo meae quín uxori látae suppetiaé sient.

BR. Mágis iam faxo míra dices. póstquam in
cunas cónditust,

Déuolant angués iubati dèorsum in inpluiuíum duo

Máximi: contínuo extollunt ámbó capita. AM. Heí
mihi.

BR. Né paue. set ángues oculis ómnis circum-
uísere. 1110

Póstquam pueros cónspicati, pérunt ad cunás citi:
Égo cunas recéssim rursum uórsum trahere et
dúcere

Métuens pueris, míhi formidans, tántoque angues
ácrius

Pérsequi. postquám conspexit ánguis ille altér
puer, 1114

Cítus e cunis éxilit, facit recta in [eos] ínpetum:

Álterum alteráprehendit èos manu perníciter.

AM. Míra memoras: nímis formidolósum facinus
praédicas:

Nám mihi horror mémbra misero pércepit dictís
tuis.

Quíd fit deinde? pórro loquere. BR. Púer ambo
ánguis énicat.

Dum haéc aguntur, uóce clara inclámat uxorém
tuam 1120

AM. Quís homo? BR. Summus ímperator díuom
atque hominum Iúppiter:

Ís se dixit cum Álcumena clám consuetum cúbi-
tibus,

Ēumque filiúm suum esse, quí illos anguis úlcerit:
Álterum tuum ésse dixit púerum. AM. Pol me
hau paénitet, 1124

**Sí licet boni dimidium mihi diuidere cúm Ioue.
Ábi domum, iube uása pura actútum adornarí
mihi,**

Vt Iouis suprémi multis hóstiis pacem éxpetam.
Égo Tiresiam cóniectorem áduocabo et cónsulam,
Quíd faciundum cénseat, semul hánc rem ut factast
éloquar.

Sét quid hoc? quam uálide tonuit. di, ópsecro
uostrám fidem. 1130

IVPPITER. AMPHITRVO.

IV. Bono ánimo es: adsum ego auxílio, Amphitruó,
tibi:

**Nihil ést quod timeas : áriolos, arúspices
Mitte ómnis : quae futúra et quae facta éloquar,
Multo ádeo melius quam filii, quom sum híppiter.
Primum ómnium Alcuménæ usuram córporis 1135
Cepi ét concubitu gráuidam feci filio.**

**Tu gráuidam item fecísti, quom in exércitum
Proféctu's: uno pártu duos peperít semul.
Eorum álter, nostro quíst susceptus sémine,
Suis fáctis te inmortáli adficiet glória. 1140
Tu cum Álcumena uxóre antiquam in grátiam**

Redi: haú promeruit quam ób rem uitio uórteres:

Mea uí subactast fácere. ego in caelúm migro.

AM. Fáciam ita ut iubés et te oro prómissa ut ser-
ués tua.

Íbo ad uxorem íntro: missum fácio Tiresiám se-
nem.

CANTOR. Spéctatores, núnc Iouis summi caúsa
clare plaúдите. 1145

METRA HVIVS FABVLAE HAEC SVNT

- ✓V. 1 ad 152 iambici senarii
- 153 ad 158 iambici octonarii
 - 159 anapaesticus dimeter acatalectus
 - 160 anapaesticus monometer acatalectus
 - 161 et 162 anapaestici dimetri acatalecti
 - 163 ad 176 bacchiaci tetrametri acatalecti (167 insiticius)
 - 177 bacchiacus dimeter acatalectus
 - 178 bacchiacus tetrameter acatalectus
 - 179 bacchiacus trimeter acatalectus
 - 180 ad 218 iambici octonarii
 - 219 ad 236 cretici tetrametri acatalecti
 - 237 ut videtur corruptus
 - 238 ad 246 cretici tetrametri acatalecti
 - 247 ut videtur corruptus
 - 248 ad 262 iambici octonarii
 - 263 ad 462 trochaici septenarii
 - 463 ad 498 iambici senarii
 - 499 ad 550 trochaici septenarii
 - 551 ad 582 bacchiaci tetrametri acatalecti
 - 583 ad 632 trochaici septenarii
 - 633 ad 641 bacchiaci hexametri acatalecti
 - 642 ad 652 bacchiaci tetrametri acatalecti
 - 653 bacchiacus dimeter acatalectus
 - 654 ad 860 trochaici septenarii
 - 861 ad 955 iambici senarii
 - 956 ad 973 trochaici septenarii
 - 974 ad 983 iambici senarii
 - 984 ad 1005 iambici octonarii

- V. 1006 ad 1008 iambici senarii
- 1009 ad 1052 trochaici septenarii
 - 1053 ad 1061 iambici octonarii
 - 1062 anapaesticus octonarius
 - 1063 iambicus octonarius
 - 1064 et 1065 trochaici septenarii
 - 1066 iambicus octonarius
 - 1067 iambicus octonarius hypermeter
 - 1068 trochaicus septenarius
 - 1069 ad 1071 iambici octonarii
 - 1072 trochaicus dimeter catalecticus
 - 1073 ad 1085 iambici octonarii
 - 1086 ad 1130 trochaici septenarii
 - 1131 ad 1142 iambici senarii
 - 1143 ad 1145 trochaici septenarii.
-

T. MACCI PLAVTI

C A P T I V I.

GRAECA [ANAXANDRIDII].

ARGVMENTVM.

Captúst in pugna Hégionis fílius.
Aliúm quadrimum fúgiens seruos uéndidit.
Patér captiuos cónmercatur Áleos
Tantúm studens ut gnátum recuperét [suum],
Et in íbus emít ólim amissum fílium. 5
Is sũo cum domino uéste uorsa ac nómine
Vt [is] ámittatur fécit: ipsus pléctitur.
Et is reduxit cáptum et fugitiuóm semul,
Indício quóiús álium agnoscit fílium.

P E R S O N A E.

ERGASILVS PARASITVS
HEGIO SENEX
LORARI
PHILOCRATES CAPTIVOS
TYNDARVS CAPTIVOS
ARISTOPHONTES CAPTIVOS
PVER
PHILOPOLEMVS ADVLESCENS
STALAGMVS SERVOS
CATERVA.

P R O L O G V S .

Hos quós uidetis stáre hic captiuós duos,
 Vincití quia astant, hí stant ambo, nón sedent.
 Hoc uós mihi testes éstis me uerúm loqui.
 Senéx qui hic habitat, Hégio, 'st huiús pater.
 Set is quo pacto séruiat suo sibi patri, 5
 Id ego híc aput uos próloquar, si operám datis.
 Seni huíc fuerunt filii natí duo :

Aliúm quadrimum púerum seruos súrpuít
 Eumque hínc profugiens uéndidit in Álide
 [Dominó] patri huiusce. iam hóc tenetis? óptu-
 mumst. 10

Negat hércle [uero] ille últimus. accédito.
 Si nón ubi sedeas lócus est, est ubi ámbules,
 Quando hístrionem cógis mendicárier.
 Ego mé tua causa, ne érres, non ruptúrus sum.
 Vos quí potestis ópe uostra censérier 15
 Accípíte relicuom: álieno uti níl moror.
 Fugitíuos ille, ut díxeram ante, huiús patri
 Domo quém profugiens dóminum apstulerat, uén-
 didit.

Is pósquam hunc emit, dédit eum huíc gnató suo
 Pecúliarem, quía quasi una aetás erat. 20
 Hic núnc domi seruit sũo patri nec scít pater :
 Enimuéro di nos quási pilas hominés habent.
 Ratiónem habetis, quó modo unum amiserit.

Postquám belligerant [aútem] Aetoli cum Áleis,
 Vt fít in bello, cápitur alter filius. 25
 Medicús Menarchus émit ibídem in Álide.
 Coepít captiuos cónmercari hic Áleos,
 Siquém reperire póssit, qui mutét suum:
 [Illum captiuom: hunc suum esse nescit qui domist]
 Et quóniam heri indaudíuit, de summó loco 30
 Summóque genere cáptum esse equitem ex Álide,
 Nil prétio parsit, filio dum párceret:
 Recónciliare ut fácilius possét domum,
 Émit de praeda hosce ámbos a quaestóribus.
 Hisce aútem inter sese hunc confínxerúnt dolum, 35
 Quo pácto hic seruos súum erum hinc amittát domum.
 Itaque ínter se conmutánt uestem et nómina:
 Illic uocatur Philocrates, hic Týndarus:
 Huius ille, hic illius hódie fert imáginem.
 Et hic hódie docte expédiet hanc falláciam 40
 Et súum erum faciet líbertatis cónpotem:
 Eodémque pacto frátrem seruabít suum
 Reducémque faciet líberum in patriam ad patrem
 Inprúdens: itídem ut saépe iam in multís locis
 Plus ínsciens quis fécit quam prudéns boni. 45
 Set ínscientes [hí] sua sibi fallácia
 Ita cónpararunt ét confínxerúnt dolum,
 [Itaque hí conmentí dé sua senténtia]
 Vt in séruitute hic àput suum maneát patrem:
 Ita núnc ignorans [dõmi] suo sibi seruít patri. 50
 Homúnculi quantí sunt, quom recógito.
 Haec rés agetur nóbis, uobis fábula.
 Set étiamst paucis uós quod monitos uóluerim.
 Profécto expédiet fábulae huic operám dare:
 Non pértractate fáctast neque ítem ut céterae, 55

Neque spúrcidici insunt uérsus inmemorábiles:

Hic néque periurus lénost nec meretríx mala

Neque mīles gloriósus. ne uereámini,

Quia béllum Aetolis ésse dixi cum Áleis:

Foris illic extra scénam fient praélia. 60

Nam hoc paéne iniquomst, cómico chorágio

Conári desubito ágere nos tragoédiam.

Proin síquis pugnam expéctat, litis cóntrahat:

Valéntiorem náctus aduórsárium

Si erit, ego faciam ut púgnam inspectet nón bonam,

Adeo út spectare póstea omnis óderit. 66

Abeó. ualete, iúdicēs iustíssumi,

Domí duellique dūellatores óptumi.

A C T V S I.

ERGASILVS.

Iuuentus nomen indidit Scortó mihi,
Quia inuocatus sóleo esse in conuiuió. 70

Scio apsúrde dictum hoc dérísorés dícere,
At ego áio recte. nam in conuiuió sibi
Amátor, talos quóm iacit, scortum inuocat.
Estne inuocatum an nón [est? est] planíssume.
Verum hércle uero nós parasiti plánius, 75
Quos númquam quisquam néque uocat neque in-

uocat:

Quasi múres semper édimus alienúm cibum.
Vbi rés prolatae súnt, quom rus hominés eunt:
Semúl prolatae rés sunt nostris déntibus.
Quasi quóm caletur cóchleae in occultó latent, 80
Suó sibi suco úfuont, ros si nón cadit:

Itém parasiti rébus prolatís latent
In ocúlto, miseri úctitant sucó suo,
Dum rúri rurant hómínes quos ligúrriant.
Prolátis rebus párasiti uenátici 85

Canés sumus: quando rédierunt, Molóssici
Odiósicique et múltum incommodéstici.
Et híc quidem hércle, nísi qui colaphos pérpeti
Potís parasitus frángique aulas in caput,
Vel éxtra portam trígeminam ad saccum ílicet. 90
Quod míhi ne eueniat nón nullumst pérículum

Nam póstquam meus est réx potitus hóstium,
 (Ita [ením] belligerant nunc Aetoli cum Áleis:
 Nam Aetólia haec est: illist captus in Álide
 Philopólemus huius Hégionis fílius 95
 Senís qui hic habitat: quae aédes lamentáariae
 Mihi sùnt, quas quotiensquómque conspició, fleo)
 Nunc híc occepit quaéstum hunc fili grátia
 Inhonéstum, maxume álienum ingenió suo:
 Hominés captiuos cónmercatur, sí queat 100
 Aliquem ínuenire, sùum qui mutet fílium.
 Quod quídem ego nimis quam cúpio [senex] ut ím-
 petret:
 Nam ni illum recipit, níhil est quo me récipiam.
 Nullá iuuentutis spés est: sese omnés amant.
 Ille dénum antiquis ést adulescens móribus, 105
 Quoius núnquam uoltum tránquillauí grátiis.
 Condígne pater est èius moratus móribus.
 Nunc ád eum pergam. sét aperitur óstium,
 Vnde sáturitate saépe ego exiui ébrius.

HEGIO. LORARIUS. ERGASILVS.

HE. Aduórte animum huc sis: ístos captiuós duos
 Heri quos emi dé praeda a quaestóribus, 111
 His índito caténas singulárias,
 Istás maiores quíbus sunt uincti démito.
 Siníto ámbulare, sí foris, si íntús uolent:
 Set uti ádseruentur mágna diligéntia. 115
 Libér captiuos áuis ferae consímilis est:

Semél fugiundi sí datast occasio,

Satis ést: post illam númquam possis préndere.

LO. Omnés profecto líberi lubéntius

Sumus quám seruimus. HE. Nón uidere ita tú
quidem. 120

LO. Si nón est quod dem, méne uis dem ipse ín
pedes?

HE. Si déderis, erit extémplo mihi quod dém tibi.

LO. Auis mé ferae consímilem faciam, ut praédicas.

HE. Ita ut dícis: nam si fáxis, te in caueám dabo.

Set sátis uerborumst: cúra quae iussi átque abi. 125

Ego íbo ad fratrem ad álios captiuós meos:

Visám ne nocte hac quípiam turbáuerint.

Inde mé continuo récipiam rusúm domum.

ER. Aegrést mi hunc facere quaéstum carcerárium

Proptér sui gnati míseriam míserúm senem. 130

Set si úllo pacto ille húc conciliari potest,

Vel cárnuficinam hunc fácere possum pérpeti.

HE. Qui hic lóquitur? ER. Ego, qui túo maerore
máceror,

Macéscó, consenésco et tabescó miser.

Ossa átque pellis súm miser acgritúdine. 135

Neque úmquam quicquam mé iuuat quod edó domi:

Forís aliquantillum étiam quod gusto íd beat.

HE. Ergásile, salue. ER. Dí te bene ament, Hégio.

HE. Ne flé. ER. Egone illum nón fleam? ego non
défleam

Talem ádulescentem? HE. Sémper sensi fílio 140

Meo té esse amicum et illum intellexí tibi.

ER. Tum dénique homines nóstra intellegimús bona,

Quom quae ín potestate hábuimus ea amísimus.

Ego, póstquam gnatus túus potitust hóstium,

Expértus quanti fúerit, nunc desídero. 145

HE. Aliénus quom eius incómodum tam aegré
feras,

Quid mé patrem par fácerest, quoi illest únicus?

ER. Ego álienus? aliénus ille? ah, Hégio,
Numquam ístuc dixis néque animum induxís tuum:
Tibi ille únicus, mihi etiam único magis únicust. 150

HE. Laudó, malum quom amíci tuum ducís malum.
Nunc hábe bonum animum. ER. Oíei: huic illút
dolet,

Quia núnc remissus ést edundi exércitus.

HE. Nullúmne interea nánctu's, qui possét tibi
Remíssum quem dixti ímperare exércitum? 155

ER. Quid crédis? fugitant ómnes hanc prouínciam,
Quoi optígerat, post Philopólemus quam captúst
tuus.

HE. Non pól mirandumst fúgitare hanc prouínciam.

Multís et multigénéribus opus ést tibi
Militibus: primumdum ópus Pistoriénsibust: 160

Eorum áliquot genera súnť Pistoriénsium:

Paníceis opus est, ópus Placentínis quoque,

Opus Túrdetanis, ópus est Ficedulénsibus:

Tum máritumi omnes mílites opus súnť tibi.

ER. Vt saépe summa ingénia in occultó latent: 165
Hic quális imperátor nunc priuátus est.

HE. Habe módo bonum animum. nam íllum confidó
domum

In híis diebus mé reconciliássere.

Nam eccúm captiuom hunc ádulescentem [emi]
Áleum

Prognátum genere súmmo et summis dítiis: 170

Hoc íllum me mutáre confidó fore.

ER. Ita dí deaeque fáxint. HE. Set numquó foras
Vocátus[es]ad cénam? ER. Nusquam, quód sciam.
Set quíd tu id quaeris? HE. Quía mist natalís dies:
Proptérea te uocári [ad me] ad cenám uolo. 175

ER. Facéte dictum. HE. Sét si pauxillúm potes
Conténtus esse. ER. Ne perpauxillúm modo:
Nam istóc me adsiduo uíctu delectó domi.

HE. Age sís roga. ER. Emptum, nísi qui meliorem
ádferet

Quae mi átque amicis pláceat conditió magis: 180
Quasi fúndum uendam, mēis me addicam légibus.

HE. Profúndum uendis tú quidem, hau fundúm mihi.
Set sí uenturu's, témpéri. ER. Hem, uel iam
ótiumst.

HE. I módo, uenare léporem: nunc ictím tenes.
Nam méus scruposam uíctus conmetát uiam. 185

ER. Numquam ístoc uinces me, Hégio: ne póstules:
Cum cálceatis déntibus ueniám tamen.

HE. Aspér meus uictus sánest. ER. Sentisne éssitas?

HE. Terréstris cenast. ER. Sús terrestris béstias.

HE. Multís holeribus. ER. Cúrato aegrotós domi.
Numquíd uis? HE. Venias témpéri. ER. Memorém
mones. 191

HE. Ibo íntro atque íntus súbducam ratiúnculam,
Quantíllum argenti míhi aput trapezitám siet.
Ad frátrem, quo ire díxeram, mox íuero.

CA. Vt sine hisce árbítris átque uobís locum

Détis nobís loqui.

LO. Fíat. apscédite hinc. nós concedámus huc.

Sét breuem orátionem íncipisse. PH. Hém mi
istuc

Cértum erat: cóncede huc. LO. Ábi tu istim.

TY. Obnóxii 215

Ámbo uobís sumus própter hanc rém, quom
quae

Vólumus nos cópiae fácitis nos cónpotes.

PH. Sécede huc núnc iam, sí uidetúr, procul,

Ne árbítri dícta nostra árbítrari queant

Neú permanét palam haec nóstra fallácia. 220

Nám doli nón doli sùnt, nisi astú colas,

Sét malum máximum, si íd palam próuenit.

Nám si erus tú mihi's átque ego esse mé tuum

Séruiom adsimuló, tamen úiso opust, caúto
opust,

Vt sóbrie hoc sineque árbítris 225

Adcúrate agátur, docte ét diligénter.

Tanta íncepta rés est: hau sómniculóse hoc

Agúndumst. TY. Ero út me uolés esse. PH.

Spéro.

TY. Nam tú nunc uidés pro tuó caro cápíte

Carum ófferre [mé] meum capút uilitáti. 230

PH. Scio. TY. Át memento scíre, quando id quód
uoles habébis.

Nám maxima párs fere mórem hunc hominés
habent:

Quód uolunt, dum ímpetrant

Síbi, boni sùnt: set ubi iam penes sése habent,

Éx bonis péssumi et fraúduléntíssumi 235

Fiant. nunc út mihi té uolo esse aútumo.

* * * * *

* * * * *

* * * * *

Quód tibi suádeam, suádeam mēo patri.

PH. Pól ego te, si aúdeam, mēum patrem
nóminem:

Nám secundúm patrem tú's pater próxumus.

TY. Aúdio. **PH.** Et proptérea saepiús ted ut memí-
neris moneo: 240

Nón ego erus, set tibi conseruos sým. nunc opsecró te
hoc unum:

Quóniam nobis di ínmortales ánimum ostenderúnt
suum,

Út qui erum me tibi fuisse atque ésse nunc conseruóm
uelint:

Quom ántehac pro iure ímperítabam mēo, nunc te oro
pér precem,

Pér fortunam incértam et per mei te érga bonitatém
patris 245

Pérque conseruítium, quod [mihi] hóstica euenít manu,
Né me secus honóre honestes, quám quom seruibás
mihi,

Átque ut qui fuerís et qui nunc sís meminisse ut mé-
mineris.

TY. Scío quidem me té esse nunc et té esse me.

PH. Hem istuc sí potes 249
Mémoriter meminisse, est nobis spés in hac astútia.

HEGIO. PHILOCRATES. TYNDARVS.

HE. Iam égo reuortar íntro, si ex his quae uolo ex-
quisíuero.

Úbi sunt isti, quós ante aedis iússi huc producí foras?

PH. Édepol tibi ne in quaéstione essémus cautum
intéllego:

Íta uinclis custódiisque círcummoenítí sumus.

HE. Quí cauet ne décipiatur, uíx cauet, quom etiám
cauet. 255

Étiam quom cauísse ratus est, saepe is cautor cáptus
est.

Án uero non iústa causast út uos seruem sédulo,
Quós tam grandi sím mercatus praésenti pecúnia?

PH. Néque pol tibi nos, quía nos seruas, aéquomst
uitio uórtcere,

Néque te nobis, si hínc abeamus, sí fuat occásio. 260

HE. Út uos hic, itidem illi apud uos méus seruatur
fílius.

PH. Cáptust? HE. Ita. PH. Non ígitur soli nós
ignauí fúimus.

HE. Sécede huc: nam súnt quae [ego] ex te sólo scitari
uolo,

Quárum rerum té falsilocum míhi esse nolo. PH. Nón
ero, 264

Quód sciam: siquíd nescibo, id néscium tradám tibi.

TY. Núnc senex est ín tonstrina: núnc iam cultrum
áttnet.

Ne íd quidem inuolúcri inicere uóluit, uestem ut ne
ínquinet.

Sét utrum strictimne áttonsurum dícam esse an per
péctinem

Néscio: uerúm si frugist, úsque admutilabít probe.

HE. Quid tu? seruosne ésse an liber máuelis, me-
morá mihi. 270

PH. Próximum quod sít bono quodque á malo longís-
sume,

Íd uolo: quamquám non multum fuit molesta séruitus

Néc mihi secus erat quam si essem fámiiliaris fílius.

TY. Eúgepac: Thalém talento nón emam Milésium:
Nám [pol] ad sapiéntiam huius nímius nugatór fuit. 275
Út facete orátionem ad séruitutem cóntulit.

HE. Quó de genere gnátust illi Phlócrates? PH.
Polyplúsio,

Quód genus illist únum pollens átque honoratíssimum.

HE. Quid ipsus hic? quo honórest illi? PH. Súmmo
atque ab summís uiris.

HE. Tum igitur ei quom in Áleis est grátia tanta, ut
praédicas, 280

Quíd diuitiae, súnthne opimae? PH. Vnde éxcoquat
sebúm senex.

HE. Quid pater? uiúthne? PH. Viuom, quom inde
abimus, líquimus:

Núnc uiuatne nécne, id Orcum scíre oportet scílicet.

TY. Sálua res est: philosophatur quóque iam, non
mendáx modost.

HE. Quid erat ei nomén? PH. Thensaurochrýsoni-
cochrýsides. 285

HE. Vídelicet proptér diuitias inditum id nomén
quasist?

PH. Ímmo edepol proptér auaritiam ipsíus atque au-
dáciam.

[Nam illic quidem Theodoromedes fuit germano no-
mine.]

HE. Quid tu ais? tenáxne pater est eius? PH. Immo
edepol pértinax:

Quín etiam ut magis nóscas, genio sũo sibi quando
sácrificat, 290

Ád rem diuinám quibus opus est Sámiis uasis útitur,
Né ipse genius súbrupiat: proinde áliis ut credát uide.

HE. Séquere hac me igitur. Eadem ego ex hoc quæ
uolo exquisúero.

Philocrates, hic fécit hominem frúgi ut facere
opórtuit.

Nám ego ex hoc quo génere gnatus sís scio: hic fassúst
mihi. 295

Haéc tu eadem si cónfiteri uís, tua [e] re féceris,
Quæ tamen scito scíre me ex hoc. TY. Fécit officium
híc suum,

Quóm tibist conféssus uerum, quámquam uolui sédulo
Mëam nobilitatem ócultare et génus et diuitiás meas,
Hégio: nunc quándo patriam et libertatem pérdidi, 300
Nón ego me istunc pótius quam te métuere æquom
cénseo.

Vís hostilis cum istoc fecit mëas opes æquábilis.

Mémini. quom dicto haút audebat: fácto nunc laedát
licet.

Sét uiden? fortúna humana fíngit artatque út lubet.

Mé qui liber fúeram seruom fécit, e summo ínfumum:
Qui ímperare ínsuéram, nunc altérius imperio
ópsequor. 306

Ét quidem si pròinde ut ipse fui ímperator fámiliae
Hábeam dominum, nón uerear ne iniúste aut grauiter
mí ímperet.

Hégio, hoc te mónitum, nisi forte ípse non uis, uó-
lueram.

HE. Lóquere audacter. TY. Tam égo fui ante líber
quam gnatús tuus. 310

Tám mihi quam illi líbertatem hostílis eripuít manus.

Tám ille aput nos séruit, quam ego núnc hic aput te
séruio.

Ést profecto déus, qui quae nos gérimus auditque ét
uidet.

Ís, uti tu me hic hábueris, proinde íllum illi curáuerit.

Béne merenti béne profuerit, mále merenti pár crit.

Quám tu filiúm tuum, tam patér me meus desíderat. 316

HE. Mémini ego istaec. sét faterin éadem quae hic
fassúst mihi?

TY. Égo patri meo ésse fateor súmmas diuitiás domi

Méque summo género gnatum. sét te optestor, Hégio,

Né tuum animum auáriorem fáxint diuitiaé meae, 320

Né, tametsi unicús sum, magis decére uideatúr
patri,

Mé saturum seruíre aput te súmptu et uestitú tuo

Pótius quam illi, ubi mínime honestumst, méndican-
tem uíuere.

HE. [Ego uirtute deum et maiorum nostrum diues
sum satis.]

Nón ego omninó lucrum omne esse útile homini
exístumo. 325

Scío ego, multos iám lucrum homines lúculentos
réddidit:

Ést etiam ubi profecto damnum praéstet facere quám
lucrum.

Ódi ego aurum: múlta multis saépe suasit pérperam.

Núnc hoc animum aduórte, ut ea quae séntio paritér
scias.

Fílius meus ílli aput uos séruit captus [in] Álide: 330

Ĕum si reddis mīhi, praeterea [tu] ūnum nummum né
duis:

Ĕt te et hunc amittam hinc. alio pācto abire nōn potes.

TY. Óptumum atque aequissimum oras óptimusque
hominum és homo.

Sét is priuatam séruitutem séruit illi an púplicam?

HE. Príuatam medicí Menarchi. TY. Pól is quidem
huius ést cluens: 335

Tam hóc quidem tibi ín procliuist, quam ímber est,
quandó pluit.

HE. Fác is homo ut redimátur. TY. Faciam. sét ted
oro [hoc], Hégio,

HE. Quíd uis faciam? dum áb re nequid óres. TY.
Auscultá, scies.

Ĕgo me amitti, dónicum ille huc rédierit, non póstulo:
Vérum, te quaeso, aéstumatum hunc mīhi des, quem
mittam ád patrem, 340

Ųt is homo redimátur illi. HE. Immo álium potius
mísero

Hínc, ubi erunt indútiae, illuc, tŭm qui conueniát
patrem,

Quí tua quae iussís mandata ita út uelis [ei] pérferat.

TY. Át nihil est ignótum ad illum mittere: operam
lúseris.

Húnc mitte, hic transáctum reddet ómne, si illuc
uénerit. 345

Néc quemquam fidéliorem néque quoi plus credát potes

Mittere ad eum, néc qui magis sit séruos ex senténtia,

Néque adeo quoi tŭm concredat fílium hodie audácius.

Né uereare: mēo periclo ego húius experiár fidem

Frétus ingenio èius, quod me esse scít erga se béne-
uolum. 350

HE. Míttam equidem istunc aéstumatum tũa fide, si
uís. TY. Volo:

Quám citissumé potest, tam hoc cédere ad factúm
uolo.

HE. Númquae causast quín, si ille huc non rédeat,
uigintí minas

Míhi des pro illo? TY. Óptuma immo. HE. Sóluite
istum núnc iam,

Átque utrumque. TY. Dí tibi omnes ómnia optata
ófferant, 355

Quóm me tanto honóre honestas quómque ex uinclis
éximis.

Hóc quidem hau moléstumst iam, quod cóllus collarí
caret.

HE. Quód bonis benefít beneficium, grátia ea gra-
uidást bonis.

Núnc tu illum si illó's missurus, dice, monstra,
praécipe,

Quae ád patrem uis núntiari. uín uocem huc ad té?
TY. Voca. 360

HE. Quae rés bene uortat míhi meoque filio

Vobísque: uolt te nóuos erus operám dare

Tuo uéteri domino, quód is uelit, fidéliter.

Nam ego aéstumatum huic dédi te uigintí minis:

Hic aútem te ait mittere hinc uelle ád patrem, 365

Meum ut illi redimat filium, mutátio

Intér me atque illum ut nóstris fiat filiis.

PH. Vtróqueuorsum réctumst ingeniúm meum,

Ad te átque [ad] illum: pró rota me utí licet.

Vel ego húc uel illuc uórtar, quo imperábitis. 370

HE. Tu tíbi tuopte ingénio prodes plúrumum,

Quom séruitutem férs ita ut ferri decet.

Sequere: én tibi hominem. TY. Hábeo gratiám tibi,
 Quom cópiam istam mi ét potestatém facis,
 Vt ego ád parentis hunc remittam núntium, 375
 Qui mé quid rerum hic ágitem et quid fieri uelim,
 Patrí meo ordine ómnem rem illuc pérferat.
 Nunc íta conuenit ínter me atque hunc, 'Týndare,
 Vt te aéstumatum in Álidem mittam ád patrem:
 Si nón rebitas, huíc ut uigintí minas 380
 Dem pró te. PH. Recte cónuenisse séntio.
 Nam páter expectat aút me aut aliquem núntium,
 Qui hinc ád se ueniat. TY. Érgo animum aduortás
 . uolo,

Quae núntiare hinc té uolo in patriam ád patrem.

PH. Philocrates, ut adhúc locorum féci, faciam
 sédulo, 385

Vt potissumúm quod in rem récte conducát tuam
 Íd petessam id pérsequarque córde atque animo et
 uíribus.

TY. Fácis ita ut te fácere oportet: núnc animum
 aduortás uolo.

Ómnium primúm salutem dícito matri ét patri
 Ét cognatis ét siquem alium béneuolentem uíderís: 390
 Me híc ualere et séruitutem séruire huic homini
 óptumo,

Quí me honore honéstiozem sémper fecit ét facit.

PH. Ístuc ne praecípias, facile mémoria memíní
 tamen.

TY. Nam équidem nisi quod cústodem hábeo líberum
 me esse árbitror. 394

Dícito patri, quo pacto míhi [nunc] cum hoc conuénerit
 De húius filiό. PH. Quae memíní, móra merast
 monériet.

TY. Vt eum redimat ét remittat nóstrum huc amborúm
uicem.

PH. Méminero. HE. At quam primum poterit: in
rem utriquest máxume.

PH. Nón tuum tu mágis uidere quam ille suum gnatúm
cupit.

HE. Méus mihi, suus quoíquest carus. PH. Númquid
aliut uís patri 400

Núntiari? TY. [Me hic ualere et tute audacter dicito,
Tyndare, inter] Nós fuisse ingénio hau discordábili,
Néque te conneruísse culpam néque me aduorsatúm
tibi,

Béneque ero gessísse morem in tántis aerumnís tamen,
Néque med umquam déservisse té neque factis néque
fide 405

Rébus in dubiís, egenis. haéc pater quandó sciet,
Týndare, ut fuerís animatus érga suum gnatum
átque se,

Númquam erit tam auárus, quin te emíttat gratiís
manu.

Ét mea opera, si hínc rebito, fáciam ut faciat fácilius:
Nám tua opera et cómitate et uirtute et sapiéntia 410

Fécisti ut redíre liceat ad parentis dénuo,
Quóm aput hunc conféssus es et génuis et diuitiás
meas:

Quó pacto emisísti e uinclis túum erum tua sapiéntia.

PH. Féci ego ita ut conmémoras, et te méminisse id
gratúmst mihi.

Mérito [tuo] tibi ea éuenerunt á me. nam nunc, Phslo-
crates, 415

Sí ego item memorém quae me erga múlta fecistí
bene,

PLAUTVS I.

6

Nóx diem adimat: nám quasi seruos méus sis, nihilo
sétius

Ópsequiosus [tú] mihi semper fūisti. HE. Di uostrám
fidem,

Hóminum ingenium líberale. ut lácrumas excutiúnt
mihi.

Videas corde amáre inter se: quántis [hic modo]
laúdibus 420

Súum erum seruos cónlaudauit. TY. Pól istic me
haut centénsumam

Pártem laudat, quam ípse meritust út laudetur laú-
dibus.

HE. Érgo quom optumé fecisti, núnc adest occasio
Bénefacta cumuláre, ut erga hunc rém geras fidéliter.

PH. Mágis non factum póssum uelle quam ópera
experiar pérsequi: 425

Íd uti scias, Iouém supremum téstem do [tibi], Hégio,
Me infidelem nóñ futurum Phílocrati. HE. Probus
és homo.

PH. Néc me secus umquam èi facturum quícquam
quam memét mihi.

TY. Ístaec dicta te expédire et óperis et factís uolo,
Ét quom minus dixi quam uolui dé te, animum ad-
uortás uolo 430

Átque horunc uerbórum causa cáue tu mi iratús
fuas.

Sét, te quaeso, cógitato hinc mēa fide mittí domum
Te aéstumatum et méam esse uitam hic pró te positam
pígneri,

Né tu me ignorés, quom extemplo meo é conspectu
apscésseris,

[Quom me seruom in seruitute pro te hic reliqueris]

Túque te pro líbero esse dúcas, pignus déseras, 436
Néque des operam pró me ut huius réducem facias
fílium.

Scíto te hinc mínus uiginti aéstumatum míttier.

Fác fidele sís fidelis, cáue fidem fluxám geras.

Nám pater, scio, fáciet quae illum fácere oportet
ómnia. 440

Sérua tibi in perpétuom amicum me átque hunc in-
uentum ínueni.

Haéc per dexterám tuam te déxtera retinéns manu

Ópsecro, infidélior mi né fuas quam ego súm tibi.

Hóc age [sis]: tu míhi nunc erus es, tú patronus, tú
pater:

Tíbi conmendo spés opesque mēas. PH. Mandauistí
satis. 445

Sátin habes, mandáta quae sunt fácta si referó?
TY. Satis.

PH. Ét tua et tua húc ornatus réueniam ex sen-
téntia.

Númquid aliut? TY. Vt quam primum póssis redeas.
PH. Rés monet.

HE. Iám [tu] sequere mé, uiaticum út dem a trapezitá
tibi:

Éadem opera a praetóre sumam sýngraphum. TY.
Quem sýngraphum? 450

HE. Quem híc ferat secum ad legionem, hinc íre huic
ut liceát domum.

Tu íntro abi. TY. Bene ámbulato. PH. Béne uale.

HE. Edepol rém meam

Cónstabiliui, quom íllos emi dé praeda a quaestó-
ribus.

Éxpediui ex séruitute fílium, si dís placet.

Át etiam dubitáui hos homines émerem an non
emerém diu. 455

Séruate istum súltis intus, sérui, ne quoquám
pedem

Écferat sine cústodela. [iám] ego apparebó domi,

Ád fratrem modo [ád] captiuos álios inuisó meos.

Ěadem percontábor, ecqui hunc ádulescentem nóuerit.

Séquere tu: te ut ámittam, ei rei prímum prácuortí
uolo. 460

ACTVS III.

ERGASILVS.

Miser homost, qui ipsús sibi quod edit quaérit et id
aegre ínuenit.

Sét illest miseriór, qui et aegre quaérit et nihil ín-
uenit.

Ille miserrumus ést, qui, quom esse cúpiit, quod edit
nón habet.

Nam hércle ego huic dié, si liceat, óculos ecfodiám
lubens:

Íta malignitáte oneravit ómnis mortalís mihi. 465

Néque ieiuniósiozem néc magis ecfertúm fame

Vídi nec quói mínus procedat quídquid facere oc-
céperit:

Íta uenter guttúrque resident ésurialis férias.

Ílicet parasíticæ arti máxumam in malám crucem:

Íta iuuentus iám ridiculos ínopes ab se scégreat. 470

Níl morantur iám Lacones ími supsellí uiros,

Plágipatidas, quíbus sunt uerba sínc penu et pecúnia.

Éos requirunt, quí, lubenter quom éderint, reddánt
domi.

Ípsi opsonant, quæ parasítorum ánte erat prouíncia.

Ípsi de foró tam aperto cápíte ad lenonés eunt, 475

Quam ín tribu sontís aperto cápíte condemuánt reos,

Néque ridiculos iám terunci faciunt. sese omnés
amant.

Nám uti dudum hinc ábii, accessi ad ádulescentis in
foro :

‘Sáluete’ inquam: ‘quo ímus una ad prándium?’
atque illí tacent.

‘Quís ait “hoc” aut quís profitetur?’ inquam: quasi
mutí silent, 480

Néque me rident. ‘úbi cenamus [hódie]?’ inquam
atque illi ábnuont.

Díco unum ridículum dictum dé dictis melióribus,

Quíbus solebam ménstrualis épulas ante apíscier:

Némo ridet. sciúi extemplo rém de conpectó geri.

Né canem quidem ínritatam uóluit quisquam imitárier,

Sáltem, si non árriderent, déntis ut restríngerent. 486

Ábeo ab illis, póstquam uideo mé sic ludificárier.

Pérgeo ad alios, uénio ad alios, déinde ad alios: úna
rest.

Ómnes de conpécto rem agunt, quási in Velabro
oleárii.

[Nunc redeo inde, quoniam me ibi uideo ludificarier.]

Ítem alii parasíti frustra obámbulabant ín foro. 491

Núnc barbarica lége certumst iús meum omne pér-
sequi.

Cónsilium qui iniére, quo nos uíctu et uita próhibeant,

Ís diem dicam, ínrogabo múltam, ut mihi cenás decem

Meo árbitratu dént, quom cara annóna sit. sic égero.

Núnc ibo ad portum hínc. est illi mi úna spes ce-
nática: 496

Si éa decolabít, redibo huc ád senem ad cenam ásperam.

HEGIO. (ARISTOPHONTES.)

Quid ést suaviús quam

Bene rém gerere bõno publicó, sicut féci

Ego herí, quom emi hosce hómines. ubi quísque
uident [me hódie], 500

Eúnt obuiám gratulánturque eám rem.

Ita [núnc] me miserúm restitádo, retinédo

Lassúm reddidérunt:

Vix éx gratuládo misér iam eminébam.

Tandem ábii ad praectorem. íbi uix requieuí, rogo

Mihi sýngraphum: datur: ílico 506

Dedi Týndaro: ille abiít domum:

Inde ílico praeuórtor

Domúm, postquam id áctumst.

Eo prótinus ad fratré, mei ubi álii sunt captíui: 510

Rogó Philocratem ex Álide ecquis hóminum norit:

[átque] hic

Exclámat, esse eum síbi sodalem: díco eum esse

apút me.

Hic éxtemplo orat ópsecratque, eum síbi uidere ut
líceat.

Iussi ílico hunc exóluier. inde ábii. nunc tu séquere,

Vt quód me orauisti ímpetres, eum hóminem uti
conuéncias. 515

T Y N D A R V S.

Nunc illút est, quom mé fuisse quam ésse nimio má-
uelim:

Nunc spés opes auxíliaque a me ségregant spernúnt-
que se.

[Hic ille est dies, quom nulla uitae mēae salus sperābilist:
Neque aúxilium mist néque adeo spes, quae mi hunc
aspellát metum: 519

Nec súbdolis mendáciis mihi úsquam mantellúmst meis.]
Nec súcophantiis nec fucis úllum mantellum óbuiaúst.
Neque déprecatió perfidiis mēis nec malefactis fugast.
[Nec cónfidentiae úsquam hospitiumst néc deuorticulúm
dolis.]

Opérta quae fuére aperta súnť, patent praestígiae.

Omnis palamst res: néque de hac re negótiumst, 525
Quín male occidam óppetamque péstem eri uicém malam.
Pérdidit me Aristophontes híc, qui intro aduenít
modo:

Ís me nouit, ís sodalis Phílocrati et cognátus est.

Néque Salus seruáre, si uolt, mé potest: nec cópiast

[Me éxpediundi], nísi si astutiam áliquam corde
máchinor.

Quám, malum? quid máchiner, quid cónminiscar,
haéreo: 531

[Nísi] nugas inéptiasque iam incipisso máxumas.

HEGIO. ARISTOPHONTES. TYNDARVS. LORARIÍ.

HE. Quo illúm nunc hominem próriuisse fōras se dicam
ex aédibus?

TY. Enimuéro nunc ego óccidi: eúnt ad te hostes,
Týndare.

Quid fábulabor? quíd negabo? aut quíd fatebor? [nám]
mihi 535

Res ómnis in incertó sitast: quid rébus confidám meis?

Vtinám te di prius pérderent, quam périisti e patriá tua,

Aristophontes, qui éx parata re ímparatam omném facis.
Occisast haec res, nísi reperio atrócem mi aliquam
astútiam.

HE. Sequere: én tibi hominem, adi átque adloquere.

TY. Quís homost me hominum míserior?

AR. Quid istuc est, quod mēos te dicam fúgitare
oculos, Týndare, 541

Próque ignoto me áspernari, quási me numquam
nóueris?

Équidem tam sum séruos quam tu, etsi égo domi libér
fui,

Tu úsque a puero séruitutem séruisti in Álide.

HE. Édepol minime míror, si te fúgitat aut oculos
tuos 545

Aút si te odit, qui ístum appelles Týndarum pro
Phílocrate.

TY. Hégio, hic homó rabiosus hábitus est in Álide:

Né tu quod istic fábuletur aúris inmittás tuas.

Nám istic hastis ínsectatus ést domi matrem ét patrem,

Ét illic isti quí sputatur mórbus interdúm uenit. 550

Pròin tu ab istoc prócul apscedas. HE. Vltro istum a
me. AR. Ain, uérbero,

Mé rabiosum atque ínsectatum esse hástis meum me-
morás patrem?

Ét eum mihi esse mórbum, ut qui med ópus sit in-
sputárier?

HE. Né uerere, múltos iste mórbus homines mácerat,
Quíbus insputarí saluti fúit atque is prófuit. 555

AR. Quid, tu autem etiam huic crédis? HE. Quid ego
crédam huic? AR. Insanum ésse me.

TY. Viden tu hunc, quam inimíco uoltu intúitur?
concedi óptimumst,

Hégio: fit quód ego dixi: glíscit rabies: cáue tibi.

HE. Crédidi esse insánum extemplo, ubi te áppel-
lavit Týndarum.

TY. Quín suum ipse intérdum ignorat nómen neque
scit quí siet. 560

HE. Át etiam te sũum sodalem esse áibat. TY. Hau
uidí magis:

Ét quidem Alcmaeus átque Orestes ét Lycurgus póstea
Vna opera mihi sũnt sodales qua iste. AR. At etiam,
fúrcifer,

Mále loqui mi audés? non ego te nóui? HE. Pol
planum íd quidemst:

[Non nouisse, qui istum appelles Týndarum pro
Philocrate.] 565

Quém uides, eum ignóras: illum nóminas, quem nón
uides.

AR. Ímmo iste eum sese áit qui non est ésse et qui
ueróst negat.

TY. Tu ěnim repertu's, Philocratem qui súperes
ueriuérbio.

AR. Pól, ego ut rem uideó, tu inuentu's, uéra uani-
túdiue

Quí conuincas. sét quaeso hercle agedum áspice ad me.

TY. En. AR. Díe modo, 570

Tén negas Týndárum esse? TY. Nego ego. AR. Tún
te Philocratem ésse ais?

TY. Égo [uero] inquam. AR. Túne huic credis? HE.

Plús quidem quam tibi aut mihi:
Nam ille quidem, quem tú esse hunc memoras, hódie
hinc abiit Álidem

Ád patrem huius. AR. Quém patrem, qui séruos est?

TY. Et tú quidem

Séruos es, libér fuisti: et égo me confidó fore, 575
Si huius huc recónciliasso in libertatem filium.

AR. Quid ais, furcifer? tun natum té esse memoras
liberum?

TY. Nón equidem me Líberum, set Phlócratem esse
aió. AR. Quid est?

Vt scelestus, Hégio, nunc iste [te] ludós facit.

Nám is est seruos ipse neque praeter se umquam ei
servós fuit. 580

TY. Quia tute ipse egés in patria nec tibi qui uiuás
domist,

Ómnis inueníri similis tui uis: non mirum facis:

Est miserorum, ut máleuolentes sint atque inuideánt
bonis.

AR. Hégio, uide sis nequid tu huic témere insistas
crédere:

Atque ut perspició, profecto iam aliquid pugnaé
dedit: 585

Filium tuum quód redimere se ait, id ne utiquam mihi
placet.

TY. Scío te id nolle fieri: ecfciam tamen ego id, si
di ádiuant.

Íllum restituam huic, hic autem in Álidem me meo
patri:

Própterea ad patrem hinc amisi Týndarum. AR. Quin
tute is es:

Neque praeter te in Álide ullus séruos istoc nó-
minest. 590

TY. Périgin seruom me éxprobrare esse, id quod ui
hostili óptigit?

AR. Ėnim iam nequeo cóntineri. TY. Heus, audin
quid ait? quin fugis?

Iám illic hic nos insectabit lápidibus, nisi illúnc iubes
Cónprehendi. AR. Crúciór. TY. Ardent óculi:

fune opust, Hégio:

Víden tu illi maculári corpus tótum maculis lúridis?

Átra bilis ágitat hominem. AR. At pól te, si hic

sapiát senex, 596

Píx atra agitet áput carnificem tñoque capiti inlúceat.

TY. Iám deliraménta loquitur, láruae stimulánt
uirum.

HE. Quid, si [ego] hunc [nunc] cónprehendi iússerim?

TY. Sapiás magis.

AR. Crúciór lapidem nón habere mé, ut illi mastígiae

Cérebrum excutiam, quí me insanum uérbis concinnát

suis. 601

TY. Aúdin lapidem quaéritare? AR. Sólus te

solúm uolo,

Hégio. HE. Istinc lóquere, siquid uís, procul:

tamen aúdiam.

TY. Námque edepol si adbítes propius, ós denasabít

tibi

Mórdicus. AR. Neque pól me insanum, Hégio, esse

créduis 605

Néque fuisse umquám neque esse mórbum, quem istic

aúumat.

Vérum siquid métais a me, iúbe me uincirí: uolo,

Dúm istic itidem uínciatur. TY. Ímmo enimuero,

Hégio,

Ístic qui uolt uínciatur. AR. Táce modo: ego te,

Philocrates

Fálse, faciam ut uérus hodie réperiare Týndarus. 610

Quíd mi abnutas? TY. Tíbi ego abnuto? * * * * *

* * * * * quíd agat, si aphis lóngius?

HE. Quid ais? quid, si adream hunc insanum? TY.

Nugas: ludificabitur,

Garruet quoi néque pes umquam néque caput con-
pareat.

Ornamenta apsunt: Aiace, hunc quom uides, ipsum
uides. 615

HE. Nihili facio, tamen adibo. TY. Nunc ego om-
nino occidi,

Nunc ego inter sacrum saxumque sto nec quid faciam
scio.

HE. Dó tibi operam, Aristophontes, síquid est quod
mé uelis.

AR. Ex me audibis uera quae nunc falsa opinare,
Hegio.

Sét primum hoc me expurgare tibi uolo, me in-
saniam 620

Néque tenere néque mi esse ullum morbum nisi quod
seruio.

At ita me rex deorum atque hominum faxit patriae
conpotem,

Vt istic Philocratés non magis est quam aut ego aut
tu. HE. Eho, dic mihi,

Quis illic igitur est? AR. Quem dudum dixi a prin-
cipio tibi.

Hoc si secus reperies, nullam causam dico quin mihi
Et parentum et libertatis apud te deliquio siet. 626

HE. Quid tu ais? TY. Me tuum esse seruom et te meum
erum. HE. Haut istuc rogo.

Fuistin liber? TY. Fui. AR. Enimuero non fuit,
nugas agit.

TY. Qui tu scis? an tu fortasse fuisti meae matri
opstrix,

Qui id tam audacter dicere audes? AR. Puerum
te uidi puer. 630

TY. At ego te maiorem uideo maior: en rusum tibi.
Meam rem non curas, si recte facias: num ego curam
tuam?

HE. Fuitne huic pater Thensaurochrysonicochry-
sides?

AR. Non fuit: neque ego istuc nomen umquam au-
diui ante hunc diem.

Philocrati Theodóromedes fuit pater. TY. Pereó
probe. 635

Quin quiescis? [f] diirectum, cor meum, ac suspende te:
Tu supsultas, ego miser uix asto prae formidine.

HE. Satin istuc mihi exquisitumst fuisse hunc ser-
uom in Álide

Néque esse hunc Philocratém? AR. Tam satis quam
numquam hoc inuenies secus.

Sét ubi is nunc est? HE. Vbi ego minime atque ipsus
se uult maxime. 640

Tum igitur ego deruncinatus, deartuatus sum miser
Huius scelesti technis, qui me ut libitumst ductauit
dolis.

Sét uide sis. AR. Quin exploratum dico et proui-
sum hoc tibi.

HE. Certo? AR. Quin nihil, inquam, inuenies má-
gis hoc certo certius:

Philocrates iam inde usque amicus fuit mihi a pueró
puer. 645

HE. Sét qua faciest tuus sodalis Philocrates? AR.
Dicam tibi:

Mácilento ore, naso acuto, corpore albo, oculis
nigris,

Súbrufust, aliquántum crispus, cíncinnatus. HE.
Cónuenit.

TY. Vt quidem hercle in médium ego hodie péssume
procésserim: .

Vae illis uirgis míseris, quae hodie in térgo morien-
túr meo. 650

HE. Vérba mihi data ésse uideo. TY. Quid cessa-
tis, cónpedes,

Cúrrere ad me méaque amplecti crúra, ut uos cu-
stódiam?

HE. Sátin illi me hodié scelesti cápti ceperunt dolo?

Íllíc seruom se ádsimulabat, híc sese autem líberum.

Núculeum amisí, retinui pígnéri putámina. 655

Íta mi stolido súsum uorsum os súbleuere offúciis.

Híc quidem me numquam ínridebit. Cólaphe, Corda-
lió, Corax,

Íte istinc, ecférte lora. LO. Núm lignatum míttimur?

HE. Inícite manicas [áctutum] huic mastígiae.

TY. Quid hoc ést negoti? quíd ego deliquí? HE.
Rogas? 660

Satór sartorque scélerum et messor máxume.

TY. Non óccatorem príus audebas dícere?

Nam sémper occant príus quam sariunt rústici.

HE. Atát, ut confidénter mihi contra ástitit.

TY. Decet ínnocentem séruom [hominem] atque
innóxium 665

Confidentem esse, suum áput erum potíssimum.

HE. Astríngite isti súltis uehementér manus.

TY. Tuús sum, tu has quidem [míhi] uel prae-
cidí iube.

Set quíd negotist quam ób rem suscensés mihi?

HE. Quia mé meamque rém, quod in te unó fuit, 670

Tuis scelestis fãlsidicis falláciis
 Dilácerauisti dêartuauistíque opes,
 Confécisti omnis rés ac rationés meas.

Ita mi éxemisti Phílocratem falláciis.

Illum ésse seruom crédidi, te liberum: 675

Ita uósmet aiebátis itaque nómina

Intér uos permutástis. TY. Fateor ómnia

Facta ésse ita ut tu dícis et falláciis

Abísse eum aps te méa opera atque astútia:

An, ópsecro hercle te, íd nunc suspensés mihi? 680

HE. At cúm cruciatu máxumo id factúmst tuo.

TY. Dum ne ób malefacta, péream: parui [id]
 aéstumo.

Si ego híc peribo, ast ille, ut dixit, nón redit:

At erít mi hoc factum mórtuo memorábile,

[Me] méum erum captum ex séruitute atque hó-
 stibus 685

Reducém fecisse líberum in patriam ád patrem,

Meúmque potius mé caput perículo

[Híc] praëoptauisse quam ís períret pónere.

HE. Facito érgo ut Acherúnti clueas glória.

TY. Qui pér uirtutem pérít, at non [is] ínterit. 690

HE. Quando égo te exemplis péssumis cruciáuero

Atque ób sutelas tñas te morti mísero,

Vel te ínterisse uél perisse praédicent,

Dum péreas, nihil intérdúo aiant uíuere.

TY. Pol si ístuc faxis, haú sine poena féceris, 695

Si ille húc rebitet, sícut confido ádfore.

AR. Pro di ínmortales: núnc ego teneo, núnc scio

Quid hóc negotist. méns sodalis Phílocrates

In líbertatest áput patrem in patriá. benest:

Nec ést mihi quisquam, mélius aeque quóí uelim. 700

Set hóc mihi aegrest, me huíc dedisse operám
malam,

Qui núnc propter me méaque uerba uíñctus est.

HE. Votuín te quicquam mi hódie falsum próloqui?

TY. Votuísti. HE. Quor es aúsus mentirí mihi?

TY. Quia uéra obessent illi, quoi operám da-
bam: 705

Nunc fálsa prosunt. HE. Át tibi oberunt. TY.
Óptumest:

At erúm seruauí, quém seruatum gaúdeo,

Quoi mé custodem addíderat erus maiór meus.

Set málene id factum [tu] árbitrare? HE. Pés-
sume.

TY. At ego áio recte, qui áps te sorsum séntio : 710
Nam cógitato, síquis hoc gnató tuo .

Tuus séruos faxet, quálem haberes grátiam?

Emíttteresne nécne eum seruóm manu?

Essétne aput te is séruos acceptíssimus?

Respónde. HE. Opinor. TY. Quór ergo iratús
mihi's? 715

HE. Quia illí fuísti [tú] quam mihi fidélior.

TY. Quid? tu úna nocte póstulauísti ét die

Recéns captum hominem, núperum et nouícium,

Te pérdocere, ut mélius consulerém tibi

Quam illí quicum una [a] púero aetatem exé-
geram? 720

HE. Ergo áb eo petito grátiam istam. dúcite

Vbi pónderosas, crássas capiat cónpedis:

Inde íbis porro in látomias lapidárias.

Ibi quom álii octonos lápidés ecfodiúnt, nisi

Cotídiano sésquipus conféceris, 725

Sescéntoplagó nómen indetúr tibi.

AR. Per deos atque homines ego te optestor,
Hegio,

Ne tu istunc hominem perdis. HE. Curabitur:

Nam noctu neruo uinctus custodibitur,

Interdus sub terra lapides eximet. 730

Diu ego hunc cruciabo, non uno apsoluam die.

AR. Certumnest tibi istuc? HE. Non moriri
certiust.

Abducite istum actutum ad Hippolytum fabrum,

Iube huic crassas conpedis inpingier.

Inde extra portam ad meum libertum Cordalum 735

In lapicidinas facite deductus siet:

Atque hunc me uelle dicite ita curarier,

Nequi deterius huic sit quam quoi pessumest.

TY. Quor ego te inuito me esse saluom postulem?

Periculum uitae meae tuo stat periculo. 740

Post mortem in morte nihil est quod metuam mali.

Etsi peruiuo usque ad summam aetatem, tamen

Breue spatiumst perferendi quae minitas mihi.

Vale atque salue, etsi aliter ut dicam meres.

Tu, Aristophontes, de me ut meruisti ita uale: 745

Nam mihi propter te hoc optigit. HE. Abducite.

TY. At unum hoc quaeso, si huc rebitet Philo-
crates,

Vt mi eius facias conueniundi copiam.

HE. Peristis, nisi iam hunc e conspectu abducitis.

TY. Vis haec quidem herclest, et trahi et trudi
semul. 750

HE. Illést abductus recta in phylacam, ut dignus est.

Ego illis captiuis aliis documentum dabo,

Ne tale quisquam facinus incipere audeat.

Quod apsqe hoc esset, qui mihi hoc fecit palam,

Vsque óffrenatum sùis me ductarént dolis. 755
Nunc cértumst nulli pósthac quicquam crédere.
Satis sum semel decéptus: speraui miser
Ex séruitute me éxemisse fílium.
Ea spés elapsast. pérdidi unum fílium,
Puerúm quadrimum quém mihi seruos súrpuít, 760
Neque eúm seruom umquam répperi neque fílium:
Maiór potitus hóstiumst. quod hoc ést scelus:
Quasi in órbitatem líberos prodúxerim.
Sequere hác: redducam te úbi fuisti. néminis
Miseréri certumst, quía mei miseret néminem. 765
AR. Exaúspicaui ex uínclis: nunc intéllego
Redaúspicandum esse íu catenas dénuo.

A C T V S III.

E R G A S I L V S.

Iúppiter suprême, seruas mé measque augés opes:

Máxumas opímitates ópiparasque offérs mihi:

Laudém, lucrum, ludúm, iocum, festiuitatem, férias, 770

Pompám, penum, potátiones, sáuritatem, gaúdium.

[Saluós sum] nec quoiquam hómini supplicáre nunc
certúmst mihi:

Nam uél prodesse amíco possum uél inimicum pérdere.

Ita híc me amoenitáte amoena amoénus onerauít dies:

[Ita] síne sacris heréditatem sum áptus ecfertíssumam.

Nunc ád senem cursúm capessam hunc Hégionem, quói
boni 776

Tantum ádfero, quantum ípsus a dis óptat, atque etiam
ámplius.

Nunc certa res est, eodem pacto ut cómici seruí solent,

Coníciam in collum pállium, primo éx me [ille] hanc ut
rem aúdiat:

Speróque me ob hunc núntium [esse] aetérnum adep-
turúm cibum. 780

H E G I O. E R G A S I L V S.

HE. Quanto ín pectore hánc rem meó magis
uolúto,

Tantó mi aegritúdo auctiór est in ánimo,

Ad illum modum sublitum os esse mi hodie:

Neque id perspicere quivi.

Quod quom scibitur, [tum] per urbem inri-
debor. 785

Quom exemplo ad forum aduenero, omnes lo-
quentur:

'Hic ille est senex doctus, quos verba data sunt.'

Set Ergasilus estne hic, procul quem [ire] uideo?

Conlecto quidemst pallio: quidnam acturust?

ER. Moue ap's te moram [nunc], Ergasile, atque
age hanc rem. 790

Minor interminorque, nequis mi [hodie] opstiterit
obuiam,

Nisi qui satis diu uixisse sese homo arbitrabitur:

Nam qui opstiterit ore sistet. HE. Hic homo pugi-
latum incipit.

ER. Facere certumst. proinde ita omnes itinera in-
sistant sua,

Nequis in hac platea negoti conferat quicquam sui: 795

Nam meus est ballista pugnus, cubitus catapultast mihi,

Humerus aries: tum genu ut quemque icero, ad ter-
ram dabo.

Dentilegos omnis mortalis faciam, quemque offendero.

HE. Quae illaec est minatio? nam nequeo mirari satis.

ER. Faciam ut huius die locique meique semper me-
minerit: 800

Qui mi in cursu opstiterit, faxo uitae is opstiterit suae.

HE. Quid hic homo tantum incipisset facere cum tan-
tis minis?

ER. Prius edico, nequis propter culpam capiatur
suam:

Continete uos domi, prohibete a uobis uim meam.

HE. Míra edepol sunt ni híc in uentrem sumpsit
confidéntiam. 805

Vae misero illi, quòius cibo iste fáctust imperiósior.

ER. Túm pistores scrótipasci, quí alunt furfurí sues,
Quárum odore praéterire némo pistrinúm potest:

Ėorum si quoiúsqum scrofam in púplico conspéxero,
Ėx ipsis dominís meis pugnís éxculcabo fúrfures. 810

HE. Básilicas edíctiones átque imperiosás habet.

Sátur homost, habét profecto in uéntre confidéntiam.

ER. Túm piscatorés, qui praehibent pópulo piscis
foétidos,

Qui áduchuntur quádrupedanti crúciati canthério,
Quórum odos subbásilicanos ómnis abigit ín forum: 815

Ėis ego ora uérberabo súrpiculis piscáriis,

Vt sciant, aliéno naso quam éxhibeant moléstiam.

Túm lanii autem, quí concinnant líberis orbás ouis,
Quí locant caedúndos agnos ét dupla agninám danunt,
Quí petroni nómen indunt uérueci sectário: 820

Ėum ego si in uiá petronem púplica conspéxero,
Ét petronem et dóminum reddam mórtalis misér-
rums.

HE. Eúge: edictiónes aedilícias [pol] habet híc
quidem:

Mírumque adeost ni húncc Aetoli síbi fecere agorá-
nomum.

ER. Nón ego nunc parasitus sum, set régum rex re-
gálíor: 825

Tántus uentri cónmeatus méo adest in portú cibis.

Sét ego cesso hunc Hégionem oneráre laetitíá senem?
Quí homine [hominum] adaéque nemo uíuit fortunátior.

HE. Quae illaec est laetítia, quam illic laétus largi-
túr mihi?

ER. [Púltabo aedis:] heús, ubi estis? éequis hoc
aperit óstium? 830

HE. Híc homo ad cenam récipit se ad me. ER. Ápe-
rite hasce ambás foris

Príus quam pultando ássulatim fóribus exitiúm dabo.

HE. Pérlubet hunc cónloqui hominem: Ergásile.

ER. Qui Ergasilúm uocat?

HE. Réspice [me]. ER. Fortúna tibi quod néc faciet
nec [núnc] facit,

Hóc me iubes. set quíst? HE. Respicedum ad me:

Hégio sum. ER. Óh mihi: 835

Quántumst hominum [tu] óptume optumórum, in tem-
pore áduenis.

HE. Néscio quem ad pórtum nactu's, úbi cenes:
eo † fastidis.

ER. Cédo manum. HE. Manúm? ER. Manum, inquam,
cédo tuam actutúm. HE. Tene.

ER. Gaúde. HE. Quid ego gaúdeam? ER. Quia ego
ímpero. age gaudé modo.

HE. Pól maerores mi ánteuortunt gaúdiis. ER. * * * *
Iám ego ex corpore éxigam omnis máculas maerorúm
tibi: 841

Gaúde audacter. HE. Gaúdeo, etsi níl scio quod
gaúdeam.

ER. Béne facis: iubé. . HE. Quid iubeam? ER. Ígnem
ingentem fieri.

HE. Ígnem ingentem? ER. Íta dico, ut sit mágnus.

HE. Quid? me, uólturi,

Túan causa aedis incensurum cénses? ER. Noli
iráscier. 845

Iúben an non iubés astitui aúlas, patinas élui,
Láridum atque epulás foueri fóculis in feruéntibus,

Álium piscis praéstinatum abíre? HE. Hic uigilans
sómniat.

ER. Álium porcinam átque agninam et púllos galli-
náceos?

HE. Scís bene esse, sí sit unde. ER. Múraenam at-
que ophthálmiam, 850
Hóraeum, scombrum ét trugonum et cétum et mollem
cáseum?

HE. Nóminandi istórum tibi erit mágis quam edundi
cópia

Híc aput me, Ergásile. ER. Mean me caúsa hoc cen-
ses dicere?

HE. Néc nihil hodie néc multo plus tu híc edes, ne
frústra sis:

Pròin tu tui cotídiáni uícti uentrem ad me ádferas. 855

ER. Quín ita faciam ut túte cupias fácere sumptum,
etsi égo uotem.

HE. Égone? ER. Tu ne. HE. Túm tu mi igitur érus
es. ER. Immo béneuolens.

Vín te faciam fórtunatum? HE. Málim quam mise-
rúm quidem.

ER. Cédo manum. HE. En manúm. ER. Di te om-
nes ádiuant. HE. Nil séntio.

ER. Nón enim es in sénticeto, eó non sentis. sét
iube 860

Vása tibi pura ádparari ád rem diuinám cito

Átque agnum [huc] adférri propere pínguem. HE.
Quor? ER. Vt sácrufices.

HE. Quóí deum? ER. Mihi [quidem] hércle: nam ego
nunc tibi sum summus Iúppiter:

Ídem ego sum Salús, Fortuna, Lúx, Laetítia, Gaú-
dium.

Pröinde tu deum hunc sáturitate fácias tranquillúm
tibi. 865

HE. Éssurire mñhi uidere. ER. Mñhi quidem essurio,
nón tibi.

HE. Tuo árbitratu: fácale patior. ER. Crédo: con-
suetú's puer.

HE. Iúppiter te díque perdant. ER. Te hércle mi
aequomst grátias

Ágere ob nuntiúm: tantum ego nunc póрто а portu
tibi boni.

Núnc tu mihi placés. HE. Abi stultus, séro post
tempús uenis. 870

ER. Ígitur olim si áduenisset, mágis tu tum istuc
díceres.

Núnc hanc laetitiam áccipe а me quám fero: nam
fílium

Tűum modo in portú Philopolemum uíuom, saluom
et sóspitem

Vídi in puplicá celoce ibidémque illum adulescén-
tulum

Áleum una et tűum Stalagmum séruom, qui aufugít
domo, 875

Quí tibi subrupuit quadrimum púerum filiolum tuum.

HE. Ábi in malam rem, lúdis me. ER. Ita me amábit
sancta Sátoritas,

Hégio, itaque sűo me semper cóndecoret cognómíne,
Vt ego uidi. HE. Měumne gnatum? ER. Tűum gna-
tum et geniúm meum. 879

HE. Ét captiuom illum Álidensem? ER. *Μὰ τὸν*
Ἀπόλλω. HE. Et séruolam

Měum Stalagmum, měum qui gnatum súbrupuit? ER.
Νὴ τὰν Κόραν.

HE. † Iam diu? ER. *Νὴ τὰν Πραινέστην.* HE. Vénit?

ER. *Νὴ τὰν Σιγνίαν.*

HE. Cértion? ER. *Νὴ τὰν Φρουσινῶνα.* HE. Vide

sis. ER. *Νὴ τὰν Ἀλάτριον.*

HE. Quid tu per barbáricas urbis iúras? ER. Quia

enim item ásperae

Súnt, ut tuum uictum aútumabas ésse. HE. Vae aetati

tuae.

885

ER. Quíppe quando míhi nil credis, quód ego dico

sédulo.

Sét Stalagmus quóius erat tunc nátionis, quom húc

abit?

HE. Sículus. ER. At nunc Sículus non est: Bóius

est: boiám terit:

Líberorum quaérundorum caúsa ei credo uxór datast.

HE. Díc, bonan fidé tu mi istaec uérba dixistí? ER.

Bona.

890

HE. Di inmórtales, íterum natus uídeor, si uera aú-

tumas.

ER. Àin tu? dubium habébis etiam, sáncte quom ego

iurém tibi?

Póstremo, Hégió, si parua iúri iurandóst fides,

Víse ad portum. HE. Fácere certumst: tu íntus cura

quód opus est:

Súme, posce, próme quiduis: té facio cellárium. 895

ER. Nam hércle, nisi ego mánticinatus próbe ero,

fusti péctito.

HE. Aéternum tibi dápinabo uíctum, si uera aú-

tumas.

ER. Vnde id? HE. A me mèoque gnato. ER. Spón-

den tu istut? HE. Spóndeo.

ER. Át ego tuum tibi áduenisse filium respóndeo.

HE. Cúra quam optumé potes. ER. Bene ámbula et
redámbula. 900

Íllic hinc abiit: míhi rem summam crédidit cibáriam.
Di ímmortales, iam út ego collos praétruncabo tégo-
ribus.

Quánta pernis péstis ueniet, quánta labes lárido,
Quánta sumini ápsumedo, quánta callo cálamitas,
Quánta laniis lássitudo, quánta porcináriis: 905
Nam ália si memorém, quae ad uentris uíctum condu-
cúnt, morast.

Núnc ibo [in meam] praéfecturam, út ius dicam lárido
Ét quae pendent índemnatae pérnae, eis auxilium út
feram.

P V E R.

Diéspiter te díque, Ergasile, pérdant et uentrém tuum
Parasitosque omnis ét qui posthac cénam parasitís
dabit. 910

Cladés calamitasque, íntemperies módo in nostram ad-
uenít domum.

Quasi [sí sit] lupus esúriens, metuí ne ín me faceret ín-
petum.

Nimisque hércle ego illum mále formidabam: íta fren-
debat déntibus.

Aduéniens deturbáuit totum cúm carni carnárium.

Arrípuit gladium, détruncauit tríbus tegoribus glán-
dia. 915

Aulás calicesque omnis confregit, nési quae modialés
erant:

Cocúm percontabátur, possent sériae feruésce.

Cellás refregit ómnis intus reclúsitque [omne] armárium.
Adséruate istunc súltis, serui: ego sbo ut conueniám
senem:

Dicam [fíli] ut sibi penum áliut ornet, sí quidem sese utí
uolet: 920

Nam [in hóc], ut hic quidem adórnat, aut iam níhil est
aut iam níhil erit.

ACTVS V.

HEGIO. PHILOPOLEMVS. PHILOCRATES. STALAGMVS.

HE. Iouí disque agó gratiás merito mágnas,
 Quom té reducem [núnc] tuo patrí reddidérunt
 Quomque éx miseriís plurumís me exemérunt,
 Quas, dúm te caréndum hic fuít, sustentábam, 925
 Quomque hunc [ego] conspício in potéstate nóstra
 Quomque húius repértast fidés firma nóbis.

PHILOP. Sátis iam dolui ex ánimo et cura sátis me et
 lacrumis mácerauí:

Sátis iam audiui tũas aerumnas, ád portum mihi quas
 memorasti.

Hóc agamus. PHILOCR. Quid nunc, quoniam técum
 seruauí fidem 930

Tíbique hunc reducem in líbertatem féci? HE. Fe-
 cisti út tibi,

Phílocrates, numquám referre grátiam possím satis,
 Pröinde ut tu proméritu's de me et filio. PHILOP.
 Immó potes,

Páter, et poteris ét ego potero et dí potestatém
 dabunt, 934

Út beneficium béne merenti nóstro merito múneres,
 Sícút tu huic potés, pater mi, fácere merito máxume.

HE. Quid opust uerbis? língua nullast quá negem
 quidquíd roges.

PHILOCR. Póstulo aps te ut mi illum reddas séruom,
quem hic reliqueram

Pígnus pro me, míhi qui melior quám sibimet sempér
fuit,

Pró benefactis éius ut ei prétium possim réddere. 940

HE. Quóm bene fecistí, referetur grátia id quod
póstulas:

Ét id et aliut quód me orabis ímpetrabis. átque te
Nólim suscensére, quod ego irátus ei feci male.

PHILOCR. Quid fecisti? HE. In lápicidinas cónpedi-
tum cóndidi,

Vbi rescui míhi data esse uérba. PHILOCR. Vae mi-
seró mihi: 945

Própter meum capút labores hómini euenisse óp-
tumo.

HE. Át ob eam rem míhi libellam pró eo argenti né
duis:

Grátiis a me, út sit liber, dúcito. PHILOCR. Edepol,
Hégio,

Fácis benigne: sét quaeso hominem ut iúbeas ar-
cessí. HE. Licet.

Vbi uos estis? íte actutum, Týndarum huc ar-
césseite. 950

Vós ite intro: intéribi ego ex hac státua uerbereá
uolo

Érogitare, mēo minore quíd sit factum filio.

Vós lauate intéribi. PHILOP. Sequere hac, Phílocrates,
me intró. PHILOCR. Sequor.

HE. Áge tu illuc procéde, bone uir, lépidum mancu-
piúm meum.

ST. Quid me facere opórtet, ubi tu tális uir falsum
aútimas? 955

Fui ego bellus, lepidus, bonus uir numquam neque
frugí bonae

Néque ero umquam: ne [tu in] spem ponas mé bonae
frugí fore.

HE. Própemodum ubi loci fortunae tuae sint facile
intéllegis.

[Si eris uerax, tua ex re facies, ex mala meli-
usculam.]

Récta et uera loquere: set neque uére [tu] neque récte
adhuc 960

Fécisti umquam. ST. Quód ego fatear, crédin pudeat
quom aútumes?

HE. Át ego faciam ut púdeat: nam in rubórem te
totúm dabo.

ST. Éia, credo ego, inperito plágas minitarís mihi:
Tándem ista aufer. díce quid fers, út feras hinc quód
petis.

HE. Sátis facundu's: sét iam fieri dícta compendí
uolo. 965

ST. Vt uis fiat. HE. Béne morigerus fuit puer: nunc
nón decet.

Hóc agamus. iam ánimum aduerte ac mihi quae dicam
edíssere.

Sí eris uerax, ex tuis rebus féceris meliúsculas.

ST. Núgae istaec sunt: nón me censes scíre quid
dignús siem?

HE. Át ea supterfúgere potis es paúca, si non
ómnia. 970

ST. Paúca ecfugiam, scío: nam multa euénient, et
meritó meo,

Quía [ego] et fugi et tibi subrupui filium et eum uén-
didi.

HE. Quoi homini? ST. Polyplúsio Theodóromedi
in Álide

Séx minis. HE. Pro di ínmortales: ís quidem huius
ést pater

Philocratis. ST. Quin mélius noui quám te et uidi
saépius. 975

HE. Sérua, Iuppitér supreme, et méd et meum gna-
túm mihi.

Philocrates, per túm te genium ópsecro, exi: té
uolo.

PHILOCRATES. HEGIO. STALAGMVS.

PH. Hégio, adsum: síquid me uis, ímpera. HE. Hic
gnatúm meum

Túo patri ait se uéndidisse séx minis in Álide.

PH. Quám diu id factúmst? ST. Hic annus íncipit
uicénsumus. 980

PH. Fálša memorat. ST. Aút ego aut tu: nám qua-
drimulúm tibi

Túus pater pecúliarem páruolo pueró dedit.

PH. Quid erat ei nomén? sí uera dícis, memoradúm
mihi.

ST. Paégnium uocitátust: post uos índidistis Týn-
daro.

PH. Quór ego te non nóui? ST. Quia iam mós est
obliuisci hóminibus 985

Néque nouisse, quóius nihili sít faciunda grátia.

PH. Díc mihi, ísne ístíc fuit quem uéndidisti mēo
patri,

Quí mihi [puero] dátus peculiárist? ST. Huius fílius.

HE. Vívitne is homo? ST. Argéntum accepi, níl cu-
raui céterum.

HE. Quid tu ais? PH. Quin ístic ipsust Týndarus
tuus fílius, 990

Vt quidem hic arguménta loquitur. nam is mecum a
pueró puer

Béne pudiceque éducatust úsque ad adulescéntiam.

HE. Ét miser sum et fórtunatus, sí vos uera dícitis.

Éo miser sum, quía male illi féci, si gnatús meust.

Éheu, quom ego plús minusque féci [illi] quam aequóm
fuit. 995

Quód male feci, crúciór: modo si inféctum fieri
póssiet.

Sét eccum incedit húc ornatus haút ex suis uirtútibus.

TYNDARVS. HEGIO. PHILOCRATES. STALAGMVS.

TY. Vídi ego multa saépe picta quae Ácherunti
fierent

Crúciamenta: uérum enimuero núlla adaequest
Ácheruns

Átque ubi ego fui in lápicidinís. illic ibi demúmst
locus, 1000

Vbi labore lássitudost éxigunda ex córpore.

Nam úbi illo adueni, quási patriciís púeris aut mo-
nédulae

Aút anates aut cóturnices dántur quicum lúsitent:

Ítidem mi adueniénti haec upupa quí me delectém
datast.

Sét erus eccum ante óstium, et erus álter eccum ex
Álide 1005

Rédiit. HE. Salueto, éxoptate gnáte mi. TY. Hem:
quid, gnáte mi?

Áttat, scio quor té patrem esse adsímules et me
fílium:

Quía mi item ut paréntes lucis dás tuendi cópiam.

PH. Sálue, Tyndare. TY. Ét tu, quoius caúsa hanc
aerumnam éxigo.

PH. Át nunc liber ín diuitias fáxo uenies: nám
tibi 1010

Páter hic est: hic séruost qui te huic hínc quadri-
mum súrpuít,

Véndidit patrí meo te séx minis. is té mihi

Páruolum pecúliarem páruolo pucró dedit.

Íllic indicium fécit: nam hunc ex Álide huc redúcimus.
Quín huius fílium íntus eccum, frátre[m] germanúm
tuum. 1015

TY. Quid tu ais? addúxtine illum cáptiuom huius
fílium?

PH. Quín, inquam, íntus híc est. TY. Fecisti édepol
et recte ét bene.

PH. Núnc tibi pater hic ést: hic fur est túus, qui
paruom hinc te ápstulit.

TY. Át ego hunc grandis grándem natu ob fúrtum ad
carnuficém dabo.

PH. Méritus est. TY. Ergo édepol [merito] méritam
mercedém dabo. 1020

Sét dic, oro [té], pater meus tún' es? HE. Ego sum,
gnáte mi.

TY. Núnc demum in memóriam redeo, quóm mecum
recógito

[Nunc edepol demum in memoriam regredior au-
disse me]

Quási per nebulas Hégionem mēum patrem uocárier.

HE. Égo sum. PH. Conpedibús [te] quaeso ut tibi sit
leuior filius 1025

Átque hic grauior séruos. HE. Certumst princípium
id praeuórtier.

Ēamus intro, ut árcessatur fáber, ut istas cónpedis
Tíbi adimam, huic dem. ST. Quoi peculi nihil est,
recte féceris.

CATERVA.

Spéctatores, ád pudicos móres facta haec fábulast.

Néque in hac subigitátiones súnť neque ulla
amátio 1030

Néc pueri suppósitio aut argéńti circumdúctio,
Néque ubi amans aduléscens scortum líberet clam
suum patrem.

Hũius modi paucás poetae réperiunt comoédias,
Vbi boni melióres fiant. nũnc uos, si uobís placet
Éť si placuimús neque odio fúimus, signum hoc
míttite: 1035

Qní pudicitiae ésse uoltis praémium, plausúm date.

METRA HVIVS FABVLAE HAEC SVNT

- V. 1 ad 194 iambici senarii
- 195 et 196 iambici octonarii
- 197 iambicus dimeter acatalectus
- 198 et 199 iambici octonarii
- 200 et 202 iambici senarii
- 201 et 203 iambici octonarii
- 204 et 205 cretici tetrametri acatalecti
- 206 iambicus octonarius
- 207 creticus tetrameter acatalectus

- V. 208 et 209 trochaici octonarii
 - 210 et 211 cretici tetrametri acatalecti
 - 212 creticus dimeter acatalectus
 - 213 ad 224 cretici tetrametri acatalecti
 - 225 iambicus dimeter acatalectus
 - 226 ad 230 bacchiaci tetrametri acatalecti
 - 231 iambicus septenarius
 - 232 creticus tetrameter acatalectus
 - 233 creticus dimeter acatalectus
 - 234 ad 239 cretici tetrametri acatalecti
 - 240 et 241 trochaici octonarii
 - 242 ad 360 trochaici septenarii
 - 361 ad 384 iambici senarii
 - 385 ad 497 trochaici septenarii
 - 498 bacchiacus dimeter acatalectus
 - 499 ad 502 bacchiaci tetrametri acatalecti
 - 503 bacchiacus dimeter acatalectus
 - 504 bacchiacus tetrameter acatalectus
 - 505 iambicus senarius
 - 506 et 507 iambici dimetri acatalecti
 - 508 iambicus dimeter catalecticus
 - 509 bacchiacus dimeter acatalectus
 - 510 ad 515 iambici septenarii
 - 516 ad 524 iambici octonarii
 - 525 iambicus senarius
 - 526 ad 532 trochaici septenarii
 - 533 ad 540 iambici octonarii
 - 541 ad 658 trochaici septenarii
 - 659 ad 767 iambici senarii
 - 768 et 769 trochaici septenarii
 - 770 ad 780 iambici octonarii
 - 781 ad 783 bacchiaci tetrametri acatalecti
 - 784 iambicus dimeter catalecticus
 - 785 ad 790 bacchiaci tetrametri acatalecti
 - 791 ad 908 trochaici septenarii
 - 909 ad 921 iambici octonarii
 - 922 ad 927 bacchiaci tetrametri acatalecti
 - 928 et 929 trochaici octonarii
 - 930 ad 1036 trochaici septenarii.
-

T. MACCI PLAVTI
MILES GLORIOSVS.

GRAECA ALAZON.

ARGVMENTVM I.

Meretrícem Athenis Éphesum miles áuehit.
 Id dùm ero amanti séruos nuntiáre uolt
 Legáto peregre, cáptust ipsus ín mari
 Et éidem illi míliti donó datust.
 Suum arcéssit [seruos dómimum] Athenis ét forat 5
 Geminís comunem [scíte] parietem aédibus,
 Licéret ut clam cónuenire amántibus.
 Obérrans custos hós uidet de tégulis,
 Ridículis autem, quási sit alia, lúditur.
 Itémque inpellit mílitem Palaéstrio 10
 Omíssam faciat cóncubinam, quádo ei
 Senís uicini cúpiat uxor núbere.
 Ultro ábeat orat, dónat multa. ipse ín domo
 Senís prehensus poénas pro moechó luit.

ARGVMENTVM II.

Meretrícem ingenuam déperibat mútuo
 Athéniensis iúuenis. Naupactum ís domo
 Legátus abiit: mñles in eandem incidit,
 Depórtat Ephesum inuítam. seruos Áttici
 Vt núntiaret dómimo factum náuigat: 5
 Capitúr, donatur illi captus míliti.
 Ad erum út ueniret Éphesum scribit. áduolat
 Aduléscens atque in próxumo deuórtitur
 Aput hópitem patérnum. medium párietem
 Perfódit seruos, cónmeatus clánculum 10

Qua fóret amantum: géminam fingit múlteris
 Sorórem adesse. móx ei dominus aédium
 Suám cluentam ad sóllicitandum mílitem
 Subórnat. capitur ille: sperat núptias,
 Dimíttit concubínam et moechus uápulat.

15

P E R S O N A E.

PYRGOPOLINICES MILES
 ARTOTROGVS PARASITVS
 PALAESTRIO SERVOS
 PERIPLECOMENVS SENEX
 SCELEDRVS SERVOS
 PHILOCOMASIVM MVLIER
 PLEVSICLES ADVLESCENS
 LVCRIO PVER
 MILPHIDIPPA ANCILLA
 ACROTELEVTVM MERETRIX
 SERVI
 PVER
 CARIO COCVS
 LORARII
 CANTOR.

ACTVS I.

PYRGOPOLINICES (CVM SATELLITIBVS). ARTOTROGVS.

PY. Curáte ut splendor mēo sit clupeo clárior,
 - Quam sólís radii esse ólim quom sudúmst solent:
 Vt, ubi úsus ueniat, cóntra consertá manu
 Praestríngat oculorum áciem [acri] in acie hóstibus.
 Nam ego hánc machaeram míhi consolarí uolo, 5
 Ne lámentetur néue animum despóndeat,
 Quia sé iam pridem fériatam géstitem,
 Quae mísere gestit strágem facere ex hóstibus.
 Set ubi Ártotrogust? AR. Híc est, stat proptér
 uirum

Fortem átque fortunátum et forma régia. 10

Tam béllatorem Márs se haut ausit dícere

Neque aéquiperare súas uirtutis ád tuas.

PY. Quemne égo seruauí in cámpis Gorgonidóniis,

Vbi Búmbomachides Clútomestoridysárchides

Erat ímperator súmmus, Neptuní nepos? 15

AR. Meminí: nempe illum dícis cum armis aúreis,

Quoius tú legiones dífflauisti spíritu

- Quasi uéntus folia aut pániculum tectórium.

PY. Istúc quidem edepol níhil est. AR. Nihil her-
 cle hóc quidemst,

Praeut ália dicam, tú quae numquam féceris. 20

Periúriorem hoc hómínem síquis uíderit

Aut glóriarum pléníorem, [hercle ís quidem]

Me síbi habeto, ego me [ei] máncupio dabó: nisi
 - Vnum épityrum estur [insanum] insané bene.

PY. Vbi tú's? AR. Eccum. edepol uél elephanto
 in Índia 25

Quo pácto pugno praéfregisti bráchium.

PY. Quid, bráchium? AR. Illut 'féminur' uolui
 dícere.

PY. At indfligenter íceram. AR. Pol sí quidem
 Conísus esses, pér corium, per uiscera

Perque ós elephanti tránstineret bráchium. 30

PY. Nolo istaec hic nunc. AR. Ne hércle operae
 pretiúm quidemst

Mihi té narrare, túas qui uirtutís sciam.

Ventér creat omnis hás aerumnas: aúribus

Perhaúriendumst, né [mihi] dentes déntiant,

Et ádsentandumst quídquid hic mentíbitur. 35

PY. Quid illúc quod dico? AR. Hem, scío iam
 quid uis dícere:

Factum hérclest: memini fieri. PY. Quid id est?

AR. Quídquid est. ~

PY. Habén tabellas? AR. Vís rogare? habeo, ét
 stílum.

PY. Facéte aduortis túum animum ad animúm
 meum.

AR. Nouísse mores túos me meditaté decet 40

Curámque adhibere ut praéolat mihi quod tú
 uelis.

PY. Ecquíd meministi? AR. Mémini: centum in
 Cílicia

Et quínquaginta, céntum in Cryphioláthronia,

Trigínta Sardi, séxaginta Mácedones

Sunt hómines, quos tu occídisti [una] unó die. 45

PY. Quanta istaec hominum súmmast? AR. Septem
mília.

PY. Tantum ésse oportet: récte rationém tenes.

AR. At nullo habeo scríptos: sic meminí tamen.

- PY. Edepól memoria's óptuma. AR. Offaé monent.

PY. Dum tále facies quále adhuc, adsíduo edes: 50
Commúnicabo sémper te mensá mea.

AR. Quid ín Cappadocia, úbi tu quingentós semul,
Ni hebés machaerá fóret, uno ictu occíderas?

PY. Satíetas belli quía erat, siui úfuerent.

AR. Quid tibi ego dicam, quód omnes mortales
sciunt, 55

Pyrgópolisicem te únum in terra úfuere

Virtúte et forma et fáctis inuictíssimum?

Te omnes amant mulieres, neque [id] iniúria,

Qui sis tam pulcer. uél illae quae heri pállio

Me réprehenderunt . . PY. Quid eae dixerúnt
tibi? 60

AR. Rogitábant: 'hicine Achíles est?' inquit mihi.

'Immo eius frater' inquam 'est'. ibi illarum áltera

'Ergó mecastor púlcer est' inquit mihi

'Et líberalis: uíde caesariés quám decet:

Ne illaé sunt fortunátae quae cum istó cubant.' 65

PY. Itane ájbant tandem? AR. Quae me ambae op-
secháuerint

Vt te hódie quasi pompam illa praeterdúcerem.

PY. Nimiást miseria nímis pulcrum esse hominém.

AR. [Mihi]

Moléstiae sunt: órant, ambiunt, ópsecrant

Vidére ut liceat: ád sese arcessí iubent: 70

Vt tuo non liceat óperam dare negótio.

PY. Vidétur tempus ésse ut eamus ád forum:

Vt in tabellis quos consignavi [interim]

Latrones, hibus dinumerem stipendium.

Nam rex Seleucus me opere oravit maximo 75

Vt sibi latrones cogerem et consciberem.

[Ei] rei hunc diem mihi operam decretumst dare.

AR. Age eamus ergo. PY. Sequimini, satellites.

A C T V S II.

PALAESTRIO.

Mihi ad énarrandum hoc árgumentumst cómitas,
 Si ad aúscultandum uóstra erit benígnitas. 80
 Qui autem aúscultare nólet, exurgát foras,
 Vt sít ubi sedeat ille qui auscultáre uolt.
 Nunc qua ádsedistis caúsa in festiuó loco,
 Comoédiai quám modo acturí sumus
 Et árgumentum et nómen uobis éloquar. 85
 Alázon Graece huic nómen est comoédiae:
 Id nós Latine glóriosum dícimur.
 Hoc óppidum Ephesust: índc miles méus erus,
 Qui hinc ád forum abiit, glóriosus, ínpudens,
 Stercóreus, plenus périuri atque adúlteri, 90
 Ait sése ultro omnis múlieres sectárier.
 Is déridiculost, quáqua incedit, ómnibus:
 Itaque híc meretricis, lábiis dum ductánt eum,
 Maiórem partem uídeas ualgis sáuiis.
 Id uólo uos scire, quó modo ad hunc deuénerim 95
 In séruitutem ab èo quói seruiuí prius:
 Nam ego haú diu aput hunc séruitutem séruio.
 Date óperam: nam nunc árgumentum exórdiar.
 Erat érus Athenis míhi adulescens óptumus.
 Is amábat meretricem [áltam] Athenis Átticis 100
 Et illa illum contra: quíst amor cultu óptumus.

Is púplice legátus Naupactúm fuit

Magnái rei púplicai grátia.

Intéribi hic miles fórte Athenas áduenit.

Ins(nuat sese ad illam amicam erí [mei] : 105

Occépit eius mátri suppalpárier

Vino, órnamētis ópiparisque opsóniis:

Itaque intumum ibi se miles apud lenam facit.

Vbi primum euenit miseri huic occasio,

Sublínit os illi lénae, matri múlíeris, 110

Quam crus meus amabat. nám is illius fíliam

Conficit in nauem miles clam matrem suam

Eamque húc inuitam múlícrem in Ephesum áduehit.

Vt amicam erilem Athénis auectám scio,

Ego [tántum] quantum [pótis sum] mihi nauém
 paro : 115

Inscéndo, ut eam rem Naúpactum ad erum núntiem.

Vbi sūmus prouecti in áltum, sicut uóluerunt

Capiúnt praedones náuem illam ubi uectús fui.

Prius pèrii quam ad erum uéni quo ire occéperam.

Ille [quí] me cepit dát me huic dono militi. 120

Hic póstquam in aedis méd ad se adduxít domum,

Video illam amicam erilem, Athenis quae fuit.

Vbi cóntra aspexit me, óculis mihi signúm dedit,

Ne se appellarem. dèinde, postquam occasiost,

Conquératur mecum múlter fortunás suas. 125

Ait sése Athenas fúgere cupere ex hác domu :

Sese illum amare, méum erum, Athenis qui fuit,

Neque p̄ius quēquam odisse quam istum militem.

Ego quóniam inspexi múlteris senténtiam,

Cepí tabellas, cónsignaui clánculum, 130

Dedi mércatori quóidam, qui ad illum déferat,

[Meum erum, qui Athenis fuerat, qui hanc amauerat]

Vt is húc ueniret. is non spreuit núnctium;
 Nam et uénit et hic in próxumo deuórtitur
 Apút paternum suum hóspitem, lepidúm senem. 135
 Atque [is] illi amanti suo hóspiti morém gerit
 Nosque ópera consilióque adhortatúr, iuuat.
 Itaque égo parauí hic íntus magnas máchinas,
 Qui amántis una inté se facerem cónuenas:
 Nam unúm conclaue cóncubinae quód dedit 140
 Milés, quo nemo nísi eapse inferrét pedem,
 In eó conclaui ego pérfodiui párietem,
 Qua cónmeatus clam éssét hinc huc múlieri.
 Et séné sciente hoc féci: is consiliúm dedit.
 Nam méus conseruos ést homo hau magní preti, 145
 Quem cóncubinae míles custodem áddidit.
 Ei nós facetis fábricis et doctís dolis
 Glaucúmam ob oculos óbiciemus èumque ita
 Faciémus ut quod uiderit ne uiderit.
 Et móx ne erretis, haéc duarum hodie [ín] uicem 150
 Et híc et illic múlter feret imáginem
 Atque éadem erit, uerum ália esse adsimulábitur.
 Ita súblinetur ós custodi múlteris.
 Set fóris concrepuit hínc a uicinó sene.
 Ipse éxit: hic illest lépidus quem dixí senex. 155

PERIPLECOMENVS. PALAESTRIO.

PE. Ni hércle defregéritis talos pósthac, quemque in
 tégulis
 Videritis aliénum, ego uostra fáciam latera lórea.
 Míhi quidem iam arbitrí uicini súnť, meae quid fiát
 domi:

Íta per inpluuium íntro spectant. núnc adeo edico óm-
nibus:

Quémque a milite hóc uideritis hóminem in nostris té-
gulis, 160

Éxtra unum Palaéstrionem, huc déturbatote ín uiam.

Quód ille gallinam aut columbam sé sectari aut símiam
Dícat: disperístis, ní usque ad mórtem male mulcás-
sitis.

Átque adeo, ut ne légi fraudem fáciant aleáriæ,
Ádcuratote út sine talis dómi agitent conuíuium. 165

PA. Nécio quíd malefáctum [a] nostra huic fámiliast,
quantum aúdio:

Íta hic senex talós elidi iússit conseruís meis.

Sét me exceptit: níhili facio quíd illis faciat céteris.

Ádgrediar hominem. PE. Ítne aduorsum hic qui ádue-
nit [rectá uia]?

PA. Quíd agis, Periplecómene? PE. Hau multos hó-
mines, si optandúm foret, 170

Núnc uidere et cónuenire quám te mauellém. PA.
Quíd est?

Quíd tumultuás cum nostra fámilia? PE. Occisí sumus.

PA. Quíd negotist? PE. Rés palamst. PA. Quæ rés pa-
lamst? PE. De tégulis

Módo nescio quis ínspectauit uóstrum familiárium
Pér nostrum inpluuium íntus aput nos Phlócomasium
atque hóspitem 175

Aúsculantis. PA. Quís homo id uidit? PE. Túus conser-
uos. PA. Quís is homost?

PE. Nécio: ita abripuít repente sése subito. PA.
Súspicor

Mé perisse. PE. Vbi abít, conclamo: 'heus, quíd agis
tu' inquam 'in tégulis?'

Ille mihi abiens ita respondit, sé sectari símiam.

PA. Vaé mihi misero quóí pereundumst própter nihili
béstiam. 180

Sét Philocomasium hícine etiam núnc est? PE. Quom
exibam, híc erat.

PA. Síst, iube huc transíre quantum póssit, se ut ui-
deánt domi

Fámiliares: nísí quidem illa nós uolt, qui seruí sumus,
Própter amorem suum ómnis crucibus cóntubernalís
dari.

PE. Díxi ego istuc: nísí quid aliut uís. PA. Volo. hoc
ei dícito: 185

[Ne hércle usquam] artem et dísciplinam apstíneat colere.
PE. Quem ád modum?

PA. Vt eum qui se hic uídit uerbis uíncat ne is se
uíderit.

Qui árguat se, cum cóntra uíncat iúre iurandó suo.

Sí quidem centiéns hic uisa sít, tamen infitiás eat.

Nám mulier holitóri numquam súpplicat, si quást
mala: 190

Dómi habet hortum et cóndimenta ad ómnis † molis má-
leficas,

[Dómi] habet os, linguám, perfidiam, málitiam atque au-
dáciam,

[Confidentiam, confirmitatem, fraudulentiam]

Dòmi dolos, domi délenifica fácta, domi fallácias.

PE. Égo istaec, si erit híc, núntiabo. sét quid est, Pa-
laéstrio, 195

Quód uoluntas túte tecum in córde? PA. Paulispér tace,
Dúm ego mihi consília in animum cónuoco et dum cón-
sulo

Quíd agam, quem dolúm doloso cóntra cónseruó parem,

Qui illam hic uidit aúsculantem: id uísum ne uisúm siet.

PE. Quaére: ego hinc apscéssero aps te huc interim.

illuc sis uide, 200

Quem ad modum astitit seueró frónte curans, cógitans.

Péctus digitis púltat: cor credo éuocaturúst foras.

Écce auortit: rúsus laeuo in fémine habet laeuám
manum.

Déxtera digitis rationem cónputat: ferít femur.

Déxtera micát uehementer: quód agat aegre súp-
petit. 205

Cóncrepuit digitis: laborat, crébro conmutát status.

Éccere autem cápite nutat: nón placet quod répperit.

Quídquid est, incóctum non exprómet, bene coctúm
dabit.

Écce autem aedificát: columnam ménto suffigít suo.

Ápage, non placét profecto míhi illaec aedificátio: 210

Nam ós columnatúm poetae esse índaudiui bárbaro,

Quóí bini custódes semper tótis horis óccubant.

Eúge, euscheme hercle ástitit et dúlice et comoédice.

Númquam hodie quiéscet prius quam id quód petit per-
fécerit.

Hábet, opinor. áge siquid agis: uígila, ne somnó
stude: 215

Nísi quidem hic agitóre mauis uárius uirgis uígilas.

Tíbi ego dico: an, heúreta, me hauscis te ádloqui? Pa-
laéstrio,

Vígila inquam, expergíscere inquam: lúcet hoc inquam.

PA. Aúdio.

PE. Víden hostis tibi adéssé tuoque térgo opsidium?
cónsule,

Árripe opem auxiliúmque ad hanc rem: própere hoc
non placidé decet. 220

Ánteueni aliqua [atque] áliquo actutum círcumduce exércitum.

Cóge in opsidíum perduellis, nóstris praesidiúm para.
 Ínterclade cónmeatum inimícis, tibi muní uiam,
 Quá cibatus cónmeatusque ad te et legionés tuas
 Túto possit péruenire. hanc rém age: res subitá-
 riast. 225

Réperi, conminiscere, cedodum cálidum consiliúm cito:
 Quae híc sunt uisa ut uísa ne sint, fácta infecta utí sient.
 Mágnam illic, homo, rem incipissis, mágna moenis
 moénia.

Túte hoc si unus récipere ad te dícis, confidéntiast
 Nós inimicos prófligare pósse. PA. Dico et récipio. 230
 PE. Ét ego te impetráre dico id quód petis. PA. At te
 Iúppiter

Béne amet. PE. At tu in pérti, amice, mé quod commen-
 tú's. PA. Tace,

Dum ín regionem astútiarum mēarum te induco: út scias
 Iúxta mecum méa consilia. PE. Sálua sumes índidem.

PA. Érus meus elephánti corio círcumtentust, nón
 suo, 235

Néque habet plus sapiéntiae quam lápis. PE. Istuc ego-
 mét scio.

PA. Núnc sic rationem incipissam, hanc instituam
 astútiám:

Ád Philocomasium húc sororem géminam germanam
 álteram

Dícam Athenis áduenisse cúm amatore aliquó suo,
 Tám similem quam lácte lactist: áput te eos hic de-
 uórtier 240

Dícam hospitio. PE. Euge, eúge, lepide: laúdo con-
 mentúm tuum.

PA. Vt, si illanc concríminatus sít aduorsum mílitem
Méus conseruos, [se] èam uidisse hic cum álieno auscu-
láríer,

Árguam [hanc] uidisse aput te cóntra conseruóm meum
Cúm suo amatore ámplexantem atque áusculantem. PE.

Immo óptume. 245

Ídem ego dicam, si [éx] me exquiret mílles. PA. Set si-
míllymas

Dícito esse: et Phílocomasio id praécipiundumst út
sciat:

Né titubet, si exquíret ex ea mílles. PE. Nimis doctúm
dolum.

Sét si ambas uidére in uno mílles concilió uolet,

Quíd agimus? PA. Facilést. trecentae póssunt causae
cónligi: 250

‘Nón domist: abiit ámbulatum: dórmít: ornatúr: lauat:
Prándet: potat: óccupatast: óperae non est: nón
potest’.

Quántum u’s prolátionumst: dúm modo hunc primá uía
Índucamus, uéra ut esse crédat quae mentíbimur.

PE. Plácet ut dicis. PA. Íntro abi ergo et si ístist mu-
lier, èam iube 255

Cíto domum transíre atque haec ei [díce,] monstra,
praécipe,

Vt teneat consília nostra, quem ád modum exorsí sumus,
Dé gemina soróre. PE. Docte tíbi illam perdoctám
dabo.

Númquid aliut? PA. Íntro ut abeas. PE. Ábeo. PA. Et
quidem ego ibó domum

Átque homini inuestígando operam huic díssimulabo [mé
dare], 260

Quí fuerit conséruos, qui hodie sít sectatus símiam.

Nam ille non potuit quā sermone suo aliquem famili-
liarium

Pārticipauerit de amica erī, uidisse sēse eam

Hic in proximo aūsculantem cum ālieno adulescētulo.

Nōui morem egomēt: 'tacere néqueo solus quōd
scio'. 265

Si īuenio qui uidit, ad eum uīncam pluteósque agam.

Rēs paratast: uī pugnandoque hōminem caperest
cēta res.

Si ita non reperio, ibo odorans quāsi canis uenāticus

Ūsque donec pēsecutus uōlpem ero uestīgiis.

Sēt fores crepuērunt nostrae: ego uōci moderabōr
meae: 270

Nam illic est Philocomāsio custos, mēus conseruos, qui
it foras.

SCELEDVS. PALAESTRIO.

SC. Nisi quidem ego hodie āmbulaui dōrmiens in tē-
gulis,

Cēto edepol scio mē uidisse hic prōxume uicīniae

Philocomasium erīlem amicam sibi malam rem quaērere.

PA. Hic illam uidit aūsculantem, quāntum hunc audiui
loqui. 275

SC. Quis hic est? PA. Tuus consēruost. quid agis, Scē-
ledre? SC. Te, Palaéstrio,

Vōlup est conuenisse. PA. Quid iam? aut quid [hoc] ne-
gotist? fāc sciam.

SC. Métao . . PA. Quid metuís? SC. Ne hercle hodie,
quāntumst familiarium,

Máximum in malúm cruciatum híc insuliamus. **PA.** Tú sali
Sólus: nam ego istam insulturam et désulturam níl
moror. 280

SC. Néscis tu fortásse, aput nos fácinus quod natúmst
nouom.

PA. Quód id est facinus? **SC.** Ínpudicum. **PA.** Túte
sci solí tibi:

Mihi ne dixis: scíre nolo. **SC.** Nón enim faciam quín
scias.

Símiam hodie súm sectatus nóstram in horum tégulis.

PA. Édepol, Sceledre, homó sectatu's nihili nequam
béstiam. 285

SC. Dí te perdant. **PA.** Té istuc aequomst, quóniam
occepisti éloqui.

SC. Fórté fortuná per inpluuium húc despexi in pró-
xumum:

Átque ego illi aspicio aúsculantem **Philocomasium** cum
áltero

Néscio quo adulescénte. **PA.** Quod ego, **Sceledre**, sce-
lus ex te aúdio?

SC. [**Hércle**] uidi. **PA.** Tútine? **SC.** Egomet, dübbus
his oculís meis. 290

PA. Ábi, non uerisímile dicis néque uidisti. **SC.** Núm
tibi

Líppus uideor? **PA.** Médicum istuc tibi méliust per-
contárier.

Vérum enim tu istam, sí te di ament, témere hau tollas
fábulam.

Tuís nunc cruribús capitique fraúdem capitalem hínc
creas:

Nám tibi iam ut pereás paratumst dúpliciter, nisi súp-
primis 295

Tuum stultiloquiúm. SC. Qui uero dúpliciter? PA. Dícám tibi.

Prímum dum, si fálsó insimulas Phílocomasium, hoc périeris:

Íterum, si id est uérum, tu ei cústos additus périeris.

SC. Quid fuat me néscio: hoc me uídisse ego certó scio.

PA. Pérgin, infelíx? SC. Quid tibi uis dícam, nisi quod uíderim? 300

Quín etiam nunc íntus híc in próxumost. PA. Eho, nón domist?

SC. Víse, abi intro túte: nam ego iam míhi nil credi póstulo.

PA. Cértumst facere. SC. Híc te opperiar: ěadem illi insidiás dabo,

Quám mox horsum ad stábulum iuuenix récipiat se [a] pábulo. 304

Quid ego nunc faciám? custodem mé illi miles áddidit: Núnc si indicium fácio, interii: sí taceo, [interii] tamen, Si hóc palam fuerit. quid peiust múliere aut audácus?

Dúm ego in tegulís sum, illa [ex suo] se hósperio eduxít foras.

Édepol facinus fécit audax. hóc nunc si milés sciat, Crédo hercle hasce aedís sustollat tótas atque hunc ín crucem. 310

Hércle, quidquid est, mússitabo pótiús quam intereám male.

Nón ego possum quae ípsa sese uénditat tutárier.

PA. Scéledre, Sceledre, quis homo in terris álter [test] audácior?

Quís magis dis inimícis natust quám tu atque iratís? SC. Quid est? ~

PA. Iúben tibi oculos écfodiri, quíbus id quod nusquamst uides? 315

SC. Quíd, nusquam? PA. Non égo tuam empsim ultam uitiosá nuce.

SC. Quíd negotist? PA. Quíd negoti sít rogas? SC. Quor nón rogem?

PA. Nón tu tibi istam praétruncari línguam largiloquám iubcs?

SC. Quam ób rem iubeam? PA. Pholocomasium éccam domi, quam in próxumo

Vídisse aibas te aúsculantem atque ámplexantem cum áltero. 320

SC. Mírumst lolio uíctitare té tam uili trítico.

PA. Quíd iam? SC. Quia luscítiosu's. PA. Vérbero edepol tú quidem

Caécu's, non luscítiosus: nam [éccillam] quidéin domi.

SC. Quíd, domi? PA. Domi hércle uero. SC. Abi, lúdis me, Palaéstrio.

PA. Iám mihi sunt manus inquinatae. SC. Quidum? PA. Quia ludó luto. 325

SC. Vaé capiti tuó. PA. [Tuo] istuc, Scéledre, promittó fore,

Nísi oculos orátionemque ália conmutás tibi.

Sét fores crepuérunt nostrae. SC. At égo illi opseruassó foris:

Nám nihil est qua hinc húc transire ea póssit nisi recto óstio.

PA. Quín domi eccam: néscio quae te, Scéledre, scelerá súscitant. 330

SC. Míhi ego uideo, míhi ego sapio, [míhi] ego credo plúrumum:

Mé homo nemo déterruerit quín ea sit in hisce aédibus.
Híc opsistam, ne ínprudenti huc éa se subrepsít mihi.

PA. Méus illic homost: déturbabo iam égo illum de
pugnáculis.

Vín iam faciam utí stultiuidum té [esse] fateare? SC. Áge
face. 335

PA. Néque te quicquam sápere corde néque oculis utí?
SC. Volo.

PA. Némpe tu istic ais ésse erilem cóncubinam? SC.
Atque árguo

Éam me uidisse aúsculantem hic íntus cum alienó uiro.

PA. Scín tu nullum cónmeatum [huc] hínc esse a nobís?
SC. Scio.

PA. Néque solariúm neque hortum nísi per ínpluuiúm?
SC. Scio. 340

PA. Quíd? nunc si ea domíst: si eam facio ut éxire hinc
uideás domo,

Dígnun es uerbéribus multis? SC. Dígnus. PA. Serua
istás foris,

Né tibi clam se súpterducat ístinc atque huc tránseat.

SC. Cónsiliúmst ita fácere. PA. Pede ego iám illam huc
tibi sistam ín uiam.

SC. Ágedum ergo face. uólo scire, utrum egone íd quod
uidi uíderim 345

Án illic faciat quód facturum dícit, ut ea sít domi.

Nam égo quidem meos óculos habeo néc rogo utendós
foris.

Sét hic illi suppárasitatur sémper: hic eae próxumust:

Prímus ad cibúm uocatur, prímo [ei] pulmentúm datur.

Nám illic noster ést fortasse círciter triénnium: 350

Néc quoiquam [alii] quam illi in nostra méliust famulo
fámilia.

Sét ego hoc quod ago, id me ágere oportet: hóc opser-
uare óstium.

Si híc opsistam, hac quidem pol certo uérba mihi num-
quám dabunt.

PALAESTRIO. PHILOCOMASIVM. SCELEDRVS.

PA. Praecépta facito ut mémineris. PH. Totiéns
monere mírumst.

PA. At métuo ut satis sis súbdola. PH. Cedo uél de-
cem, édocebo 355

Minumé malas ut sint malae: mihi sólaest quod su-
pérfit.

Age núnc iam insiste ín dolos: ego [húc] procul re-
cédam.

PA. Quid aís tu, Sceledre? SC. Hanc rém gero: ha-
beo aúris, loquere quíduis.

PA. Credo égo istoc exempló tibi esse péreundum
extra pórtam,

Dispéssis manibus pátibulum quom habébis. SC. Nam
quamóbrem? 360

PA. Respícedum ad laeuam: illaéc quis est muliér?
SC. Pro di inmortáles,

Eri cóncubinast haéc quidem. PA. Mihi quóque pol
ita uidétur.

Age núnc iam, quandó lubet. SC. Quid agám? PA.
Peri praeprópere.

PH. Vbi istést bonus seruos, quí probri me máximi
innocéntem

Falso insimulauit? PA. Én tibi, hic mi id díxit, [uti-
quest]. PH. Díxtin 365

Tu té uidisse in próxumo hic, sceléste, me ausculántem?

PA. Atque cum álieno adulescéntulo dixít. SC. Dixi hercle uéro.

PH. Tun uidisti? SC. Atque his quídem oculis. PH. Oculís carebis crédo,

Qui plús uident quam quód uident. SC. Numquam hércle deterrébor

Quin uíderim id quod uíderim. PH. [Set súmne] ego mora múltum, 370

Quae cum hóc insano fábuler, quem pól ego capitis pérdam?

SC. Nolí minitari: scío crucem futúram mihi sepúlcrum:

Ibi mēi sunt maiorés siti, patér, auos, proauos, ábauos. Non póssunt tuis mináciis hisce óculi mi ecofodíri.

Set paúcis uerbis té uolo: Palaéstrio, opsecró te, 375 Vnde éxit haec? PA. Vnde nísi domo? SC. Domó?

PA. Me uiden? SC. Te uideo: Nisi mírumst facinus quó modo haec hinc húc transíre pótuit.

Nam cértó neque soláriumst aput nós neque hortus úllus

Neque fénstra nisi clatráta. nam certe égo te hic íntus uídi.

PA. Pergín, sceleste, inténdere hanc argúere? PH. Ecastor érgo 380

Mi hau fálsum euenit sómnum quod nóctu hac somníáu.

PA. Quid sómniauísti? PH. Éloquar: set amábo aduortito ánimum.

Hac nócte in somnís méa soror geminást germana uísa
 Venísse Athenis ín Ephesum cum súdo amatore quódam.
 Ei ambo hóspitio huc in próximum deuórti mihi
 sunt uísi. 385

PA. Palaéstrionis sómniū narrátur. perge pórró.

PH. Ego laéta uísa, quía soror uenísset, propter
 èandem

Suspítionem máxumam sum uísa sustinére.

Nam argúere in somnís mé meus mihi fámiliaris uísust,
 Me cum álieno adulescéntulo, quasi núnc tu, esse
 ausculátam, 390

Quom illa aúsculata méa soror gemina ésset suumpte
 amícum.

Ita me ínsimulatam pérperam [probri] ésse somniáu.

PA. Satin éadem in uigilanti éxpetunt, quae in sómnis
 uísa mémoras?

Eu, hércle praesens sómniūst: abi íntro et con-
 precáre.

Narrándum ego istuc míliti censébo. PH. Facere
 cértumst: 395

Neque mé quidem patiár probri ínpúne [esse] ínsimu-
 látam.

SC. Timeó quid rerum gésserim: ita dórsus totus
 prúrit.

PA. Scin té perisse? SC. Núnc quidem domi cértost:
 certa rés est

Nunc nóstrum opseruare óstium, [ubi] ubíst. PA. At,
 Sceledre, quaéso,

Vt ád id exemplum sómniū consímile somniáuít, 400
 Atque út tu suspicátus es [te] eam uídisse ausculántem.
 qu egomet sam . . . quod ui-
 disse po . .

SC. Mene ěam non uidisse árbitras? PA. Ne tu hércle
sero, opínor,

Resipísces. si ad erum uénerit haec rēs, peribis
púlcre.

SC. Nunc démum experior mi ób oculos caliginem
opstitísse. 405

PA. Dudum édepol planumst hóc quidem: quae hic
úsque fuerit íntus.

SC. Nihil hábeo certi quíd loquar: non uídi eam, etsi
uídi.

PA. Ne tu édepol stultitiá tua nos paéne perdidísti:
Dum té fidelem fácere ero uoluísti, apsumptu's paéne.
Set fõres uicini próximi crepuérunt: conticíscam. 410

PHILOCOMASIVM. PALAESTRIO. SCELEDREVS.

PH. Inde ígnem in aram, ut Éphesiae Diánae laeta
laúdes

Grátisque agam eique ut Árabio fumíficem odore
amoéne:

Quae me ín locis Neptúniis templisque turbuléntis
Seruáuit, saeuis flúctibus ubi sum ádflictata múltum.

SC. Palaéstrio, eho Palaéstrio. PA. Eho Scéledre,
Sceledre, quíd uis? 415

SC. Haec múlter quae hinc exít modo estne erilis
concubína

Philocómasium an non ést ea? PA. Hercle opínor, ea
uidétur.

Set fácinus mirumst, quó modo haec hinc húc transire
pótuít:

Si quídem east. SC. An dubium íd tibist eam, ésse
hanc? PA. Ea uidétur.

SC. Adeámus, appellémus. heus, quid istúc est, Philo-
comásium? 420

Quid tíbi istic hisce in aédibus debétur? quid ne-
gótist?

Quid núnc taces? tecúm loquor. PA. Immo édepol
tute técum:

Nam haec níl respondet. SC. Te ádloquor, uítí pro-
brique pléna,

Quae círcum uicinós uagas. PH. Quicúm tu fabuláre?

SC. Quicúm nisi tecum? PH. Quís tu homo's? aut
mecum quid est negóti? 425

SC. Mén rogas, hem, quí sim? PH. Quin ego hóc ro-
gem quod nésciam?

PA. Quís ego sum igitur, si hunc ignoras? PH. Míhi
odiosu's, quísqvis es,

Ét tu et hic. SC. Non nós nouisti? PH. Neútrum.
SC. Metuo máxume ..

PA. Quid metuis? SC. Enim né [nos] nosmet pérddide-
rimus úspiam:

Nám nec te neque mé nouisse ait haéc. PA. Perscru-
tari hóc uolo, 430

Scéledre, nos nostri án alieni símus: ne clam quí-
píam

Nós uicinorum ínprudéntis áliquis inmutáuerit.

SC. Cérte equidem nostér sum. PA. Et pol ego. SC.
Quaéris tu, muliér, malum.

Tíbi ego dico: heus, Philocomasium. PH. Quaé te
intemperiaé tenent,

Quí me perperám perplexo nómine appellés? SC.
Eho, 435

Quís igitur uocáre? PH. Glycerae nómen est. SC.
Iniúria

Fálsum nomen pössidere, Philocomasium, póstulas.

[Ábi scelesta: nam insignite] méo ero facis iniúriam.

PH. Égone? SC. Tu [ne]. PH. Quae heri Athenis Éphe-
sum adueni uésperi

Cúm meo amatore, ádulescente Athéniensi? SC. Díc
mihi, 440

Quíd tibi in Epheso hic ést negoti? PH. Géminam ger-
manám meam

Híc sororem esse índaudiui: eam uéni quaesitúm. SC.
Mala's.

PH. Ímmo ecastor stúlta multum, quae uobiscum fá-
bulem.

Ábeo. SC. Abire nón sinam te. PH. Mítte. SC. Manu-
festária's:

Nón omitto. PH. At iám crepabunt míhi manus, malaé
tibi, 445

Nísi me omittis. SC. Quíd, malum, astas? quín retines
altrínsecus?

PA. Níl moror negótiosum míhi esse tergum. quí
scio

Án ista non sit Philocomasium atque ália similis eius
siet?

PH. Míttin me an non míttis? SC. Immo ui átque inui-
tam ingrátis,

Nísi uoluntate íbis, rapiam té domum. PH. Hosticum
hóc mihi 450

Dómiciliumst, Athénis domus est. SC. Át erus [hic]. PH.
Ego istám domum

Néque moror neque uós qui sitis hómines noui né-
que scio.

SC. Lége agito: te núsquam mittam, nísi das firmatám
fidem,

Te húc, si omisero, íntro ituram. PH. VÍ me cogis,
quísquis es.

Dó fidem, si omíttis, isto me íntro ituram quó
iubes. 455

SC. Écce omitto. PH. At ego ábeo omissa. SC. Múlie-
bri fecít fide.

PA. Scéledre, [e] manibus ámisisti praédam: tam east
quám potis

Nóstra erilis cóncubina. uín tu facere hoc strénue?

SC. Quid faciam? PA. Ecfer míhi machaeram huc íntus.
SC. Quid faciés ea?

PA. Íntro rumpam récta in aedis: quémque hic íntus
uidero 460

Cúm Philocomasio aúsculantem, eum ego óp truncabo ex-
tépulo.

SC. Vísanest ea ésse? PA. Immo edepol pláne east. SC.
Set quó modo

Díssimulabat. PA. Ábi, machaeram huc écfer. SC. Iam
faxo híc erit.

PA. Néque eques neque pedés profectost quísquam
tanta audácia,

Qui aéque faciat cónfidenter quícquam quam [quae] mú-
lieres. 465

Út utrobique orátionem dócte [atque astute] édidit:

Út sublínitur ós custodi caúto, conseruó meo.

Nímis beat, quod cónmeatus tránstinet trans párietem.

SC. Heús, Palaestrió, machaera níhil opust. PA. Quid
iam? aút quid est?

SC. Dómi eccam erilem cóncubinam. PA. Quid, domi?
SC. In lectó cubat. 470

PA. Édepol ne tu tíbi malam rem répperísti, ut praé-
dicas.

SC. Quid iam? PA. Qui hanc attingere ausu's mulierem
hinc e proximo.

SC. Magis hercle metuó. set numquam quisquam faciet
quin soror

Ista sit germana huius. PA. Eam pol tu ausculantem hic
uideras:

Et quidem palamst eam esse ut dicis. SC. Quid pro-
pius fuit 475

Quam ut perirem, si locutus essem ero? PA. Ergo si
sapis,

Mussitabis. plus oportet scire seruom quam loqui.

Ego abeo a te, nequid tecum consili conmiscam,
Atque ad hunc [ibó] uicinum: tuae mihi turbae non
placent.

Erus si ueniet, si me quaeret, hic ero: hinc me arcés-
sito. 480

SCELEDVS. PERIPLECOMENVS.

SC. Satin abiit ille nec erile [hic] negotium

Plus curat quasi non seruitutem seruiat?

Certo illa quidem hic nunc intus est in aedibus:

Nam egomet cubantem eam modo [nostrae] offendi
domi.

Certum opseruationist nunc operam dare. 485

PE. Non hercle hisce homines me marem, set fé-
minam

Vicini rentur esse serui militis:

Ita me ludificant. meamne hic in uia hospitam,

Quae heri huc Athenis cum hospite aduenit meo,

Tractatam et ludificatam, ingenuam et liberam? 490

SC. Perii hércle: hic ad me récta habet rectám
uiam.

Metuo illaec mihi res né malo magnó fuat,
Quantum húnce audiui fácere uerborúm senem.

PE. Accédam ad hominem. tún Sceledre hic, sce-
lerúm caput,

Meam lúdicauisti hóspitam ante aedís modo? 495

SC. Vicíne, ausculta quaéso. PE. Ego auscultém
tibi?

SC. Volo me éxpurgare. PE. Túne te expurgés
mihi,

Qui fácinus tantum támque indignum féceris?

An quía latrocinámini, arbitrámini

Quiduís licere fácere uobis, uérbero? 500

SC. Licétne? PE. At ita me dí deaeque omnés
ament,

Nisi míhi supplicium uirgeum de té datur

Longúm diutinúmque a mane ad uesperum:

Quod mēas confregisti ímbrices et tégulas,

Ibi dúm condignam té sectaris símiam: 505

Quodque índé inspectauisti meum apud me hó-
spitem,

Ampléxam amicam quom aúsculabatúr suam:

[Quin] cóncubinam erílem insimulare aúsus es

Probrí pudicam méque summi flágití:

Tum quód tractauisti hóspitam ante aedís meas: 510

Nisi míhi supplicium stímuleum de [té] datur,

Dedécoris pleniórem erum faciám tuum,

Quam mágno uento plénumst undarúm mare.

SC. Ita súm coactus, Périplecomene, ut nésciam,

Vtrúm me expostuláre tecum aequómst prius, 515

An, si ístaec non est haéc neque haec uisást mihi,

Med expurgare tibi uidetur aequius:

Sicut etiam nunc nescio quid uiderim:

Ita istast huius similis nostrae tua,

Siquidem non eademst. PE. Vise ad me intro: iam
scies. 520

SC. Licetne? PE. Quin te iubeo: i, placide
noscita.

SC. Ita facere certumst. PE. Heus, Philocomasium, cito

Transcurrere curriculo ad nos: ita negotiumst.

Post, quando exierit Scéledrus a nobis, cito

Transcúrrito ad uos rúsum curriculó domum. 525

Nunc pól ego metuo néquid infuscáuerit.

Si hic nón uidebit múlierem * * *

* * * * * aperitúr foris.

SC. Pro di inmortales, similiorem múlierem

Magisque eandem, [tam] quae nón sit eadem, nón
reor 530

Deos facere posse. PE. Quid nunc? SC. Conme-
ruí malum.

PE. Quid igitur? eanest? SC. Étsi east, non
ést ea.

PE. Vidístine istam? SC. Vidi et illam et hóspitem

Conpléxum atque ausculántem. PE. Eanest? SC.
Nescio.

PE. Vin scíre plane? SC. Cúpio. PE. Abi intro
ad uós domum 535

Contínuo: uide sitne istaec uostra intús. SC. Licet:

Pulcre ádmonuisti. iam ego ad te exhibó foras.

PE. Numquam édepol hominem quémquam ludi-
ficáricr

Magis facete uídi et magis mirís modis.

Set éccum egreditur. SC. Péríplecomene, te óp-
seco 540

Per dēos atque homines pérque stultitiám meam

Perqué tua genua . . PE. Quid [iam]? SC. Meae [ut]
inscítiae

Et mēae stultitiae ignóscas. nunc demúm scio

Me fuisse excordem, caécum, incogitábilem:

Nam Phílocomasium eccam íntus. PE. Quid nunc,
fúrcifer? 545

Vidístine ambas? SC. Vidi. PE. Erum exhibeás
uolo.

SC. Meruísse me equidem máximum fateór malum

Et túae fecisse me hóspitae aio iniúriam.

Set méam esse erilem cóncubinam cénsui,

Quoi mé custodem erus áddidit milés meus. 550

Nam ex úno puteo símilior numquám potis

Aqua aquái sumi, quam haéc est atque ista hóspita.

Et mé despexe ad té per inpluiúm tuum

Fatébor. PE. Quidni fáteare ego quod uíderim?

SC. Et ibi aúsculantem [me áput te hanc uidisse
hóspitam]. 555

PE. Vidísti? SC. Vidi: quór negem quod uíderim?

Set Phílocomasium mé uidisse cénsui.

PE. Ratú'sne esse hominem me ómnium minumí
preti,

Sí ego mé sciente páterer uicinó meo

Eam fieri aput me tam ínsignite iniúriam? 560

SC. Nunc démum a me insipiénter factum esse ár-
bitror,

Quom rém cognosco. at nón malitiosé tamen

Feci. PE. Ímmo indigne: nám hominem seruóm
suos

Domitós habere opórtet oculos ét manus
 Orátionemque. SC. Égo nunc si post hunc diem 565
 Muttuero, etiam quód egomet certó sciam,
 Dato éxcruciandum me: égomet me dedám tibi.
 Nunc hóc mi ignosce quaéso. PE. Vincam animúm
 meum,

Ne málitiose fáctum id aps te esse árbitrer.
 Ignóscam tibi istuc. SC. Át tibi dí faciánt bene. 570
 PE. Ne tu hércle, si te dí ament, linguam cónprimes
 Posthác: etiam illut quód scies nescíueris
 Nec uíderis quod uíderis. SC. Bene mé mones:
 Ita fácere certumst. sátin exoratú's? PE. Abi.
 SC. Numquíd nunc aliut mé uis? PE. Ne me
 nóueris. 575

SC. Dedit híc mihi uerba. quám benigne grátiam
 Fecít, ne iratus ésset. scio quam rém gerat:
 Vt míles, quom extemplo á foro adueniát domum,
 [Me] cónprehendat. úna híc et Palaéstrió
 Me habént uenalem: sénsi et iam dudúm scio. 580
 Numquam hércle ex ista nássa ego hodie escám
 petam.

Nam iam áliquo aufugiam et me óccultabo aliquót
 dies,

Dum haec cónsilesunt túrbae atque irae léniunt.
 Nam núnc satis pipulo ínprobo meruí mali.
 Verúm tamen, de me quídquid est, ibo hínc
 domum. 585

PE. Ille hínc apscessit. sát edepol certó scio
 Occísam saepe sápere plus multó suem:
 Qui adeo ádmutiletur ne íd quod uidit uíderit.
 Nam illíus oculi átque aúres atque opínio 589
 Transfúgere ad nos. úsque adhuc actúmst probe:

Nimiúm festiuam múlíer operam praéhíbut.

Redeo ín senatum rúsum. nam Palaéstrío

Domí nunc aput mest, Scéledrus nunc autémst
foris:

Frequéns senatus póterit nunc habérier.

Ibo íntro: ne, dum apsum, illis sortitús fuat. 595

A C T V S III.

PALAESTRIO. PLEVSICLES. PERIPLECOMENVS.

PA. Cõhibete intra lĩmen etiam uõs parumper, Pleúsicles.

Sĩnite me prius prõspectare, ne úspiam insidiaé sient,
Cõnsilium quod habére uolumus. nam ópus est nunc
tutó loco,

Únde inimicus néquis nostri spólia capiat cõnsili.

Nám bene [consultúm] consilium súbrupitur saepís-
sume, 600

Sĩ minus cum cura aút cautela lócus loquendi léctus est:
[Ét] bene consultum ínconsultumst, si íd inimicis úsuist,
Néque potest quin, sí inimicis úsuist, opsít tibi.

Quĩppe si rescíuerint inimíci consiliúm tuum,

Tuópte tibi consilio occludunt língnam et constringúnt
manus, 605

Átque eadem quae illís uoluisti fácere [illi] faciúnt tibi.

Sét speculabor, néquis aut hinc á laeua aut a dẽxtera

Nóstro consilió uenator ádsit cum auritis plagis.

Stérilis hinc prospéctus usque ad últumam plateámst
probe.

Éuocabo. heus, Périplecomene et Pleúsicles, progré-
dimini. 610

PE. Écce nos tibi oboédientis. PA. Fácilest imperium
ín bonos.

Sét uolo scire, eodém consilio quód intus meditatt
sumus

Sí gerimus rem. PE. [Ímmo] magis esse ad rem utibile
nón potest.

Ímmo quid tibi? PL. Quódne uobis pláceat, displiceát
mihi?

Quís homo sit magis méus quam tute's? PE. Lóquere
lepide et cómmode. 615

PA. Pól ita decet hunc fácere. PL. At hoc me fácinus
misere mácerat

Měumque cor corpúsque cruciat. PE. Quíd id est quod
cruciát? cedo.

PL. Mé tibi istuc aetátis homini fácinora puerília
óbicere [et] neque té decora néque tuis uirtútibus
Á te expetere: ex ópibus summis mèi [te] honoris
grátia 620

Míhique amanti ire ópitulatum atque éa te facere fá-
cínora,

Quaé istaec aetas fúgere facta mágis quam sectarí solet.

Ēam pudet me tibi in senecta óbicere sollicitúdinem.

PE. Nòuo modo tu amás. siquidem te quícquam quod
faxís pudet,

Níhil amas, umbrá's amantum mágis quam amator, Pleú-
sicles. 625

PL. Híncine aetatem éxercere [mèi] me amoris grátia?

PE. Quíd ais tu? itane tíbi ego uideor óppido Ache-
rúnticus?

Tám capularis? támne tibi diu uideor uitam úfuere?

Nam équidem hau sum annos nátus praeter quínquaginta
et quáttuor:

Cláre oculis uideó, sum pernix mánibus, pedibus mó-
bilis. 630

PA. Si álbicapillus híc uidetur, ne útiqum ab ingenióst
senex:

Ínest in hoc amússitata súa sibi ingenua índoles.

PL. Pól id exerior équidem ita esse ut praédicas, Pa-
laéstrio:

Nám benignitás quidem huius óppido adulescéntulist.

PE. Ímmo, hospes, magis quóm periculum fácies, magis
nóscés meam 635

Cómitatem ergá te amantem. PL. Quid opust nota
nóscere?

PE. Plús dabo quam praédicabo ex mé uenustátis tibi.

* * * * *

Út aput te exemplum éxperiundi hábeas neu rogés foris.

Nám nisi qui ipse amáuit, aegre amántis ingenium
ínspicit. 640

Sét ego amoris áliquantum habeo humórisque etiam in
córpo

Néquedum exarui éx amoenis rébus et uoluptáriis.

Vél cauillatór facetus uél conuiua cómmodus

Ítidem ero: neque ego óblocutor sum álteri in con-
uúio.

Íncommoditate ápstinere me áput conuiuas cómmo 645

Cónmemini: et meae orátionis iústam partem pérsequi

Ét meam partem ítidém tacere, quom álienast orátio.

Mínime sputatór, screator sum, ítidem minime míc-
cidus:

Néque alienum ego úmquam scortum súbigito in con-
uúio:

Néque praeripio púlpamentum néque praeuorto pó-
culum: 650

Néque per uinum umquam éx me exoritur díscidium in
conuúio.

Síquis ibist odiósus, abeo dõmum, sermonem ségreco.
Vénerem, amorem amoénitatemque áccubans exérceo :
Póst, Ephesi sum nátus, non sum in Ápulis, non Áni-
mulae.

PL. Ó lepidissumúm senem, si quas mémorat uirtutís
habet: 655

Átque quidem [pol] pláne eductum in nútricata Vénerio.

PA. Át quidem illuc aetátis qui sit, nón inuenies ál-
terum

Lépidiorem ad omnis res nec qui amíco sit amicús
magis.

PL. Tui quidem edepol ómnes mores ád uenustatém
ualent.

Cédo tris mi homines aúrichalco cóntra cum istis mó-
ribus. 660

PE. Túte me ut fateáre faciam esse ádulescentem mó-
ribus:

Íta [ego] ad omnis cónparebo tibi res benefactís frequens.
Ópusne erit tibi áduocato trísti, iracundo? écce me.

Ópusne leni? léniorem díces quam mutúmst mare,
Líquidiusculúsque ero quam uéntus est fauónius. 665

Vél hilarissumúm conuiuiam hinc índidem expromám
tibi

Vél primariúm parasitum atque ópsonatorem óptumum.
Tum ád saltandum nón cinaedus málacus aequest át-
que ego.

PA. Quid ad illas artís optassis, si óptio eueniát tibi?

PL. Huíc pro meritis út referri párter possit grátia 670
Tíbiq, quibus nunc mé esse experior súmmae solli-
cítudini.

Át tibi tanto sumpui esse míhi molestumst. PE. Mó-
rus es.

Nam in mala uxore atque inimico síquid sumas, sump-
ptus est: ~

In bono hospite atque amico quaestus est quod súmitur,
Vt quod in diuinis rebus sumpstumst sapienti lucrost. 675
Dëum uirtute [sátis] est unde accípíam [te] aput me có-
miter.

Es, bibe, animo opséquere mecum atque ónera te hilari-
túdine:

Líberae sunt aédes, liberum autem [esse] egomet mé
uolo.

Nám mihi deum uirtúte dicam própter diuitiás meas
Lícuit uxorem dotatam genere summo dúcere: 680
Sét nolo mi oblátratricem in aedis intro mittere.

PL. Qúor non uis? nam prócreare líberos lepidúmst
opus.

PE. Hércle uero líberum esse, id [nímio] multost lé-
pidius.

Nám bona uxor, sí ea duci [pótis] est usquam géntium,
Vbi eam possiem ínuenire? uérum egone eam ducám
domum, 685

Quaé mihi numquam hoc dícat: 'eme, uir, lánam, tibi
unde pállium

Málacum et calidum cónciatur túnicaeque hibernae
bonae,

Ne álgeas hac híeme': hoc numquam uérbum ex uxore
aúdias:

Vérum prius quam gállici cantent, quaé me [e] sómno sú-
citet,

Dícat: 'da mihi, uír, kalendis mēam qui matrem mú-
nerem: 690

Dá qui faciam cóndimenta: dá quod dem quinquátribus
Práccantrici, cóniectrici, áriolae atque arúspicae:

Túm piatricém clementer nóñ potest quin múnarem:
 Iám pridem, quia níhil apstulerit, súscenset torária: 694
 Tum ópstitrix expóstulauit mécum, parum missúm sibi:
 Quid? nutrici nóñ missurú's quícquam, quae uernás
 alit?

Flágitiumst si níl mittetur: quó supercilió spicit.
 Haéc atque horum símilia alia dámna multa múlIERum
 Mé prohibent uxóre, quae mi huius símilis sermonés
 serat.

PA. Dí tibi propitií sunt hercle: nám si istam amissís
 semel 700

Libertatem, hau fáciLe eundem rúsum restitués locum.

PL. Tú homo et alterí sapienter pótis es consúlere
 ét tibi:

Át illa laus est, mágno in genere et ín diuitiis máxumis
 Líberos hominem éduCare, géneri monumentum ét sibi.

PE. Quándo habeo multós cognatos, quíd mihi opus est
 líberis? 705

Núnc bene uiuo et fórtunate atque út uolo atque animo
 út lubet.

[Nám] mea bona meis cognatis dícam, inter eos pártiam:
 [Ídeo ut liberí] me curant. úsunt quíd agam, ecquíd
 uelim:

Príus quam lucet ádsunt, rogitant nóctu ut somnum
 céperim.

[Eos pro liberis habebo, qui mihi mittunt munera.] 710
 Sácrificant: dant índe partem míhi maiorem quám sibi,
 Ábducunt me ad éxta, me ad se ad prándium, ad cenám
 uocant.

Ílle miserrumúm se retur, mínimum qui misít mihi.

Ílli inter se cértant donis: égomet mecum mússito: 714
 'Bóna mea inhiant: [át] certatim nútricant et múnérant.'

PA. Nímis bona ratióne nimiumque ád te et tua mul-
túm uides,

Ét tibi sunt gemini ét trígemini, sí te bene habes, filii.

PE. Pól si habuissem, sátis cepissem míseriarum [e]
liberis.

* * * * *
Cóntinuo excruciárer animi: sín forte [ei] fuissét
febris, 720

Cénserem emorí: cecidissetue ébrius de equoue
úspiam,

Métuerem ne ibi défregisset crúra aut ceruicís sibi.

PA. Huíc homini dignúmst diuitias ésse et diu uitám
dari,

Qui ét rem seruat ét se bene habet súisque amicis
uólt [bene].

PL. Ó lepidum caput. íta me di deaéque ament, acquóm
fuit 725

Déos parauisse, úno exemplo ne ómnes uitam ufuerent.

Sícut merci prétium statuit quíst probus agoránomus:

Quaé probast [aut lúculenta], pró uirtute ut uéneat,

Quae ínprobast, pro mércis uitio dóminum pretio paú-
peret:

Ítidem díuos díspertisse uítam humanam acquóm
fuit: 730

Quí lepide ingeniátus esset, uítam ei longinquam [út]
darent,

Qui ínprobi essent ét scelesti, is ádimerent animám cito.

Si hóc parauissént, [et] homines éssent minus multí mali

Ét minus audactér scelesta fácerent facta: et póstea,

Quí homines probi éssent, esset ís annona uílíor. 735

PE. Quí deorum consília culpet, stúltus inscitús-
que sit.

* * * nūnc iam istis rébus desistí decet:
 Nám uolo [iam] opsonáre ut, hospes, tua te ex uirtute
 ét mea

Mëae domi accipiám benigne, lépide et lepidis uíctibus.

PL. Níl me paenitét iam quanto sump̄tui fuerím tibi. 740

Nám hósipes nullus tám in amici hós̄pítium deuortí
 potest,

Quín, ubi triduom [ibi] continuom fúerit, iam odiosús
 siet:

Vérum ubi dies decém continuos [réstans odio fámī-
 liaest],

Támetsi dominus nón inuitus pátitur, serui múr-
 murant.

PE. Séruiētis séruitutem ego séruos instruxí mihi, 745

Hósipes, non qui mi ímperarent quíbusue ego essem ob-
 nóxijs.

Si illis aegrest míhi quod uolup est, mēo rem remi-
 gió gero:

Támen id quod odióst faciundumst cūm malo atque
 ingrátíis.

Nūnc quod occepi ópsonatum pérgam. PL. Si cer-
 túmst tibi,

Cómmodulum opsoná, ne magno sump̄tu: mihi quiduís
 sat est. 750

PE. Quín tu istanc orátionem hinc uéterem atque anti-
 quam ámoues?

Próletarió sermone nūnc quidem, hospes, útere.

Nam í solent, quando áccubuere, ubi céna adpositast,
 dícere:

‘Quíd opus fuit ístoc sump̄tu tánto nostra grátia?

Ínsaniuísti hércle: nam ídem hoc hómínibus sat erát
 decem.’ 755

Quód eorum causa ópsonatumst, cúlpanť et comedúnt
tamen.

PA. Fít pol illuc ad illut exemplum: ut dócte et per-
specté sapit.

PE. Sét eidem homines núnquam dicunt, quámquam
adpositumst ámpliter:

‘Iúbe illut demi: tólle hanc patinam: rémoue pernam,
nřl moror:

Aúfer illam offám porcinam: próbus hic conger frí-
gidust: 760

Rémoue, abi aufer’: néminem eorum haec ádseuerare
aúdias,

Sét procellunt sése in mensam, dum ínhiant [quae fa-
stídiunt].

PA. Bónus bene ut malós descripsit móres. PE. Haut
centénsumam

Pártem dixi atque, ótium rei sí sit, possum exprómere.

PA. Ígitur id quod ágitur huice prímum praeuortí
deceť. 765

Núnc hoc animum aduórtite ambo. ópus est mihi
operá tua,

Périplicomene: nám ego inueni lépidam sucophántiam,

Qui ádmutileťur mřles usque caésariatus, áťque uti

Huíc amanti ac Phřlocomasio hanc éfciamus cópiam,

Vť hic eam abducát habeatque. PE. Dári istanc ra-
tioném uolo. 770

PA. Áť ego mi anulúm dari istunc tũm uolo. PE. Quam
ad rem úsuist?

PA. Quándo habebó, ígitúr rationem męarum fabrica-
rũm dabo.

PE. Vťtere, accipe. PA. Áccipe a me rúsum ratio-
ném doli

Quam institui. PE. Tibi pérpurgatis óperam dabimus
aúribus.

PA. Érus meus ita mágnus moechus múlíerumst, ut né-
minem 775

Fuisse adaeque néque futurum crédam. PE. Credo ego
istúc item.

PA. Átque [is] Alexandrí praestare praédicat formaé
suam:

Ítaque omnis se ultró sectari in Épheso memorat mú-
lieres.

PE. Édepol qui te dé isto multi cúpiunt nunc men-
tíríer:

Sét ego ita esse ut dícis teneo púlcre. proin, Pa-
laéstrio, 780

Quám potis tam uérba confer máxume ad compéndium.

PA. Écquam tu potís reperire fórma lepida múlíerem,
Quoí facetiárum [cor] corpúsque sit plenum ét doli?

PE. Íngenuamne an libértinam? PA. Aequi ístuc faciam,
dúm modo

Éam des quae sit quaéstuosa, quae alat corpus córpore
Quoíque sapiat péctus: nam cor nóñ potest, quod núl-
la habet. 786

PE. Laútam uis an nóndum lauta quae sit? PA. Siccam,
[at] súcidam:

Quám lepidissumám potis quamque ádulescentem má-
xume.

PE. Hábeo eccillam mēam clucntam, méretricem adu-
lescéntulam.

Sét quid ea usus ést? PA. Vt ad ted éam iam deducás
domum 790

Ítaque eam huc ornátam adducas, [út] matronarúm modo
Cápíte compto crínis uittasque hábeat adsimulétque se

Túam esse uxorem: ita praecipiundumst. PE. Érro
quam insistás uiam.

PA. Át scies. set écquae ancillast illi? PE. Est primé
cata.

PA. Ěa quoque opus est. ita praecipito mŭlieri atque
ancillulae, 795

Ųt simulet se túam esse uxorem et déperire hunc mŭ-
litem:

Quásique hunc anulúm suae faueae déderit, ea porró
mihi,

Mŭliti ut darém: quasique [ei] ego rēi sim interpret. PE.
Aúdio:

Né mi ut surdo uérbera auris. PA. Égomet recta [sémita
Ád eum ibo: a] tuá mi uxore dícam delatum ét datum, 800
Ųt sese ad eum cónciliarem. ille ěius domi cupiét
miser:

Quí nisi adulterió studiosus rēi nulli aliaest ínprobis.

PE. Nón potuit reperíre, si ipsi Sólí quaerundás dares,
Lépidiores dŭas ad hanc rem quam égomet. habe ani-
múm bonum.

PA. Érgo adcurres: próperato opus est. núnc tu ausculta,
Pleúsicles. 805

PL. Tŭbi sum oboediéns. PA. Hoc facito: mŭles do-
mum ubi aduénerit,

Mémíneris ne Phŭlocomasium nómines. PL. Quam nó-
minem?

PA. Glýceram. PL. Nempe eandém quae dudum cón-
stitutast. PA. Páx, abi.

PL. Mémínero: set quíd meminisse id réfert, ego [ne-
scío] tamen.

PA. Égo enim dicam tŭm, quando usus póscet. intereá
tace: 810

Ůt [tum] quom etiam hic áget actutum pártis defendás
tuas.

PL. Éo ego intro igitur. PA. Í, praecepta sóbrie ad-
curés face.

PALAESTRIO. LVCRIO.

PA. Quantás res turbo, quántas moueo máchinas.
Erípiam ego hodie cóncubinam míliti,
Si cénturiati béne sunt manuplarés mei. 815
Set illúm uocabo. heus Scéledre, nisi negótiumst,
Progrédere ante aedis: té uoco Palaéstrio.

LV. Non óperaest Sceledro. PA. Quid iam? LV.
Sorbet dórmienti.

PA. Quid, sórbet? LV. Illut 'stértit' uolui dícere:
Set quía consimilest quóm stertas quasi sórbeas, 820
* * * * *

PA. Eho,
An dórmit Sceledrus íntus? LV. Non nasó quídem:
Nam eo mágnam clamat. PA. Tétigit calicem
clánculum:

Deprómpsit nardini ámphoram celláriu.

Eho tú, sceleste, quí illi suppromú's: eho. 825

LV. Quid ús? PA. Qui lubítumst illi condor-
míscere?

LV. Oculís, opinor. PA. Nón te istuc rogító,
scelus.

Procéde huc: iam perísti nisi uerúm scio.

Prompsísti tu illi uínum? LV. Non prompsí. PA.
Negas?

LV. Nego hércle uero: nam ille me uotuit dí-
cere. 830

Neque équidem heminas ócto exprompsi in úrceum,
Neque ille calidum hic éxhibet in prándium.

PA. Neque tú bibisti? LV. Dí me perdant sí bibi,
Si bíbere potui. PA. Quid iam? LV. Quia enim

opsórbui:

Nam nímis calebat, ámburebat gútturem. 835

PA. Alii ébrii sunt, álii poscam pótitant:

Bonó suppromo et prómo cellam créditoam.

LV. Tu idem hércle faceres, sí tibi esset créditoa:

Quoniam aémulari nó n licet, nunc ínuides.

PA. Eho, 840

An úmquam prompsit ántehac? respondé, scelus.

Atque út tu scire póssis, edicó tibi:

Si fálssa dices [sério], excruciábere.

LV. Itan uéro? ut tu ipse mé dixisse délices:

Post [é] sagina ego éciar cellária, 485

Vt tibi qui promptet álium suppromúm pares.

PA. Non édepol faciam: age éloquere audactér
mihi.

LV. Numquam édepol uidi prómere. uerum hóc
erat:

Mihi ímperabat, égo promebam póstea.

PA. Hem, 850

Ibi crébro, [credo,] cápíte sistebánt cadí.

LV. Non hércle tam ístic uálide cassabánt cadí.

Set in cèlla paulum lóculi erat nímis lúbriçi:

Ibi erat bilibris aúla sic proptér cados:

Ea saépe deciens cónplebatur [ín] die: 855

Vbi báculoabatur aúla, cassabánt cadí.

PA. Abi íntro. [nempe] in cèlla uos uinária

Bacchánal facitis: iam hércle ego erum adducam
á foro.

LV. Perii: éxcruciabit mé erus, domum si ué-
nerit,

Quom haec fácta scibit, quía [ego] sibi non dí-
xerim. 860

Fugiam hércle aliquo atque hoc ín diem extollám
malum.

Ne díxeritis ópsecro huic uostrám fidem.

PA. Quo té agis? LV. Missus sum álio: iam huc
reuénero.

PA. Quis mísit? LV. Philocomásium. PA. Abi:
actutúm redi.

LV. Quaesó tamen, tu pártém infortuní meam, 865
Si díuidetur, me ápsente accipitó tamen.

PA. Modo íntellexi quám rem mulier gésserit:

Quia Scéledrus dormit, hunc subcustodém suum

Foras áblegavit, dum áb se huc transirét. placet.

Set Périplecomenus quam èi mandauí múlíerem 870

Nimis lépida forma dúcit. di hercle hanc rem
ádiuuant.

Quam dígne ornata incédit, hau meretrície.

Lepide hóc succedit súb manus negotium.

PERIPLECOMENVS. ACROTELEVTIVM. (MILPHIDIPPA.)

PALAESTRIO.

PE. Rem omnem, Ácroteleutiúm, tibi tibiue úna,
Milphidíppa,

Domí demonstraui órđine. hanc fabricám fallaciásque

Minus sí tenetis, dénuo uolo pércepiatis pláne: 876

Satis si íntellegitis, áliut est quod pótius fabulémur.

AC. Stultítia atque insipiéntia [insúlsitasque hercle]
haéc sit,

Me ire in opus alienum aut tibi meam óperam polli-
citári,

Si in ópificina ea nésciam aut mala ésse aut frau-
dulénta. 880

PE. At méliust [te] monérier. AC. Meretrícem con-
monéri

Quam sáne magni réferat, mihi clámst. quid? egone
frústra,

Postquam ádbibere aurés meae tuae lóream ora-
tiónis,

Tibi díxi miles quem ad modum potésses deasciári?

PE. At némo solus sátis sapit: nam ego múltos saepe
uídi 885

Regiónem fugere cónsili prius quám repertam ha-
bérent.

AC. Siquíd faciundumst múlieri male átque mali-
tióse,

Ibi ei inmortalis mémoríast meminísse id sempitérno:
Sin béne quid aut fidéliter faciundumst, eadem
euéniet

Oblúiosa extémplo uti fiát, meminisse néqueat. 890

PE. Ergo ístuc metuo quód uenit uobís faciundum
utrúmque:

Nam id próderit mihi, míliti male quód facietis ámbae.

AC. Dum né scientes quíd bonum faciámus, ne for-
mída.

Mala nùlla mulier ést * * * *

* * * * né paue, peióribus conuéniant.

PE. Ita uós decet. conséquimini. PA. Cesso égo illis
obuiam íre? 896

PE. Bene ópportuneque óbuiam es, Palaéstrio. en tibi
ádsunt

Quas mé iussisti addúcere et quo ornátu. PA. Eu,
noster ésto:

Venire saluom gaúdeo. lepide hércle ornatas dúcis.

Palaéstrio Acroteleútium salútat. AC. Quis hic
amábost, 900

Qui tám pro nota nóminat me? PE. Hic nóster ar-
chitéctust.

AC. Salue, árchitecte. PA. Sálua sis. set díe mihi,
ecquid hic te

Oneráuit praeceptís? PE. Probe meditátam utram-
que dúco.

PA. Audire cupio quem ád modum: nequíd peccetis
páueo.

PE. Ad túa praecepta dé meo nihíl nouom adposúi. 905

AC. Nempe lúdificari mílitem tuum erúm uis? PA.
Elocúta's.

AC. Lepide ét sapienter, cómmode et facéte res pa-
rátast.

PA. Atque hũius uxorem té uolo [esse] ádsimulare.
AC. Fíet.

PA. Quasi míliti animum adiécetis simuláre. AC. Sic
futúrumst.

PA. Quasique éa res per me intérpretem et tuam án-
cillam adcurétur. 910

AC. Bonus uátes poteras ésse: nam quae sũnt futura
dícis.

PA. Quasique ánulum hunc ancillula tua aps té detu-
lerit ád me,

Quem [pórro] ego milití darem tuis uérbis. AC. Véra
dícis.

PE. Quid istis nunc memoratis opust, quae com-
minere? AC. Meliust.

Nam, mi patrone, hoc cogitato: ubi probus est archi-
tectus, 915

Bene lineatam si semel carinam conlocavit,

Facile esse nauem facere, ubi * * * *

Nunc haec carina satis probe fundata et bene sta-
tutast:

Adsunt fabri architectonesque ad eam [rem] haut in-
periti.

Si non nos materiarius remoratur, quod opust qui det,
Noui indolem nostri ingeni, cito erit parata nauis. 921

PA. Nempe tu nouisti militem, meum erum? AC. Ro-
gare mirumst:

Populi odium quidni nouerim, magnificum, cincin-
natum,

Moechum unguentatum? PA. Num ille te nam nouit?
AC. Numquam uidit:

Qui nouerit me quis ego sim? PA. Nimis lepide fa-
bulare: 925

Eo potuerit [rem] lepidius pol fieri. AC. Potin ut ho-
minem

Mihi des, quiescas cetera? ni ludificata ero hominem,
Culpam omnem in me inponito. PA. Age igitur in-
tro abite:

Insistite hoc negotium sapienter. AC. Alia cura.

PA. Age, Periplectomene, has nunc iam duc intro. ego
[eo] ad forum, illum 930

Conueniam atque hunc ei anulum dabo atque prae-
dicabo

A tua esse uxore mihi datum eamque illum deperire.
Hanc ad nos, quom extemplo a foro ueniemus, mittitote,

Quasi clanculum ad [eum] missa sit. PE. Faciémus:
alia cúra.

PA. Vos módo curate: ego illúm probe iam onerátum
runcinábo. 935

PE. Bene ámbula, bene rém gere. at ego núnc si ec-
ficiam hoc pláne,

Vt cóncubinam mílitis meus hóspes habeat hódie

Atque hínc Athenas áuehat: [si] hodie húnc dolum do-
lámus,

Quid tíbi ego mittam múnere? AC. * * * * *

* * * * * dat nunc áb se mulier óperam, 940

Lepidíssume et comptíssume confido confutúrum.

Vbi fácta erit conlátio nostrárum malitiárum,

Hau uéreor ne nos súbdola perfidia peruincámur.

PE. Abeámus ergo intro, haéc uti meditémur co-
gitáte,

Vt ádcurate et cómmode hoc quod agúndumst exe-
quámur: 945

Nequíd, ubi miles uénerit, titubétur. AC. Tu moráre.

A C T V S III.

PYRGOPOLINICES. PALAESTRIO.

PY. Vólup est quod agas si id procedit lépide [atque ex]
senténtia.

Nam égo hodie ad Seleúcum regem misi parasitúm
meum,

Vt latrones quós conduxí hinc ad Seleucum dúceret:
Qui éius regnum tútarentur, mihi dum fieret ótium. 950

PA. Quin tu tuam rem cúra potius quá[m] Seleuci. quae
tibi

Cónditio noua lúculenta fértur per me intérpretem.

PY. Ímmo omnis res pósteriores póno atque operam
dó tibi.

Lóquere: auris meás profecto dédo in ditioném tuam.

PA. Círcumspicedum, néquis nostro hic aúceps ser-
moní siet: 955

Nam hóc negoti cládestino ut ágerem mandatúmst mihi.

PY. Némo adest. PA. Hunc árrabonem amóris primum
a me áccipe.

PY. Quid hic? undest? PA. A lúculenta atque [á] festiua
fémina,

Quae te amat tuamque éxpetessit púlcram pulcritú-
dinem.

Éius nunc mi anulum ad te ancilla pórró ut deferrém
dedit. 960

PY. Quid? ea ingenuane án festuca fácta [e] serua líberast?

PA. Vah,

Égone ut ad te ab líbertina esse aúderem internúntius,
Qui íngenuis satis réspedes néqueas, quae cupiunt tui?

PY. Núptanest an uídua? PA. Et nupta et uíduast. PY.
Quo pactó potis 965

Núpta et uidua esse éadem? PA. Quia aduléscens nuptast cùm sene.

PY. Eúge. PA. Lepida et líberali fórmast. PY. Caue mendácium.

PA. Ád tuam formam illa úna dignast. PY. Hércle pulcram praédicas.

Sét quis east? PA. Senis huius uxor Péríplecomeni in próxumost.

Éa demoritur te átque ab illo cúpit abire: odít senem. 970

Núnc te orare atque ópsecrare iússit ut tui cópíam

Síbi potestatémque facias. PY. Cúpio hercle equidem,
si illa uolt.

PA. Quaén cupiat? PY. Quid illá faciemus cóncubina
quae domist?

PA. Quín tu illam iube áps te abire quó lubet: sicut soror

Éius huc gemina uénit Ephesum et máter arcessúnt-
que eam. 975

PY. Ého tu, aduenitne Éphesum mater éius? PA. Aiunt
quí sciunt.

PY. Hércle occasiódem lepidam ut múlíerem excludám
foras.

PA. Ímmo uin tu lépide facere? PY. Lóquere et consiliúm cedo.

PA. Vín tu illam actutum á mouere, a te út abeat per grátiam?

PY. Cúpio. PA. Tum te hoc fácere oportet. tibi diuitiarum ádfatimst: 980

Iúbe sibi aurum atque órnamēta quae illi instruxti múlieri

[Ómnia] dono habére auferreque áps te quo lubeát sibi.

PY. Plácet ut dicis. sét [enim] ne istam amíttam et haec mutét fidem

Víde modo. PA. Vah delicatú's: quae te tamquam oculós amet.

PY. Vénus me amat. PA. St, táce: aperitur fóris: concede huc cláuculum. 985

Haec celox illíust quae hinc egréditur internúntia.

PY. Quae haec celox? PA. Ancíllula illius ést quae hinc egréditúr foras:

Quae ánulum istunc áttulit quem tibi dedi. PY. Edepol haec quidem

Béllulast. PA. Pithécium haec est praé illa et spinturnícium.

Víden tu illam oculis uénaturam fácere atque aucupium aúribus? 990

MILPHIDIPPA. PYRGOPOLINICES. PALAESTRIO.

MI. Iámst ante aedis círcus ubi sunt lúdi faciundí mihi. Dissimulabo hos quási non uideam néque esse hic etiamdúm sciam.

PY. Táce: subauscultémus, ecquí dé me fiat méntio.

MI. Númqui hic prope adest quí rem alienam pótius curet quám suam?

Qui aucupet me quid agam? qui de uesperis uiuat suo?
 Eos nunc homines metuo ne opsint mihi neue opstent
 uspiam, 996

[Dómina] domo si clam huc transibit, quae huius cupiens
 corporist,

Quae amat hunc hominem nimium lepidum et nimia pul-
 critudine,

Militem Pyrgopolinice. PY. Satin haec quoque me
 deperit?

Laudat speciem meam. PA. Edepol huius sermo haut
 cinerem quaeritat. 1000

PY. Quo argumento? PA. Quia enim loquitur laute et
 minime sordide.

[Quidquid istaec de te loquitur, nihil attrectat sor-
 didi.]

Tum autem illa ipsast nimium lepida nimisque nitida
 femina.

PY. Hercle uero [haec] iam adlubescit primum, Pa-
 laestrio.

PA. Priusne quam illam oculis uidisti? PY. Quod uideo,
 id credo mihi: 1005

Nam haec lacerta nullo apse me adigit se ut amem.
 PA. Hercle hanc quidem

Nil tu amassis: mihi desponsast. tibi si illa hodie
 nupserit,

Ego continuo uxorem hanc ducam. PY. Ergo hanc quid
 dubitas conloqui?

PA. Sequere hac me ergo. PY. Pedisecus tibi sum. MI.
 Utinam, quous causá foras

[Huc] sum egressa, conueniendi mihi potestas euenat. 1010

PA. Erit et tibi exoptatum optinet: bonum habet ani-
 mum, ne formida.

Homo quídamst qui scit quód quaeris ubi sít. MI. Quem ego hic audíui?

PA. Sociúm tuorum consíliorum et partícipem [celatórum].

MI. Tum pól ego id quod celo haút celo. PA. Immo étiam sic non célas.

MI. Quo argúmento? PA. Infidós celas: ego súm tibi firme fidus. 1015

MI. Cedo sígnum, si harunc BÁCcharum es. PA. Amat múlter quaedam quéndam.

MI. Pol istúe quídem multae. PA. At nón multae de dígitó donum míttunt.

MI. Enim cógnoui nunc: fécisti modo mi éx procliúo plánum.

Set hic núnquis adest? PA. Vel adést uel non. MI. Cedo té mihi solae sólum.

PA. Breuín án longínquo sérmoni? MI. Tribus uérbis. PA. Iam ad te rédeo. 1020

PY. Quid? ego ástabo hic tantísper cum hac forma ét factis sic frústra?

PA. Patere átteque asta: tibi ego hánc do operam. PY. Propera: [éxpectando] excrúciór.

PA. Pedetémptim tu scis tráctari solitás esse huius modi mércis.

PY. Age age, út tibi maxume cóncinnumst. PA. Nulúmst hoc stolidius sáxum.

Adeo ád te. quid me uólui? MI. Quo pácto hoc dudum accépi, 1025

[Calidúm] refero ad te cónsílium, hunc quasi dépereat. PA. Teneo istuc.

Conlaúdato formam ét faciem et uirtútis conmemoráto.

MI. Ad eám rem habeo omnem aciém, tibi uti dudúm
iam demonstráui.

Tu cóntra cura et cóntempla et de mēis uenator
uérbis.

PY. Aliquám mihi partem hodie óperae des densque:
tandem ilico adésdum. 1030

PA. Adsum: ímpera, síquid uís. PY. Quid illaec nar-
rát tibi? PA. Lamentári

Ait illam miseram, crúciari et lacrumántem se ad-
flictáre,

Quia tís egeat, quia té careat: ob eám rem huc ad te
míssast.

PY. Iube adíre. PA. At scin quid tú facias? face té fa-
stidi plénium,

Quasi nón lubeat: me inclámato, quia síc te uolgo
uólgem. 1035

PY. Memini ét praeceptis párebo. PA. Voco [ego] érgo
hanc quae te quaérit?

PY. Adeát, síquid uólt. PA. Síquid uis, adi, múlíer.
MI. Pulcer, sálue.

PY. Meum cóguomentum cómmemorat. di tibi dent
quaequomque óptes.

MI. Tecum aétatem exigere út liceat. PY. Nimium óp-
tas. MI. Non me díco,

Set erám meam quae te démoritur. PY. Multae ídem
istuc aliae cúpiunt, 1040

Quibus cópia non est. MI. Écástor hau mírumst:
te habes cárum,

Hominém tam pulcrum et praéclarum uirtúte et fortem
fáctis.

Heus, dígrior fuit quisquam hómo qui esset? PA. Non
hércle humanust [spúrcus]:

Nam uólturio plus húmani credóst. PY. Magnum me
fáciam .

Nunc, quóm illaec me sic cónlaudat. PA. Viden tu igna-
uom, ut sese ínfert? 1045

Quin tu huíc responde: haec illaec est ab illác quam
dudum [díxi].

PY. Quanam áb illarum? nam ita me óccursant multaé:
meminisse hau póssum.

MI. Ab illá quae digitos déspoliat suos ét tuos digitos
décorat:

Nam hunc ánulum [ego] ab tui cúpienti huic détuli, hic
[ad te] pórró.

PY. Quid núnc tibi uis, muliér, memora. MI. Vt quae
tís cupit eam ne spérnas: 1050

Quae pér tuam nunc uitám uiuit: sit nécne, in te spes
únost.

PY. Quid núnc uolt? MI. Te conpéllare et conplécti
et contrectáre.

Nam nísi tu illi fers súppetias, iam illa ánimum despon-
débit.

Age, mi Áchilles, fiat quód te oro: serua íllam, pulcer,
púlcre.

Expróme benignum ex te íngenium, urbícape, occisor
régum. 1055

PY. Heu,

Hercle ódiosas res: quótiens hoc tibi, uérbero, ego
interdíxi,

Meam né sic uolgo póllicitere operám. PA. Audin tu,
múliér?

Dixi hóc tibi dudum et núnc dico: ni huic uérri adfertur
mérces, 1059

Non híc suo seminió quemquam porcéllam inpertitúrust.

MI. Dabitúr quantum ipsus pretí poscet. PA. Talentúm
Philippum huic opus aúrist.

Minus áb nemine accipiét. MI. Heu, ecastór nimis
uillist tándem.

PY. Non mǐhi auaritia umquam ignatast: satis hábeo
diuitiárum.

Plus [pól] mi auri millést modium Philippí. PA. Praeter
thensaúrumst:

Tum argénti montis, nón massas habet: Aétna acque
non áltast. 1065

MI. Heu,

Ecástor periurum. PA. Vt ludo? MI. Quid ego? út sub-
lecto? PA. Scíte.

MI. Set amábo me mitte áctutum. PA. Quin tu huíc
respondes áliquid,

Aut fácturum aut non fácturum? quid illám miseram
animi excrúcias,

Quae núnquam male de té meritast? PY. Iube eámpse
exire huc ad nos:

Dic me ómnia quae uolt fácturum. MI. Facis núnc ut [te]
facere aéquomst, 1070

Quom quae [illaec] uolt eadém tu uis. PA. Non ínsulsum
huic ingéniumst.

MI. Quomque óratricem hau spréuisti sistíque exorare
ex te.

Quid est, út ludo? PA. Nequeo hércle equidem risu ad-
moderariet. MI. [Érgo]

Ob eám causam huc aps te áuorti. PY. Non édepol tu
scis, múlter,

Quantum égo honorem nunc illi habeo. MI. Scio et ístuc
illi dícam, 1075

PA. Contra aúro alii hanc uendére potuit operám. MI.
Pol istuc tibi crédo.

PA. Meri béllatores gígnuntur, quas híc praegnatis
fécit,

Et púeri annos octíngentos uiuónt. MI. Vae tibi, nu-
gátor.

PY. Quin mílle annorum pérpetuo uiuónt ab saeclo ad
saéclum.

PA. Eo mínus dixi, ne haec cénseret me aduórsum se
mentíri. 1080

MI. Períí, quot hic ipse annós uiuet, quoius filii tam diu
uíuont ?

PY. Postríduo natus sum égo, mulier, quam Iúppiter ex
Ope nátust.

PA. Si hic prídic natus forét quam illest, hic habéret
regnum in caélo.

MI. Iam iám sat amabost: sínite abeam, si póssum, uiua
a uóbis.

PA. Quin érgo abis, quando résponsumst? MI. Ibo át-
que illam huc addúcam, 1085

Proptér [quam] operast mihi. númquid uis? PY. Ne má-
gis sim pulcer quám sum:

Ita mé mea forma habet sóllicitum. PA. Quid núnc stas?
quin abis? MI. Ábeo.

PA. Atque ádeo, audin? dicíto docte et cordáte. MI.
Vt cor ei sáliat.

PA. Philocómasio dic, sí east hic, domum ut tránseat:
hunc híc ésse.

MI. Hic cúm mea erast: [nam] clám nostrum hunc ser-
mónem sublegérunt. 1090

PA. Lepidé factumst: iam ex sérmone hoc gubernábunt
doctius pórró.

MI. Remoráre: abeo. PA. Neque té remoror neque
té tago neque te—táceo.

PY. Iube máturare illam éxire huc: iam istí rei prae-
uortémur.

Quid núnc mi's auctor út faciam, Palaéstrio,
De cóncubina? nám nullo haec pactó potest 1095
Prius [á me] in aedis récipi, quam illam amiserim.

PA. Quid mé consultas quíd agas? dixi equi-
dém tibi,

Quo pácto id fieri póssit clementíssime.
Aurum átque uestem muliebre[m] omnem habeát sibi,
Quae illi instruxisti: súmat, abeat, aúferat: 1100
Dicásque tempus máxume esse ut eát domum:

Sorórem geminam adésse et matrem dícito,
Quibus cóncomitata récte deueniát domum.

PY. Qui tú scis eas adésse? PA. Quia oculís meis
Vidí sororem hic éius. PY. Conuenistíne eam? 1105

PA. Conuéni. PY. Ecqui [tibi] fórtis uisast? PA.
Ómnia

Vis óptinere. PY. Vbi matrem esse aibát soror?

PA. Cubáre in naui líppam atque oculis túrgidis
Naoclérus dixit quí illas aduexít mihi.

Is ad hós nauclerus hóspitio deuórtitur. 1110

PY. Quid is, écqui fortist? PA. Ábi sis hinc: nam
tú quidem

Ad equás fuisti scítus admissáriu[s],

Qui cónsectare quá maris qua féminas.

Hoc áge nunc. PY. Istuc quód das consiliúm mihi,
Te cú[m] illa uerba fácere de ista ré uolo: 1115

Nam cú[m] illa sane cóngruost sermó tibi.

PA. Quid pótiust quam ut tute ádeas, tuam rem
túte agas?

.. **Dicás necessum tibi esse uxorem dúcere:**

Cognátos persuadére, amicos cógere.

.. **PY. Itán tu censes? PA. Quid ego ni ita cénseam?**

PY. Ibo ígitur intro. tu híc ante aedis ínterim 1121

Speculáre, ut ubi illaec pródeat me próuoces.

.. **PA. Tu módo istuc.cura quód agis. PY. Curatum**
íd quidemst.

.. **Quin sí uoluntate nólet, ui extrudám foras.**

PA. Istúc caue faxis. quín potius per grátiam 1125

Bonam ábeat aps te: atque illaec quae dixi [èi] dato.

.. **[Aurum ornamenta quae illi instruxisti ferat.]**

PY. Cupio héréle. PA. Credo fáciie te impe-
trássere.

Set abi íntro: noli stáre. PY. Tibi sum oboédiens.

PA. Numquíd uidetur démutare atque út quidem

Dixi ésse uobis dúdum hunc moechum mílitem? 1131

Nunc ád me ut ueniat úsust Acroteleútium,

Ancíllula eius ac Pleúsicles. pro Iúppiter,

Satin út commoditas úsquequaque me ádiuuat?

Nam quós uidere me éxoptabam máxume, 1135

.. **Vna éxeuntis uídeo [iam] hinc e próxumo.**

ACROTELEVTVM. MILPHIDIPPA. PLEVSICLES. PALAESTRIO.

AC. Séquimini: semul circumspicite néquis adsit ár-
biter.

MI. Néminem pol uídeo nisi quem uólumus çonuentum.

PA. Ét ego uos.

MI. Quid agis, noster árchitecte? PA. Egone árchitectus?
uáh. MI. Quid est?

PA. Quía enim non sum dígnus prae te, ut figam palum
in párietem. 1140

AC. Héia uero. PA. Nímis facete nímisque facundé
malast:

Vt lepide derúncinavit mílitem. MI. At etiám parum.

PA. Bóno animo es: negótium omne iám succedit súb
manus.

Vós modo porro, ut óceperistis, dáte operam adiutá-
bilem.

Nám ipse miles cóncubinam intro ábiit oratúm suam, 1145
Ab se ut abeat cúm sorore et mátre Athenas. PL. Eú,
probe.

PA. Quín etiam aurum atque órnamenta, quae ípse in-
struxit múlieri,

Ómnia dat donó sibi ut habeat: íta ego consiliúm
dedi.

PL. Fácile istuc quidémst, si et illa uólt et ille autém
cupit.

PA. Nón tu scis, quom ex álto puteo súsum ad summum
escénderis, 1150

Máximum periclum inde esse ab súmmo ne rusúm
cadas?

Núnc haec res aput súmmum puteum géritur: si prae-
sénserit

Míles, nihil ecférri poterit húius. nunc quom máxume
Ópus dolis est. PL. Dómi esse ad eam rem uídeo siluaf
satis:

Múlieres tres: quártus tuté's, quíntus sum ego, sextúst
senex. 1155

PA. Quód aput nos falláciarum strúctumst, [ego] certó
scio,

Óppidum quoduís uidetur pósse expugnari [eís] dolis.

Dáte modo operam. AC. Íd nos ad te, síquid uelles,
uénimus.

PA. Lépide facitis. nunc tibi hanc ego impero pro-
uinciam.

AC. Impetrabis, imperator, quoad ego potero, quod
uoles. 1160

PA. Militem lepide et facete [et] laute ludificarius
Volo. AC. Voluptatem imperas mi eccestor. PA. At scin-
quem ad modum?

AC. Némpe ut adsimulém me amore istius differri. PA.
Eú, tenes.

AC. Quásique istius causa amoris ex hoc matrimonio
Abierim cupiens istius nuptiarum. PA. Omne ór-
dine. 1165

Nisi modo unum hoc: hásce esse aedis dicas dotális tuas:
Hinc senem aps te abísse, postquam féceris diuórtium:
Né ille mox uereátur [huc] intro íre in alienám domum.

AC. Béne mones. PA. Set ubi ille exierit íntus, istic
té procul

Íta uolo adsimuláre, prae eius fórma quasi spernás
tuam 1170

Quásique eius opuléntitatem réuerearis: et semul
Fórmae amoenitátem illius, fácie pulcritúdinem
Cónlaudato. sátin praeceptumst? AC. Téneo. satinest,
sí tibi

Méum opus ita dabo éxpolítum, ut ínprobare nóu
queas?

PA. Sát habeo. nunc tibi uicissim quae imperabo
discito. 1175

Quom éxtemplo hoc erit fáctum, ut intro haec abierit,
ibi tu sílico

Fácito uti ueniás [ornatu] ornátus huc naulérico.

Causiam habeas ferrugineam, cúlcitam ob oculos lá-
neam:

Pálliolum habeas férrugineum, nám is colos thalás-
sicust:

Íd conexum in húmero laeuo, éxpapillato bráchio 1180

[Cóniciens in cóllum, tum autem lúmbis subligáculo]

Praécinctis, aliqui ádsimulato quási gubernatór sies.

Átque aput hunc senem ómnia haec sunt: nám is pesca-
torés habet.

PL. Quid? ubi ero exornátus, quin tu dícis quid factú-
rus sum?

PA. Húc uenito et mátris uerbis Phílocomasium ar-
céssito, 1185

Út, si itura sít Athenas, éat tecum ad portúm cito

Átque ut iubeat férri in nauem, síquid inponí uelit:

Nísi eat, te solúturum esse náuem: uentum operám
dare.

PL. Sátis placet fictúra: perge. PA. Ille éxtemplo il-
lam hortábitur,

Út eat propere, né morae sit mátri. PL. Multimodís
sapis. 1190

PA. Égo illi dicam ut me ádiutorem qui ónus feram ad
portúm roget:

Ílle iubebit me íre cum illa ad pórtum: ego adeo, ut tú
scias,

Prósum Athenas prótinam abibo técum. PL. Atque ubi
illo uéneris,

Tríduom seruíre numquam té quin liber sís sinam.

PA. Ábi cito atque orná te. PL. Numquid áliut? PA.
Haec ut mémineris. 1195

PL. Ábeo. PA. Et uos abíte hinc intro actútum: nam
illum hinc sát scio

Iam éxiturum esse íntus. AC. Celebrest áput nos impe-
riúm tuum.

PA. Ágite apsceditè érgo. ecce autem cómmódum aperitúr foris.

Hilarus exit, impetrauit: ínhiat quod nusquámst, miser.

PYRGOPOLINICES. PALAESTRIO.

PY. Quód uolui, ut uolui, impetraui: pér amicitiam et grátiam 1200

[Á me ut abeat.] PA. Quidnam te intus fuisse tam dicám diu?

PY. Núnquam ego me tam sénsi amari quám nunc ab illa múliere.

PA. Quid iam? PY. Vt multa uérba fecit, lénta ut materiés fuit.

Vérum postremo impetraui ut uólui: donauíque ei Quae uoluit, quae póstulauit. [té] quoque [ei] donó dedi.

PA. Étiam me? quo módo ego uiuam síne te? PY. Age, animó bono es: 1206

Ítem illinc ego te líberabo. nám si possem ulló modo Ímpetrare ut abíret nec te abdúceret, operám dedi:

Vérum oppressit. PA. Dèos sperabo téque. postremó tamen

Étsi istuc mihi acérbumst, quia ero té carendumst óptumo, 1210

Sáltem id uolúp est, quom ex uirtute fórmæ [id] euenít tibi

Méa opera super hác uicina, quam égo nunc concilió tibi.

PY. Quid opust uerbis? líbertatem tibi ego et diuitiás dabo,

Si ímpetras. PA. Reddam ímpetratum. PY. At géstio.

PA. At modicé decet.

Móderare animo: né sis cupidus. sét eccam ipsam, egredítur foras. 1215

ACROTELEVTVM. MILPHIDIPPA. PYRGOPOLINICES. PALAESTRIO.

MI. Era, éccum praesto mílitem. AC. Vbíst? MI.
Ad laeuam uídedum.

Aspícito limis, né ille nos se séntiat uidére.

AC. Video. édepol nunc nos témpus est malás peiores fieri.

MI. Tuúmst principium. AC. Ópsecro, tute ípsum conuenísti?

Ne párcé uoci, ut aúdiat. MI. Cum ipsó pol sum locúta 1220

Placidé, dum lubitumst mi, ótio, meo árbitratu, ut uólui.

PY. Audín quae loquitur? PA. Aúdio. quam laétast, quia ted ádiit.

AC. O fórtunata múlier es. PY. Vt amári uideor. PA. Dígnu's.

AC. Permírum ecastor praédicas, te adísse atque exorásse:

Per epístulam aut per núntium quasi régem adiri eum áiunt. 1225

MI. Namque édepol uix fuit cópia adeúndi atque ímpetrándi.

PA. Vt tu ínclutu's aput múlieres. PY. Patiár, quando ita Venús uolt.

AC. Venerí pol habeo grátiam eandémque et oro et
quaéso,

Vt. éius mihi sit cópia quem amó quemque expe-
téssó,

Benígnusque erga me út siet: quod cúpiam ne gra-
uétur. 1230

MI. Spero íta futurum. quámquam illum multaé sibi
expetéssunt,

Ille íllas spernit ségregatque ab se ómnis extra te
únam.

AC. Ergo ístus metus me mácerat, quod illíc fasti-
diósust,

Oculi éius ne senténtiam mutént, ubi uiderít me,

Atque éius elegántia meam extémplo speciem spérnat.

MI. Non fáciét: habe animúm bonum. PY. Vt ípsa
se contémpnit. 1236

AC. Metuó ne praedicátio tua núnc meam formam
exúperet.

MI. Istúc. curauí ut opínione illíus pulcriór sis.

AC. Si pól me nolet dúcere uxórem, gēua ampléctar
Atque ópsecrabo. alió modo, si nón quibo impe-
tráre, 1240

Conscíscam letum: uíuere sine illó scio me non
pósse.

PY. Prohibéndam mortem múlieri [esse] uídeo. adi-
bon? PA. Mínime.

Nam tú te uilem féceris, si te últro largiére:

Sine últro ueniat, quaéritet, desíderet, expéctet.

Nisi pérdere ístam glóriam uis quám habes, caue sis
fáxis. 1245

Nam núlli mortali scio optigísse hoc nisi duóbus,

Tibi ét Phaoni Lésbio, tam [uéthane] ut amaréntur.

AC. Eo intro aut tu illum huc éuoca forás, mea Milphidíppa.

MI. Immo ópperiamur, dum éxeat aliquís. AC. Durare néqueo

Quin intro eam. MI. Occlusást foris. AC. Ecfríngam.
MI. Sana nón es. 1250

AC. Si amáuit umquam aut sí parem hic sapiéntiam
habet ac fórmam,

Per amórem siquid féceró, cleménti ignoscet ánimo.

PA. Vt quaéso amore pérditast [haec] mísera. PY. Mutuóm fit.

PA. Tace, ne aúdiat. MI. Quid ástitisti opstúpida?
quor non púltas?

AC. Quia nón est intus quem égo uolo. PA. Qui scís?
AC. Scio edepol fácale: 1255

Nam odóre nasum séntiat, si intús sit. PY. Ariolátur.
Quia mé amat, proptereá Venus fecít eam ut diuináret.

AC. Nescío ubi hic prope adest quem éxpeto uidére:
olet profécto.

PY. Nasó pol iam haec quidém uidet plus quam óculis.
PA. Caeca amórest.

AC. Tene me, ópsecro. MI. Quor? AC. Né cadam.
MI. Quid itá? AC. Quia stare néqueo:

Ita ánimus per oculós meus [mihi] défit. MI. Militém pol 1261

Tu aspéxisti? AC. Ita. MI. Non uídeo, ubist? AC. Vidéres pol, si amáres.

MI. Non édepol tu illum mágis amas quam egomét, si
per te liceat.

PA. Omnés profecto múlieres te amánt, ut quaeque
aspéxit.

PY. Nescio tu ex me hoc audíueris an nón: nepos sum
Véneris. 1265

AC. Mea Mílphidippa, adi ópsecro et congrédere.
PY. Vt me uerétur.

PA. Illa ad nos pergit. MI. Vós uolo. PA. Et nós te.
MI. [Eccam,] ut iussísti,
Erám meam eduxí foras. PY. Videó. MI. Iube ergo
adíre.

PY. Iudúxi in animum ne óderim item ut álias,
quando orásti.

MI. Verbum édopol facere hau pótis erit, si accésse-
rit prope ad te: 1270

Dum te óptuetur, ínterim linguam óculi praeci-
dérunt.

PY. Leuándum morbum múlieri [esse] uideo. MI. Vide
ut extímuit,

Postquám téd aspexit. PY. Viri quoque ármati idem
istuc faciunt:

Ne tú mirere múlierem. set quíd [illa] uolt me fácere?

MI. Ad se út eas: tecum uíuere uolt átque aetatem
exígerè. 1275

PY. Egone ad illam eam quae núpta sit? uir éius est
metuéndus.

MI. Quin túa causa exegít uirum ab se. PY. Quíd?
qui id facere pótuit?

MI. Aedés dótates húius sunt. PY. Itane? MI. Íta
pol. PY. Iube domum íre:

Iam ego illi ero. MI. Vide né sies illi éxpectatióni:

Ne illam ánimi excrucies. PY. Nón ero profécto.
abite. MI. Abímus. 1280

PY. Set quíd ego uideo? PA. Quíd uidet? PY.
Nescio quis eccum incédit,

Ornatu quidem thalássico. PA. Iam nós uolt is profecto:

Naoclérus hic quidemst. PY. Vídelicet arcéssit hanc.

PA. Ita crédo.

PLEVSICLES. PALAESTRIO. PYRGOPOLINICES.

PL. Alium álio pacto própter amorem ni sciam
Fecísse multa néquiter, ucreár magis 1285

Me amóris causa [cum] hóc ornatu incédere.

Verúm quom multos múlta admissé accéperim

Inhonésta propter amórem atque aliena á bonis:

* * * * *

Mitto énim ut occidi Achíles ciuis pássus est . . .

Set eccúm Palaestriónem, stat cum milite: 1290

Orátio alio míhi demutandást mea.

Muliér profecto nástast ex ipsá mora:

Nam quaeuis alia quae morast aequé mora

Minor éa uidetur quám quae propter múlieremst.

Hoc ádeo fieri crédo consuetúdine. 1295

Nam ego hanc arcessam Philocomasium. sét foris

Pultábo. heus, ecquis híc est? PA. Adulescéns,

quid est?

Quid uís? quid pultas? PL. Philocomasium quaérito:

A mâtre illius uénio. si iturást, eat.

Omnís moratur: náuem cupimus sóluere. 1300

PY. Iam dúdum res parátast. [heus,] Palaéstrio,

Aurum, órnaménta, uéstem, pretiosa ómnia

Duc ádiutores técum ad nauem quí ferant.

Omnía conposita [iám] sunt quae donáui ei.

PA. Eó. PL. Quaeso hercle própéra. PY. Non
morábitur. 1305

Quid istúc [est] quaeso quód oculo factúmst tuo?

PL. Habeo équidem hercle oculum. PY. At laé-
uom dico. PL. Éloquar.

Marís causa hercle istóc ego oculo utór minus:

Nam si ápstinuissém a máre, eo tamquam hoc
úterer.

Set nímis morantur mé diu. PY. Eccos éxeunt. 1310

PALÆSTRIO. PHILOCOMASIVM. PLEVSICLES. PYRGOPOLINI-
CES. (SERVI.)

PA. Quid modi flendó quaeso hodie fácies? PH. Quid
ego ní fleam?

Úbi pulcerrume égi aetatem, inde ábeo. PA. En iam
hominém tibi

Qui á matre et soróre uenit. PH. Vídeo. PY. Audin,
Palaéstrio?

PA. Quid uis? PY. Quin iubés tu ecferrí dóna quae [ego]
istí dedi?

PL. Philocomasium, sálue. PH. Et tu sálue. PL. Ma-
terque ét soror 1315

Tíbi salutem mé iusserunt dícere. PH. Saluae sient.

PL. Órant te ut eas: uéntus operam dúm dat, ut uelum
éxplicent.

Nám matri oculi sí ualerent, mécum uenissét semul.

PH. Íbo. quamquam inuíta facio, píetas consuadét. PL.
Sapis.

PY. Sí non mecum aetátem egisset, hódie stulta
uíueret. 1320

PH. Ístuc crucior, á uiro me táli abalienárier :

Nám tu quamuis pótis es facere ut ádfluat facétiis,

Ét quia tecum erám, propterea nímio eram ferócior.

Ėam nobilitatem ámittundam uideo. PY. Ne fle. PH.

Nón queo,

Quóm te uideo. PY. Hábe bonum animum. PH. Scío

ego quid doleát mihi. 1325

PA. Nám nil miror, sí lubenter, Phílocomasium, [tu] híc

eras,

Quóm ego seruos, quándo aspicio hunc, lácrumem quia

diiúngimur.

[Íta] forma huius, móres, uirtus ánimum attinuere híc

tuum.

PH. Ópsecro, licét conplecti prius quam profiscsó?

PY. Licet.

PH. Ó mei oculi, ó mi anime. PA. Ópsecro, tene mú-

lierem, 1330

Ne ádfligatur. PY. Quid istuc? PA. Quia, postquam

áps te abít, animó male

Fáctumst huic repénte miserae. PY. Cúrrite intro,

adférte aquam.

PA. Níhil aquam morór: quin malo [apscédas]: ne inter-

uéneris,

Quaéso, dum resipíscit. PY. Capita intér se nimis nexa

hísce habent.

Nón placet: labra ín labris ferrúminat. quid agís, ma-

lum? 1335

PL. Témptabam spiráret an non. PY. Aúrem admo-

tam opórtuit.

PL. Sí magis uis, eam omíttam. PY. Nolo: rétime.

PA. Adflictór miser.

PY. Éxite atque ecférte huc intus ómnia isti quaé dedi.

PA. Étiám nunc salúto te, [Lar] fámiliaris, prius quam eo.
Cónserui conséruaeque omnes, béne ualete et uíuite: 1340
Béne quaeso inter uós dicatis ét mihi apsentí tamen.

PY. Áge, Palaestrió, bono animo es. PA. Heú [heu],
nequeo quín fleam,

Quom áps ted abeam. PY. Aequó fer animo. PH. Sét
quid hoc? quae rést? quid est?

Ó lux, salue. PL. Iám resipisti? PH. Ópsecro, quem
ampléxa sum

Hóminem? perii. súmne ego aput me? PL. Né time,
uoluptás mea. 1345

PY. Quid istuc est negóti? PA. Animus hánc modo hic
relíquerat

* * * * *

Métuoque et timeó, ne hoc tandem própalam fiát nimis.

PY. Quid id est? PA. Nos secúndum ferri núnc per
urbem haec ómnia,

Néquis hoc tibi uítio uortat. PY. Méa, non illorúm
dedi: 1350

Páruí ego alios fácio. age, íte cúm dis beneuoléntibus.

PA. Túa ego hoc causa díco. PY. Credo. PA. Iám
uale. PY. Et tu béne uale.

PA. Íte cito: iam ego ádsequar uos: cúm ero pauca
[uólo] loqui.

Quámquam alios fidéliores sémper habuistí tibi

Quám me, tam tibi hábeo magnam grátiam rerum óm-
nium: 1355

Ét si ita [tibi] senténtia esset, tibi seruire máuelim

Múlto quam alií libertus ésse. PY. Habe animúm bo-
num.

PA. Heí mihi, quom uenít mi in mentem, ut móres mu-
tandí sient,

Múliebres morés discendi, obliuiscendi stratiótici.

PY. Fác sis frugi. PA. Iám non possum: amísi omnem
lubídinem. 1360

PY. Í, sequere illos: né morere. PA. Béne uale. PY.
Et tu béne uale.

PA. Quaéso ut meminerís: si forte líber fieri occépe-
rim,

Míttam nuntium ad te: ne me déseras. PY. Non ést
meum.

PA. Cógitato idéntidem, tibi quám fidelis fúerim.

Si íd facies, tum démum scibis, tibi qui bonus sit, qui
malus. 1365

PY. Scío: perspexi saépe, uerum quom ántehac [tum]
hodie máxume.

PA. Scís? immo hodie uérum factum fáxo post dicés
magis.

PY. Vix reprimor quin té manere iúbeam. PA. Caue
istuc féceris.

Dícant te mendácem nec uerum ésse, fide nulla ésse te:

Dícant seruorúm praeter med ésse fidelem néminem. 1370

Nám si honeste cénseam te fácere posse, suádeam.

Vérum non potést: caue faxis. PY. Ábi: iam patiar,
quidquid est.

PA. Béne uale igitur. PY. Íre meliust strénue. PA.
Etiam núnc uale.

PY. Ánte hoc factum hunc sum árbitratus sémper ser-
uom péssimum:

Ėum fidelem míhi esse inuenio. quom égomét mecum
cógito, 1375

Stúlte feci, qui húnc amisi. íbo hinc intro núnc iam

Ád amores meós. et, sensi, hinc sónitum fecerúnt fores.

PVER. PYRGOPOLINICES.

PV. Ne mé moneatis: mémini ego officiúm meum.
Ego iámiam conuenam illunc. ubi ubist géntium,
Inuéstigabo [eum]: óperae non parcám meae. 1380

PY. Me quaérit illic: íbo [ego] huic puero óbuiam.

PV. Ehém, te quaero: sálue, uir lepidíssume,
Cumuláte commoditáte, praeter céteros

Duo dí quem curant. PY. Quí duo? PV. Mars ét
Venus.

PY. Facétum puerum. PV. Íntro te ut eas ópse-
crat: 1385

Te uólt, te quaerit téque expectans déperit.

Amánti fer opem. quíd stas? quin intro ís? PY. Eo.

PV. Ipsús illic sese iam ínpediuit ín plagas.

Parátæ insidiae súnt: stat in statú senex,

Vt ádoriatur moéchum, qui formást ferox, 1390

Qui omnis se amare crédito, quaeque aspéxerit:

Quem omnes oderunt quá uiri qua múlieres.

Nunc ín tumultum íbo: íntus clamorem aúdio.

ACTVS V.

PERIPLECOMENVS. PYRGOPOLINICES. CARIO.

LORARI. SCELEDRVS.

PE. Dúcite istum: sí non sequitur, rápite sublimém
foras.

Fácite inter terram átque cælum uti siet: discíndite.

PY. Ópsecro hercle, Péríplecomene, té. PE. Nequi-
quam hercle ópsecras. 1396

Víde ut istic tibi sít acutus, Cário, cultér probe.

CA. Quín iam dudum géstit moecho [huic] hóc abdomen
ádimere.

Fáciam uti quasi púero in collo péndeant crepúndia.

PY. Périi. PE. Haut etiam: número hoc dicis. CA.
Iámne [ego] in hominem ínuolo?

PE. Ímmo etiam prius uérberetur fústibus. CA. Mul-
túm quidem. 1401

PE. Quór es ausus súbigitare álienam uxorem, ímpu-
dens?

PY. Íta me di ament, últro uentumst ád me. PE. Men-
titúr: feri.

PY. Máne dum narro. PE. Quid cessatis? PY. Nón
licet mihi dícere?

PE. Díc. PY. Oratus sum húc uenire. PE. Quáre's
ausus? én tibi. 1405

PY. Oíci, satis sum uérberatus: ópsecro. CA. Quam
móx seco?

PE. Vbi lubet: dispennite hominem dñuorsum et distennite.

PY. Ópsecro hercle té, mea uerba ut audias prius quam secat.

PE. Lóquere, dum non nihili factu's. PY. Víduam [illam] esse cénsui:

Ítaque ancilla, conciliatrix quae erat, dicebát mihi. 1410

PE. Iúra te nocitúrum non esse hómini de hac re némini,

Quód tu hic hodie uérberatu's aut quod uerberábere, Sí te saluom hinc ámittemus Vénerium nepótulum.

PY. Iúro per Díonam et Martem mé nociturum némini,

Quód ego hic hodie uáptularim: iúreque id factum árbitror: 1415

Ét si hinc non abeo íntestatus, béne agitur pro nóxia.

PE. Quid, si id non faxis? PY. Vt uiuam sémper íntestábilis.

CA. Vérberetur étiam: postibi ámittundum cénseo.

PY. Dí tibi bene fácient semper, quom áduocatus béne mi ades.

CA. Érgo des mínam aúri nobis. PY. Quam ób rem? CA. Saluis téstibus 1420

Vt hodie te hinc ámittamus Vénerium nepótulum.

Áliter hinc non íbis: ne sis frústra. PY. Dabitur. CA. Mágis sapis.

Dé tunica et chlamyde ét machaera néquid speres: nón feres.

LO. Vérberone etiam án eum amittis? PY. Mítis sum equidem fústibus:

Ópsecro uos. PE. Sóluite istunc. PY. Hábeo gratiám tibi. 1425

PE. Sí posthac prehéndero ego te hic, séparabo a téstibus.

PY. Caúsam hau dico. PE. Ěamus intro, Cário. PY.
Seruós meos

Ěccos uideo. Philocomasium iám profectast? díe mihi.

SC. Iám dudum. PY. Hei mihi. SC. Mágis [id] dicas,
sí scias quod égo scio:

Námque illic qui lánam ob oculum habébat nauta nón
erat. 1430

PY. Quís erat igitur? SC. Philocomasio amátor. PY.
Qui tu scís? SC. Scio:

Nám postquam porta éxierunt, níl cessarunt flico
Aúsculari atque ámplexari intér se. PY. Vae miseró
mihi:

Vérba mihi data ésse uideo. scélus uiri Palaéstrio,
Ís me in hanc inléxit fraudem. SC. Iúre factum iú-
dico: 1435

Sí sic aliis moéchis fiat, mínus hic moechorúm siet:
Mágis metuant, minus hás res studeant. PY. Ěamus ad
me. CANTOR. Plaúдите.

METRA HVIVS FABVLAE HAEC SVNT

- V. 1 ad 155 iambici senarii
- 156 ad 353 trochaici septenarii
 - 354 ad 425 iambici septenarii
 - 426 ad 480 trochaici septenarii
 - 481 ad 595 iambici senarii
 - 596 ad 812 trochaici septenarii
 - 813 ad 873 iambici senarii
 - 874 ad 946 iambici septenarii
 - 947 ad 1010 trochaici septenarii
 - 1011 ad 1093 anapaestici septenarii
 - 1094 ad 1136 iambici senarii
 - 1137 ad 1215 trochaici septenarii
 - 1216 ad 1283 iambici septenarii
 - 1284 ad 1310 iambici senarii
 - 1311 ad 1377 trochaici septenarii
 - 1378 ad 1393 iambici senarii
 - 1394 ad 1437 trochaici septenarii.
-

T. MACCI PLAVTI

R V D E N S.

GRAECA DIPHYLV.

ARGVMENTVM.

Retí piscator údulum extraxít mari,
Vbi eránt erilis fíliae crepúndia,
Dominum ád lenonem quae subrepta uénerat.
Ea súipte inprudens ín clientelám patris
Naufrágio eiecta déuenit: cognóscitur
Suóque amico Plésidippo iúngitur.

5

P E R S O N A E.

ARCTVRVS PROLOGVS
SCEPARNIO SERVOS
PLESIDIPPVS ADVLESCENS
DAEMONES SENEX
PALAESTRA MVLIER
AMPELISCA MVLIER
PTOLEMOCRATIA SACERDOS
PISCATORES
TRACHALIO SERVOS
LABRAX LENO
CHARMIDES SENEX
LORARII
GRIPVS PISCATOR
CANTOR.

P R O L O G V S.

A R C T U R V S.

Qui g ntis omnis m riaque et terr s mouet,
 Ei s sum ciuis ciuitate ca litum.
 Ita sum  t uidetis spl ndens stella c ndida,
 Sign m quod semper t mpore exorit r suo
 Hic  tque in caelo. n men Arctur st mihi. 5
 Noct  sum in caelo cl rus atque int r deos,
 Int r mortalis  mbulans int rdius.
 Et  lia signa d  caelo ad terram  ccidunt:
 Quist  mperator d uom atque hominum I ppiter,
 Is n s per gentis [h c] alium alia d sparat, 10
 Homin m qui facta, m res, pietatem  t fidem
 Nosc mus, ut quemque  diuuet opul ntia.
 Qui f lsas lit s f lsis testim niis
 Pet nt quique in iure  biurant pec niam,
 Eor m referimus n mina exscripta  d Iouem. 15
 Cot die ille sc t quis hic quaer t malum.
 Qui hic l tem apisci p stulant peri rio
 Mal , res falsas qui  mpetrant apud i dicem,
 Iterum ille eam rem i dicatam i dicat:
 Mai re multa m ltat qu m litem a ferunt. 20
 Bon s in aliis t bulis exscript s habet.
 Atque h c scelesti [illi] in animum induc nt suum,
 Iouem s  placare p sse donis, h stiis:
 Et  peram et sumptum p rdunt. id eo f t, quia

Nihil éi acceptumst á periuris súpplíci. 25

Facílius síqui píus est a dis súpplícaus
Quam quí scelestust ínueniet ueniám sibi.

Idcírco moneo uós ego hoc, qui estís boni
Quique aétatem agitis cúm pietate et cúm fide :
Retinéte porro, póst factum ut laetémíni. 30

Nunc, húc qua causa uéni, argumentum éloquar.

Primúmdum huic esse nómen urbi Díphílus
Cyrénas uoluit. íllic habitat Daémones

In agro átque uilla próxuma proptér mare,
Senex qui húc Athenis éxul uenit, haú malus. 35

Neque is ádeo propter málitiam patriá caret,
Set dum álios seruat, se ínpediuit ínterim :

Rem béne paratam cómitate pérddít.

Huic filia olim uírgo periit páruola :
Eam dé praedone uír mercatur péssumus : 40

Is eam húc Cyrenas léno aduexit uírginem.

Aduléscens quídam cíuis huius Átticus

Eam uídit ire e lúdo fidicinó domum.

Amáre occepit: ád lenonem déuenit,

Minís triginta sibi puellam déstínat 45

Datque árrabonem et iúreiurando ádligat.

Is léno, ut se aequomst, flócci non fecít fidem

Neque quód iuratus ádulescenti díxerat.

Erát ei hospes pár sui, Siculús senex

Sceléstus Agrigéntinus, urbis próditor : 50

Is illíus laudare ínfít formam uírginis

Et áliarum itidem quae éius erant muliérculae.

Ínfít lenoni suádere, ut secúm semul

Eat ín Siciliam: ibi ésse homines uoluptários

Dicít: ibi eum potéssé fieri díuitem. 55

[Ibi ésse quaestum máximum meretrícibus.]

Persuádet. nauis clánculum condúcitur.
 Quidquíd erat, noctu in náuem conportát domo
 Leno : ádulescenti, qui puellam ab eo émerat,
 Ait sése Veneri uéllé uotum sóluere 60
 (Id híc est fanum Véneris) et eo ad prándium
 Vocáuit adulescéntem huc. ipse hinc flico
 Nauém conscendit, áuehit meretrículas.
 Aduléscenti alii nárrant ut res gésta sit :
 Lenónem abisse. ad pórtum [quom] adulescéns
 uenit,
 Illórum nauis lónge in altum apscésserat. 66
 Ego quóniam uideo uírginem asportárier,
 Tetuli ét [ei] auxiliium et lénoni exitiúm semul :
 Incrépui hibernum et flúctus moui márítimos.
 Nam sígnum Arcturus ómnium sum acérrumum : 70
 Veheméns sum exoriens, quom óccido ueheméntior.
 Nunc ámbo in saxo, léno atque [eius] hospés, semul
 Sedént eiecti : náuis confractást eis.
 Illa aútem uirgo atque áltera itidem ancíllula
 De náui timidae désuluerunt ín scapham. 75
 Nunc eas ab saxo flúctus ad terrám ferunt,
 Ad uíllam illius, éxul qui ibi habitát senex,
 Quoius déturbauit uéntus tectum et tégulas.
 Et séruos illic est éius qui egreditúr foras.
 Aduléscens huc iam aduéniet, quem uidébitis, 80
 Qui illám mercatust dé lenone uírginem.
 Valéte, ut hostes uóstri diffidánt sibi.

A C T V S I.

SCEPARNIO. PLESIDIPPVS (CVM TRIBVS
ADVLESCENTIBVS). DAEMONES.

SC. Pro di inmortales, tēpestatem quòius modi
Neptūnus nobis nócte hac misit próxuma.

Detéxit uentus usllam : quid uerbís opust? 85

Non uéntus fuit, uerum Álcumena Eurípidi:

Ita omnis de tecto déturbauit tégulas:

Inlústriores fécit fenstrasque indidit.

PL. Et uós a uostris ábdūxī negótiis

Neque id processit, quá uos duxi grátia: 90

Nequīui ad portum lēnonēm prehéndere.

Set mēa desidia spēm deserere nólui:

Eo uós, amici, détinui diútius.

Nunc húc ad Veneris fánum uenio uísere,

Vbi rém diuinam sé facturum díxerat. 95

SC. Si sápiam, hoc quod me mántat concinném lu-
tum.

PL. Prope me híc nescio quis lóquitur. DÆ.
Heus, Scepárnio.

SC. Qui nóminat me? DÆ. Quí pro te argentúm
dedit.

SC. Quasi mé tuum esse séruom dicas, Daémones.

DÆ. Luto úsust multo, múltam terram cónfode.

Villam íntegundam intéllego totám mihi: 101

Nam nunc perlucet ea quam cribrum crebrius.

PL. Patér, salueto [tu] amboque adeo. DÆ. Saluos sis.

SC. Set utrum tu masne an femina's, qui illum patrem

Vocés? PL. Vir sum equidem. DÆ. Quaere, uir, porro patrem: 105

Ego filiolam [olim] unam habui, eam unam perdididi. Virile secus numquam illum [ego] habui. PL. At di dabunt.

SC. [Hem,] tibi quidem hercle, quisquis es, magnum malum,

Qui oratione hic occupatos occupes.

PL. Isticine uos habitatis? SC. Quid tu id quaeritas? 110

An quo furatum uenias uestigas loca?

PL. Peculiosum esse addcet seruom adprobe, Quem ero praesente [hau] praetereat oratio, Aut qui inclementer dicat homini libero.

SC. Et impudicum et impudentem hominem addcet, 115

Molestum ultro aduenire ad alienam domum, Quoi debeat níl. DÆ. Tace, Scepárnio.

Quid opus, adulescens? PL. Istic infortunium, Qui praefestinet ubi erus adsit praeloqui.

Set nisi molestumst, paucis percontarier 120

Volo ego ex te. DÆ. Dabitur opera, atque in negotio.

SC. Quin tu in paludem is exicasque harundinem, Qui pertegamus uillam, dum sudumst. DÆ. Tace.

Tu siquid opus est dice. PL. Dic quod te rogo:

Ecquem tu hic hominem crispum, incanum uideris,

Malúm, periurum, pálpatozem. DÆ. Plúrumos: 126
 Nam própter eius modi égo uiros uiuó miser.

PL. Hic díco, in fanum Véneris qui muliérculas
 Duas sécum adduxit quíque adornarít sibi

Vt rém diuinam fáciat, aut hodie aút heri. 130

DÆ. Non hércle, adulescens, iam hós dies con-
 plúsculos

Quemquam ístic uidi sácrificare: néque potest

Clam mé esse, siqui sácrificat. sempér petunt

Aquam hínc aut ignem aut uáscula aut cultrum aút
 ueru

Aut aúlam extarem aut áliquid: quid uerbís opust?

Venerí paraui uása et puteum, nón mihi. 136

Nunc ínteruallum iam hós dies multós fuit.

PL. Vt uérba praehibes, mé perisse praédicas.

DÆ. Meá quidem hercle caúsa saluos sís licet.

SC. Heus tú, qui fana uéntris causa círcumís, 140

Iubére meliust prándium ornarí domi.

Fortásse tu huc uocátus es ad prándium:

Ille qui uocauit, núllus uenit? PL. Ád modum.

SC. Núllúmst periclum te hínc ire inpransúm do-
 mum.

Cererém te meliust quám Venerem sectárier: 145

Amóri haec curat, trítico curát Ceres.

PL. Delúdicauit mé ille homo indignís modis.

DÆ. Pro di ínmortales, quíd illuc est, Scepárnio,

Hominúm secundum lítus? SC. Vt mea opínioست,

Proptér uiam illi súnt uocati ad prándium. 150

DÆ. Qui? SC. Quía post cenam, crédo, lauerúnt
 heri:

Confrácta nauis ín marist illís. DÆ. Itast.

SC. At hércle nobis uílla in terra et téglulae.

DÆ. Hui,

Homínculi quanti éstis: eiekti út natant. 155

PL. Vbi súnt ei homines, ópsecro? DÆ. Hac ad
déteram:

Vidén secundum lítus? PL. Video: séquimini.

Vtinam ís sit quem ego quaéro, uir sacérnumus.

Valéte. SC. Si non móneas, nosmet méminimus.

Set ó Palaemon, sáncte Neptuní comes, 160

[Qui Herculis socius esse diceris]

Quod fácinus uideo? DÆ. Quíd uides? SC. Mu-
liérculas

Videó sedentis ín scapha solás duas.

Vt ádflictantur míserae. euge, euge, pérbene,

Ab sáxo auortit flúctus ad lítis scapham. 165

Nequé gubernator úmquam potuit [réctius].

Non uídisse undas mé maiores cénseo.

Saluaé sunt, si illos flúctus deuitáuerint.

[Nunc nunc periculumst: eiecit alteram.]

Viden álteram illam ut flúctus eiecit foras? 170

At ín uadost: iam fácte enabit. eúgepae:

Saluást: euasit éx aqua: iam in lítores.

Desúluit haec autem áltera ad terram é scapha.

Vt praé timore in génua in undas cóncidit.

Surréxit: horsum sí capessit, sálua rest: 175

Set déxtrouorsum auórsa it in malám crucem.

Hem,

Errábit illaec hódie. DÆ. Quid id refért tua?

SC. Si ad sáxum, quo capéssit, ea deorsúm ca-
dit,

Errátionis fécerit compéndium. 180

DÆ. Si tú de illarum cénaturus uéspéri's,

Illís curandum cénseo, Scepárnio:

Si aput méd essuru's, míhi dicari operám uolo.

SC. Bonum aéquomque oras. DÆ. Séquere me
hac ergó. SC. Sequor.

P A L A E S T R A.

Nímio [pol] hominúm fortunae mínus [multo] miserae
memorantur 185

* * * * éxperiundo is dátur acerbum * * * *

Hóc deo conplácitumst, med hoc órnatu ornatam ín re-
giones

[Ésse] incertas tímídam eíctam? hancíne ego ad rem
nátam miseram

[Mé] memorabo? hancíne ego partem cápíó ob pietatém
praecipuam?

Nam hoc mi haú sit labóri labórem hunc potíri, 190

Si me érga paréntis aut dèos inpiárim:

Set id si paráte curáui ut cauérem,

Tum mi hóc indecóre, inmodéste datís di.

Nam quíd habebunt pósthac [insígne] inpií,

Si ad hunc modumst honós aput uos ínnoxíis? 195

Nam mé si fecísse aut paréntis sciám

Sceléste, mínus [nunc] me míserer.

Set erí me sollicitát scelus, eius mé habet inpietás male:

Is ómnia perdidit ín mari: haec eius súnť bonorum réli-
quiae.

Éťiam quae uécta mecum ín scaphast semul, 200

[Flúctuom ui] éxcidit: égo nunc sola sum.

Quae mi si sálua saltém foreť, labos

Lénior ésset hic èius opera mihi.

Nunc quám spem aut opem aut consilí quíd capéssam

Ita híc [sola] sólis locís conpotíta? 205

Hic sáxa sunt, hic máre sonat, nec mi óbuiam homo quis-
quám uenit.

Hóc quod indúta sum súmmae opes óppido:

Néc cibo néc loco técta quo sim scio.

Quaé mihist spés qua me úuere uelím?

Néc loci gnára sum nédum híc [umquám] fui. 210

Sáltem [ego] aliquém uelim quí mihi ex his locis

Aút uiam aut sémitam mónstret: ita núnc

Hác an illác eam, incérta [sum] cónsili:

Néc prope usquam híc quidem cúltum agrum cón-
spicor.

Álgor, errór, pauor [mémбра] mi omnia tenent. 215

Haéc hauscitis, mēi parentes, mé nunc miseram ita ésse
utí sum:

Líbera ego prognáta fui máxume, nequíquam fui.

Numquí minus [nunc] séruio, quam sí forem serua-
náta?

Neque quícquam umquam is [id] prófuit, qui [mé] sibi
eduxérunt.

AMPELISCA. PALAESTRA.

AM. Quid mihi meliust, quíd magis in remst, quám cor-
pore uitam út secludam? 220

Íta male uiuo atque íta mi multae in pectore sunt curae
éxanimales:

Íta res [sordent]: uítae hau parco: pérdidi spem qua me
óblectabam.

Ómnia iam circúmcursauí atque ómnis latebras pérrep-
tauí

Quaérere conseruám uoce, oculis, aúribus, ut peruéstigarem.

Néque eam usquam inuenió neque quo eam néque quaquaeram [eám] consultumst, 225

Néque quem rogitem résponsorem quémquam interea [hic hóminem] inuenio.

Néc magis solae térrae solae súnť quam haec sunt loca atque haé regiones.

Néque si uiuit eám uiua umquam quín [uiuam] inueniám desistam.

PA. Quóia prope me hic uóx sonat? AM. Pertímui, quis loquitúr prope?

PA. Bona Spés, opsecró, 230
Subuénta mihi.

AM. Múlier est, múliebris uóx ad aurís mihi
Vénit: [tune] éximes míseram [me] ex hóc metu?

PA. Céрто uox múliebris tétigit aurís meas:
Num Ámpelisca ópsecrost? AM. 'Tén, Palaestra, 235
aúdio?

PA. Quín uoco, ut me aúdiat, nómine illám suo?
Ámpelisca. AM. Hém, quis est? PA. Égo. AM.
Palaestráne? PA. Sum.

AM. Díc ubi's? PA. Pól ego nunc ín malis plúrumis.

AM. Sócia sum néc minor párs meast quám tua.

Sét uidere éxpeto té. PA. Mihi's aémula. 240

AM. Cónsequamúr gradu uócem: ubi's? PA. Écce
me:

Áccede ad me átque adi cónta. AM. Fit sédulo.

PA. Cédo manum. AM. Áccipe. PA. Víuin? dic
ópsecro.

AM. Tú facis mé quidem uíuere ut núnc uelim,
Quóm mihi té licet tángere. ut uíx mihi 245

Crédo ego hoc, té tenere. ópsecro, ampléctere,
Spés mea: ut me ómnium iám laborúm leuas.

PA. Óccupas praéloqui, quae mist orátio.

Núnc abire hinc decet nós. AM. Quo amabo íbimus?

PA. Lítus hoc pérsequamúr. AM. Sequor quó lubet.

PA. Sícine hic cum úuida uéste grassábimur? 251

AM. Hóc quod est íd necessáriumst pérpeti.

Sét quid hoc opsecróst? PA. Quid [est]? AM. Vi-
désne amabo hoc fánum? PA. Vbist?

AM. Ad dexteram. PA. Videór decorum díis locum tué-
rier.

AM. Hau lónge abesse opórtet homines hinc: ita hic
lepidúst locus. 255

[Quísquis] deus est, uéneror ut nos éx hac aerumna
éximat,

Míseras, inopes, aérumnosas áliquo ut auxilio ádiuuet.

SACERDOS. PALAESTRA. AMPELISCA.

SA. Qui súnť, qui a patróna precés mea expetés-
sunt?

Nam uóx me precántum huc forás excitáuit.

Bonam átque opsequéntem deam átque haut gra-
uátam 260

Patrónam execúntur beníguamque múltum.

PA. Iubémus te sáluere, máter. SA. Saluéte,

Puélłae. set únde [huc]

Íre uos cum úuida uéste dicam, ópsecro,

Tam maéstiter uestítas? 265

PA. Ílico hinc ímus hau lóngule ex hóc loco:

Vérum longe hinc abest, únde aduectae húc sumus.

SA. Némpe equo líneo pér uias caérulas

PLAUTVS I.

14

Éstis uectae? PA. Ád modum. SA. Ergo aéquius
uós erat

Cándidatás uenire hóstiatásque: ad hoc 270

Fánum ad istúnc modum nón ueniri solet.

PA. Quáene eiectae é mari símus ambae, ópsecro,

Únde nos hóstias ágere uoluísti huc?

Núnc tibi ampléctimur génua egentés opum,

Quae ín locis nésciis néscia spé sumus, 275

Út tuo récipias técto seruésque nos,

Míseriarúmque te ambárum uti mísereat,

Quibús nec locúst ullus néc spes paráta,

Neque hóc quod uidés ampliús nobis quícquamst.

SA. Manús mihi date, éxurgite á genibus ámbae:

Miséricordiór nulla mést feminárum. 281

Set haéc pauperés sunt, inopés res, puéllae:

Egomét uix [meam] uítam coló: Veneri cibo

Meó seruió. AM. Veneris fánum, ópsecro, hóc est?

SA. Fatébor: ego huiús clueo fáni sacérdos. 285

Verúm quidquid ést comitér fiet á me,

Quoad cópia ualébit.

Ite hác mecum. PA. Amíce benigneque honórem,

Máter, nostrum habés. SA. Oportet.

A C T V S II.

PISCATORES.

Omnibus modis qui pauperes sunt homines miseri
vivunt, 290

Praesertim quibus nec quaestus est nec artem didi-
cere illam.

Necessitate quidquid est domi id sat est habendum.

Nos iam de ornatu propemodum ut locupletes simus
scitis.

Hisce hami atque haec harundines sunt nobis quaestu
et cultu.

Cotidie ex urbe ad mare huc prodimus pabulatum. 295

Pro exercitu gymnastico et palaestrico hoc habemus:

Echinos, lopadas, ostreas, balanos captamus, conchas,

Marinam urticam, musculos, plagusias striatas.

Post id piscatum hamatilem et saxatilem adgredimur,

Cibum captamus e mari. si eventus non evenit 300

Neque quicumque captumst piscium, salsi lautique
pure

Domum redimus clanculum, dormimus incenati.

Atque ut nunc ualide fluctuat mare, nulla nobis spes
est:

Nisi quid concharum capsimus, cenati sumus profecto.

Nunc Venerem hanc ueneremur bonam, ut nos lepide
adiuerit hodie. 305

TRACHALIO. PISCATORES.

TR. Animum áduorsauí sédulo, ne erum úsquam
praeterírem:

Nani quóm modo exhibát foras, ad pórtum se aibat íre:
Me huc óbuiam iussít sibi ueníre ad Veneris fánum.

Set quós perconter cómmode eccos uídeo astare:
adíbo.

Saluété fures máritumi, conchítæ atque hamiótæ, 310
Famélica hominum nátio. quid ágitis? ut perítis?

PI. Vt píscatorem aequómst, fame sitíque speque.
TR. Ecquémnam

[Hodie] ádulescentem strénua facié, rubicundum, fór-
tem,

[Ingénuom,] dum hic astátis [uos], uidístis huc uenire,
Qui trís secum homines dúceret chlamydátos cum
machaéris? 315

PI. Nullum ístac facié, ut praédicas, uenísse huc sci-
mus. TR. Écquem

Recáluom ac siloném senem, statútum, uentriósum,
Tortís superciliís, contracta frónte, frauduléntum,
Deorum ódium atque hominum, málum, mali uítí pro-
brique plénum,

Qui dúceret muliérculas duas sécum satis uenústas?

PI. Cum istiús modi uirtútibus operísque natus qui
sit, 321

Eum quidem ád carnuficemst aéquius quam ad Véné-
rem conmeáre.

TR. At sí uidistis, dícite. PI. Huc profécto nullus
uénit.

Valé. TR. Valeté. crédidi: factúmst quod suspi-
cábar:

Data uérba ero sunt: léno abit sceléstus exulátum. 325
In náuem ascendit, múlieres auéxit: ariolús sum.

Is húc erum etiam ad prándium uocáuit, sceleris
sémen.

Nunc quíd mihi meliust, quam sílico hic [ut] erum óppe-
riar dum uéniat?

Eadem [ópera], Veneria haéc sacerdos síquid ampliús
scit,

Si uídero, exquisíuero: faciét me certiórem. 330

AMPELISCA. TRACHALIO.

AM. Intéllego: hanc quae próxuma [hic] est uílla Ve-
neris fáno

Pulsáre iussisti átque aquam rogáre. TR. Quoiá ad
aúris

Vox mi áduolauit? AM. Ópsecro, hic quis lóquitur?
quem ego uídeo?

TR. Estne Ámpelisca haec, quae foras e fáno egredi-
tur? AM. Éstne hic

Trachálio, quem cónspicor, calátor Plesidíppi? 335

TR. Eást. AM. Is est: Trachálio, salué. TR. Salue,
Ámpelísca:

Quid tú agis? AM. Aetatem haú malam male. TR.
Mélius omináre.

AM. Verum ómnis sapientís decet conférre et fa-
bulári.

Set Plésidippus túus erus ubi amábost? TR. Heia
uéro,

Quasi nón sit intus. AM. Néque pol est neque húc
quidem ullus uénit. 340

TR. Non uénit? AM. Vera praédicas. TR. Non
ést meum, Ampelísca.

Set quám mox coctumst prándium? AM. Quod prán-
dium, opsecró te?

TR. Nempe rém diuinam fácitis hic? AM. Quid
sómnia, amábo?

TR. Certe húc Labrax ad prándium uocáuit Plési-
dippum,

Erum méum erus uoster. AM. Édepol hau miránda
facta dícis: 345

Si dèos decepit ét homines, lenónum more fécit.

TR. Non rém diuinam fácitis hic uos néque erus?
AM. Arioláre.

TR. Quid tú agis igitur? AM. Éx malis multís me-
tuque súmmo

Capitálique ex pérículo orbas aúxiliqúe opúmque huc
Recépít ad se Véneria haec sacérdos me et Palaé-
stram. 350

TR. An híc Palaestrast, ópsecro, erí mei amica? AM.
Cérto.

TR. Inést lepos in núntio tuo mágnus, mea Ampe-
lísca.

Set istúc periclum pérubet quod fúerit uobis scíre.

AM. Confráctast, mi Trachálio, hac nócte nauis nóbis.

TR. Quid, náuis? quae istaec fábulast? AM. Non
aúdiuisti, amábo, 355

Quo pácto leno clánculum nos hínc auchere uóluit

In Síciliam et quidquíd domi fuit ín nauem inposuit?

Ea núnc perierunt ómnia. TR. O Neptúne lepide,
sálue:

Ne te áleator núllus est sapiéntior. profécto

Nimis lépide iecistí bolum: períúrum perdidísti. 360

Set nunc ubist lenó Labrax? AM. Periít potando,
opínor:

Neptúnus magnis póculis hac nócte eum inuitáuit.

TR. Credo hércle, anancaeó datum quod bíberet. ut
ego amó te,

Mea Ámpelisca: ut dúlcis es: ut múlta dicta dícis.

Set tu ét Palaestra quó modo saluae éstis? AM. Sci-
bis fáxo. 365

[De] náui timidæ ambæ ín scapham insulúimus, quia
uidémus

Ad sáxa nauem férrier: properáns exolui réstem,
Dum illí timent. nos cúm scapha tempésta dextro-
uórsum

Différt ab illis. itaque nos uentísque fluctibúsque
lactátae exemplis plúrumis miseraé perpetuam nó-
ctem 370

* * * * *

Vix hódie ad litus pértulit nos uéntus exanimátas.

TR. Nouí, Neptunus ita solet: quamús fastidiósus
Aedílis est: siquæ ínprobæ sunt mérces, iactat
ómnis.

AM. Vae cápiti atque aetati tuæ. TR. Tuó, mea
Ámpelísca. 375

Sciúí lenonem fácere istuc quod fécit: saepe díxi.

Capíllum promittam óptimumst, occúpiamque ariolári.

AM. Cauístin ergo tu átque erus ne abíret, quom
scibátis?

TR. Quid fáceret? AM. Si amabát, rogas quid fáce-
ret? adseruáret

Dies nóctisque: in custódia esset sémper. uerum
ecástor 380

Vt múlti fecit: ita probe curáuit Plesidíppus.

TR. Quor tu istuc dicis? AM. Rés palamst. TR. Scin
tu? étiam qui it lauátum

In bálineas, quom ibi sédulo sua uestimenta séruat,
'Tam súbrupiantur: quippe qui quem illórum op-
seruat fásust:

Fur fáciie quem opseruát uidet: custós qui fur sit
néscit. 385

Set dúce me ad illam: ubíst? AM. I sane in Véneris
fanum huc íntro:

Sedéntem flentemque ópprimes. TR. Vt iam istuc
mihi moléstumst:

Set quíd flet? AM. Ego dicám tibi: hoc sése excru-
ciat ánimi,

Quia léno ademit cístulam ei, quam habébat ubique
habébat

Qui sũos parentis nóscere potésset: eam uerétur 390
Ne péríerit. TR. Vbinam éa fuit cistéllula? AM.
Ibidem in náui:

Conclúsit ipse in uídulum, ne cópia esset éius
Qui sũos parentis nósceret. TR. O fácinus inpudí-
cum,

Quam liberam esse opórteat, seruíre postuláre.

AM. Nunc èum cum naui scílícet abísse pessus in
áltum. 395

Et aúrum et argentúm fuit ibidéum lenonis ómne.

TR. Credo áliquem inmersisse átque eum excepísse.

AM. Id misera maéstast,

Sibi eórum euenisse ínopiam. TR. Iam istóc magis
usus fáctost,

Vt eam íntro consolérque eam, ne síc se excruciet
ánimi.

Nam múlta praeter spém scio multís bona euenísse. 400

AM. At ego étiam, qui speráuerint spem décepiſſe
múltos.

TR. Ergo ánimus aequos óptimumst aerúmnae con-
diméntum.

Ego eo íntro, niſi quid uís. AM. Eas. ego quód mihi
imperáuit

Sacérdos id faciam átque aquam hinc de próxumo ro-
gábo.

Nam extémplo, ſi uerbis ſuis peterém, daturós díxit.
Neque dígníorem cénſeo uidíſſe anum me quém-
quam, 406

Quoi dēos atque homines cénſeam bene fácere magis
decére.

Vt lépide, ut liberáliter, ut honéſte atque haut gra-
uáte

Timidás, egentis, úuidas, eiéctas, exanimátas

Accépit ad ſeſe: haú ſecus quam ſi éx ſe ſimus ná-
tae. 410

Vt eáſſe [modo] ſuccínta aquam calefáctat, ut lau-
mus.

Nunc, né morae illi ſím, petam hinc aquam, únde mi
imperáuit.

Heus, écqui in uíllaſt? écquis hoc reclúdit? ecquis
pródit?

SCEPARNIO. AMPELISCA.

SC. Quíſt qui noſtris tám proterue fóribus facit in-
iúriam?

AM. Égo ſum. SC. Hem, quid hoc boníſt? eu,
edepol ſpécie lepida múlíerem. 415

AM. Sálue, adulescens. SC. Ét tu multum sálueſto,
aduleſcéntula.

AM. Ád uos uenio. SC. Accípiam hospitio, sí mox
uenies uéſperi,

Ítem ut adfectam: nám nunc nihil est quí te mane
múliſerem

* * * * *

Sét quid ais, mea hílara, lepida? AM. Ah, nímium
familiáriter 420

Me áttrectas. SC. Pro di ínmortales, Véneris ecſi-
gia haéc quidemst.

Vt in ocellis hílaritudost: héia, corpus quòius modi:
Súuolturiumst, illut quidem 'subáquilum' uolui
dícere.

Vél papillae quòius modi: tum quae índoles in sá-
uiost.

AM. Nón ego sum pollúcta pago: pótin ut me aps-
tineás manum? 425

SC. Nón licet te síc placidule béllam belle tángere?

* * * * *

* * * * *

AM. Ótium ubi erit, tùm tibi operam lúdo et deli-
ciaé dabo.

Núnc, quam ob rem huc sum miſſa, amabo uél tu
mi aias uél neges. 430

SC. Quid nunc uis? AM. Sapiénti ornatus quíd
uelim indiciúm facit.

SC. Méus quoque hic sapiénti ornatus quíd uelim
indiciúm facit.

AM. Haéc ſacerdos Véneris petere hinc iúſſit me
a uobís aquam:

* * * * *

SC. Át ego basilicús sum: quem nisi óras, guttam
nón feres. 435

Nóstro illum puteúm periclo et férramentis fódimus.
[Nisi multis blandítiis a me gúttá non ferrí potest.]

AM. Quór tu aquam grauáre amabo, quam hóstis
hosti cómmodat?

* * * * *
SC. Quór tu operam grauáre mihi, quam cíuis ciui
cómmodat? 440

AM. Ímmo etiam tibi, méa uoluptas, quae uoles fa-
ciam ómnia.

SC. Eúgepae, saluós sum: haec iam me suam uolup-
tatém uocat.

Dábitur tibi aqua, né nequiquam mé ames. cedo mi
urnám. AM. Cape:

Própera amabo ecférre. SC. Manta: iam híc ero,
uoluptás mea.

* * * * * 445
* * * * *

AM. Quid sacerdotí me dicam [esse] híc moratam
tám diu?

* * * * *
Vt etiam nunc mísera timeo, ubi óculis intueór mare.

Set quíd ego mísera uídeo procul in lítore? 450

Meum erúm lenonem Síciliensemque hóspitem,

Quos périisse ambos mísera censebam ín mari.

Iam plús mali illut nóbis uiuit quám ratae.

Set quíd ego cesso fúgere in fanum ac dícere haec

Palaéstrae, in aram utí confugiamús prius 455

Quam scélus huc leno uéniat nosque híc ópprimat?

Confúgiam hinc: ita res súppetit subitó [mihi].

SCEPARNIO.

Pro di immortales, in aqua numquam credidi
 Voluptatē inesse tantam: ut hanc traxi lubens.
 Nimiō minus altus puteus uisust quā prius. 460
 Vt sine labore hanc extraxi: praefiscine,
 Satin nequam sum, utpote qui hodie amare incē-
 perim?

En tibi aquam, mea tu bellula: hem, [eam] sic uolo
 Te ferre honeste, ut ego fero: ut placeas mihi.
 Set ubi tu's delicata? cape aquam hanc sis. ubi's?
 Amat hercle me, ut ego opinor: delituit mala. 466
 Vbi tu's? etiamne hanc urnam acceptura's? ubi's?
 Commōdū ludis. tandem uero serio.

Etiam acceptura's urnam hanc? ubi tu's gentium?
 Nusquam hercle equidem illam uideo: ludos me
 facit. 470

Adponam hercle urnam iam ego hanc in mediā uia.
 Set autem quid si hanc hinc apstulerit quispiam
 Sacram urnam Veneris? mi exhibeat negotium.
 Metuo hercle ne illa mulier mi insidiās locet,
 Vt cōprehendar cūm sacra urna Veneria. 475

Nempe optumo [me] iure in uinculis enicet
 Magistrātus, siquis me hanc habere uiderit.
 Nam haec literatast: ēapse cantat quōia sit.
 Iam hercle euocabo hinc hanc sacerdotēm foras,
 Vt hanc accipiat urnam. accedam huc ad foris. 480
 Heus, Ptólemocratia, cape sis hanc urnam tibi:
 Muliercula hanc nescio quae huc ad me detulit.
 Intró ferundast. répperi negotium,
 Si quidem mihi ultro his adgerunda etiāst aqua.

LABRAX. CHARMIDES.

LA. Qui homo [ésse] sese míserum et mendicúm uolet,
Neptúno credat sése atque aetatém suam: 486

Nam síquis cum eo quíd rei commísceat,
[Eum] ad hóc exemplum amíttit ornatúm domum.
Edepól Libertas lépida's, quae numquám pedem
Voluísti in nauem mécum hercle una inponere. 490

Set úbi ille meus est hóspes qui me pérdidit?
Atque éccum incedit. CH. Quó malum properás, La-
brax?

Nam equidém te nequeo cónsequi tam strénue.

LA. Vtinám [tu] prius quam te óculis uidissém meis
Maló cruciatu in Sícilia perbítteres, 495

Quem própter hoc mihi óptigit miseró mali.

CH. Vtinam [égo], quom in aedis me ad te adduxísti
[tuas],

In cárcere illo pótius cubuissém die:

Deosque inmortalis quaéro, dum uiuás, uti
Omnís tui similis hóspites habeás tibi. 500

LA. Malám Fortunam in aedis te adduxí meas.

Quíd míhi scelestó tibi erat auscultátio?

Quídue hínc abitio? quídue in nauem inscénsio?

Vbi pérdidi etiam plús boni quam míhi fuit.

CH. Pol mínime miror, náuis sí fractást tibi, 505
Scelus te ét sceleste pártá quae uexít bona.

LA. Pessúm dedísti blándimentis mé tuis.

CH. Sceléstiozem cénam cenauí tuam

Quam quae Thyestaest ánteposita et Téreo.

LA. Perii, ánimo male fit. cóntine quaesó caput. 510

CH. Pulmóneum edepol nímis uelim uomitúm uomas.

LA. Eheú, Palaestra atque Ámpelisca, ubi éstis nunc?

CH. Piscibus in alto crédo praehebent pábulum.

LA. Mendícitatem mi óptulisti operá tua,

Dum tũis ausculto magnídicis mendáciis. 515

CH. Bonámst quod habeas grátiam meritó mihi,
Qui te éx insulso sálsum feci operá mea.

LA. Quin tu hínc is a me in máxumam malám crucem.

CH. Eás: easque rés agebam cómmodum.

LA. Eheú, quis uiuit mé mortalis míserior? 520

CH. Ego múlto tanto míserior quam tú, Labrax.

LA. Qui? CH. Quía ego indignus súm, tu dignu's
qui sies.

LA. O scírpe, scirpe, laúdo fortunás tuas,
Qui sémper seruas glóriam aritúdinis.

CH. Equidém me ad uelitátionem exerceo: 525

'Nam omnía corusca praé tremore fábulor.

LA. Edepól, Neptune, es bálineator frígídis:
Cum uéstimentis póstquam a ted abii, álgeo.

Nc thérnopoliúm quidem ullum [ille] ínstruit:

Ita sálsam praehibet pótionem et frígídam. 530

CH. Vt fórtunati sũnt fabri ferrárii,
Qui apút carbones ádsident: sempér calent.

LA. Vtinám fortunam núnc [ego] anatinam úterer,
Vtí, quom exiuissem éx aqua, arerém tamen.

CH. Quid, si áliquo ad ludos mé pro manducó lo-
cem? 535

LA. Quaprópter? CH. Quia pol cláre crepito dén-
tibus.

[Set] óptumo me iúre elauisse árbitror.

LA. Qui? CH. Quínc auderem técum in nauem
ascéndere,

Qui a fúndamento mi úsque mouistí mare?

LA. Tibi aúscultaui: tú promittebás mihi 540

Illi esse quaestum máximum meretrícibus :

Ibi mé conruere pósse aiebas dítias.

CH. Iam póstulabas te, ímpurata hélua,

Totám Siciliam déuoraturum ínsulam.

LA. Quae nám balaena mèum uorauit uidulum, 545

Aurum átque argentum ubi ómne compactúm fuit ?

CH. Eadem illa credo quae meum marsúpium,

Quod plénium argenti fúit in saccipério.

LA. Eheú, redactus sum úsque ad unam hanc túni-
culam

Et ad hóc misellum pállium: perií oppido. 550

CH. Vel cónsociare míhi quidem tecúm licet:

Aequás habemus pártis. LA. Saltem sí mihi

Muliérculae essent sáluae, spes aliquaé forent.

Nunc sí me adulescens Plésidippus uíderit,

Quo ab árrabonem pró Palaestra accéperam, 555

Is éxhibebit híc iam mihi negótium.

CH. Quid, stúlte, ploras? tíbi quidem edepol có-
piast,

Dum língua uiuet, quí rem soluas ómnibus.

SCEPARNIO. LABRAX. CHARMIDES.

SC. Quid illuc opsecró negotist, quód duae muliér-
culae

Híc in fano Véneris signum fléntes amplexaé tenent, 560

Néscio quem metuéntes miserae? nócte hac uero
próxima

Sé iactatas átque eiectas hódie esse aiunt é mari.

LA. Ópsecro hercle, aduléscens, ubi istae súnť quas
memoras múlieres?

SC. Híc in fano Véneris. LA. Quot sunt? SC. Tóti-
dem quot ego et tú sumus.

LA. Némpe meae? SC. Nempe néscio istuc. LA. Quá
sunt facie? SC. Scítula: 565

Vél ego amare utrámuis possim, sí probe adpotús siem.

LA. Némpe puellae? SC. Némpe molestus: í, uise [in-
tro], sí lubet.

LA. Měas oportet íntus esse híc múlieres, mi Chár-
mides.

CH. Iúppiter te pérdat, et si súnt et si non súnt tamen.

LA. Íntro rumpam iam húc in Veneris fánum. CH. In
barathrum máuelim. 570

Ópsecro, hospes, dá mihi aliquid úbi condormiscám
loci.

SC. Ístic ubi uis condormisce: némo prohibet, púp-
licumst.

CH. Át uides me, ornátus ut sim uéstimentis úuidis.

Récipe me in tectúm, da mihi uestímenti aliquid áridi,
Měa dum arescunt: ín aliquo tibi grátiam referám loco.

SC. Tégyillum eccillút mihi unum áret: id si uís, dabo. 576

Ěodem amictus, ěodem tectus ésse soleo, sí pluit.

Tú istaec mihi dato: éxarescent fáxo. CH. Eho, an te
paénitet,

Ín mari quom [hac nóctu] elauí, ne híc in terra iterum
éluam?

SC. Éluas tu an éxungare, cíccum non intérdum. 580

Tíbi ego numquam crédam quicquam nísi si accepto
pígnore.

Tú uel suda uél peri algu uél tu aegrota uél uale.

Bárbarum hospitém mi in aedis níl moror: sat lí-
tiumst.

CH. Iámne abis? uenális illic dúctitauit, quísqvis est:

Nón est misericórs. set quid ego hic ásto infelix úui-
 dus? 585

Quín abeo hinc in Véneris fanum, ut édormiscam hanc
 crápulam,

Quám potaui [hoc nóctis] praeter ánimi [mei] senténtiam?

Quási uinis Graecís Neptunus nóbis suffudít mare,

ítaque aluom prodí sperauit nóbis salsis póculis.

Quíd opust uerbis? si ínuitare nós paulisper pérgeret,

Íbidem obdormissémus: nunc uix úuos amisít do-
 mum. 591

Núnc lenonem quíd agit íntus úlsam, conuiuám meum.

A C T V S III.

D A E M O N E S.

Miris modis di lúdos faciunt hóminibus :
[Mirisque exemplis somnia in somnis danunt.]
Ne dórmientis quidem sinunt quiéscere. 595
Velút ego hac nocte quae processit próxuma
Mirum atque inscitum sómniaui sómnium.
Ad hirúndininum nídum uisast símia
Ascénsionem ut fáceret admolírier :
Neque eas eripere quíbat inde. póstibi 600
Vidétur ad me símia adgredírier,
Rogáre scalas út darem utendás sibi.
Ego ad hóc exemplum símiae respóndeo,
Natás ex Philomela atque ex Progne esse hirúndines.
Ago cum illa, nequid nóceat meis populáribus. 605
Atque illa nimio iám fieri ferócior :
Vidétur ultro míhi malum minitárier.
In iús uocat med. íbi ego nescio quó modo
Irátus uideor médiam arripere símiam :
Conclúdo in uincla béstiam nequíssumam. 610
Nunc quam ad rem dicam hoc áttinere sómnium,
Numquam hódie quiui ad cóniecturam euádere.
Set quíd hoc in Veneris fáno meae uiciniae
Clamóris oritur ? ánimus miratúr meus.

TRACHALIO. DAEMONES.

TR. Pró Cyrenensés populares, uóstram ego inploró
 fidem, 615
 Ágricolae, adcolaé propinqui qui éstis his regiónibus,
 Féрте opem inopiae átque exemplum péssumum pessúm
 date.

Víndicate, ne ínpiorum pótiór sit polléntia
 Quam innocentum, qui se scelere fferi nolunt nóbilis.
 Státuite exemplum ínpudenti, dáte pudori praémium : 620
 Fácite hic lege pótiús liceat quám ui uicto uíuere.
 Cúrrite huc in Véneris fanum, uóstram iterum inploró
 fidem,

Quí prope hic adéstis quique audítis clamorém meum.
 Féрте suppetiás qui Veneri Véneriaequae antístitiae
 Móre antiquo in cústodelam sùm commiserúnt caput.
 Praétorquete iniúriac prius cóllum quam ad uos pér-
 uenat. 626

DÆ. Quid istuc est negóti? TR. Per ego haec génua
 te optestór, senex,
 Quísquis es... DÆ. Quin tu érgo omitte génua et quid
 sit mi éxpedi,
 [Quór] tumultués. TR. Teque oro et quaéso, si sperás
 tibi

Hóc anno multúm futurum sírpe et laserpícium 630
 Éamque euenturam éxagogam Cápuam saluam et só-
 spitem,

Átque ab lippitúdine usque síccitas ut sít tibi . . .

DÆ. Sánun es? TR. Seu tibi confidis fóre multam
 magúdarim,

Vt te ne pigeát dare operam míhi quod te orabó, se-
 nex.

DÆ. Át ego te per crúra et talos térgumque optestór
tuum, 635

Sí tibi ulmeám futuram spéres uirgidémiam
Ét tibi euentúram hoc anno úberem messém mali,
Vt mi istuc dicás negoti quíd sit, quor tamúltues.

TR. Quí lubet maledícere? equidem tibi bona optauí
ómnia.

DÆ. Béne equidem tibi díco, qui te dígna ut eueniánt
precór. 640

TR. Ópsecro, hoc praeuórtere. DÆ. Ergo quíd ne-
gotist? TR. Múlieres

Duae innocentes íntus hic sunt, tui indigentes aúxili,
Quíbus aduorsum iús legesque hic ínsignite iniúria
Fáctast fitque in Véneris fano. túm sacerdos Véneria
Índigne adffictátur. DÆ. Quis homost tánta confidéntia,
Quí sacerdotem aúdeat uioláre? set eae múlieres 646
Quaé sunt? aut quid ís iniqui fit? TR. Si das operam,
éloquar.

Véneris signum súnť amplexae: núnc homo audacíssu-
mus

Éas deripere uólt. eas ambas ésse oportet líberas.

DÆ. Quís istic est, qui dēos tam paruí péndit? paucis
éxpedi. 650

TR. Fraúdis, sceleris, párricidi, périuri pleníssumus,
Légirupa, inpudéns, impurus, ínuerecundíssumus:
Vno uerbo apsóluiam, lenost: quid illum porro praé-
dicem?

DÆ. Édepol infortúnio hominem praédicas doná-
bilem.

TR. Quí sacerdotí scelestus faúcis interprésserit. 655

DÆ. Át malo cum mágno suo hercle fécit. ite istinc
foras,

Túrbalio, Sparáx: ubi estis? **TR.** I ópsecro intro, súb-
ueni

Íllis. DÆ. Iterum autem imperabo? séquimini hac.

TR. Age núnc iam,

Iúbe oculos elídere, itidem ut sépiis faciúnt coquí.

DÆ. Prórípíte hominem pédibus huc itidém quasi occi-
sám suem. 660

TR. Aúdio tumúltum: opinor, léno pugnis péctitur.

Nímis uelim inprobíssumo hominí málas edentáuerint.

Sét eccas ipsae huc égrediuntur tímidae e fano mú-
lieres.

PALAESTRA. AMPELISCA. TRACHALIO.

PA. Núnc id est, quom ómnium cópiarum átque
opum,

Aúxili, praésidi úduitas nós tenet. 665

[Núlla spes] néc uiaſt quae salutem ádferat,

[Nec scímus quam in] pártem ingredí persequá-
mur.

[Nimís magno míserae] in metú nunc sumus ámbae.

[Tánta] inportúnitas tántaque iniúria

[Fácta in] nos ést modo hic íntus ab nóstro ero, 670

[Quí] scelestús sacerdotem anum praécípes

Réppulit, própulit pérquam indignis modis

Nósque ab signo íntumo uí deripuit sua.

Set núnc se ut ferúnt res fortúnaeque nóstrae,

Morírist par néc meliust mórte in misériis. 675

TR. Quid ést? quae illaec orátioſt? cesso égo illas
consolári?

Heús, Palaestra: heus, Ámpelisca. **PA.** Ópsecro, quíſt
quí uocat?

AM. Quíst is qui nóminat? TR. Sí respexís, scies.

PA. Ó salutís meae spés. TR. Tace ac bóno animo es:

Mé uide. PA. Sí modo id líceat, uis ne ópprimat.
TR. Quae uís? PA. Vim mi adigit ádferam ipsa. TR.

Ah désine: nimis inépta's. 681

PA. Desíste dictis núnc iam me míseram consolári.

AM. Nisi quíd re praesidi ádparas, Trachálio, acta
haec rés est.

PA. Certúmst moriri quam húnce pati [grassári] lenonem
ín me.

Set míliaebri animo súm tamen: míseraé [quom uenit]
ín méntem 685

Mihi mórtis, metus membra óccupat. TR. Edepól
[quamquam] hoc acérbumst,

Bonum ánimum habete. PA. Nam ópsecro unde [ánimús bonus] mi inuenítur?

TR. Ne, inquám, timete: adsídite hic ín ára. AM.
Quid istaec ára

Prodésse nobis [plús] potest quam sígnum in fano hic
íntus

Venerís, quod amplexaé modo, unde abréptae per uim
míserae? 690

TR. Sedéte hic modo: ego hinc uós tamen tutábor.
aram habéte hanc

Vobís pro castris: moénia [haec]: hinc égo uos defen-
sábo.

Praesídio Veneris málitiae lenónis contra incédam.

PA. Tibi aúscultamus ét Venus alma ámbae te opse-
crámus

Aram ámplexantes hanc tuam lacrumántes, genibus
níxae, 695

In cústodelam nós tuam ut recípías et tutére:
 Illós scelestos, qui tuum fecérunt fanum páruí,
 [Vt úlciscare] nósque ut hanc tua páce aram opsidére
 [Sinás, quae] elautae ambaé sumus operá Neptuni nóctu:
 [Ne inuísas] habeas néue idcirco nóbis uitio uórtas, 700
 Si quídpíamst minus quód bene esse laútum [tu] ar-
 bitrére.

TR. Has aéquom petere intéllego: decet áps te id
 impetrári:

[Ignoscere his te conuenit: metus has id ut faciant
 subigit.]

Te ex cóncha natam esse aútumant: caue tu hárum
 conchas spérnas.

Set óptume eccum exít senex, patrónus mihique et
 uóbis. 705

DAEMONES. LABRAX. LORARIÍ. TRACHALÍO.
 PALAESTRA ET AMPELISCA.

DÆ. Éxi e fano, nátum quantumst hómínium sacrilegis-
 sume.

Vós in aram abíte sessum. sét ubi sunt? TR. Huc ré-
 spice.

DÆ. Óptume: istuc uólueramus. iúbe modo accedát
 prope.

+ Tún legirupiónem hic nobiscúm dis facere póstulas?
 Púgnum in os inpínge. LA. Iniqua haec pátiór cum
 pretjó tuo. 710

DÆ. Át etiam minitátur audax. LA. Iús meum erep-
 túmst mihi:

Méas mihi ancillás inuito me éripis. TR. [Ergó dato]

Quási iuncis murtéta item ego uos uírgis circumuínciam.

LA. Vi agis mecum. TR. Etiam ópprobras uim, flágití
flagrántia?

LA. Tún trifurcifér mihi audes inclementer dícere?

TR. Fáteor, ego trifúrcifer sum: tú's homo adprimé
probus: 735

Númqui minus hasce ésse oportet líberas? LA. Quid,
líberas?

TR. Átque eras tuás quidem hercle atque éx germana
Graécia:

Nam áltera haec est náta Athenis [íngenuis paréntibus].

DÆ. Quid ego ex te audio? TR. Hánc Athenis ésse
natam líberam.

DÆ. Méa poplaris ópsecro haec est? TR. Nón tu
Cyrenénsis es? 740

DÆ. Ímmo Athenis nátus altusque éducatunque Átticis.

TR. Ópsecro, defénde ciuis tñas, senex. DÆ. O filia,
Quóm ego hanc uideo, mearum me apsens míseriarum
cónmones:

Tríma quae periít mi: iam [ea] tántast, si uiuít, scio.

LA. Árgentum ego pro istísce ambabus, quóíae erant,
dominó dedi. 745

Quíd mea refert, haéc Athenis nátaene an Thebís sient,
Dúm mihi recte séruitutem séruiant? TR. Itane, ínpu-
dens?

Túne hic felis uírginalis líberos paréntibus

Súblectos habébis atque indíгно quaestu cónteres?

Námque huic alteraé quae patria sít, profecto néscio: 750
Nísi scio probiórem hanc esse quám te, ínpuratíssume.

LA. Túae istae sunt? TR. Cóntende ergo, utér sit
tergo uérior:

Ni ófferumentás habebis plúris in tergó tuo

Quam ulla nauis longa clauos, tum ego ero mendacissimus.

Póstea [tu] aspicitó meum, quando ego tuum inspectá-
uero : 755

Ní erit tam sincérum, ut quiuis dicat ampullárius,
Óptumum esse operí faciundo córium et sinceríssimum,
Quíd causaest quin uírgis te usque ad sáturitatem saú-
ciem?

Quíd illas spectas? quás si attigeris, óculos eripiám
tibi.

LA. Át quin, quia uotás, utramque iám mecum abducám
semul. 760

DÆ. Quíd facies? LA. Volcánum adducam: is Véné-
rist aduorsárius.

TR. Quó illic it? LA. Heus, écquis hic est? heús.
DÆ. Si attigeris óstium,

iám tibi hercle in óre fiet méssis mergis púgneis.

LA. Núllum habemus ígnem: ficis uíctitamus áridis.

DÆ. Égo dabo ignem, sí quidem in capite tño conflandi
cópiast. 765

LA. Íbo hercle aliquo quaéritatum ígnem. DÆ. Quid,
quom inuéneris?

LA. Ígnem magnum hic fáciam. DÆ. Quine ut húma-
num exurás tibi?

LA. Ímmo hasce ambas híc in ara ut uíuas comburam.
DÆ. Íd uolo.

Nam hércle ego te contínuo arripiam bárba et in ignem
cóniciam

Téque ambustulátum magnis óbiciam auibis pábulum. 770

Quóm coniecturam égomet mecum fácio, haec illast
símia,

Quac hás hirundinés ex nido uólt eripere ingrátis,

Quód ego in somnis sómniaui: 'TR. Scín quid tecum oró,
senex?

Út illas serues, uím defendas, dúm ego erum adducó
meum.

DÆ. Quaére erum atque addúce. 'TR. At hic ne . . .

DÆ. Máximo maló suo, 775

Si áttigerit siue ócceptassit. 'TR. Cúra. DÆ. Cura-
túmst: abi.

'TR. Húnc quoque adserua ípsum, nequo abítat. nam
promísimus

Cárnufici aut taléntum magnum aút hunc hodie sístere.

DÆ. Ábi modo: ego, dum abés, ut abeat nón sinam.

'TR. Huc reuénero.

DÆ. Vtrúm tu leno cúm malo lubéntius 780

Quiéscis an sic síne malo, si cópiast?

LA. Ego quae tu loquere flócci non fació, senex.

Meas quídem ted inuito ét Vencre et summó loue

De ará capillo iám deripiam. DÆ. Tángedum.

LA. Tangam hércle uero. DÆ. Ágedum ergo, accede
húc modo. 785

LA. Iubedúm recedere ístos ambo illúc modo.

DÆ. Immo ád te accedent. LA. Nón hercle equidem
cénseo.

DÆ. Quid agés, si accedent própius? LA. Ego re-
cészero.

Verúm, senex, si te úmquam in urbe offéndero,

Numquam hércle quisquam mé lenonem díxerit, 790

Si té non ludos péssumos dimísero.

DÆ. Facito ístuc quod minitáris. set nunc ínterim

Si illás attigeris, dábitur tibi maguúm malum.

LA. Quam mágnum uero? DÆ. Quántum lenouí sat
est.

LA. Minás ego istas flócci non faciό tuas : 795
 Equidem eas te inuito iam ámbas rapiam. DÆ. Tángedum.

LA. Tangam hércle uero. DÆ. Tánges, at scin quó modo ?

Idúm Turbalio currículo, adfer [húc domo]

Duas cláuas. LA. Clauas ? DÆ. Sét probas : pro-
 perá cito.

Ego te hódie faxo récte acceptum, ut dígnum es. 800

LA. Eheú, scelestus gáleam in naui pérddi :

Nunc mi ópportuna hic ésset, salua sí foret.

Licét saltem istas mi áppellare ? DÆ. Nón licet.

Ehem,

Eccum óptume edepol [húc] clauator áduenit. 805

LA. Illút quidem edepol tinnimentumst aúribus.

DÆ. Age, áccipe illanc.áalteram clauám, Sparax.

Age, álter istinc, álter hinc adsístite.

Adsístite ambo. síc. audite núnc iam :

Si hercle illic illas hódie digito tétigerit 810

Inuítas, ni istunc ístis inuitássitis

Vsque ádeo, donec quá domum abeat nésciat,

Perístis ambo. si áppellabit quémpiam,

Vos réspondetote ístinc istarúm uicem.

Sin ípse abitere hinc uolet, quantúm potis, 815

Extémplo amplexitótē crura fústibus.

LA. Etiám me abire hinc nón sinent ? DÆ. Dixí satis.

Et úbi ille seruos cūm ero [suo] huc aduénērit,

Qui erum árcessiuit, ítote extémplo domum.

Curáte haec sultis mágna diligéntia. 820

LA. Eu, hércle ne ístic fána mutántúr cito :

Hoc Hérculist iam, Véneris fanum quód fuit :

Ita dúo destituit sígna hic cum clauís senex.

Non hércle quo hinc nunc géntium aufugiám scio :

Ita núnc mi utrumque saéuit, et terra ét mare. 825

Palaéstra. LO. Quid uis? LA. Ápage, controuér-
sias:

Haec quídem Palaestra quae respondit nón meast.

Heus, Ámpelisca. LO. Cáue sis infortúnio.

LA. Vt pótis est, ignaui hómines satis recté monent.

Set uóbis dico, heus, uóbis num moléstias 830

Me adire ad illas própius? LO. Nil nobís quidem.

LA. Numquid molestum míhi erit? LO. Nil, si cá-
ueris.

LA. Quid ést quod caueam? LO. En, á crasso in-
fortúnio.

LA. Quaeso hércle adire ut líceat. LO. Adeas; si
uelis.

LA. Bene hércle factum: uóbis habeo grátiam. 835

Accédam propius. LO. Íllic asta tu sílico.

LA. Edepól proueni néquiter multís modis:

Certúmst hasce hodie usque ópsidione uíncere.

PLESIDIPPVS. TRACHALIO. LABRAX. LORARII.

PALAESTRA ET AMPELISCA. CHARMIDES.

PL. Meamne ille amicam léno ui, uioléntia

De ará deripere Véneris uoluit? TR. Ád modum. 840

PL. Quin óccidisti extémplo? TR. Gladius nón erat.

PL. Caperés aut fustem aut lápidem. TR. Quid, ego
quási canem

Hominem ínsectarer lápidibus nequíssimum?

* * * * *

LA. Nunc pól ego perii: Plésidippus éccum adest:

Conuórret iam hic me tótum cum puluisculo. 845

PL. Etiámne in ara tunc sedebant múlieres,
Quom ad mé profectu's íre? TR. Nunc ibidém sedent.

PL. Quis illás nunc illic séruat? TR. Nescio quís
senex,

Vicínus Veneris, ís dedit operam óptumam:

Is núnc cum seruis séruat: ego mandáueram. 850

PL. Duc me ád lenonem récta. ubi illic ést homo?

LA. Salué. PL. Salutem níl moror. opta ócius,

Rapín te optorto cóllo mauís án trahi:

Vtrúmuís opta, dúm licet. LA. Neutrúm uolo.

PL. Abi sáne ad litus cúrriculo, Trachálio, 855

Iube illós in urbem íre óbuíam a portú mihi,

Quos mécum duxi, hunc qui ád caruíficem tráderent:

Post húc redito atque ágitato hic custódiám.

Ego húnc scelestum rápiám [iam] in ius éxulem:

Age, ámbula in ius. LA. Quid ego deliquí? PL. Ro-
gas? 860

Quine árrabonem a me ácepisti ób múlierem

Et eam hínc auexti? LA. Nón auexi. PL. Quór
negas?

LA. Quia pól prouexi: auéhere non quiuí miser.

Equidém tibi [hodie] díxeram praestó fore

Aput Vénéris fanum: númquid muto? súmne ibi? 865

PL. In iúre causam dícito: hic uerbúm sat est.

Sequere. LA. Ópsecro te, súbueni, mi Chármides:

Optórto rapior cóllo. CH. Quis me nóminat?

LA. Vidén me ut rapior? CH. Vídeo atque inspectó
lubens.

LA. Non súbuenire mi aúdes? CH. Quis homo té
rapit? 870

LA. Aduléscens Plesidíppus. CH. Vt nanctú's, habe:

Bono ánimo meliust te ín neruom conrépere:

Tibi óptigit quod plúrumi exoptánt sibi.

LA. Quid id ést? CH. Vt id quod quaérant inueniánt
sibi.

LA. Sequere, ópsecro, me. CH. Páriter suades,
quális es: 875

Tu in néruom rapere: eo me ópsecras ut té sequar?

PL. Etiám retentas? LA. Périi. PL. Verum sit
uelim.

Tu méa Palaestra et Ámpelisca, ibidem flico

Manéte, dum ego huc rédeo. LO. Equidem suádeo

Vt ad nos abeant pótius, dum recipís. PL. Placet:

Bene fácitis. LA. Fures mi éstis. LO. Quid, furés?

PL. Rape. 881

LA. Oro, ópsecro, Palaéstra. PL. Sequere, cárnufex.

LA. Hospés. CH. Non sum hospes: répudio hospi-
tíum tuum.

LA. Sicín me spernis? CH. Síc ago: semél bibo.

LA. Di te infelicient. CH. Ístic capiti dícito. 885

Credo állum in aliam béluam hominem uórtier:

Illic ín columbum, crédo, leno uórtitur:

Nam in colúmbari collum [ěius] hau multo póst erit.

In néruom ille hodie nídamenta cóngeret.

Verúm tamen ibo, ei áduocatus út siem, 890

Siquí mea ópera cítiús addicí potest.

A C T V S III.

D A E M O N E S.

Bene factum et uolup est hódie me his muliéculis

Tetulísse auxilium: iám cluentas répperi,

Atque ámbas forma scítula atque actátula.

Set uxór scelesta me ómnibus seruát modis, 895

Nequí significem quídpíam muliéculis.

Set Grípus seruos nóster quid rerúm gerat,

Mirór, de nocte qui ábiit piscatum ad mare.

Pol mágis sapisset, sí dormiuissét domi:

Nam núnc et operam lúdos facit et rétia, 900

Vt ést tempestas núnc atque ut noctú fuit.

In dígitis hodie pérecoquam quod céperit:

Ita flúctuare uídeo uehementér mare.

Set uxór uocat me ad prándium: redeó domum.

Iam opplébit auris mēas sua uaniloquéntia. 905

G R I P V S.

Neptúno has agó gratiás meo patróno,

Qui sálsis locís incolít pisculéntis,

Quom me éx suis locís pulcre ornátum expédiuit

Templisque reducém, plurumá praeda onústum

Salúte horiaé, quae in marí fluctuóso 910

Piscátu nouó me uberí conpotíuit.

Miró mihi modo átque incredíbili hic piscátus

Lepide éuenit néc piscium úllam unciam hódie

Pondó cepi nísi hoc quod fero híc [mecum] in réte.

Nam ut dé nocte múlta inpigréque exurréxi, 915

Lucrúm praeposíui sopóri et quiéti:

'Tempéstate saéua experíri expetíui,

Paupértatem erí qui et meám seruitútem

Tolerárem opera hau parcús mea.

Nímis homo nihilíst qui piger est, nímisque id genus odi
égo male hominum. 920

Vígilare addecét qui sua uolt témpéri confícere officia:

Nón enim illum expectáre oportet, dum érus se suscitet
ád suum officium.

Nám qui dormiúnt lubenter, síne lucro et cum málo quie-
scunt.

Nam égo nunc, qui inpigér fui, repperí mi piger ut sí
uelim sim.

Hóc ego repperi ín mari [hodie]: quídquid inest, graue
quíd inest: aurum 925

Híc ego inesse reór. nec mi ullus cóncius est homo.
núnc tibi, Gripe,

Haéc occasio óptigit, ut líberet te ex pópulo praetor:

Núnc sic faciam, sic consiliumst: ád erum ueniam dócte,
astute,

Paúxillatim póllicitabor pró capite argentum, út sim
liber.

Iám ubi liber ero, igitur demum ínstruam agrum atque
aedís, mancipia: 930

Náuibus magnis mércaturam fáciám: aput reges réx per-
hibebor.

Póst animi causá mihi nauem fáciám atque imitabór
 Stratonicum,
 Óppida circumuécitabor. úbi nobilitas méa erit clara,
 Óppidum magnúm conmoenibo: éi ego urbi Gripo ín-
 dam nomen,
 Mónumentum meae fámae et factis, ibique regnum mág-
 num instituam. 935
 Mágnas res hic ágito in mentem instrúere. nunc hanc
 [praédam] condam.
 Sét hic rex cum acetó pransurust ét sale; sine bonó pul-
 mento.

TRACHALIO. GRIPVS.

TR. Heus máne. GR. Quid maneam? TR. Dum hánc
 tibi quam tráhis rudentem cónplico.
 GR. Mitté modo. TR. At pol ego te ádiuuabo. bònis
 quod bene fit, haú perit.
 GR. * * * * turbída tempestas fùit heri: 940
 Nil hábeo, adulescens, píscium: ne tú mihi esse pó-
 stules.
 Non uídes referre me úuidum reté sine squamosó
 pecu?
 TR. Non édepol píscis éxpeto quam túi sermonis sum
 índigens.
 GR. Iam, quísqvis es, me odio énicas. TR. Non sínám
 ego abire hinc té: mane.
 GR. Caue sís malo: quid tú, malum, nam [núnc] me
 retrahis? TR. Aúdi. 945
 GR. Non aúdio. TR. At pol qui aúdiēs. GR. Quin
 póst eloquere quíd uis.

TR. Eho [tú], operae pretiúmst modo quod tibi ego
uolo narráre.

GR. Elóquere quid id est. TR. Víde, num quis-
piám consequitur própe nos.

GR. Écquid est quód [id] mea réferat? TR. Scí-
licet:

Sét boni cónsili écquid in té mihist? 950

GR. Quid negotíst, modo díce. TR. Dicám, tace,
Sí fidem modo

Dás mihi te nón fore infidum.

GR. Dó fidem tibi:

Fídus ero, quísku es. 'TR. Aúdi. 955

Fúrtum ego uidi quí faciebat: nóram dominum id quó-
fiébat.

Póst ad furem egomét deuenio féroque ei conditió-
nem hoc pacto:

'Égo istuc furtum scío quó factumst: núnc mihi si uis
dáre dimidium,

Índicium dominó non faciam'. is míhi nihil etiám re-
spondit.

Quíd inde aequomst dari míhi? dimidium uólo dicas.

GR. Immo ámplius etiam: 960

Nám nisi dat, dominó dicundum cénseo. TR. Tuo con-
sílio faciam.

Núnc aduerte animúm: namque hoc omne áttinet ad
té. GR. Quid factumst?

TR. Vídulum istum quóius est noui ego hómí-
nem iam pridém. GR. Quid est?

TR. Ét quo pacto périit. GR. At ego quó pacto in-
uentúst scío:

Ét qui inuenit hómí-
nem noui, et dómí-
nus qui nunc
ést scío. 965

Níhilo pol plurís tua hoc quam quánti illut refért mea.
Égo illum noui quódus nunc est: tú illum quóius an-
tehác fuit.

Húnc homo nemo a mé feret: ne tú te speres ócius.

TR. Nón ferat, si dóminus ueniat? GR. Dóminus
huic, ne frústra sis,

Nísi ego nemo nátust, hunc qui cépi in uenatú meo.

TR. Ítane uero? GR. Ecquem ésse dices in mari pis-
cém meum? 971

Quós quom capio, sí quidem cepi, mēi sunt: habeo
pró meis.

Néc manu adserúntur neque illinc pártem quisquam
póstulat.

In foro palam ómnis uendo pró meis uenálibus.

Máre quidem commúne certost ómnibus. TR. Ad-
séntio: 975

Quí minus hunc commúnem quaeso míhi esse oportet
uídulum?

In mari inuentúst. GR. Ne [tu homo's] ínpudenter
ínpudens:

Nám si istuc ius sít quod memoras, píscatores pérrierint.
Quíppe quom extemplo in macellum písces prolatí
sient,

Némo emat: suam quisque partem píscium poscát
sibi: 980

Dícat in marí communi cáptos. TR. Quid ais, ínpu-
dens?

Aúsu's etiam cómparare uídulum cum píscibus?

Éadem tandem rés uidetur? GR. In manu non ést
mea:

Úbi demisi réte atque hamum, quídquid haesit éx-
traho.

Mëum quod rete atque hámi nanci sùnt, meum potissimumst. 985

TR. Immo hercle haut est, sí quidem quod uas exce-
pisti. GR. Philosophe.

TR. Sét tu enumquam piscatorem uidisti, uenéfice,
Vídulum piscém cepisse aut prútulisse ullum in fo-
rum?

Nón enim tu hic quidem óccupabis ómnis quaestus
quós uoles:

Ét uitorem et piscatorem té esse, impure, póstulas. 990
Vél te mihi monstráre oportet piscis qui sit uídulus:
Vél quod in marí non natumst néque habet squamas
né feras.

GR. Quid, tu numquam audiúisti antehac uídulum esse
piscém? TR. Scelus,

Núllus est. GR. Immóst profecto: ego qui sum
piscatór scio.

Vérum raro cápitur: nullus mínus saepe ad terrám
uenit. 995

TR. Níl agis: dare uérba speras míhi te posse, fúr-
cifer.

Quó colorest? GR. Hóc colore cápiuntur pauxílluli:
Súnt alii puníceo corio, mágni item atque atrí. TR.
Scio:

Tu hércle, opino, in uídulum conuórtes piscem, nísi
caues:

Fíet tibi puníceum corium, póstea atrum dénuo. 1000

GR. Quód scelus hodie hóc inueni. TR. Vérba faci-
mus: ít dies.

Víde sis, quoius árbitratu nós uis facere? GR. Víduli
Árbitratu. TR. Íta enimuero? stúltus es. GR. Salué,
Thales.

TR. Tú istunc hodie nón feres, nisi dás sequestrum
aut árbitrum,

Quóius haec res árbitratu fiat. GR. Quaeso sánun es?

TR. Sum élleborosus. GR. At égo cerritus: hunc
non amittám tamen. 1006

TR. Vérbum etiam adde unúm, iam in cerebro cóla-
phos apstrudám tuo.

Égo iam hic te, itidem quási peniculus nóuos exurgeri
solet,

Ni hunc amittis, éxurgebo quídquid humorís tibist.

GR. Tánge: adfligam ad térram te itidem ut píscem
soleo pólypum. 1010

Vís pugnare? TR. Quíd opust? quin tu pótius prae-
dam díuide.

GR. Hínc tu nisi malúm frunisci níl potes, ne pó-
stules.

Ábeo ego hínc. TR. At ego hínc offlectam náuem,
nequo abeás: mane.

GR. Sí tu proreta ísti nauí's, égo gubernatór ero.

Mitte rudentem [núnc], sceleste. TR. Míttam: omítte
uídulum. 1015

GR. Númquam hercle hínc hodié ramenta fíes fortu-
nátior.

TR. Nón probare pérnegando míhi potes, nisi párs
datur

Aút ad arbitrúm reditur aút sequestro pónitur.

GR. Quémne ego excepi in mari? TR. Ast ego ín-
spectaui e líftore.

GR. Méa opera [et] labóre et rete et hória. TR. Num-
quí minus, 1020

Sí ueniat nunc dóminus quoiust, égo qui inspectam
procul

Te hunc habere, fur sum quam tu? GR. Nihil. TR.
Mane, mastigia:

Quo argumento socius non sum et fur sum, facdum ex
te sciam.

GR. Nescio: neque ego istas uostras leges urbanas
scio,

Nisi quia hunc meum esse dico. TR. Et ego item
esse aio meum. 1025

GR. Mane iam: repperi quo pacto nec fur nec socius
sies.

TR. Quo pacto? GR. Sine me hinc abire: tu abi
tacitus tuam uiam,

Nec tu me quouquam indicassis neque ego tibi quic-
quam dabo.

Tu taceto: ego mussitabo. hoc optimum atque ae-
quissimumst.

TR. Ecquid conditionis audes ferre? GR. Iam du-
dum fero: 1030

Vt abeas, rudentem amittas, mihi molestus ne sies.

TR. Mane, dum refero conditionem. GR. Te, opse-
cro hercle, aufer modo.

TR. Ecquem in his locis nouisti? GR. Oportet uici-
nos meos.

TR. Vbi tu hic habitas? GR. Porro illic longe usque
in campis ultimis.

TR. Vin qui in hac uilla habitat eius arbitrato
fieri? 1035

GR. Paulisper remitte restem, dum concedo et consulo.

TR. Fiat. GR. Euge, salua res est: praeda haec per-
petuasti mea.

Ad meum erum arbitrum uocat me hic intra praeseptis
meas.

Númquam hercle hodie abiúdicabit áb suo trióbulum.
Né iste hauscit quam cónditionem tétulit: ibo ad ár-
bitrum. 1040

TR. Quid igitur? GR. Quamquam istuc esse iús me-
um certó scio,

Fiat istuc pótius quam nunc púgnem tecum. TR.
Núnc places.

- GR. Quámquam ad ignotum árbitrum me adpéllis, si
adhibebít fidem,

Étsi ignotust, nórust: si non, nótus ignotíssumust.

DAEMONES. PALAESTRA ET AMPELISCA. (LORARI.)
GRIPVS. TRACHALIO.

DÆ. Sério edepol, quámquam uos quae uóltis [cupio],
múlieres, 1045

Métuo propter uós mea uxor né me extrudat aé-
dibus,

Quaé me pelicés adduxe dícet ante oculós suos.

Vós confugite in áram potius quám ego. MV. Mi-
serae périimus.

DÆ. Égo uos saluas sístam: ne timéte. set quid uós
foras

Prósequimini? quóniam ego adsum, fáciat nemo in-
iúriam. 1050

Íte, inquam, domum ámbó nunc iam éx praesidio praé-
sides.

GR. Ó ere salue. DÆ. Sálue. quid fit? TR. Túun
hic séruost? GR. Haú pudet.

TR. Níhil ago tecum. GR. Érgo abi hinc sis. TR.
Quaéso respondé, senex:

Túun hic seruost? DÆ. Méus est. TR. Hem, istuc
óptume, quandó tuust.

Íterum te salúto. DÆ. Et ego te. tún'es, qui hau
multó prius 1055

Ábiisti hinc erum árcessitum? TR. Ego is sum. DÆ.
Quid nunc uís tibi?

TR. Némpe hic tuus est? DÆ. Méus est. TR. Istuc
óptume, quandó tuust.

DÆ. Quid negotist? TR. Vír scelestus illic est.
DÆ. Quid fecit tibi

Vír scelestus? TR. Hómini ego isti tálos suffringí
uolo.

DÆ. Quid est qua de re lítigatis núnc inter uos?
TR. Éloquar. 1060

GR. Ímmo ego eloquár. TR. Ego opinor rém faces-
so. GR. Sí quidem

Sís pudicus, hinc facessas. DÆ. Grípe, animum ad-
uorte ác tace.

GR. Vtin istic prius dícat? DÆ. Audi. Ióquere tu.
GR. Alienón prius

Quám tuo dabis orátionem? TR. [Hem,] út nequitur
cónprimi.

Íta ut occepi dícere, illum quém [tu fano Vénerio] 1065
Dúdum lenonem éxtrusisti, eius uídulum hic eccíllum
[habet].

GR. Nón habeo. TR. Negás quod oculis uídeo? GR.
At ne uideás uelim.

Hábeo, non habeo: quid tu me cúras quid rerúm
geram?

TR. Quó modo habeas, illut refert, iúrene anne iniúria.

GR. Ní istum cepi, núlla causast quín me condonés
cruci. 1070

Si in mari rete [égo] prehendi, quí tuum potiust quám
meum?

TR. Vërba dat: hoc modó res gestast, út ego dico.

GR. Quid tu ais?

TR. Quoad primariús uir dicat, cónprime hunc sis,
sí tuust.

GR. Quid, tu idem uis mihimet fieri, quód erus con-
sueuít tibi?

Sí ille te comprimere solitust, híc nos noster nón
solet. 1075

DÆ. Vërbo illo modo ille uicit. quíd nunc tu uis? dic
mihi.

TR. Équidem ego neque pártē posco mihí istinc de
istoc uídulo

Néque meum esse hodie úmquam dixi: sét isti inest
cistéllula

Húius mulierís, quam dudum díxi fuisse líberam.

DÆ. Némpe tu hanc dicis, quám esse aiebas dúdum
popularém meam? 1080

TR. Ád modum: et ea quae ólim parua géstauit cre-
púndia

Ísti in ista cístula insunt, quae isti inest in uídulo.

Hóc neque istic úsust et illi míserae suppetiás
feret,

Si id dederit, qui sũos parentis quaérat. DÆ. Faciam
ut dét: tace.

GR. Níhil hercle ego sum istí daturus. TR. Níl peto
nisi cístulam 1085

Ét crepundia. GR. Quid, ea si sunt aúrea? TR.
Quid istúc tua?

Aúrum auro expendétur, argentum árgento exaequá-
bitur.

GR. Fác sis aurum ut uídeam: post ego fáciam ut uideas cístulam.

DÆ. Cáue malo ac tace tú: tu perge ut ócepesti dícere.

TR. Vnum te opsecro, út ted huius cónmiserescat múlceris, 1090

Sí quidem hic lenónis eiust uídulus, quem súspicor.

Híc [ego] nisi de opínione cértum nil dicó tibi.

GR. Víden scelestus ut aúcupatur? TR. Síne me ut occepi loqui.

Sí scelesti illíus est hic quóius dico uídulus,

Haéc poterunt nouísse: ostendere hís iube. GR. Ain? osténdere? 1095

DÆ. Haút iniquom dícit, Gripe, ut óstendatur uídulus.

GR. Ímmo hercle insigníte inique. DÆ. Quídu?

GR. Quia, si osténdero,

Cóntinuo hunc nouísse dicent scilicet. TR. Scele-rúm caput,

Vt tute's, ítem ómnis censes ésse? periurí caput.

GR. Ómnía ego istaec fáciie patior, dúm hic hinc a me séntiat. 1100

TR. Átqui nunc aps té stat: uerum hinc cíbit testi-mónium.

DÆ. Grípe, aduerte animúm. tu paucis éxpedi quid póstulas.

TR. Díxi equidem: set sí parum intelléxti, dicam dé-nuo.

Hásce ambas, ut dúdum dixi, ita ésse oportet liberas:

Haéc Athenis párua fuit uírgo surpta. GR. Díc mihi,

Quíd id ad uidulum áttinet, seruæ sint istae an lí-berae. 1106

TR. Ómnia iterum uís memorari, scélus, ut defíat dies.

DÆ. Ápstine maledíctis et mi quód rogauí díſue.

TR. Cistellam isti inéſſe oportet caúdeam in isto údulo,

Úbí sunt ſigna quí parentis nóſcere haec poſſít ſuos, 1110

Quíbuſcum parua Athénis periít, ſícuti díxí prius.

GR. Iúppiter te díque perdant. quíd ais, uir uenéfice?

Quíd, iſtae mutae ſúnt, quae pro ſe fábulari nóſſe queant?

TR. Éo tacent, quia tácitast [melior] múlſer ſemper quám loquens.

GR. Túm pol tu pro orátione néc uir nec muliér mihí's. 1115

TR. Quídum? GR. Quia enim néque loquens es néque tacens umquám bonus.

Quaéſo, enumquam hodié licebit mihí loqui? DÆ. Si praéterhac

[Únum] uerbum fáxis hodié, egó tibi conminuám caput.

TR. Út id occepi dícere, eam, ſenéx, te quaeso cíſtulam

Út iubeas hunc réddere illis: ób eam ſiquid póſtulat ſibi mercedis, dábitur: aliut quídquid íbiſt habeát ſibi. 1121

GR. Núnc demum iſtuc dícis, quoniam iús meum eſſe intéllegis:

Dúdum dimidiám petebas pártē. TR. Immo etiam núnc peto.

GR. Vídi petere míluom, etiam quóm nihil auferret tamen.

DÆ. Nón ego te comprimere possum sine malo? GR.

Si istic tacet, 1125

Égo tacebo: si iste loquitur, sine me pro re meã loqui.

DÆ. Cédo [sis] modo mi uidulum istum, Grípe. GR.

Concredám tibi:

Át si istorum níl sit, mihi uti réddas. DÆ. Reddetúr.

GR. Tene.

DÆ. Aúdi nunc iám, Palaestra atque Ámpelisca, hoc
quód loquor:

Éstne hic uidulus, úbi cistellam túam inesse [hic]
aibát? PA. Is est. 1130

GR. Péríi miser ego hércle: ut prius quam pláne
aspexit ilico

Éum esse dixit. PA. Fáciam ego hanc rem [plánam ex
procliuá] tibi.

Cistellam isti inesse oportet caúdeam in isto uidulo:

Íbi ego dicam quídquid inerit nóminatim: tú mihi
Nihilum ostenderis. si falsa dicam, frustra dixeró: 1135
Vós tum uobis istaec quidquid inerit isti habébitis.

Sét si uéra, tum ópsecro te ut méa mi reddantúr.

DÆ. Placet:

Iús merum oras meò quidem animo. GR. At meo
hércle [summam iniúriam]:

Quíd, si ista aut supérstitiosa aut áriolast atque
ómnia

Quídquid insit uéra dicet? áñne habebit áriola? 1140

DÆ. Nón feret, nisi uéra dicet: néquiquam ario-
lábitur.

Sólue uidulum érgo, ut quid sit uérum quam primúm
sciam.

GR. Hóc habet: est solútum. ah perli: uídeo cistel-
lam. DÆ. Haécinest?

PA. Ístaec est. o mēi parentes, hīc uos conclusós
gero:

Hūc opesque spēsque uostrum cōgnosendum cōn-
didi. 1145

GR. Tūm tibi hercle dēos iratos ésse oportet, quís-
quis es,

Quaé parentis tām in angustum tūos locum conpégeris.

DÆ. Grípe, accede huc, túa res agitur: tú, puella,
istīnc procul

Dícito quid ínsit et qua fácie: memorato ómnia.

Si hércle tantillúm peccassis, quód posterius pó-
stules 1150

Te ad uerum conuórti, nugas, mília, magnas égeris.

GR. Iús bonum oras. TR. Édepol hau ted órat: nam
tu iniúriu's.

DÆ. Lóquere nunc iām, puella. Grípe, animum ad-
uorte ac tace.

PA. Sūnt crepundia. DÆ. Écca uideo. GR. Périi
in primo praélio:

Máne ne ostenderís. DÆ. Qua facie sūnt? responde
ex órdine. 1155

PA. Énsiculust auréolus primum líteratus. DÆ. Dí-
cedum,

Ín eo ensiculo líterarum quíd sit. PA. Mei nomén patris.

Póst altrinsecus áncipes secúriculast, item aúrea,

Líterata: ibi mátris nomen ín securiculást. DÆ. Mane:

Díc, in ensiculó quid nomen sít paternum. PA. Daé-
mones. 1160

DÆ. Di ímortales, úbi loci sunt spés meae? GR.
Immo edepól meae?

DÆ. Pérge, te opsecró, continuo. GR. Plácide, aut
íte in málam crucem.

DÆ. Lóquere, matris nómen hic quid ín securiculá
siet.

PA. Daédalis. DÆ. Di mé seruatum cúpiunt. GR.
At me pérditum.

DÆ. Fíliam meam esse hánc oportet, Grípe. GR. Sit
per mé quidem. 1165

Quí te di omnes pérđant, qui hodie me óculis uidistí
tuis,

Méque adeo sceléstum, qui non círcumspexi céntiens
Príus, me nequis ínspectaret, quám rete extraxi éx
aqua.

PA. Póst sicilicula árgenteola et dŭae conexae máni-
culae

Ét suculast. GR. Quin dírecta i tu cúm sucta et cum
pórculis. 1170

PA. Ét bulla aureást, pater quam dēdit mihi natalí
die.

DÆ. Ėast profecto: cóntineri quín conplectar nón
queo.

Fília mea, sálue: ego is sum quí te produxí pater:
Égo sum Daemonés, et mater túa eccam hic intus
Daédalis.

PA. Sálue, mi pater ínsperate. DÆ. Sálue: ut te
amplectór lubens. 1175

TR. Vólup est quom istuc éx pietate uóstra uobis
cóntigit.

DÆ. Ágedum, hunc, si potés, fer intro uídulum,
Trachálio.

TR. Écce Gripi scélera: quom ista rés male euenít
tibi,

Grípe, gratulór. DÆ. Age eamus, méa gnata, ad ma-
trém tuam,

Quae ex te poterit argumentis hanc rem magis ex-
quirere: 1180

Quae te magis tractauit magisque signa pernouit tua.

TR. Eamus [hinc] intro omnes, quando operam pro-
miscam damus.

PA. Séquere me, Ampelísca. AM. Quom te dí amant,
uoluptatíst mihi.

GR. Súmne ego [homo] sceléstus, qui illunc hódie ex-
cepi uídulum?

Aút quom excepi, qui non alicubi in solo apstrusí
loco? 1185

Crédebam edepol túrbulentam praédam euenturám
mihi,

Quía illa mihi tam túrbulenta témpestate euénerat.

Crédo edepol ego illic inesse argénti et auri lárgiter.

Quíd meliust quam ut hinc intro abeam et mé suspen-
dam clánculum,

Sáltem tantispér dum apscedat haéc a me aegri-
mónia? 1190

A C T V S V.

D A E M O N E S.

[Pro dī inmortales, quis mest fortunátior,

Qui ex inprouiso fíliam inuení meam?]

Satín siquoi homini dī esse bene factúm uolunt,

Aliquo illut pacto optíngit optatúm piis?

Ego hódie, [quod] neque spéraui neque crédidi,

[Ex] inprouiso fíliam inuení meam, 1196

Et eám de genere súmmo adulescentí dabo

Ingénuo, Atheniénsi et cognató meo.

Eum ego ádeo arcessi huc ad me quam primúm uolo

Iussíque exire huc éius seruom, ut ad forum 1200

Irét. nondum egressum ésse eum, id mirór tamen.

Accédam opinor ad foris. quid cónspicor?

Vxór complexa cóllo retinet fíliam.

Nimis paéne inepta atque ódiosa eius amátíost.

Áliquando ausculádo meliust, úxor, pausam fieri:

Átque adorna ut rém diuinam fáciam, quom intro ad-

uénero, 1206

Láribus familiáribus, quom auxérunt nostram fámiliam.

Súnt domi agni et pórci sacres. sét quid istum remo-

rámíni,

Múlieres, Trachálionem? atque óptume eccum exít

foras.

TRACHALIO. DAEMONES.

TR. Vbi ubi erit, iam inuéstigabo et mécum ad te adducám semul 1210

Plésidippum. DÆ. Elóquere ut haec res óptigit de filia.

Ēum roga ut relínquat alias rés et huc ueniát. TR. Licet.

DÆ. Dícito datúrum meam illi fíliam uxorém. TR. Licet.

DÆ. Ét patrem eius mé nouisse et míhi esse cognatúm. TR. Licet.

DÆ. Sét propera. TR. Licét. DÆ. iam hic fac sit, céna ut curetúr. TR. Licet. 1215

DÆ. Ómnian licét? TR. Licet. set scíu quid est quod té uolo?

Quód promisisti út memineris, hódie ut liber sím. DÆ. Licet.

TR. Fác ut exores Plésidippum, ut mé [manu] emittát. DÆ. Licet.

TR. Ét tua filia fácito [ut] oret: fácale exorabít. DÆ. Licet.

TR. Átque ut mi Ampelísca nubat, úbi ego sim libér. DÆ. Licet. 1220

TR. Átque ut mihi gratúm beneficium fáctis experiár. DÆ. Licet.

TR. Ómnian licét? DÆ. Licet. tibi rúsum refero grátiam.

Sét propera ire in úrbem actutum et récipe te huc rusúm. TR. Licet.

Iam hic ero. tu intéribi adorna céterum quod opúst. DÆ. Licet.

Hércules istum infelicet cū sua licentia: 1225
 ita meas replēuit auris. quidquid memorabām, licet.

GRIPVS. DAEMONES.

GR. Quam mōx licet te cōpellare, Daémones?

DÆ. Quid ést negoti, Gripe? GR. De illo uídulo,
 Si sápias, sapias: hábeas quod di dánt boni.

DÆ. Aequóm uidetur tibi ut ego alienúm quod
 est 1230

Meum ésse dicam? GR. Quódne ego inueni in
 mari?

DÆ. Tanto illi melius óptigit qui pérdidit:

Tuum ésse nihilo mágis oportet uídulum.

GR. Istó tu's pauper, quóm nimis sancté piu's.

DÆ. O Gripe Gripe, in aétate hominum plúrumae
 Fiúnt transennae, [illi] úbi decipiuntúr dolis. 1236

Atque édepol in eas plérumque esca inpónitur,

Quam síquis auidus póscit escam auáriter,

Decípitur in transénna auaritiá sua.

Ille qui consulte, dócte atque astuté cauet, 1240

Diútime uti [ei] béne licet partúm bene.

Mi istaéc uidetur praéda praedatum írier,

Maióre ut cum dote ábeat [hinc] quam aduénierit.

Egone út quod ad me adlátum esse alienúm sciam

Celém? minume istuc fáciat noster Daémones. 1245

Sempér cauere hoc sápiētis acquíssimumst,

Ne cónscii sint ípsi malefici suis.

Ego nísí quom lusím níl morer ullúm lucrum.

GR. Spectáui ego pridem cómicos ad istúm modum

Sapiénter dicta dícere atque is plaúdiar, 1250

Quom illós sapientis móres monstrabánt poplo.

Set quom inde suam quisque íbant diuorsí domum,
Nullús erat illo pácto ut illi iússerant.

DÆ. Abi íntro, ne moléstu's, linguae témpera.

Ego tibi daturus níl sum, ne tu frústra sis. 1255

GR. At égo deos quaeso, ut quídquid in illo uí-
dulost,

Si aurúm, si argentumst, ómne id ut fiát cinis.

DÆ. Illúc est quod nos néquam seruis útimur.

Nam illíc cum seruo síquo congressús foret,

Et ípsum sese et illum furti astríngeret. 1260

Dum praédam habere sé censeret, ínterim

Praeda ípsus esset: praéda praedam dúceret.

Nunc hínc intro ibo et sácrificabo: póstibi

Iubébo nobis cénam continuó coqui.

PLESIDIPPVS. TRACHALIO.

PL. Íterum mí istaec ómnia itera, mí ánime, mí Tra-
chálío, 1265

Mí liberte, mí patrone, ímmo potius mí pater:

Répperit patrém Palaestra suum átque matrem? TR.
Répperit.

PL. Ét popularis ést? TR. Opino. PL. Et míhi
nupturast? TR. Súspicor.

PL. Cénsen hodie déspondebit èam míhi, quaeso?
TR. Céseo.

PL. Quid, patri etiam grátulabor quom íllam inuenit?
TR. Céseo. 1270

PL. Quid, matri eius? TR. Céseo. PL. Quid érgo
censes? TR. Quód rogas,

Cénseo. PL. Dic érgo, quanti cénseš? TR. Egone?
cénseo.

PL. Ádsum equidem, ne cénšionem sémper facias.
TR. Cénseo.

PL. Quid, si curram? TR. Cénseo. PL. An sic pó-
tius placide? TR. Cénseo.

PL. Étiamne eam salútem adueniens? TR. Cénseo.
PL. Etiám patrem? 1275

TR. Cénseo. PL. Post éius matrem? TR. Cénseo.
PL. Quid póstea?

Étiampe adueniéns conplectar éius patrem? TR. Non
cénseo.

PL. Quid, matrem? TR. Non cénseo. PL. Quid,
èampse illam? TR. Non cénseo.

PL. Périi, dilectúm dimisit: núnc non censeš, quóm
uolo.

TR. Sánus non es: séquere. PL. Duc me, mí patrone,
quó lubet. 1280

LABRAX. GRIPVS.

LA. Quis mést mortalis míserior qui uíuat alter
hódie,

Quem apud récupérateurés modo damnáuit Plesi-
díppus?

Abiúdicata a mé modost Palaéstra: perditús sum.

Nam lénones ex gaúdio credo éšse procreátos:

Ita omnés mortales, síquid est malí lenoni, gaúdent.

Nunc álteram illam quae meast uisam húc in Ve-
neris fánum 1286

Saltem út eam abducam, dé bonis quod réstat reli-
quiárum.

GR. Numquam édepol hodie ad uesperum Gripum
inspicietis uíuom,

Nisi uídulus mihi rédditur. LA. Períí: quom men-
tiónem

Fieri aúdio usquam uíduli, quasi pálo pectus tún-
dor. 1290

GR. Istic scelestus liber est: ego qui ín mari pre-
héndi

Rete átque excepi uídulum, ei dáre negatis quíc-
quam.

LA. Pro di inmortales, sũo mihi hic sermóne ar-
rexit aúris.

GR. Cubitum hércle longis líteris signábo iam
usquequáque,

Siquís perdiderit uídulum cum auro átque argento
múlto, 1295

Ad Grípum ut ueniat. nón feretis ístum, ut postu-
látis.

LA. Meum hércle illic homo uídulum scit quí habet,
ut ego opínor.

Adeúndus mi illic ést homo: di quaéso subueníte.

GR. Quid me íntro reuocas? hóc uolo hic ante
óstium extergére:

Nam hoc quídem pol e robígine, non ést e ferro
fáctum: 1300

Ita quánto magis extérgeo, rutilum átque tenuiús fit.
[Nam hoc quídem uenenatúmst uerum: ita in má-
nibus consenésцит.]

LA. Aduléscens, salue. GR. Dí te ament cum ín-
ráso capite. LA. Quíd fit?

GR. Verum éxtergetur. LA. Vt uales? GR. Quid tú? num medicus quaéso's?

LA. Immo édepol una lítera plus súm quam medicus. GR. Túm tu 1305

Mendícus es? LA. Tetigísti acu. GR. Vidétur digna fóрма.

Set quíd tibist? LA. Hac próxuma nocte ín mari [hercle] eláui:

Confráctast nauis, pérddi quidquíd erat miser ibi ómne.

GR. Quid pérddidisti? LA. Vídulum cum auro átque argento múlto.

GR. Ecquíd meministi ín vídulo qui períit quid ibi infúerit? 1310

LA. Quid réfert, qui períit tamen, si núnchoc fabulémur?

GR. Quid, si égo sciam qui inuénerit? uolo éx te scire sígna.

LA. Octíngenti ín marsúpio nummi aúrei infuérunt, Praetérea centum Philippeae minae ín pasceolo sórsus.

GR. Magna hércle praedast: lárgiter mercédis indipíscar: 1315

[Di homines respiciunt: bene ergo hinc praedatus ibo.]

Proféctost huius vídulus. perge ália tu expedíre.

LA. Taléntum argenti cómodum magnum ínerat ín crumína,

Praetérea sinus, cántharus, epíchysis, gaulus, cýathus.

GR. Papaé: diútias tú quidem habuísti luculéntas. 1320

LA. Miserum istuc uerbum et péssimumst 'habuisse
et nihil habére'.

GR. Quid dare uelis qui istaec tibi inuestiget indi-
cétque?

Elóquere propere céleriter. LA. Nummós trecen-
tos. GR. Tricas.

LA. Quadrigéntos. GR. Tramas pútidas. LA.
Quingéntos. GR. Cassam glándem.

LA. Sescéntos. GR. Curculiúnculos minútos fa-
buláre. 1325

LA. Dabo séptingentos. GR. Ós calet tibi: núnc
id frigefáctas.

LA. Millé dabo nummum. GR. Sómnia. LA. Nihil
áddo: abi. GR. Igitur aúdi:

Si hercle ábiero hinc, hic nón ero. LA. Vin céntum
et mille? GR. Dórmis.

LA. Elóquere quantum póstules. GR. Quo nihil
ínuitus áddas,

Taléntum magnum: nón potest trióbulum hinc
abésse: 1330

Proin tú uel aias uél neges. LA. Quid istíc? ne-
cessumst, uideo:

Dabitúr talentum. GR. Accédedum huc: Venus
haéc uolo adrogét te.

LA. Quod tibi lubet, id mi ínpera. GR. Tange
áram hanc Veneris. LA. Tángo.

GR. Per Venerem hanc iurandúmst tibi. LA. Quid
iúrem? GR. Quod iubébo.

LA. Praei uérbis quiduis: quód domist, numquam
úlli supplicábo. 1335

GR. Tene áram hanc. LA. Teneo. GR. Déiera
te argéntum mihi datúrur

Eodem [fillo] die ubi uíduli siés potitus. LA. Fiat.

GR. LA. Venus Cýrenensis, téstem te testór
mihi,

Si uídulum illum, quém ego in naui pérdidi,

Cum auro átque argento sáluom inuestigáuero

Isque in potestatém meam peruénierit: 1341

GR. Tum ego huíce Gripo, ínquito et me tángito

LA. Tum ego huíce Gripo, díco, Venus, ut tu
aúdias

GR. LA. Taléntum argenti mágnum continuó
dabo.

GR. Si défraudassis, díe ut in quaestú tuo 1345

Venus éradicet cáput atque aetatém tuam.

Tecúm tam [tute] habéto hoc, ubi iuráuieris.

LA. Illút ego aduorsum síquid peccassó, Venus,
Venerór te ut omnes míseri lenonés sient.

GR. Tam flet, etsi tú fidem seruáuieris. 1350

Tu hic ópperire: iam égo faxo exhibít senex:

Eum tú continuo uídulum repóscito.

LA. Si máxume illum míhi reddiderit uídulum,
Non égo illic hodie débeo trióbulum.

Meus árbitratust, língua quod iurét mea. 1355

Set cónticiscam: eccum éxit et ducít senem.

GRIPVS. DAEMONES. LABRAX.

GR. Séquere hac: ubi istic lénost? heus tu: én tibi,
hic habet uídulum.

DÆ. Hábeo et fateor ésse aput me: et, sí tuus est,
habeás tibi.

Ómnia ut quicque infuit ita sálua sistentúr tibi.

Téne, si tuus est. LA. Di inmortales: méus est. salue,
uídule. 1360

DÆ. Túun est? LA. Rogitas? sí quidem hercle
Íóuis fuit, meus ést tamen.

DÆ. Ómnia insunt sálua: una istinc cístella exceptást
modo

Cúm crepundiís, quibus hodie filiam inuení meam.

LA. Quám? DÆ. Tua quae fuit Palaestra, ea filia
inuentást mea.

LA. Béne mhercle fáctumst: quom istaec rés tibi ex
senténtia 1365

Púlcre euenit, gaúdeo. DÆ. Istuc fácte non credó
tibi.

LA. Ímmo hercle, ut sciás gaudere mé, [tu] mihi trió-
bulum

Ób eam ne duís: condono té. DÆ. Benigne edepól
facis.

LA. Ímmo tu quidem hércle uero. GR. Heús tu,
iam habes uídulum?

LA. Hábeo. GR. Propera. LA. Quíd properabo?
GR. Réddere argentúm mihi. 1370

LA. Néque edepol tibi dó neque quicquam débito.
GR. Quae haec fáctiost?

Nón debes? LA. Non hércle uero. GR. Nón tu iura-
tús mihi's?

LA. Íuratus sum, et núnc iurabo, síquid uoluptatíst
mihi:

Íús iurandum rèi seruandae, nón perdundae cóndi-
tumst.

GR. Cédo sis mihi taléntum magnum argénti, per-
iuríssume. 1375

DÆ. Grípe, quod tu istúm talentum póscis? GR. Iurátúst mihi

Dáre. LA. Lubet iuráre: tun meo póntifex periúrio's?

DÆ. Quá pro re argentúm promisit híc tibi? GR. Si uídulum

Húnc redegissem ín potestatem éius, iurátúst dare Míhi talentum mágnum argenti. LA. Cédo quicum habeam iúdicem, 1380

Ní dolo malo ínstipulatus sís niue etiamdum [haú] siem Quínque et uiginti ánnos natus. GR. Hábe cum hoc LA. [Immo] alióst opus.

DÆ. Iám ab isto auferre haú sinam [te], ní ístunc condemnáuero.

Prómisistine huíc argentum? LA. Fáteor. DÆ. Quod seruó meo

Prómisisti, méum esse oportet. né tu, leno, póstules 1385

Te híc fide lenónia uti: nón potis. GR. Iam té ratu's Náñctum hominem quem défraudares? dándum huc argentúmst probum:

Íd ego continuo huíc dabo, adeo mé ut hic emittát manu.

DÆ. Quándo ergo erga té benignus [égo] fui atque operá mea

Haéc tibi sunt seruáta: (GR. Immo hercle mĕa, ne tu dicás tua. 1390

DÆ. Sí sapiēs, tacébis:) tum te míhi benigne itidem áddecet

Béne merenti béne referre grátiam. LA. Nempè pró meo

Iúre oras? DÆ. Mirúm quin tuum ius mèò periclo, aps te éxpetam.

GR. Sáluos sum: lenó labascit: libertas porténditur.

DÆ. Vídulum istunc ille inuenit: illut mancupiúm
meumst. 1395

Égo tibi hunc porró seruauí cúm magna pecúnia.

LA. Grátiam habeo et dé talento núlla causast quín
feras, . .

Quód isti sum iurátus. GR. Heus tu, mihi dato ergo,
sí sapis.

DÆ. Tácen an non? GR. Tu mēam rem simulas
ágere: tibi mu * * *.

Nón hercle istoc me ínteruortes, si áliam praedam
pérdidi. 1400

DÆ. Vápulabis, uérbum si addes únum. GR. Vel [tu]
hercle énica:

Nón tacebo umquam álio pacto, nisi talento cónpri-
mor.

LA. Tíbi quidem operam hic dát: taceto. DÆ. Cón-
cede huc lenó. LA. Licet.

GR. Pálam age, nolo ego múrmurillum néque susur-
rum fíeri.

DÆ. Díc mihi, quanti [tu] íllam emisti tuam álteram
mulíérculam 1405

Ámpeliscam? LA. Mílle nummum dínumeraui. DÆ.
Vín tibi

Cónditionem lúculentam férre me? LA. Sané uolo.

DÆ. Díuiduom taléntum faciam. LA. Béne facis.
DÆ. Pro illa áltera,

Líbera ut sit, tíbi dimidium súde, dimidium huíc cedo.

LA. Máxume. DÆ. Pro illó dimidio Grípum ego
emittám manu, 1410

Quém propter tu uídulum et ego gnátam inueni. LA.
Béne facis:

Grátiam habeo mágnam. GR. Quam mox mi árgentum
ergo rédditur?

DÆ. Rés solutast, Grípe. ego habeo. **GR.** [Tu] hér-
cle: at ego me máuolo.

DÆ. Níhil hercle hic tibi, né tu speres: iúris iurandi
uolo

Grátiam faciás. GR. Perii hercle: nési me suspendo,
óccidi. 1415

**Númquam hercle iterum défraudabis mé quidem post
húnc diem.**

DÆ. Híc hodie cenáto, leno. **LA.** Fíat: conditió
placet.

DÆ. Séquimini intro. spéctatores, uós quoque ad
cenám uocem,

**Ní daturus níl sim neque sit quícquam polluctí domi,
Níue adeo uocátos credam uós esse ad cenám foras. 1420**

**Vérum si uolétis plausum fábulæ huic clarúm dare,
Cómissatum omnés uenitote ád me ad annos sédecim.
Vós hodie hic cenátote ambo. GR. Fíat. CANTOR.
[Iam] plausúm date.**

METRA HVIVS FABVLAE HAEC SVNT

- V. 1 ad 184 iambici senarii
- 185 ad 189 trochaici octonarii
 - 190 ad 193 bacchiaci tetrametri acatalecti
 - 194 ad 196 bacchiaci tetrametri catalectici
 - 197 bacchiacus trimeter acatalectus
 - 198 et 199 iambici octonarii
 - 200 ad 203 cretici dimetri acatalecti cum trochaicis monometris hypercatalectis
 - 204 et 205 bacchiaci tetrametri acatalecti
 - 206 iambicus octonarius
 - 207 et 208 cretici tetrametri acatalecti
 - 209 creticus tetrameter catalecticus in syllabam
 - 210 et 211 cretici tetrametri acatalecti
 - 212 creticus tetrameter catalecticus in syllabam
 - 213 ad 215 cretici tetrametri acatalecti
 - 216 et 217 trochaici octonarii
 - 218 et 219 iambici septenarii
 - 220 ad 228 trochaici octonarii
 - 229 trochaicus septenarius
 - 230 et 231 bacchiaci dimetri catalectici (sive dochmiaci monometri)
 - 232 ad 252 cretici tetrametri acatalecti
 - 253 trochaicus septenarius
 - 254 et 255 iambici octonarii

- V. 256 et 257 trochaici septenarii
- 258 ad 262 bacchiaci tetrametri acatalecti
 - 263 bacchiacus dimeter acatalectus
 - 264 creticus tetrameter acatalectus
 - 265 iambicus dimeter catalecticus
 - 266 ad 272 cretici tetrametri acatalecti
 - 273 creticus tetrameter catalecticus
 - 274 ad 277 cretici tetrametri acatalecti
 - 278 ad 286 bacchiaci tetrametri acatalecti
 - 287 bacchiacus dimeter acatalectus
 - 288 bacchiacus tetrameter acatalectus
 - 289 trochaicus dimeter acatalectus
 - 290 ad 413 iambici septenarii
 - 414 ad 449 trochaici septenarii
 - 450 ad 558 iambici senarii
 - 559 ad 592 trochaici septenarii
 - 593 ad 614 iambici senarii
 - 615 ad 663 trochaici septenarii
 - 664 ad 666 cretici tetrametri acatalecti
 - 667 et 668 bacchiaci tetrametri acatalecti
 - 669 ad 673 cretici tetrametri acatalecti
 - 674 et 675 bacchiaci tetrametri acatalecti
 - 676 iambicus septenarius
 - 677 trochaicus septenarius
 - 678 ad 680 cretici tetrametri acatalecti
 - 681 ad 705 iambici septenarii
 - 706 ad 779 trochaici septenarii
 - 780 ad 905 iambici senarii
 - 906 ad 918 bacchiaci tetrametri acatalecti
 - 919 iambicus dimeter acatalectus
 - 920 ad 937 trochaici octonarii
 - 938 ad 944 iambici octonarii
 - 945 ad 948 iambici septenarii
 - 949 ad 951 cretici tetrametri acatalecti
 - 952 et 954 trochaici monometri hypercatalecti
 - 953 et 955 cretici trimetri catalectici
 - 956 ad 962 trochaici octonarii

- V. 963 ad 1190 trochaici septenarii
- 1191 ad 1204 iambici senarii
 - 1205 ad 1226 trochaici septenarii
 - 1227 ad 1264 iambici senarii
 - 1265 ad 1280 trochaici septenarii
 - 1281 ad 1337 iambici septenarii
 - 1338 ad 1356 iambici senarii
 - 1357 ad 1423 trochaici septenarii.
-

T. MACCI PLAVTI

T R I N V M M V S.

**GRAECA THENSAVRVS PHILEMONIS
(ACTA LVDIS MEGALENSIBVS).**

ARGVMENTVM.

Thensaúrum [clam] apstrusum ábiens peregre Chármides
Remque ómnem amico Cállicli mandát suo.
Istóc apsente mále rem perdit fílius.
Nam et aédis uendit: hás mercatur Cállicles.
Virgo índotata sóror istius póscitur. 5
Minus quó cum inuidia dét ei dotem Cállicles,
Mandát qui dicat aúrum ferre se á patre.
Vt uénit ad aedis, húnc deludit Chármides
Senéx, ut rediit: quóius nubunt líberi.

P E R S O N A E.

LVXVRIA cum INOPIA PROLOGVS
MEGARONIDES SENEX
CALLICLES SENEX
LVSITELES ADVLESCENS
PHILTO SENEX
LESBONICVS ADVLESCENS
STASIMVS SERVVS
CHARMIDES SENEX
SVCOPHANTA
CANTOR.

P R O L O G V S.

L V X V R I A . I N O P I A .

LV. Sequere hác me, gnata, ut múnus fungarís tuum.

IN. Sequór: set finem fóre quem dicam néscio.

LV. Adést: nam illaec sunt aédes: i intro núnc iam.

Nunc, néquis erret uóstrum, paucis in uiam

Dedúcam, si quidem óperam dare promíttitis. 5

Nunc ígitur primum quae ego sim et quae illaec siet

Huc quae ábiit intro, dícam si animum aduórtitis.

Primúm mihi Plautus nómen Luxuriae índidit:

Tum illánc mihi esse gnátam uoluit Ínopiam.

Set éa quid huc intro ferit impulsú meo, 10

Accípite et date uocúas auris dum éloquor.

Aduléscens quidamst, qui in hisce habitat aédibus:

Is rém paternam me ádiutrice pérdidit.

Quoniam èi qui me alat níl uideo esse rélicui,

Dedi èi meam gnatam, quícum egestatem éxigat. 15

Set de árgumento ne éxpectetis fábulae:

Senés qui huc uenient í rem uobis áperient.

Huic Graíce nomen ést Thensauro fábulae:

Philémo scripsit: Plaútus uortit bárbare,

Nomén Trinummo fécit. nunc uos hóc rogat 20

Vt líceat possidére hanc nomen fábulam.

Tantúmst. ualete: adéste cum siléntio.

A C T V S I.

M E G A R O N I D E S.

Amicum castigare ob meritam noxiam
 Immocest facinus, uerum in aetate utile
 Et conducibile. nam ego amicum hodie meum 25
 Concastigabo pro conmerita noxia:
 Inuitus, ni id me inuitet ut faciam fides.
 Nam hic nimium morbus mores inuasit bonos:
 Ita plerique omnes iam sunt intermortui.
 Set dum illi aegrotant, interim mores mali 30
 Quasi herba inrigua succreuerunt uberrime:
 Neque quisquam hic uile nunc est nisi mores mali.
 Eorum licet iam metere messem maximam:
 Nimoreque hic pluris pauciorum gratiam
 Faciunt pars hominum quam id quo prosint pluribus.
 Ita vincunt illud conducibile gratiae, 36
 Quae in rebus multis opstant odiosaque sunt
 Remoramque faciunt rei priuatae et publicae.

C A L L I C L E S. M E G A R O N I D E S.

CA. Larum corona nostrum decorari uolo:
 Vxor, uenerare ut nobis haec habitatio 40

Bona faústa felix fórtunataque éuenat —

Teque út quam primum póssim uideam emórtuam.

ME. Hic illést senecta aetáte qui factúst puer,

Qui admísit in se cúlpan castigábilem.

Adgrédíar hominem. CA. Quóia hic prope me uóx
sonat? 45

ME. Tui béneuolentis, sí ita's ut ego té uolo :

Sin áliter es, inimíci atque iratí tibi.

CA. O amíce, salue. [atque aequalis. ut uales,

Megaronides?] ME. Et tu édepól salue, Cállicles.

Valén? ualuistin? CA. Valeo et ualui réctius. 50

ME. Quid túa agit uxor? út ualet? CA. Plus quam
égo uolo.

ME. Bene hérclest illam tibi ualere et úuere.

CA. Credo hércle te gaudére, siquid mñhi malist.

ME. Omníbus amicis quód mihist cupio ésse item.

CA. Eho tú, tua uxor quíd agit? ME. Inmortális
est: 55

Viúst uicturaquést. CA. Bene hercle núnťias,

Deosque óro ut uitae túae superstes súppetat.

ME. Dum quidem hércle tecum núpta sit, sané uelim.

CA. Vin cónmutemus? túam ego ducam et tú meam?

Faxo hau tantillum déderis nerborúm mihi. 60

ME. Nempe ěnim tu, credo, me ínprudentem ob-
répseris.

CA. Ne tu hércle faxo hau néscias quam rem égeris.

ME. Habeás ut nanctu's: nóta mala res óptumast.

Nam ego núnc si ignotam cápíam, quíd agam néscíam.

CA. Edepól proinde ut diu úsúitur, bene úsúitur. 65

ME. Set hoc ánimu aduorte atque aúfer ridiculária:

Nam ego dédita opera huc ád te uenio. CA. Quíd
uenis?

ME. Malis te ut uerbis múltis multum obiúrgitem.

CA. Men? ME. Númquis est hic álius praeter me
átque te?

CA. Nemóst. ME. Quid tu igitur rógitas tene obiúr-
gitem?

Nisi tú me mihimet cénse dicturúm male.

Nam si ín te aegrotant ártes antiquaé tuae

Aut sí demutant móres ingeniúm tuum, 73

[Nam si ínmutare uís ingenium móribus

Neque tños antiquos séruas, set captás nouos,] 74

Omnibus amicis mórbum tu incutiés grauem,

Vt té uidere audíreque aegrotí sient.

CA. Qui in méntem uenit tíbi istaec dicta dícere?

ME. Quia omnis bonos bonásque adcurare áddecet,
Suspítionem et cúlpani ut ab se ségrent.

CA. Non pótis utrumque fieri. ME. Quaproptér?
CA. Rogas? 80

Ne admíttam culpam, ego mēo sum promus péctori:

Suspítio est in péctore alienó sita.

Nam núnc ego si te súbrupuisse súspicer

Iouí coronam dé capite ex Capitólio,

Qui in cólumine astat súmmo: si id non féceris 85

Atque id tamen mihi lúbeat suspicárier:

Qui tu id prohibere mé potes ne súspicer?

Set istuc negoti cúpío scire quid siet.

ME. Habén tu amicum aut fáiliarem quémpiam,

Quoi péctus sapiat? CA. Edepol hau dicám dolo. 90

Sunt quós scio amicos ésse: sunt quos súspicor,

Set quórum ingenia atque ánimos nequeo nóscere:

[Ad amici partem an ad inimici perueniant:]

Set tu ex amicis certis mi's certíssimus.

Siquíd scis me fecísse incite aut ínprobe, 95

Si id nón me accusas, túte obiurgandú's. ME. Scio

Et istác huc causa ad te ádueni: acquom póstulas.

CA. Expécto siquid dícas. ME. Primumdum ómnium
Male dictitatur tíbi uolgo in sermónibus.

Turpílucricupidum té uocant ciués tui: 100

Tum autém sunt alii qui te uolturiúm uocant:

Hostísne an ciuis cómedis parui péndere.

Haec quom aúdio in te díci, discruciór miser.

CA. Est átque non est míhi in manu, Megarónides:

Quin dicant, non est: mérito ut ne dicánt, id est. 105

ME. Fuitne híc tibi amicus Chármides? CA. Est ét
fuit.

Id ita ésse ut credas, rém tibi auctorém dabo.

Nam póstquam hic eius rém confregit filius

Vidétque ipse ad paupériem protractum ésse se

Suámque filiam ésse adultam uírginem, 110

Semul éius matrem suámque uxorem mórtuam:

Quoniam hínc iturust ípsus in Seleúciam,

Mihi cónmendauit uírginem gnatám suam

Et rém suam omnem et illúm corruptum filium.

Haec, si mi inimicus ésset, credo haut créderet. 115

ME. Quid tu? ádulescentem quém esse corruptúm
uides,

Qui túae mandatus ést fide et fidúciae,

Quin èum restituis? quín ad frugem cónrigis?

Ei rei óperam dare te fúerat aliquanto aéquius,

Siquí probiorem fácere posses, nón uti 120

In eándem tute accéderes infámiam

Malúmque ut eius cú tuo miscerés malo.

CA. Quid féci? ME. Quod homo néquam. CA. Non
istúc meumst.

ME. Emístin de adulescénte hasce aedis? quíd taces?

Vbi nunc tute habitas. CA. Émi atque argentum
dedi, 125

Minas quadraginta, ádulescenti ipsi in manum.

ME. Dedisti argentum? CA. Factum, neque facti piget.

ME. Edepól fide adulescentem mandatúm malae:

Dedistíne hoc facto ei gládium qui se occíderet?

Quid séctiust [nam, te ópsecro,] dare te in manus 130

Argentum amanti homini ádulescenti, animi inpoti,

Qui exaédificaret suam inchoatam ignáuiam?

CA. Non égo illi argentum rédderem? ME. Non
rédderes

Neque de illo quicquam néque emerés neque uénderés

Nec qui deterior ésset facerés cópiam. 135

Incónciliastíne éum qui mandatúst tibi?

Ille qui mandauit eum éxturbauísti aédibus?

Edepól mandatum púlcre et curatúm probe.

Crede huíc tutelam: suam rem melius gésserit.

CA. Subigís maledictis mé tuis, Megarónides, 140

Nouó modo adeo ut quód meae concréditumst

Tacitúrnitati clám, fide et fidúciae,

Ne enúntiarem quoíquam neu facerém palam,

Vt míhi necesse sít iam id tibi concrédere.

ME. Mihi quód credideris, súmes ubi posúueris. 145

CA. Circúmspicedum te, néquis adsit árbitér

Nobís, et quaeso idéntidem circúspice.

ME. Auscúlto siquid dícas. CA. Si taceás, loquar.

Quoniam hínc profectust [íre] peregre Chármides,

Thensaúrum demonstráuit míhi in hisce aédibus, 150

Hic in conclaui quódam. set circúspice.

ME. Nemo [híc] est. CA. Nummum Phílippeum ad
tria mília.

Id sólus solum pér amicitiam et pér fidem

Flens me ópsecrauit sũo ne guato créderem
 Neu quóquam, unde ad eum id pósset permanáscere.
 Nunc si ille huc saluos réuenit, reddam sũum sibi: 156
 Siquíd eo fuerit, cérte illius fíliae
 Quae míhi mandatast hábeo dotem [ei] únde dem,
 Vt eam ín se dignam cónditionem cónlocem.

ME. Pro di ínmortales, uérbis paucis quám cito 160
 Aliúm fecisti me: álius ad te uéneram.

Set ut ócepesti, pérge porro próloqui.

CA. Quid tibi ego dicam? qui illius sapiéntiam
 Et mēam fidelitátem et celata ómnia

Paene ille ignauos fúnditus pessúm dedit. 165

ME. Quidúm? CA. Quia, ruri dúm sum ego unos
 séx dies,

Me apsénte atque insciénte, inconsultú meo,
 Aedís uenalis hásce inscribit líteris.

ME. Adésuriuit ét inhiauit ácrius

Lupus: ópseruauit dúm dormitarét canes: 170

Gregem úniuorsum uoluit totum auórtere.

CA. Fecisset edepol, ni haéc praesensissét canes.

Set núnc rogare [hoc] égo uicissim té uolo:

Quid fúit officium mēum me facere? fác sciam:

Vtrum índicare me èi thensaurum aequóm fuit, 175

Aduórsum quam eius me ópsecrauissét pater?

An ego álium dominum páterer fieri histe aédibus?

Qui emissét, eius éssetne ea pecúnia?

Emi égomet potius aedis: argentúm dedi

Thensaúri causa, ut sáluom amico tráderem. 180

Neque ádeo hásce emi míhi neque usuraé meae:

Illí redemi rúsum, a me argentúm dedi.

Haec sũnt, si recte seú peruorse fácta sunt,

[Quae] ego mé fecisse cónfiteor, Megarónides.

En mēa [tibi] malefacta, én meam auaritiám tibi. 185

Hascín mi propter rés malas famás ferunt?

ME. Pausá: uicisti cástigatorém tuum.

Occlústi linguam: níhil est quod respóndeam.

CA. Nunc égo te quaeso ut me ópera et consilió
iuues

Commúnicesque hanc mécum meam prouínciam. 190

ME. Pollíceor operam. CA. Ergo úbi eris paulo
póst? ME. Domi:

Numquíd uis? CA. Cures túam fidem. ME. Fit
sédulo:

Set quíd ais? CA. Quid uis? ME. Vbi nunc adule-
scéns habet?

CA. Postículum hoc recépit, quom aedis uéndidit.

ME. Istúc uolebam scíre: i sane núnc iam. 195

Set quíd ais, quid nunc uírgo? nempe aput tést? CA.
Itast,

Iuxtáque eam curo cúm mea. ME. Recté facis.

CA. Numquíd prius quam abeo mé rogaturú's? ME.
Vale.

Nihil ést profecto stúltius neque stólidius

Neque méndacilocum néque adeo argutúm magis 200

Neque cónfidentilóquius neque periúrius

Quam urbáni adsidui cíues, quos scurrás uocant.

Atque égomet me adeo cúm illis una ibidém traho:

Qui illórum uerbis fálsis acceptór fui,

Qui omnía se simulant scíre neque quicquám sciunt. 205

Quod quisque in animo habét aut habiturúst, sciunt:

Sciúnt quid in aurem réx reginae dixerit:

Sciúnt quod Iuno fábulatast cúm Ioue:

Quae néque fuerunt néque sunt, tamen illí sciunt.

Falsóne an uero laúdent, culpent quém uelint, 210

Non flócci faciunt, dúm illut quod lubeát sciant.

Omnés mortales hunc aiebant Cálliclem

Indígnum ciuitáte ac sese úfuere,

Bonís qui hunc adulescéntem euortissét suis.

Ego de eorum uerbis fámigatorum ínsciens 215

Prosúlui amicum cástigatum innóxium.

Quod si éxquiratur úsque ab stirpe auctóritas,

Vndé quid auditum dícant: nisi id adpáreat,

Famígeratori rés sit cum damno ét malo:

Hoc íta si fiat, púplico fiát bono. 220

Paucí sint faxim quí sciant quod nésciunt,

Occlúsioremque hábeant stultiloquéntiam.

A C T V S II.

L V S I T E L E S.

Multás res simítu in meó corde uórso,
 Multum in cogitádo dolórem indipíscor.
 Egomét me coquo ét macero ét defetígo: 225
 Magíster mihi éxercitór animus núnc est.
 Set hóc non liquét nec satís cogitátumst,
 Vtrám potius hárum mihi ártem expetéssam,
 Vtram aétati agúndae arbitrér firmiórem:
 Amórin me an réi opsequi potius pár sit. 230
 [Vtra in parte plús sit uolúptatis uítae
 Ad aétatem agúndam.]

De hac ré mihi satis haú liquet: nisi hóc sic faciam,
 opínor,
 Vt utrámque rem semul éxputem, iudéx sim reusque ad
 ěam rem.

Síc faciam: síc placet. ómnium prímum 235
 Amóris artis éloquar, quemuam ad modum se expédiant.
 Númquam amor quemquám nisi cupidum póstulat se ho-
 minem in plagas
 Cónicere: eos petit, ěos sectatur, súbdole ab re cón-
 sulit:

Blandíloquentulúst, harpagó, mendax, cúppes,
 Despóliator, látebricolarum hóminum corrúm-
 ptor, 240
 Celátum indagátor.

Nám qui amat quod amát quom extemplo [eius] sáuiis
percúsus est,

Ílico rés foras lábitur, líquitur.

‘Dá mihi hoc, méi meum, sí me amas, si aúdes’.

[Átque] ibi ille cucúlus: ‘o océllé mi, fíat: 245

Ét istuc et si ámplius uís dari dábitur’.

Íbi illa pendentém ferit.

Iam ámplius orat: nón satis

Íd est mali, ni etiam ámpliust,

Quód bibit, quód comest, quód facit sump̄ti. 250

Nóx datur: dúcitur fámilia [ei] tóta,

Véstiplica, unctor, aúri custos, flábelliferae, sándali-
gerulae,

Cántrices, cistéllatrices, núntii, renúntii,

Raptóres panis ét peni. fit ípse, dum illis cómis est, 255

Amátor inóps. haec quom agó cum meo ánimo

Et récolo, ubi qui egét, quam pretí sit parui, ápage

Amór, non placés, te nil útor.

Quamquam illut dulcest, ésse et bibere, amór amari dát
tamen

Quod aégrest satis: fugít forum, 260

Fugát tuos cognátos, fugát temet á tuo

Contútu: neque ěum sibi uolúnt dici amícum.

Mílle modis amor ígnorandust, prócul abdendust, ápsti-
nendust:

Nám qui in amorem praécipitauit, périit quasi [de] sáxo
saliat. 265

Apáge sis amór: tuas tibi res habéto.

Ámor, amícús mihi né fuas úmquam:

Súnt tamen quós [nimis] mísere maleque há-
beas,

Quós tibi obnóxios [fácile] fecísti.

Cérta res ést ad frugem ádplicare ánimum : 270
Quámquam ibi grándis animó labos cápitur :
Bõni sibi haec éxpetunt, rém, fidem [et] ho-
nórem,
Glóriam et grátiam: hóc probis prétiumst.
Ěo mihi mágis lubet cúm probis [úna]
Pótius quam cum ínprobis úsuere uanfídiciis. 275

PHILTO. LVSITELES.

PH. Quo illic homo fòras se penetráuit ex aédibus?

LV. Pater, ádsūm: imperá quiduis, néque erit
mora in me

Nec látebrose me áps tuo conspéctu occultábo.

PH. Féceris pár tuis fáctis [id] céteris

Párque pietáti, tuum sí patrem pércoles. 280

Nólo ego cum improbis té uiris, gnáte mi,

Neque in uia neque in foro [malum] ullum sermonem
éxequi.

Nóui ego hoc saéculum, móribus quíbus siet:

Málus bonum málum esse uolt, símilis ut sít sui:

Turbánt, miscent morés mali, rapáx, auarus, ínuidus:

**Sacrūm profanum, pūblicum priuátum habent, hiūla
gens. 286**

**Haec ego doleo, haec sũnt quae exeruciant, haec dies
noctisque canto**

Tibi uti caueas. quód manu nequeunt tângere, tantum fás habent

**Quó manus apstíneant: cetera rápe, trahe, [tene,]
fúge, late.**

Lácrumas haec mihi, quóm [ea] uideo, elíciunt, quia
ego ad hóc genus. 290

Hóminum perduráui. quin me ad plúris penetrauí
prius?

Nam hí mores maiórum laudant, èosdem lutitant quós
conlaudant.

Hís ego de ártibus grátiam fácio,
Né colas, ne ínbuas [èis tuum] ingénium.

Mèo modo et móribus úsuito antíquis: 295

Quae égo tibi praécipio, ea [mémineris] fácito.

Níl ego istós moror faéceos móres,

Túrbidos, quíbus boni dédecorant sése.

Haec tibi sí capessés mea impéria,

Múlta bona in pectore [praecépta] consídent. 300

LV. Sémper ego usque ad hánc aetatem ab ineunti adu-
lescéntia

Túis seruiui séruitutem impériis praeceptís, pater.

Pro ingenio ego me líberum esse rátus sum, pro impe-
rió tuo

Méum animum tibi séruitutem séruire aequom cénsui.

PH. Quí homo cum animo inde áb ineunti aetáte de-
pugnát suo, 305

Vtrum itane esse máuelit ut eum ánimus aequom cén-
seat,

Án ita potius út parentes éum esse et cognatí uelint:

Sí ánimus hominem pépulit, actumst, ánimó seruit, nón
sibi:

Sín ipse animum pépulit, uiuit, uíctor uictorúm cluet.

Tú si animum uicísti potius quam ánimus te, 'st quod
gaúdeas. 310

[Qui ánimus uincunt, quám quos animus, sémper pro-
biorés cluent.

Nímio satiust út opus est ita ésse quam ut animó lubet.]

LV. Ístaec ego mi sémper habui aetáti integumentúm
meae,

Né penetrarem me úsquam, ubi esset dámni conciliá-
bulum,

Né noctu irem obámbulatum neú suum adimerem áleri.

Ne aégritudiném, pater, tibi párerem, parsi sédulo: 316

Sárta tecta túa praecepta usque hábui mea modéstia.

PH. Éxprobras bene quód fecisti? tíbi fecisti, nón
mihi:

Míhi quidem aetas áctast ferme, túa istuc refert máxume.

Bénefacta benefáctis aliis pértegito, ne pérpluant: 320

Ís probust, quem paénitet quam próbus sit et frugí
bonae.

Qui ípsus sibi satís placet, nec próbus est nec frugí
bonae:

Qui ípsus se contémpnit, in eost índoles indústriae.

LV. Ób eam rem haec, pater, aútumaui, quía res quae-
damst quám uolo

Égo me aps te exoráre. PH. Quid id est? dáre iam ue-
niam géstio. 325

LV. Ádulescenti hinc génere summo, amíco atque ae-
qualí meo,

Mínus qui caute et cógitate súam rem tractauít, pater,
Béne uolo illi fácere ego, nisi tú neuís. PH. Nempe dé
tuo?

LV. Dé meo: nam quód tuumst meúmst, omne autem
mëum tuumst.

PH. Quid is? egetne? LV. Egét. PH. Habuitne rem?

LV. Hábit. PH. Qui eam pérdidit? 330

Púplicisne adfínis fuit an márítumis negótiis?

Mércaturamne án uenalis hábit, ubi rem pérdidit?

LV. Nihil istorum. PH. Quid igitur? LV. Per comitatem edepol, pater:

Praeterea aliquantum animi causa in deliciis dispendit.

PH. Edepol hominem praedicatum firme et familiariter, 335

Qui quidem nusquam per uirtutem rem confregit atque eget.

Nisi moror eum tibi esse amicum cum eius modi uirtutibus.

LV. Quia sine omni malitias, tolerare egestatem eius uolo.

PH. De mendico male meretur qui ei dat quod edit aut bibat:

Nam et illud quod dat perdit et illi praeiungit uitam ad miseriam. 340

Non eo haec dico, quin quae tu uis ego uelim et faciam lubens:

Sed ego hoc uerbum quomodo illi quodam dico, praemonstro tibi,

Ut ita te aliorum miserescat, ne tuis alios misereat.

LV. Deserere illum et deuolare in rebus aduersis pudet.

PH. Pol pudere quam pigere praestat totidem literis.

LV. Edepol deum uirtute dicam, pater, et maiorum et tua 346

Multa bona bene parata habemus: bene si amico feceris, Ne pigeat fecisse: ut potius pudeat, si non feceris.

PH. De magnis diuitiis siquid demas, plus fit an minus?

LV. Minus, pater: sed cui inmoeni sciri quid cantari solet? 350

Quod habes ne habeas et nunc quod non habes habeas uelim,

Quando quidem nec tibi bene esse pote pati neque alteri.

PH. Scío equidem istuc ita solere fieri: uerum, gnáte mī,
 Ís est inmoenis, quóí nihil est qui múnus fungatúr suum.

LV. Dēum uirtute habémus et qui nōsmet utamúr,
 pater, 355

Ét aliis qui cómitati símus beneuoléntibus.

PH. Nón edepol tibi pérnegare pōssum quicquam quód
 uelis:

Quóí [tu] egestatém tolerare uís? loquere andactér patri.

LV. Lésbonico hinc ádulescenti, Chármidai filio,

Qui illic habitat. PH. Quín comedit quód fuit, quód
 nón fuit? 360

LV. Ne éxprobra, patér: multa homini euéniant quae
 uolt, quae neuolt.

PH. Méntire edepol, gnáte, atque id nunc fácis haut
 consuetúdine.

Nám sapiens quidém pol ipso fingit fortunám sibi:

Éo non multa quae neuolt euéniant, nisi fictór malust.

LV. Múltaest operae opús fictura, qui se fictorém pro-
 bum 365

Vítae agundae esse éxpetit: set hic ád modum adulescén-
 tulust.

PH. Nón aetate, uerum ingenio apíscitur sapiéntia.

[Sapienti aetas condimentum, sapiens aetati cibust.]

Ágedum eloquere, quíd dare illi núnc uis? LV. Nil
 quicquám, pater:

Tú modo ne me próhibeas accípere, síquid dét mihi. 370

PH. Án eo egestatem eí tolerabis, síquid ab illo accé-
 peris?

LV. Éo, pater. PH. Pol égo istam uolo me rátionem
 edoceás. LV. Licet.

Scín tu illum quo género gnatus sí? PH. Scio, adprimé
 probo.

LV. Sórór illist adúlta uirgo grándis: eam cupió, pater,
Dúcere uxórém sine dote. PH. Sine dote [autem] uxó-
rem? LV. Ita, 375

Tua re salua: hoc pácto ab illo súmmam iníbis grátiam,
Néque commodius úllo pacto ei póteris auxiliárier.

PH. Égone indotatám te uxorem ut pátiar? LV. Patiun-
dúmst, pater:

Ét eo pacto addíderis nostrae lépidam famam fámiliae.

PH. Múlta ego possum dícta docte et quámuis facundé
loqui: 380

Hístoriám ueterem átque antiquam haec méa senectus
sústinet.

Vérum ego quando te ét amicitiam et grátiam in nostrám
domum

Vídeo adlicere, etsi áduorsatus tíbi fui, istac iú dico:

Tíbi permittam, pósce, duce. LV. Dí te seruassínt
mihi:

Sét ad istam adde grátiam unum: PH. Quíd id est autem
unum? LV. Éloquar: 385

Túte ad eum adeas, túte concílies, túte poscas. PH.
Éccere.

LV. Nímio citius tránsiges: firmum ómne erit quod tu
égeris.

Gráuius tuum erit ún timerbum ad eam rem quam cen-
túm mea.

PH. Écce autem in benígnitate hac répperi negótium:

Dábitur opera. LV. Lépidus uiuis. haec sunt aedes,
híc habet: 390

Lésbonícost nómen, age rem cúra: ego te opperíar
domi.

PH. Non óptuma haec sunt néque ut ego aequom
céntseo:

Verúm meliora sũnt quam quae detérruma.
 Set hoc únũm consolátur me atque animũm meum,
 Quia quĩ nil aliũt nĩsi quod sibi solĩ placet 395
 Consũlit aduorsum filium, nugás agit:
 Fit miser ex animo, fáctius nihiló facit.
 Suaé senectae is ácriorem hiemém parat,
 Quom illam ínportunam témpestatem cónciet.
 Set áperiuntur aédes quo ibam: cómmodum 400
 Ipse éxit Lesbónicus cum seruó foras.

LESBONICVS. STASIMVS. PHILTO.

LE. Minus quíndecim diés sunt, quom pro hisce aédibus
 Minás quadraginta ácepesti a Cállicle:
 Estne hóc quod dico, Stásime? ST. Quom considéro,
 Memínisse uideor fieri. LE. Quid factũmst eo? 405
 ST. Coméssum, expotum, exúñctum, elutum in bálineis:
 Piscátor, pistór ápstulit, lanĩf, coquĩ,
 Holitóres, muropolae, aúcupes: confit cito:
 Non hércle minus [euórsi sunt nummĩ] cito,
 Quam sí formicis tu óbicias papáuerem. 410
 LE. Minus hércle in istis rébus sumptumst séx minis.
 ST. Quid, quód dedisti scórtis? LE. Ibidem uná traho.
 ST. Quod égo defraudaui? LE. Hém, istaec ratio máxu-
 mast.
 ST. Non tĩbi illut adparére, si sumás, potest,
 Nisi tu ínmortale rére esse argentũm tibi. 415
 Sero átque stulte, prius quod cantum opórtuit,
 Postquám comedit rém, post rationém putat.
 LE. Nequáquam argenti rátio conparét tamen.
 ST. Ratió quidem hércle adpáret: argentum *οἷχεται*.

Minás quadraginta áaccepstine a Cállicle 420

Et ille aédis mancupio áps te accepit? LE. Ád modum.

PH. Pol opíno adfinis nóster aedis uéndidit.

Patér quom peregre uéniet, in portást locus:

Nisi fórte in uéntrem fílio conrépserit.

ST. Trapezítae mille dráchumarum, [olim] Olúmpicho
Quas dé ratione débuisti, rédditae. 426

[Pro spónsione núper quam tu exáctus es.]

LE. Nempe quas spopondi? ST. Immó 'quas dependi'
ínquito 427

Pro illo ádulescente, quém tu esse aibas díuitem.

LE. Factum. ST. Vt quidem illut périerit. LE. Factum
íd quoquest:

Nam núnc eum uidi míserum et me eius míserítumst. 430

ST. Miserét te aliorum, tui nec miseret néc pudet.

PH. Tempúst adeundi. LE. Éstne hic Philto qui ád-
uenit?

Is hérclest ipsus. ST. Édepol ne ego istúm uelim
Meum fieri seruom cúm suo pecúlio.

PH. Erum átque seruom plúrumum Philtó iubet 435

Saluére, Lesbonícum et Stasimum. LE. Dí duint

Tibi, Philtó, quaequomque óptes. quid agit fílius?

PH. Bene uólt tibi. LE. Edepol mútuom mecúm facit.

ST. Nequam illut uerbumst 'béne uólt', nisi qui béne
facit.

Ego quóque uolo esse líber: nequiquám uolo. 440

Hic póstulet frugi ésse: nugas póstulet.

PH. Meus gnátus me ad te mísit, inter te átque nos
Ádfinitatem ut cónciliarem et grátiam.

Tuam uólt sororem dúcere uxorem: ét mihi

Senténtia eademst ét uolo. LE. Hau noscó tuum: 445

Bonís tuis rebus mēas res inridés malas.

PH. Homo égo sum, tu homo's: ita me amabit Iúppiter,
Neque té derisum uéni neque dignum puto.

Verum hoc quòd dixi méus me orauit fílius,
Vt tuam sororem póscerem uxorem sibi. 450

LE. Mearum me rerum nóuisse aequomst ordinem.

Cum uóstris nostra nón est aequa factio:

Adfinitatem uóbis aliam quaérite.

ST. Satin tu's sanus méntis aut animi tui,

Qui códitionem hanc répudies? nam illum tibi 455

Ferentarium esse amicum inuentum intéllego.

LE. Abin hinc di recte? ST. Si hércle ire occupiam,

notes.

LE. Nisi me aliut quid uis, Phílto, respondi tibi.

PH. Benígniore, Lésbonice, té mihi,

Quam núnc exerior ésse, confidó fore: 460

Nam et stulte facere et stulte fabularier,

Vtrumque, Lesbonice, in aetate háu bonumst.

ST. Verum hércle hic dicit. LE. Óculum ego eco-

diám tibi,

Si uérbum addideris. ST. Hércle qui dicám tamen:

Nam sí sic non licébit, luscus díxero. 465

PH. Ita núnc tu dicis nón esse aequiperábilis

Vostrás cum nostris fáctiones átque opes?

LE. Dicó. PH. Quid? nunc si in aedem ad cenam ué-

neris

Atque ibi opulentus tibi par forte obuenerit:

Adpósita cena sí, popularem quam uocant: 470

Si illi congestae sint epulae a cluentibus,

Siquid tibi placeat quód illi congestum siet,

Edísne an incenátus cum opulento áccubes?

LE. Edím, nisi si ille uótet. ST. At pol ego, etsi uotet,

Edim átque ambabus malis expletis uorem 475

Et quód illi placeat, praécripiam potíssimum:

Neque illi concedam quicquam de uitá mea.

Verécundari néminem apud mensám decet:

Nam ibi dé diuinis átque humanis cérnitur.

PH. Rem fábulare. ST. Nón dolo dicám tibi: 480

Decédam ego illi dé uia, de sémita,

De honóre populi: uérum quod ad uentrem áttinet,

Non hérele hoc longe, nísi me pugnis uicerit.

Cena hác annonast sine sacris heréditas.

PH. Sempér tu facito, Lésbonice, hoc cógites, 485

Id óptimum esse túte uti sis óptumus:

Si id néqueas, saltem ut óptumís sis próxumus.

Nunc códitionem hanc, quam égo fero et quam aps té
peto,

Dare átque accipere, Lésbonice, té uolo.

Di díuites sunt, deos decent opuléntiae 490

Et fáctiones: uérum nos homúnculi

Scintíllula animae, quám quom extemplo emísimus,

Aequó mendicus átque ille opuléntíssimus

Censétur censu ad Ácheruntem mórtuos.

ST. Au,

Mirúm quin tu illo técum diuitiás feras: 495

Vbi mórtuos sis, ita sis ut nomén cluet.

PH. Nunc út sciás hic fáctiones átque opes

Non ésse neque nos túam néglegere grátiam:

Sine dóte posco túam sororem filio.

Quae rés bene uortat. hábeon pactam? quíd taces? 500

ST. Pro di ínmortales, códitionem quòius modi.

PH. Quin fábulare 'dí bene uortant: spóndeo'?

ST. Eheu,

Vbi úsus nihil erát [ei] dicto, 'spóndeo'

Dicébat: nunc hic, quom ópus est, non quit dícere.

LE. Quom adfinitate uóstra me arbitrámini 505

Dignum, hábeo uobis, Phíltó, magnam grátiam.

Set si haéc res grauiter cécidit stultitiá mea,

Philtó, 'st ager sub úrbe nobis: èum dabo

Dotém sorori: nám is de diuitiis meis

Solús superfit praéter uitam rélicuos. 510

PH. Profécto dotem níl moror. LE. Certúmst dare.

ST. Nostrámne, ere, uis nutrícem, quae nos éducat,

Abálienare a nóbis? caue sis féceris:

Quid edémus nosmet póstea? LE. Etiam tú taces?

Tibi egón rationem réddam? ST. Plane périimus, 515

Nisi quíd ego conminíscor. ' Phíltó, té uolo.

PH. Siquíd uis, Stasime. ST. Huc cóncede aliquan-
túm. PH. Licet.

ST. Arcáno tibi ego hoc díco, ne ille ex té sciat

Neue álius quisquam. PH. Créde audacter quídlubet.

ST. Per dèos atque homines díco, ne tu illúnc agrum

Tuum síris umquam fíeri neque gnátí tui: 521

Ei rei árgumenta dícam. PH. Audire edepól lubet.

ST. Primum ómnium olim térra quom proscínditur,

In quínto quoque súlco moriuntúr boues.

PH. Apage. ST. Ácheruntis óstium in nostróst agro.

Tum uínus prius quam cóctumst pendet pútídum. 526

LE. Consuádet homini, crédo. etsi sceléstus est,

At mi ínfidelis nó est. ST. Audi cétera.

Post íd, frumenti quom álibi messis máxumast,

Tribus tántis illi mínus reddit quam opséueris. 530

PH. Hem,

Istíc oportet ópseri morés malos,

Si in ópserendo póssint interfíeri.

ST. Neque úmquam quisquamst, quóius ille agér fuit,

Quin péssume ei res uórterit. quorúm fuit,

Alii éxulatum abiérunt, alii emórtui, 535

Alii se suspendére. en, nunc hic quóius est

Vt ad íncitast redáctus. PH. Apage a me ístum agrum.

ST. Magis ápage dicas, si ómnia [ex] me audíueris.

Nam fúlguritae sún[t] íb[i] alternae árbores:

Sués moriuntur ángina [acri] acérrume: 540

Oués scabrae sunt, tám glabrae, en, quam haec ést
manus.

Tum autém Surorum, génus quod patientíssimumst

Hominúm, nemo extat qui íbi sex mensis uíxerit:

Ita cúnc[t]i solstitiáli morbo décidunt.

PH. Credo égo istuc, Stasime, ita ésse: set Campáns
genus 545

Multó Surorum iam ántidit patiéntiam.

Set ístést ager profécto, ut te audiuí loqui,

Malós in quem omnis púplice mittí decet.

Sicút fortunatórum memorant ínsulas,

Quo cúnc[t]i qui aetatem égerint casté suam 550

Conuéniant: contra istúc detrudi máleficos

Aequóm uidetur, quí quidem istius sít modi.

ST. Hospítiumst calamitátis: quid uerbís opust?

Quamuís malam rem quaéras, illic réperias.

PH. At tu hércle et illi et álibi. ST. Caue sis díxeris

Me tíbi dixisse hoc. PH. Díxti [tu] arcanó satis. 556

ST. Quin híc quidem cupit illum áb se abalienárier,

Siquém reperire póssit, os quói súblinat.

PH. Meus quidem hércle numquam fiet. ST. Si sapiés
quidem.

Lepide hércle de agro ego hunc senem detérrui: 560

Nam quí uiuamus níhil est, si illum amiserit.

PH. Redeo ád te, Lesboníce. LE. Dic sodés mihi,

Quid hic ést locutus técum? PH. Quid censés? homost:

Vult fieri liber, uerum quod det non habet.

LE. Et ego esse locuples, uerum nequiquam uolo. 565

ST. Licitumst, si uelles: nunc, quom nihil est, non licet.

LE. Quid tecum, Stasime? ST. De istoc quod dixi modo: Si ante uoluisses, esses: nunc sero cupis.

PH. De dote mecum conueniri nil potis:

Quod tibi lubet, tute agito cum gnato meo. 570

Nunc tuam sororem filio posco meo:

Quae res bene uortat. quid nunc? etiam consulis?

LE. Quid istic? quando ita uis, di bene uortant: spondeo.

PH. Numquam edepol quoquam tam expectatus filius Natust, quamst illut 'spondeo' natum mihi. 575

ST. Di fortunabunt uostra consilia. PH. Id uolo.

I hac, Lesbonice, mecum, ut coram nuptiis

Dies constitutur: eadem haec confirmabimus.

LE. Set, Stasime, abi huc ad meam sororem ad Calliclem:

Dic hoc negoti quo modo actumst. ST. Ibitur. 580

LE. Et gratulator meae sorori. ST. Scilicet.

LE. Dic Callicli med ut conueniat. ST. Tu i modo.

LE. De dote ut uideat quid facto opus sit. ST. I modo.

LE. Nam certumst sine dote hau dare. ST. Quin tu i modo.

LE. Neque enim illi damno umquam esse patiar. ST. Abi modo. 585

LE. Meam negligentiam. ST. I modo. LE. [Nulla modo]

Aequom uidetur quin quod peccarim. ST. I modo.

LE. Potissimum mihi id opsit. ST. I modo. LE. O pater,

Enúmquam aspiciam te? ST. Í modo, í modo, í modo.

LE. [Eo:] tu ístuc cura quód [te] iussi: ego iam híc ero.

ST. Tandem ímpetrauí abíret. di, uostrám fidem, 591

Edepól re gesta péssume gestám probe,

Si quídem ager nobis sáluos est: etsi ád modum

In ámbiguo etiam núnc est quid ea ré fuat.

Set si álienatur, áctumst de colló meo: 595

Gestándust peregre clúpeus, galea, sárcina.

Ecfúgiet ex urbe, úbi erunt factae núptiae:

Ibít + ístac aliquo ín máxumam malám crucem

Latrócinatum, aut ín Asiam aut ín Cíliciam.

Ibo húc quo mi imperátumst, etsi odi hanc domum, 600

Postquam éxturbauit híc nos nostris aédbus.

A C T V S III.

CALICLES. STASIMVS.

CA. Quó modo tu istuc, Stásime, dixti? ST. Nóstrum
erilem fílium

Lésbonicum sũam sororem déspondisse: hóc modo.

CA. Quó homini despóndit? ST. Lusitelí, Philtonis
fílio,

Síne dote. CA. Síne dóte ille illam in tántas diuitiás
dabit? 605

Nón credibile dícis. ST. At tute édepol nullus cré-
duas:

Si hóc non credis, égo credidero.. CA. Quid? ST. Me
nihili péndere.

CA. Quám dudum istuc aút ubi actumst? ST. Ílico, hic
ante óstium:

Támmodo, inquit Praénestinus. CA. Tántone in re
pérdita

Quam ín re salua Lésbonicus fáctus est frugálior? 610

ST. Átque quidem ipsus últro uenit Phílto oratum fílio.

CA. Flágitium quidem hércle fiet, nísi dos dabitur uírgini.

Póstremo edepol égo istanc ad me rem áttinere in-
téllego:

Íbo ad meum castígatorem atque áb eo consiliúm petam.

ST. Própemodum quid illic festinet séntio et subolét
mihi: 615

Ūt agro euortat Lésbonicum, quádo euortit aédis.
Ó ere Charmidés, quom apsentí hic túa res distrahitúr
tibi,

Ūtinam te redísse saluom uideam, ut inimicós tuos
Ūlciscare et mihi, ut erga te fui ét sum, referas grátiam.
Nímium difficilést reperiri amicum ita ut nomén cluet,
Quoi tuam quom rém credideris, sine omni cura dór-
mias. 621

Sét generum nostrum íre eccillum uideo cum adfiní suo.
Néscio quid non sátis inter eos cónuenit: celerí gradu
Súnt uterque: illé reprehendit hunc priorem pállio:
Haút ei euscheme ástiterunt. húc aliquantum apscés-
sero: 625

Ést lubido orátionem audíre duorum adfinium.

LVSITELES. LESBONICVS. STASIMVS.

LV. Sta flico: noli áuorsari néque te occultassís mihi.

LE. Pótin ut me íre quó profectus súm sinas? LV. Si
in rém tuam,

Lésbonice, essé uideatur, glóriæ aut famaé, sinam.

LE. Quód est facillumúm facis. LV. Quid id ést? LE.
Amico iniúriam. 630

LV. Néque meumst neque fácere didici. LE. Indóctus
quam docté facis.

Quíd faceres, siquís docuisset te út sic odio essés mihi?
Quí mihi bene quom símulas facere, mále facis, male
cónsulis.

LV. Égone? LE. Tu ne. LV. Quíd male facio? LE.
Quód ego nollo id quóm facis.

LV. Tuae rei bene consúlere cupio. LE. Tún mi's melior quam ego mihi? 635

Sát sapio, satis in rem quae sint méam ego conspició mihi.

LV. An id est sapere, ut quí beneficium a bénevolente répudies?

LE. Nullum beneficium ésse ducó id, quóm quoi facias nón placet.

Scío ego et sentio ípse quid agam néque mens offició migrat

Néc tuis depéllar dictis quín rumori séruiam. 640

LV. Quid ais? nam retinéri nequeo quín dicam ea quae prómeres:

Ítan tandem hanc maióres famam trádiderunt tibi tui,
 Vt uirtute eorum ánteperta pér flagitium pérderes
 Átque honori pósterorum túorum ut [tu obiex] fieres?
 Tíbi paterque auósque facilem fécit et planám uiam 645
 Ád quaerundum honórem: tu fecísti ut difficilis foret,
 Cúlpa maxume ét desidía túisque stultis móribus.

Præoptauisti amórem tuum [tu] uirtuti ut præpóneres:
 Núnc te hoc pacto crédis posse optégere errata? aha,
 nón itast.

Cápe sis uirtutem ánimo et corde expélle desidíam tuo.
 Ín foro operam amícis da, ne ín lécto amicae, ut sólitus es. 651

Átque istum ego agrum tibi relinqui ob éam rem [iam] enixe éxpeto,

Vt tibi sit qui té conrigere póssis: ne omnino ínopiam
 Cíues oblectáre possint tibi, quos tu inimicós habes.

LE. Ómnia ego istaec quae tu dixisti scío, uel exigné uero: 655

Vt rem patriam et glóriam maiórum foedarím meum.

Scībam ut esse mē deceret, fācere non quibām miser:
 Ita ui Veneris uinctus, otio aptus in fraudem incidi:
 Ét tibi nunc proinde ut mereris hābeo summam grātiam.
 LV. At operam perire meam sic ét te haec corde spér-
 nere 660

Pérpeti nequeó: semul me pārum pudere té piget.
 Ét postremo, nřsi me auscultas átque hoc ut dicó facis,
 Túte pone té latebis fáçile, ne inueniāt te honos:
 In oculō iacébis, quom te máxume clarúm uoles.
 Pérnoui equidem, Lésbonice, ingénium tuum ingenuom
 ad modum: 665

Scío te sponte nōn tuapte errásse, set amorém tibi
 Péctus opsurásse: atque ipse amoris teneo omnis uias.
 Ítast amor, ballista ut iacitur: nřl sic celerest néque
 uolat:

Átque is mores hóminum moros ét morosos écficit.
 Mínus placet quod cōsuadetur: quód dissuadetúr pla-
 cet. 670

Quom ínopiast, cupiás: quando eius cópiast, tum nōn
 uelis.

[Ille qui aspellit, is compellit: ille qui consuadét, uotat.]
 Ínsanumst malum té in hospitium déuorti ad Cupidinem.
 Sét te moneo hoc étiam atque etiam ut réputes quid fa-
 cere éxpetas.

Sí ístuc cōnare ut [nunc] facis indícium, tuum incendés
 genus: 675

Tum igitur aquae erit tibi cupido, génus qui restinguás
 tuum.

Átqui si eris náctus, proinde ut córde amantes sūnt
 cati,

Né scintillam quídem relinques, génus qui congliscát
 tuum.

LE. Fácile inuentust: dábitur ignis, tam étsi ab inimicó
petas.

Sét tu obiurgans me á peccatis rápis deteriore in uiam.
Mëam sororem tíbi dem suades sine dote. aha, non cón-
uenit 681

Mé qui abusus tántam rem sum pátriam porro in dítiis
Ésse agrumque habére, egere illam autem, ut merito me
óderit.

Númquam erit aliénis grauis qui sùis se concinnát
leuem.

Sícut dixi fáciam: nollo té iactari diutius. 685

LV. Tánton meliust té sororis caúsa egestatem éxequi
Átque eum me agrum habére quam te, túa qui toleres
moénia?

LE. Nóllo ego mihi te tám prospicere quí meam egesta-
tám leues,

Sét ut inops infámis ne sim: né mi hanc famam differant

Mé germanam mëam sororem in cóncubinatúm tibi 690

Síc sine dote dédidisse mágis quam in matrimónium.

Quís me improbior pérhibeatur ésse? haec famigerátio

Té honestet, me autém conlutitet, sí sine dote dúxeris.

Tíbi sit emoluméntum honoris: míhi quod obiectént siet.

LV. Quíd? te dictatórem censes fóre, si aps te agrum
accéperim? 695

LE. Néque uolo neque póstulo neque cénseo: uerúm
tamen

Ís est honos hominí pudico méminisse officiúm suum.

LV. Scío equidem te animátus ut sis: uideo, subolet,
séntio.

Íd agis ut, ubi adfínitatem inté nos nostram astrínxeris
Átque eum agrum dederís nec quicquam hic tíbi sit qui
uitám colas, 700

Écufugas ex úrbe inanis, prófugus patriam déseras,
Cógnatos, adfínitatem, amícos factis núpitiis.

Méa opera hinc protérritum te méaque auaritia aútu-
ment:

Íd me commissúrum ut patiar fieri ne animum indúxeris.

ST. Nón enim possum quín exclamem: euge, eúge, Lu-
sitelés, *πάλιν*. 705

Fácilé palmam habés: hic uictust: uícit tua comoédia.

Híc agit magis ex árgumento et uérsus meliorés facit.

Étiam ob stultitiám tuam te túeris? multabó mina.

LE. Quid tibi interpellátio aut in cónsiliu huc accés-
sio?

ST. Éodem pacto quo húc accessi apscéssero. LE. I
hac mecúm domum, 710

Lúsiteles: ibi de ístis rebus plúra fabulábimur.

LV. Níhil ego in oculto ágere soleo: méus ut animust
éloquar:

Sí mihi tua sorór, ut ego aequom cénseo, ita nuptúm
datur

Síne dote neque tu hínc abituru's, quód erit meum id
erít tuum:

Sín aliter animátus es, bene quód agas eueniát tibi: 715

Égo amicus numquám tibi ero alio pácto: sic sentén-
tiast.

ST. Ábiit hercle ille. écquid audis, Lúsiteles? ego té
uolo.

Híc quoque hinc abiit. Stásime, restas sólus: quid ego
núnc agam

Nísi uti sarcinám constringam et clúpeum ad dorsum ad-
cómmodem,

Fúlmentas iubeám suppingi sóccis? non sistí potest. 720

Vídeo caculam militarem mé futurum hau lóngius.

Átque aliquem ad regem in saginam [quom] érus se con-
iexít meus,

Crédo ad summos béllatores ácrem — fugitorém fore,
Ét capturum ibi spólia illum qui — méo ero aduorsus
uénerit.

Égomet quom extemplo árcum et pharetram mi ét sa-
gittas sumpsero, 725

Cássidem in capút, — dormibo plácidule in tabernáculo.
Ád forum ibo: núdius sextus quóí talentum mútuom
Dédi reposcam, ut hábeam mecum quód feram uiáticum.

MEGARONIDES. CALLICLES.

ME. Vt míhi rem narras, Cállicles, nulló modo
Pote fieri prosus quín dos detur uírgini. 730

CA. Namque hércle honeste fieri ferme nón potest
Vt eám perpetiar íre in matrimónium
Sine dóte, quom eius rém penes me habeám domi.

* * * * *

ME. * * * * *

Paráta dos domíst: nisi expectáre uís
Vt eám sine dote fráter nuptum cónlocet: 735

Post ádeas tute Phíltonem et dotém dare
Te ei dicas: facere id èius ob amicitíam patris.

Verum hóc ego uereor ne ístaec pollicitátio

Te in crímen populo pónat atque infámiam.

Non témere dicant té benignum uírgini: 740

Datám tibi dotem ei quám dares eius á patre:

Ex eá largiri te ílli, neque ita ut sít data

Incólumem sistere ílli, et detraxe aútument.

Nunc si ópperiri uís aduentum Chármidi,

Perlóngumst: huic ducéndi interea apscésserit 745

Lubido: atqui ea condítio huic uel primáriast.

CA. Eadem ómnia istaec uéniunt in mentém mihi.

ME. Vide si hóc utibile mágis atque in rem députas:

Ipsum ádi [adulescentem], édoce eum uti rés se habet.

CA. Vt égo nunc adulescénti thensaurum índicem 750

Indómito, pleno amóris ac lascíuiæ?

Minumé, minume hercle uéro: nam certó scio,

Locúm quoque illum omnem úbi situmst coméderit.

Quem fódere metuo, sónitum ne ille exaúdiat:

Ne rem ípsam indaget, dótem dare si díxerim. 755

ME. Quo pácto ergo igitur clám dos depromí potest?

CA. Dum occasio ei [rei] réperiatur, ínterim

Ab amíco alicunde mútuom argentúm rogem.

ME. Potin ést ab amíco alicúnde exorari? CA. Potest.

ME. Gerraé: ne tu illut uérbum actutum inuénieris: 760

'[Hem,] míhi quidem hercle nón est quod dem mútuom.'

CA. Mallim hércle ut uerum dícant quam ut dent mútuom.

ME. Set uíde consílium sí placet. CA. Quid consílist?

ME. Scítum, út ego opinor, consílium inuení. CA. Quid est?

ME. Homo cónducatur iám aliquis quantúm potis 765

Ignóta facie, quæ non uisitáta sit:

Is homo éxornetur gráphice in peregrinúm modum;

Quasi sít peregrinus. CA. Quid is scit facere póstea?

ME. Mendácilocum aliquem [esse hóminem opórtet dé foro,]

Falsídicum, confidéntem. CA. Quid tum póstea? 770

ME. Quasi ád adulescentem á patre ex Seleúcia

Veniát, salutem ei núntiet uerbís patris:

Illúm bene gerere rem ét ualere et úuere

Et eúm rediturum actútum. ferat epístulas

Duas: eas nos consignémus, quasi sint á patre. 775

Illí det alteram, álteram dicát tibi

Dare sése uelle. CA. Pérge porro dícere.

ME. Seque aúrum ferre nírgini dotem á patre

Dicát patremque id iússisse aurum tibi dare.

Tenés iam? CA. Propemodo, átque ausculto pér-
lubens. 780

ME. Tum tu ígitur demum id ádulescenti aurúm dabis,
Vbi erit locata uírgo in matrimónium.

CA. Scite hércle sane. ME. Hoc, úbi thensaurum ec-
fóderis,

Suspítionem ab ádulescente amóueris.

Censébit aurum esse á patre adlatúm tibi: 785

Tu dé thensauro súmes. CA. Satis scite ét probe:

Quamquam hóc me aetatis súcphantari pudet.

Set epístulas quando ópsignatas ádferet,

Nonne árbitraris túm adulescentem ánuli

Patérni signum nóuisse? ME. Etiam tú taces? 790

Sescéntae ad eam rem caúsae possunt cónligi:

Eum quem hábuit perdidit, álium post fecit nouom.

Iam si ópsignatas nón feret, dici hóc potest

Aput pórtitores eas resignatás sibi

Inspéctasque esse. in hũius modi negótio 795

Diém sermone térere segnitiés merast:

Quamuís sermones póssunt longi téxier.

Abi ád thensaurum iám confestim clánculum:

Seruós, ancillas ámoue: atque audín? CA. Quid est?

ME. Vxórem quoque eampse hánc rem uti celés face:

Nam pól tacere númquam quicquamst quód queant. 801

Quid núnc stas? quin tu hinc [te] ámoues et té moues?

Aperí, deprome inde aúri ad hanc rem quód sat est:

Contínuo operta dénuo: set clánculum,
Sicút praecepi: cúntos exturba aédibus. 805

CA. Ita fáciam. ME. At ènim nimis lóngo sermone
útimur:

Diém conficimus, quóm iam properatóst opus.

Nihil ést de signo quód uereare: mé uide.

Lepidást illa causa, ut cónmemorauí, dícere

Aput pórtitores ésse inspectas. dénique 810

Diéi tempus nóu uides? quid illúm putas

Natúra illa atque ingénio? iam dudum ébriust.

* * * * *

Quiduís probare póterit: tum, quod máximumst,

Adférre, non se pétere hinc dicet. CA. Iám sat est.

ME. Ego súcophantam iám conduco dé foro 815

Epístulasque iám consignabó duas

Eumque húc ad adulescéntem meditatúm probe

Mittam. CA. Éo ego [ergo] igitur íntro ad officiúm
meum:

Tu istúc age. ME. Actum réddam nugacíssume.

A C T V S III.

CHARMIDES.

Sálipotenti et múltipotenti Ióuis fratri et Nerei [ét Por-
tumno] 820

Laétus lubens laudés ago gratas grátisque habeo et flú-
ctibus salsis,

Quós penes mei [fuit] potestas, hònis meis quid foret ét
meae uitae,

Quóm suis me ex locis in patriam urbem [úsque incolu-
mem] réducem faciunt.

Átque tibi ego, Neptúne, ante alios dèos gratis ago atque
hábeo summas.

Nám te omnes sacuómq; seuerumque, áuidis moribús
commemorant, 825

Spúrcuficum, inmanem, intolerandum, uésanum: [ego]
contra ópera expertus.

Nám pol placidum te ét clementem eo usqué modo ut
uolui usús sum in alto.

Átque hanc tuam [apud hómines] glóriam aúribus iam
accéperam ante:

Paúperibus te párcere solitum, dítis damnare étque do-
mare.

Ábi, laudo: scis órdine ut aequomst tráctare homines:
hóc dis dignumst: 830

Sémper mendicís modesti sint. [secus] nobilís apud ho-
mines.

Fídu fuisti: infídu esse iterant. nam ápsque foret te,
sát scío in alto

Dístraxissent dísqe tulissent sáellites tui míserum
foede

Bónaque ítem omnia úna mecum pássim caeruleós per
campos: —

Íta iam quasi canés hau secus nauem círcumstabant túr-
bine uenti: 835

Ímbres fluctusque átque procellae infénsae [fremere],
frángere malum,

Rúere antennas, scíndere uela: — ní pax propitiá foret
praesto.

Ápage a me sis: dēhinc iam certumst ótio dare me: sátis
partum habeo,

Quíbus aerumnis déluctaui, filio dum diuítias quaero.

Sét quis hic est qui in pláteam ingreditur cú nouo or-
natú specieque? 840

Pól quamquam domi cúpio opperiar: quam híc rem
agat, semul ánimu aduortam.

SVCOPHANTA. CHARMIDES.

SV. Huíc ego díe nomén 'Trinummo fácio: nam ego
operám meam

Tríbus nummis hodié locaui ad ártis nugatórias.

Áduenio ex Seleúcia, Macédonia, Asia atque Árabia,

Quás ego neque oculís neque pedibus úmquam usur-
paui meis. 846

Víden egestas quíd negoti dát homini miseró male?

Quía ego nunc subigór trium nummum caúsa ut has
epístulas

Dícam ab eo homine me áceppisse, quem égo qui sit homo
néscio

Néque noui neque nátus necne is fúerit id solidé scio.

CH. Pól hic quidem fungíno generest: cápíte se totúm
tegit. 851

Íllurica faciés uidetur hóminis: eo ornatu áduenit.

SV. Ílle qui me condúxit, ubi condúxit, abduxít domum:

Quaé uoluit mihi díxit, docuit ét praemonstráuit prius,

Quó modo quicque agerém. nunc adeo síquid ego addi-
dero ámplius, 855

Ēo conductor mélius de me núgas conciliáuerit.

Ílle uti me exornáuit, ita sum ornátus: argentum hóc
facit.

Ípse ornamenta á chorago haec sumpsit suo perículo:

Núnc ego si potero órnamētis hóminem circumducere,

Dábo operam ut me ipsúm plane esse súcophantam sēn-
tiat. 860

CH. Quó magis specto, mínus placet mi ea hóminis
facies: míra sunt

Ni illic homost aut dórmitator aut sector zonárius.

Lóca contemplat, círcumspectat sése atque aedis nó-
scitat:

Crédo edepol quo móx furatum uéniat speculatúr loca.

Mágis lubidost ópseruare quíd agat: ei rei operám
dabo. 865

SV. Hás regiones démonstrauit mīhi ille conductór
meus:

Áput illas aedis sistendae mīhi sunt sucophántiae.

Fōris pultabo. CH. Ad nóstras aedis híc quidem habet
rectám uiam:

Hércle opinor mi áduenienti hác nóctu agitandumst tí-
gilias.

SV. Áperite hoc, aperíte. heus, ecqui his fóribus tute-
lám gerit? 870

CH. Quid, adolescens, quaéris? quid uis? quid istas
pultas? SV. Heús, senex,
Lésbonicum hic ádulescentem quaéro, in his regiónibus
Vbi habitat, et item álterum ad istanc cápitis albitú-
dinem,

Cálliclem [quem] aibát uocari qui hás mihi dedit epí-
stulas.

CH. Měum gnatum hic quidem Lésbonicum quaérit et
amicúm meum 875

Quoí ego liberósque bonaque cónmendaui Cálliclem.

SV. Fác me si scis córtiorem, hisce hómines ubi habi-
tént, pater.

CH. Quid eos quaeris? aút quis es? aut únde's? aut
unde áduenis?

SV. Cénsus quom [sum], iúratori récte rationém dedi.

CH. * * * * *

SV. Múlta semul rogás: nescio quid éxpédiam potíssu-
mum. 880

Si únumquidquid síngillatim et plácide percontábere,
Ét meum nomen ét mea facta et ítinerá ego faxó scias.

CH. Fáciam ita ut uis: ágedum, nomen prímum memora-
túm mihi.

SV. Mágnum facinus íncipíssis pétere. CH. Quid ita?
SV. Quía, pater,

Si ánte lucem ire [hércle] occupias á meo primo nómine,
Cóncubium sit nóctis prius quam ad póstremum perué-
neris. 886

CH. Ópus factost uiático ad tuum nómen, ut tu praé-
dicas.

SV. Ést minusculum álterum quasi uésculum uinárium.

CH. Quid [id] est tibi nomén, adulescens? SV. Páx, id est nomén mihi:

Hóc cotidiánumst. CH. Edepol nómen nugatórium: 890 Quási dicas, siquíd crediderim tibi, pax periisse ilico.

Híc homo solide súcophantast. quíd ais tu, adulescens? SV. Quid est?

CH. Éloquere, isti tibi quid homines débent quos tu quaéritas?

SV. Páter istius ádulescentis dédit has duas mi epístulas,

Lésbonici: is míst amicus. CH. Téneo hunc manifestárium: 895

Mé sibi epistulás dedisse dicit. ludam hominém probe.

SV. Íta ut occepi, si ánimum aduortas, dicam. CH. Dabo operám tibi.

SV. Hanc me iussit Lésbonico dáre suo gnato epístulam Ét item hanc alterám suo amico Cállicli iussit dare.

CH. Míhi quoque edepol, quom híc nugatur, cóntra nugarí lubet. 900

Úbi ipse erat? SV. Bene rém gerebat. CH. Érgo ubi? SV. In Seleúcia.

CH. * * * * *

Áb ipsone istas áccepisti? SV. E mánibus dedit mi ipse in manus.

CH. Quá faciest homó? SV. Sesquipede quídamst quam tu lóngior.

CH. Haéret haec res, sí quidem ego apsens súm quam praesens lóngior.

Nóuistine hominém? SV. Ridicule rógitas, quicum uná cibum 905

Cápere soleo. CH. Quid est ei nomen? SV. Quód edepol hominí probo.

CH. Lúbet audire. SV. Illi édepol — illi — flli — uae miseró mihi.

CH. Quid est negoti? SV. Déuorauí nómen inprudéns modo.

CH. Nón placet qui amícos intra déntis conclusós habet.

SV. Átqui etiam modo uórsabatur míhi in labris primóribus. 910

CH. Témperi huic hodie ánteueni. SV. Téneor manu-festó miser.

CH. Iám reconmentátu's nomen? SV. Dèum me hercle atque hominúm pudet.

CH. Víde modo hominem ut nóris. SV. Tamquam mé: [set] fieri istúe solet:

Quód in manu teneás atque oculis uídeas, id desíderes.

Líteris recónminiscar: C ést principium nómini. 915

CH. Cállias? SV. Non ést. CH. Callippus? SV. Nón est. CH. Callidémidés?

SV. Nón est. CH. Callinícus? SV. Non est. CH. [Án] Callimachus? SV. Níl agis:

Néque adeo edepol flócci facio, quándo egomet meminí mihi.

CH. Át enim multi Lésbonici súnť hic: nisi nómen patris

Díces, non possum ístos monstrare hómines quos tu quaéritis. 920

Quód ad exemplumst? cóniectura sí reperire póssumus.

SV. Ád hoc exemplumst: Chár. CH. Chares? an Chá-ricles? numne Chármides?

SV. Hem,

Ístic erit: qui istúm dí perdant. CH. Díxi ego iam dúdúm tibi:

* * * * *

Béne te potius dicere aequomst hómini amico quám male.

SV. Sátin inter labra átque dentis látuit uir minumí preti? 925

CH. Né male loquere apsénti amico. SV. Quid ille ergo ignauíssimus

Látitabat mihi? CH. Si áppellasses, rêspondisset nómini.

Sét ubi ipsest? SV. Pol illúm reliqui ad Rhádamam in Cecropia ínsula.

CH. * * * * *

Quí homost me insipiéntior qui ipse égomet ubi sim quaéritem?

Sét nil discondúcit huic rei. quid ais? quid hoc quod té rogo? 930

Quós locos adísti? SV. Nímium mírimodis mirábilis.

CH. Lúbet audire, nísi molestumst. SV. Quín discupio dicere.

Ómnium primum in Póntum aduecti ad Árabiam terrám sumus.

CH. Eho,

Án etiam in Ponto Árabiast? SV. Est: nón illa ubi tus gígnitur,

Sét ubi apsinthiúm fit ac cuníla gallinácea. 935

CH. Nímium graphicum hunc núgatore. sét ego sum insipiéntior,

Qui égomet unde rédeam hunc rogitem, quae égo sciam atque hic nésciat:

Nísi quia lubet éxperiri quo éuasurust dénique.

Sét quid ais? quo inde ísti porro? SV. Si ánimum aduortes, éloquar:

Ád caput amnis quí de caelo exóritur sub solió Iouis. 940

CH. Súb solio Iouis? SV. Ita dico. CH. E caélo?
SV. Atque e medió quidem.

CH. Eho,

Án etiam iu caelum éscendisti? SV. Immo hóriola
aduectí sumus

Úsque aqua aduorsá per amnem. CH. An tu étiam ui-
distí Iouem?

SV. [Éum] alii di isse ád uillam aibant séruis depromptúm
cibum.

Děinde porro.. CH. Děinde porro nóllo quicquam praé-
dices. 945

SV. [Táceo ego] hercle, sí molestumst. CH. Nám pu-
dicum néminem

[Praédicare] opórtet qui aps terra ád caelum perué-
nerit.

SV. Dímittam, ut te uélle uideo. sét monstra hosce ho-
minés mihi

Quós ego quaero, quibus me oportet hás deferre epí-
stulas.

CH. Quíd ais? tu nunc sí forte eumpse Chármidem con-
spéxeris 950

Íllum quem tibi istás dedisse cónmemoras epístulas,
Nórisne hominem? SV. Né tu me edepol árbitrare
béluam,

Quí quidem non nouísse possim quícum aetatem exé-
gerim.

Án ille tam esset stúltus mihi qui mílle nummum cré-
deret

Philíppum, quod me aurúm deferre iússit ad gnatúm
suum 955

Átque ad amicum Cálliclem, quoi rem aibat mandasse
híc suam?

Mihin concrederét, ni me ille et égo illum nouissem ád-
probe?

CH. Ěnimuero ego nunc súcophantae huic súcophantari
uolo,

Si hunc possum illo mille nummum Phlippum circum-
ducere,

Quód sibi me dedísse dixit. quem égo qui sit homo néscio
Néque oculis ante hunc diem umquam uídi, eine aurum
créderem? 961

Quoí, si capitis rés sit, nummum númquam credam plúm-
beum.

Ádgredundust híc homo mi astu. heus, Páx, te tribus
uerbís uolo.

SV. Vél trecentis. CH. Háben tu id aurum, quód [tu]
accepsti a Chármide?

SV. Átque etiam Philippúm, numeratum illíus in mensá
manu, 965

Mille nummum. CH. Némpe ab ipso id ácepisti Chár-
mide?

SV. Mírum quín ab auo ěius aut proauo accíperem, qui
sunt mórtui.

CH. Ádulescens, cedodum ístuc aurum míhi. SV. Quod
ego dem aurúm tibi?

CH. Quód te a me accepísse fassu's. SV. Áps te acce-
pisse? CH. Íta loquor.

SV. Quís tu homo's? CH. Qui mille nummum tibi dedi
ego sum Chármides. 970

SV. Néque edepol tu is és neque hodie is úmquam eris,
auro huíc quídem.

Ábi sis, nugatór: nugari nógatori póstulas.

CH. Chármides ego súm. SV. Nequiquam herclé's:
nam nihil aurí fero.

Nímis argute [me] óbrepisti in ěapse occasiúncula :

Póstquam ego me aurum férre dixi, póst tu factu's Chár-
mides: 975

Príus non tu is eras quam aúri feci méntionem. níl agis:
Pròin tute itidem ut chármidatu's, rúsum [te] dechármidá.

CH. Quís ego sum igitur, sí quidem is non sum quí sum?

SV. Quid id ad me áttinet?

Dúm ille ne sis quem égo esse nollo, síis mea causa quí
lubet.

Príus non is eras quí eras: nunc is fáctu's qui tum nón
eras. 980

CH. Áge siquid agis. SV. Quid ego agam? CH. Aurum
rédde. SV. Dormitás, senex.

CH. Fássu's Charmidém dedisse aurúm tibi. SV. Scrip-
túm quidem.

CH. Próperas an non própere abire actútum ab his re-
giónibus,

Dórmitor, príus quam ego hic te iúbeo mulcarí male?

SV. Quam ób rem? CH. Quia illum quem émentitu's
ís ego sum ipso Chármides,

Quém tibi epistulás dedisse aiébas. SV. Eho, quæso
án tu is es? 986

CH. Ís enimvero sum. SV. Áin tu tandem? is ípsus-
ne's? CH. Aio. SV. Ípsus es?

CH. Ípsus, inquam, Chármides sum. SV. Ergo ípsus-
ne's? CH. Ipsíssumus.

Ábin hinc ab oculís? SV. Enimvero séro quoniam [huc]
áduenis,

Vápulabis meo árbitratu ét nouorum aedílium. 990

CH. Át etiam maledícis? SV. Immo, sáluos quando
quidem áduenis,

Dí me perdant sí te flocci fácio an periissés prius.

Égo ob hanc operam argéntum accepi: té macto infor-
túnio. 993

Céterum qui sis, qui non sis, flóccum non intérdum.
Íbo ad illum, renúntiabo, qui mihi tris nummós dedit,
Vt sciat se pérdidisse. ego ábeo. male uiue ét uale:
Qui di te omnes áduenientem péregre perdant, Chár-
mides.

CH. Postquam ille hinc abiit, póst loquendi libere
Vidétur tempus uénisse atque occásio.

Iam dúdum meum ille péctus pungit áculeus, 1000

Quid illi negoti fúerit ante aedís meas.

Nam epístulae illae míhi concenturiánt metum

In córde et illut mílle nummum, quám rem agat.

Numquam édepol temere tinnit tintinnábulum:

Nisi qui illut tractat aut mouet, mutúmst, tacet. 1005

Set quis hic est qui huc in pláteam cursuram ín-
cipit?

Lubet ópseruare quíd agat: huc concéssero.

STASIMVS. CHARMIDES.

ST. Stásime, fac te própere celerem, récipe te ad do-
minúm domum,

• Né subito metus éxoriatur scápolis stultitiá [tua].

Ádde gradum, adproperá: iam dudum fáctumst quom
abistí domo. 1010

Cáue sis tibi ne búbuli in te cóttabi crebrí crepent,

Si áberis ab eri quaéstione: né destiteris cúrrere.

Écce hominem te, Stásime, nihili: sátin in thermo-
pólio

Cóndalium es oblítus, postquam thérmpotasti gúttu-
rem?

Récipe te et recúrre petere [ré] recenti. CH. Huic, quís-
quis est, 1015

Gúrgulios exercitor, is hóminem hunc cursurám docet.

ST. Quid, homo nihili, nón pudet te? trísbusne te potériis

Mémoriae esse oblítum? an uero, quía [tu] cum frugi hóminibus

Íbi bibisti, qui áb alieno fácte cohiberént manus,

Ínter eosne hominés condalium té redipisci póstulas?

Chíruchus fuit, Cérconicus, Crímnus, Cricolabus, Cólلابus, 1021

Cóllicrepidae, crúricrepidae, férriteri, mastígiae:

Quórum [hercle] unus súrpuerit currénti cursori solum.

CH. Íta me di ament, gráphicum furem. ST. Quid ego
quod periít petam?

Nisi etiam labórem ad damnum ádponam epithecá in-
super. 1025

Quín tu quod periít perisse dúcis? cape uorsóriam:

Récipe te ad erum. CH. Nón fugitiuost híc homo: con-
meminít domi.

ST. Vtínam ueteres [uéterum mores], uéteres parsimóniae

Pótius [in] maióre honore hic éssent quam morés mali.

CH. Di ínmortales, básilica hic quidem fácinora in-
ceptát loqui: 1030

Vétera quaerit, uéterá amare hunc móre maiorúm scias.

ST. Nám nunc mores nřhili faciunt quód licet nisi quód
lubet.

Ámbitio iam móre sanctast, liberast a légibus:

Scúta iacere fúgereque hostis móre habent licéntiam:

Pétere honorem pró flagitio móre fit. CH. Morem ín-
probum. 1035

ST. Strénuos [nunc] praéterire móre fit. CH. Nequám
quidem.

ST. Móres leges pérduxerunt iám in potestatém suam,
Mágis quis sunt obnoxiosae quám parentes líberis.

Ēae misere etiam ad párietem sunt fixae clauis férreis,
Vbi malos morés adfigi nímio fuerat aéquius. 1040

CH. Lúbet adire atque áppellare hunc: uérum ausculto
pérlubens

Ēt metuo, si cónpellabo, ne áliam rem occupiát loqui.

ST. Néque istis quicquam lége sanctumst: léges mori
séruunt,

Móres autem rápere properant quá sacrum qua púplicum.

CH. Hércle istis malám rem magnam móribus dignúmst
dari. 1045

ST. Nón hoc puplice ánimum aduorti: nam íd genus
hominum hómínibus

Vniuersis ést aduersum atque ómni populo mále facit.

Mále fidem seruándo illis quoque ábrogant etiám fidem,

Quí nil meriti: quíppe eorum ex ingénio ingenium ho-
rúm probant. 1049

Síquoí mutuóm quid dederis, fit pro proprio pérditum:
Quóm repetas, inimicum amicum inuénias benefactó tuo.

[* * * * *

Máge si exigere occúpias, duarum rérum exoritur
óptio:

Vél illut quod credíderis perdas uél illum amicum amí-
seris.]

Hóc qui uenerít mi in mentem, ré conmonitus súm modo.

CH. Méus est hic quidem Stásimus seruus. ST. Nam
égo talentum mútuom 1055

Quoí dederam, talénto inimicum mi émi, amicum uéndidi.

Sét ego sum insipiéntior qui rébus curem púplicis

Pótius quam, id quod próxumumst, meo térgo tutelám
geram:

Éo domum. CH. Heus tu, asta ílico: audi, heús tu. ST.
Non sto. CH. Té uolo.

ST. Quíd, si egomet te uéllé nollo? CH. Ah nímium,
Stasime, saéuiter. 1060

ST. Émere meliust quói ímperes. CH. Pol ego émi
atque argentúm dedi:

Sét si non dicto aúdiens est, quíd ago? ST. Da magnúm
malum.

CH. Béne mones: ita fácere certumst. ST. Nísi quidem
es obnóxius.

CH. Sí bonust, obnóxius sum: sín secust, faciam út
mones.

ST. Quíd id ad me attinét bonisne séruis tu utare án
malis? 1065

CH. Quía boni malíque in ea re párs tibist. ST. Partem
áalteram

Tíbi permitto, illam áalteram aput me quód bonist ad-
pónito.

CH. Sí eris meritus, fíet. respice húc ad me: ego sum
Chármides.

ST. Hém, quis est qui méntionem homo hóminis fecit
óptumi?

CH. Ípsus homo optumúst. ST. Mare, terra, caélum,
di, uostrám fidem, 1070

Sátin ego oculis pláne uideo? éstne hic an non ést? is est.

Cérte is est, is ést profecto. o mí ere exoptatíssume,
Sálue. CH. Salue, Stásime. ST. Saluom té.. CH. Scio
et credó tibi.

Sét omitte alia: hoc míhi responde: líberi quíd agúnt mei
Quós reliqui hic fílium atque fíliam? ST. Viuónt, ualent.

CH. Némpe uterque? ST. Vtérque. CH. Di me sál-
uom et seruátum uolunt. 1076

Cétera intus ótiose pércontabor quae uolo:

Ēamus intro: séquere. ST. Quonam té agis? CH.
Quonam nísi domum?

ST. Hícine nos habitáre censes? CH. Vbinam ego alibi
cénseam?

ST. Iám .. CH. Quid iam? ST. Non súnť nostrae aedes
ístaec. CH. Quid ego ex te aúdio? 1080

ST. Véndidit tuus gnátus aedis. CH. Péríi. ST. Prae-
sentáriis

Árgenti minís numeratis. CH. Quót? ST. Quadra-
ginta. CH. Óccidi.

Quís eas emit? ST. Cállicles, quói tñam rem commen-
dáueras:

Ís habitatum huc cónmigrauit nósque exturbauít foras.

CH. Vbí nune filiús meus habitat? ST. Híc in hoc po-
stículo. 1085

CH. Mále disperíi. ST. Crédidi aegre tibi id, ubi au-
dissés, fore.

CH. Égo míser summís periclis súm per maria má-
xuma

Véctus, capitalí periclo pér praedones plúrumos

Mé seruauí, sáluos redíi: núnc híc disperíi míser

Própter eosdem quórum causa fui hác aetate exér-
citus: 1090

Ádimit animam mi aégritudo: Stásime, tene me.
ST. Vísne aquam

Tíbi petam? CH. Res quom ánimam agebat, túm esse
offusam opórtuit.

CALLICLES. CHARMIDES. STASIMVS.

CA. Quid hoc híc clamoris audio ante aedís meas?

CH. O Cállices, o Cállices, o Cállices,
Qualine amico méa commendauí bona? 1095

CA. Probo ét fideli et fído et cum magná fide:
Et sálue et saluom te áduenisse gaúdeo.

* * * * *
* * * * *
* * * * *

CH. Credo, ómnia istaec sí ita sunt ut praédicas.
Set quis istest tuus ornátus? **CA.** Ego dicám tibi:
Thensaúrum ecfodiebam íntus dotem filiae 1100
Tuae quae daretur. sét íntus narrabó tibi
Et hóc et alia: séquere. **CH.** Stasime. **ST.** Hem.

CH. Strénue

Curre ín Piraeum atque únun curriculúm face.
Vidébis iam illic náuem qua aduectí sumus.
Iubéto Sagariónem quae imperáuerim 1105
Curáre ut ecferántur, et tu itó semul.
Solútumst portitóri iam portórium.
ST. Nihil ést morae. **CH.** Cito ámbula: actutúm
redi.

ST. Illic sum atque hic sum. **CA.** Séquere tu hac
me intró. **CH.** Sequor.

ST. Hic méo ero amicus sólus firmus réstitit 1110
Neque démutauit ánimun de firmá fide,
Quamquám labores múltos ob rem et [liberos
Apséntis mei eri] eum égo cepisse cénseo.
Set hic únus, ut ego súspicor, seruát fidem.

A C T V S V.

L V S I T E L E S.

Hic homóst omnium hominum praécipuos, 1115

Voluptátibus gaudiisque ántepotens.

Ita cómoda quae cupio éueniunt,

Quod agó subit, adsecué sequitur:

Ita gaúdiis gaudium súppeditat.

Módo me Stasimus Lésbonici séruos conueuít [domi]: 1120

Ís mihi dixit súum erum peregre huc áduenisse Chár-
midem.

Núnc mi is propere cónueniundust, út quae cum eius
fílio

Égi ei rei patér sit fundus pótiór. eo [ego]: sét fores

Haé sonitu suó moram mihi óbiciunt incómmode.

C H A R M I D E S. C A L L I C L E S. L V S I T E L E S.

CH. Néque fuit neque erít neque esse usquam hómi-
nem terrarum árbitror, 1125

Quóius fides fidélitasque amícum erga aequiperét tuam:

Nam éxaedificauisset me ex hisce aédibus, apsque té
foret.

CA. Siquid amicum ergá bene feci aut cónsului fidé-
liter,

Nón uideor meruisse laudem, cúlpa caruisse árbitor.

Nám beneficium hómini proprium quód datur, prosúm
perit: 1130

Quód datum utendúmst, repetundi id cópiast, quandó
uelis.

CH. Ést ita ut tu dícis. set ego hoc néqueo mirari
satis

Ěum sororem déspondisse suam ín tam fortem fámiliam.

CA. Lúsiteli quidém Philtonis fílio. LV. Enim me nó-
minat.

CH. Fámiliam optumam óccupauit. LV. Quid ego cesso
hos cónloqui? 1135

Sét maneam etiam, opínor: namque hoc cómmodum or-
ditúr loqui.

* * * * *
* * * * *
* * * * *

CH. Váh. CA. Quid est? CH. Oblítus íntus dúdum
tibi sum dícere:

Módo mi aduenienti [híc] nugator quídám occessit ób-
uiam,

Nímis pergraphicus súcophanta. is mílle nummum se
aúreum

Měo datu tibi férre et gnato Lésbonico aibát meo: 1140

Quem égo nec qui esset nóram neque eum ante úsquam
conspexí prius.

Sét quid rides? CA. Meo ádlegatu uénit, quasi qui au-
rúm mihi

Férret aps te quód darem tuae gnátae dotem: ut fílius

Túus, quando illi a mé darem, esse adlátum id aps te
créderet

Neú qui rem ipsam pósset intellégere, thensaurúm tuum
Mé penes esse, atque á me lege pópuli patrium pósce-
ret. 1146

CH. Scíte edepol. CA. Megarónides commúnis hoc
meus ét tuus

Béneuolens comméntust. CH. Quin conlaúdo consilium
ét probo.

LV. Quid ego ineptus, dúm sermonem uéreor interrúm-
pere,

Sólus sto nec quód conatus sum ágere ago? homines
cónloquar. 1150

CH. Quís hic est qui huc ad nós incedit? LV. Chár-
midem socerúm suum

Lúsiteles salútat. CH. Di dent tibi, Lusiteles, quae
uelis.

CA. Nón ego sum salúte dignus? LV. Ímmo salue,
Cállicles.

Húnc priorem aequómst me habere: túnica propior
pállio.

CA. Dëos [deasque] uólo consilia uóstra recte uórtere.

CH. Fíliam meam tibi desponsam esse aúdio. LV. Nisi
tú neuis. 1156

CH. Ímmo hau nollo. LV. Spónden tu ergo túam gna-
tam uxorém mihi?

CH. Spóndeo et mille aúri Philippum dótis. LV. Do-
tem níl moror.

CH. Si illa tibi placét, placenda dós quoquest quam dát
tibi.

Póstremo quod uís non duces, nísi illud quod non uís
feres. 1160

CA. Iūs hic orat. LV. Impetrabit te áduocato atque árbítro.

Ístac lege filiam tuam spónden mi uxorém dari?

CH. Spóndeo. CA. Et ego spóndeo itidem. LV. O sáluete adfinés mei.

CH. Átque edepol sunt rés quas propter tíbi tamen suscénsui.

LV. Quid ego feci? CH. Měum corrumpi quía per-pessu's filium. 1165

LV. Si íd mea uoluntáte factumst, ést quod mihi suscén-seas.

* * * * *

Sét sine me hoc aps te impetrare quód uolo. CH. Quid id ést? LV. Scies:

Siquid stulte fécit, ut ea míssa facias ómnia.

Quíd cassas capút? CH. Cruciatur cór mi et metuo. LV. Quidnam id est?

CH. Quóm ille itast ut [eum] ésse nollo, id crúciór: me-tuo, si tibi 1170

Dénegem quod me óras, ne me léuiorem erga té putes.

Nón grauabor: fáciam ita ut uis. LV. Próbus es: eo ut illum éuocem.

CH. Míserumst male proméríta ut meríta sánt si ulcisci nón licet.

LV. Áperite hoc, aperíte propere et Lésbonicum, sí domíst,

Éuocate: ita súbitumst propere quód eum conuentúm uolo. 1175

LESBONICVS. LVSITELES. CHARMIDES.
CALLICLES.

LE. Quis homo tam tumultuoso sónitu me exciuit foras?

LV. Béneuolens tuus atque amicust. LE. Sátine saluae?
dic mihi.

LV. Récte: tuum patrém redisse sáluom peregre gaúdeo.

LE. Quis id ait? LV. Ego. LE. Tún uidisti? LV. Et
túte item uideás licet.

LE. Ó pater, patér mi, salue. CH. Sálue multum,
gnáte mi. 1180

LE. Siquid tibi, patér, laboris . . . CH. Nihil euenit, né
time:

Béne re gesta sáluos redeo. sí tu modo frugi ésse uis,
Haéc tibi pactast Cállicletis filia. LE. Ego ducám,
pater,

Ét eam et siquam aliám iubebis. CH. Quámquam tibi
suscénsui,

Miseria [una] uní quidem hominist ádfatim. CA. Immo
huíc parumst: 1185

Nám si pro peccátis centum dúcat uxorés, parumst.

LE. Át iam posthac téperabo. CH. Dícis, si faciés modo.

LV. Númquid causaest quín uxorem crás domum ducam?

CH. Óptumumst.

Tú in perendinúm paratus sí ut ducas. CANTOR.
Plaúдите.

METRA HVIVS FABVLAE HAEC SVNT

- V. 1 ad 222 iambici senarii
- 223 ad 231 bacchiaci tetrametri acatalecti
 - 232 bacchiacus dimeter acatalectus
 - 233 et 234 iambici septenarii
 - 235 creticus tetrameter catalecticus
 - 236 iambicus septenarius
 - 237 et 238 trochaici septenarii
 - 239 et 240 bacchiaci tetrametri acatalecti
 - 241 bacchiacus dimeter acatalectus
 - 242 trochaicus septenarius
 - 243 creticus tetrameter acatalectus
 - 244 ad 246 cretici tetrametri catalectici
 - 247 ad 249 trochaici dimetri catalectici
 - 250 et 251 cretici tetrametri catalectici
 - 252 trochaicus octonarius
 - 253 trochaicus septenarius
 - 255 iambicus octonarius
 - 256 et 257 bacchiaci tetrametri acatalecti
 - 258 bacchiacus trimeter acatalectus
 - 259 iambicus octonarius
 - 260 iambicus dimeter acatalectus
 - 261 et 262 bacchiaci tetrametri acatalecti
 - 264 et 265 trochaici octonarii
 - 266 bacchiacus tetrameter acatalectus
 - 267 ad 275 cretici tetrametri catalectici
 - 276 creticus tetrameter acatalectus
 - 277 et 278 bacchiaci tetrametri acatalecti
 - 279 ad 281 cretici tetrametri acatalecti
 - 282 iambicus octonarius

- V. 283 et 284 cretici tetrametri acatalecti
 - 285 et 286 iambici octonarii
 - 287 trochaicus octonarius
 - 288 ad 291 trochaici septenarii
 - 292 trochaicus octonarius
 - 293 ad 300 cretici tetrametri catalectici
 o - 301 ad 391 trochaici septenarii
 - 392 ad 601 iambici senarii
 o - 602 ad 728 trochaici septenarii
 - 729 ad 819 iambici senarii
 o - 820 ad 841 trochaici octonarii
 o - 842 ad 997 trochaici septenarii
 - 998 ad 1007 iambici senarii
 o - 1008 ad 1092 trochaici septenarii
 - 1093 ad 1114 iambici senarii
 - 1115 ad 1119 anapaestici dimetri acatalecti
 o - 1120 ad 1189 trochaici septenarii.